



784

L. I. J.









ՀԱՆԴԵՍ  
ԳՐԱԿԱՆԱԿԱՆ

ԵՒ

ՊԱՏՄԱԿԱՆ

ԳԻՐԲ ԱՌԱՋԻՆ.

ՄՈՍԿՈՒԱ.

ՁՈՒԼԱՐԱՆ ԵՒ ՏՊԱՐԱՆ Օ. Օ. ՀԵՐԲԵԿ.

1888.

Дозволено цензурой. С.-Петербургъ, 18-го Апрѣля 1888 г.

## ԲՈՎԱՆԻԱԿՈՒԹԻՒՆ.

|                                                                                                                                    |     |
|------------------------------------------------------------------------------------------------------------------------------------|-----|
| I. ՆԱ ՍՊԱՍՈՒՄ Է ԴԵՌ... պատկեր Գ. ՉՈՒԻԱՐ . .                                                                                        | 1   |
| II. ՄԻ ԿԱՐԾԷՔ ՈՐ ԵՍ.... բանաստեղծություն ԳԱՄԱՌ-<br>ՔԱԹԻՊԱ . . . . .                                                                | 17  |
| III. ԱՌԱՋԻՆ ՍԷՐ, վէպ Տուրգենևից . . . . .                                                                                          | 18  |
| IV. ԶՈՐՈՒ ԲԱՆԱՍՏԵՂԾՈՒԹԻՒՆ. I Արազն էկաւ. II Մ-ին.<br>III Երգչի անէծքը (Ուլանդից) և IV Կեանք. ՅՈՎ.<br>ՅՈՎՀԱՆՆԻՍԵԱՆ. . . . .         | 105 |
| V. ԱՆԿՈՉ ՀԻՐԸ, վէպ. Պ. Հ. ԱԴԱՄԵԱՆ . . . . .                                                                                        | 112 |
| VI. ՄՏԻՐ ԿՈՒՍԱՍՏԱՆ <sup>բանաս.</sup> Պ. Հ. ԱԴԱՄԵԱՆ. . .                                                                            | 167 |
| VII. ՄԱՆԿԱԿԱՆ ԹՈԹՈՎԱՆՔ <sup>բանաս.</sup> Ղ. ԱՂԱՅԵԱՆՅ . . .                                                                         | 172 |
| VIII. ՅԻՄԱՐ ՈՁԻՍՐԵՐ (առակ մեծերի համար) Գ. ՉՈՒԻԱՐ.                                                                                 | 173 |
| IX. ԱՐԵՒԵԼԵԱՆ ԶՐՈՅՅ, ԵՎՐԵՅԻՆՈՎԻՅ . . . . .                                                                                         | 181 |
| X. ԱԶԳԱՅԻՆ ԲԱՆԱՍՏԵՂԾ, ԱՂ. ԾԱՏՈՒՐԵԱՆ. . . .                                                                                         | 192 |
| XI. ԱԳԵՒՈՍ ԻՇԽԱՆԻ ՊԱՏՄՈՒԹԻՒՆԸ, Վ. ԳԱՐԶԻՆԻՑ. Վ. Մ.                                                                                  | 193 |
| XII. ԶԵՄ ԱՂՕԹՈՒՄ.... Նադսոնից Պ. Հ. ԱԴԱՄԵԱՆ. .                                                                                     | 205 |
| XIII. ՅԱՐՈՒԹԵԱՆ ԳԻՇԵՐ, աւանդություն Շչեդրինից. ԱՂ.<br>ԾԱՏՈՒՐԵԱՆ. . . . .                                                           | 206 |
| XIV. ԳԻՂԻ ԱՍՊԵՏՆԵՐԸ, զրոյց Մոնսըլէից. . . . .                                                                                      | 216 |
| XV. ՄՈՒՍԱ, բանաստ. ԱՂ. ԾԱՏՈՒՐԵԱՆ. . . . .                                                                                          | 224 |
| XVI. ԿԻՍՐԱՐ կամ Մշեցու Հայու մը խոստովանանքը Վ. Յ. Մ.                                                                              | 225 |
| XVII. ՀԱՅՈՑ ԺՈՂՈՎՈՒՐԴ, ՆՈՐ ԱՅԺՄԵԱՆ ԼԵՋՈՒԻ ԵՒ<br>ՄԱՏԵՆԱԳՐՈՒԹԵԱՆ ՎԻՃԱԿԸ ՌՈՒՍԱՍՏԱՆՈՒՄ, ՀԱ-<br>ՄԱՌՕՏ ՏԵՍՈՒԹԵԱՄԲ. Ս. ՆԱԶԱՐԵԱՆՅ. . . . . | 234 |

|         |                                                                                                                                                                                 |     |
|---------|---------------------------------------------------------------------------------------------------------------------------------------------------------------------------------|-----|
| XVIII.  | ՀԻՆ ՅԱԻ. ԳԱՐ. ԵՆԳ. . . . .                                                                                                                                                      | 252 |
| XIX.    | ՆԻԻԹԵՐ ՄԱՏԵՆԱԳՐՈՒԹԵԱՆ ՊԱՏՄՈՒԹԵԱՆ ՀԱՄԱՐ. I Ստեփանոս Նազարեանցի Թղթերից. II Ոսկան Վ. Կտակը. . . . .                                                                               | 266 |
| XX.     | ՇԱՏԵՐԷՆ ՄԷԿԸ, Պատկեր ՍԻԻԼԻԻԿ . . . . .                                                                                                                                          | 285 |
| XXI.    | ԶԷՅԹՈՒՆՅԻ ԿԻՆՆ ԱՌ ՊԱՆԴՈՒԹՅՈՒՆ ԱՄՈՒՍԻՆՆ ԻԻՐ, Յ. ԶԱԲՐԵԱՆ . . . . .                                                                                                                | 310 |
| XXII.   | ԽՈՍՏՈՎԱՆՔ, ԿՈՒՊԷՌՆԱԹՈՒՆ ՀԱՅԸ, ՆՈՐ ԱՂՕԹՔ, ՀԱՅԼԻ. ՍԻԻԼԻԻԿ. . . . .                                                                                                                | 312 |
| XXIII.  | ՎԱՆԵՅԻ ՊԱՌԱՅԻ ՍԱՌԱՅԻ ԽՐԱՏՆ ԱՌ ԿՈՒՏՐԱԹ ԽԱԹՈՒՆ ԵՒ ԿՈՒՏՐԱԹ ԽԱԹՈՒՆԻ ՊԱՏԱՍԽԱՆԸ, Մ. Կ. ՄԻՐԱԽՈՐԵԱՆ . . . . .                                                                           | 319 |
| XIV.    | ՕՁԻ ԽԱԾԱԾ, պատկեր ՍԻԻԼԻԻԿ . . . . .                                                                                                                                             | 323 |
| XXV.    | ՄԱՏԵՆԱԽՕՍՈՒԹԻՒՆ. I Շէքսպիր և իւր Համլէթ ողբերգութեան աղբիւրն ու քննադատութիւնները, աշխատասիրեց Պ. Հ. Աղամեան ղերասան. II Կորած Մարգարիտ, վէպ-նկարադրութիւն Ս. Փիլոյեան. . . . . | 343 |
| XXVI.   | ՄԱՀԱՅՈՒՅԱԿ, ՅՈՎՍԷՓ ՇԻՇՄԱՆԵԱՆ. . . . .                                                                                                                                           | 366 |
| XXVI.   | ՐԱՖԳԻԻ ՄԱՀԸ (մի առաջարկութիւն) . . . . .                                                                                                                                        | 367 |
| XXVII.  | ՀԱՅ ԳԻՒՂԱՅԻՆԵՐԻ ՀԱՅԵԱՅԲԸ ԲՆՈՒԹԵԱՆ ԵՐԵՒՈՅԹՆԵՐԻ ՎԵՐԱՅ, Յ. Մ. ՏՈՒՏՈՒՍԵԱՆ . . . . .                                                                                                 | 370 |
| XXVIII. | ԱԿԱՄԱՅ ՊԱՏԱՍԽԱՆ . . . . .                                                                                                                                                       | 373 |
| XXIX.   | ՀՐԱՏԱՐԱԿՁԻ ԿՈՂՄԻՅ. . . . .                                                                                                                                                      | 382 |
| XXX.    | ՅԱՅՏԱՐԱՐՈՒԹԻՒՆՆԵՐ . . . . .                                                                                                                                                     | 384 |





## ՆԱ ՍՊԱՍՈՒՄ Է ԴԵՌ...

(պատկեր)

Ամրան վերջն է...

Խան... սարա հայ գիւղը ամբողջապէս թաղուել է մոլգիւհանաչում: Հարաւային արևի կիզիչ ճառագայթները՝ թափանցելով եթերային պարզ կապուտակը, առատօրէն լուսաւորում են շրջակայ լեռների ապառաժոտ, մերկ գագաթները և կիսամութ, շարժուն ստուերներով խաղում են նոցա բարձրաւանդ ստորոտների միշտ մռայլ, միշտ խոնաւ փռշերքում. այդ ճառագայթներից մի քանիսը ուրախ ուրախ արտափայլում են Սլա... զան գետակի հանգիստ, խաղաղ ջրերում և միանգամից լցուելով մօտակայ անտառի ներսը լուսափայլ, պսպղուն ցոլքերով սկսում են շողջողալ դարևոր ծառերի թերթիկների ու ժամանակից արդէն կանաչած, բորբոսնած թփերի վերայով...

Շքեղ հարաւային բնութիւնը, կարծես, թմրել, քնել է արևի ճառագայթների այդ կիսօրեայ, փայփայող ջերմութեան տակ. երբեմն երբեմն միայն լեռների ստորոտներից փչող քամին մեղմ, ալիքաւոր տատանումներով օրօրում է ցորենի ոսկեայ հասկերը ու վրդովելով մի բոպէ հացահատիկների խաղաղ ծովը կրկին կորչում է լեռների հեռաւոր խորքերում...

Գիւղի մօտակայ բարձրաւանդ բլրից օձաձև պտղատներով իջնում է ցած ձիւս այգեստանը և իւր փռշերքով անհետանում է կանաչադարձ հովտի անհուն տարածութեան մէջ:

Օգոստոսն է:

Խաղողը սկսում է հասնել. նորա լեք-լեք հատիկները անդոր, ծանրացած կռացել են զետնին և, կարծես, ամուշած ծածկուել են սրածայր եռանկիւնի թերթիկներով և տեղ-տեղ միայն զոհարի նման ցուլում են արեգակի փայլուն ճառագայթների տակ:

Թաց, պարարտ հողը սրտի խորքերից լոյս աշխարհ է հանել իւր առատ բերքերը և կանչում է իւր մշակ-գիւղացուն, և այդ գիւղացին, այդ հողի որդին լսել է իւր մօր ձայնը ու ահա դուրս է եկել դաշտը. նորա մանգաղը, գուլթանը, խոփը, գերանդին արագ-արագ բանում են այդ հողի վերայ և նորա աղի քրտինքը կաթ կաթ ուռնում է գետինը:

Բայց գիւղացին ուրախ է, սրտանց ուրախ: Նա անհոգ, զուարթ երգում է իւր պապերի աւանդած երգը և նորա «Հարալօ» ի բարձրաձայն ելեէջները խուլ արձագանգներով կրկնվում են հովտի հեռաւոր անկիւններում...

Այո՛, ուրախ է հայ գիւղացին, ուրախ է ամբողջ Խան. . սարան: Միայն մի մարդ չէ մասնակցում այդ ընդհանուր հրճուանքին. դա—գեղջկուհի Սաթինիկն է, Հասոյի կինը, նա չգիտէ այլ ևս ուրախանալ. նորա ուրախ օրերը անցել-գնացել են, նա մոռացել է անգամ այդ օրերը... Նա դուրս չէ եկել դաշտը. նա համարեա մենակ է մնացել գիւղում. այնտեղ, դաշտում Սաթինիկը գործ էլ չունի, ոչ ցորեան, ոչ այգի, ոչինչ չունի նա. այո՛, կար ժամանակ, երբ նա էլ Հասոյի հետ գնում էր դաշտը, ուրախ, զուարթ աշխատում մինչև արևամուտը, ցորեան էր հաւաքում, խուրձեր կապում, կալում, խաղողը կարում, օղի քաշում, այո՛, նա անում էր այդ ամէնը, բայց շատ և շատ առաջ, երբ դեռ Հասոն Խան. . սարայումն էր և Սաթինիկի որդին, Գրիգորը, փոքրիկ էր, շատ փոքրիկ... Այժմն Հասոն չկայ. ահա հինգ տարի է համարեա, ինչ նա հեռացել է, մեկնել է Խան. . սարայից օտարութիւն մշակութիւն անկողն համար:

Ի հարկէ, Հասօն երբէք չէր թողնիլ իւր հայրենի Խան. սարան, կինը, իւր խարխուռ տնակը, եթէ միայն գիւղական պարսիկ բէգը չնեղէր, չհարկադրէր նորան: Հասօն փող էր առել բէգից: Երաշտութիւնը խանձել, չորացրիլ էր մի տարի նորա ցանքը, Հասօյի ընտանիքը մնացել էր առանց հացի. նա կարող էր սովամահ լինել: Հասօն ճարահատեալ դիմել էր բէգին և ահագին տոկոսներով փող էր վերցրել նորանից. եկաւ ժամանակը վճարելու, Հասօն չուներ փող. բէգը սկսեց սպառնալ, նեղել, ճնշել: Անվճար տոկոսների փոխարէն Հասօն ամէն տարի, դարնանը, ձրի աշխատում էր բէգի դաշտերում, պարտէզներում և կրկին չէր կարողանում ազատուիլ պարտքից. այդ կարծես անվերջ պարտքի գլուխը մնում էր ու մնում:

Շուտով Հասօյի եղները, ոչխարները նոյնպէս անցան բէգի ձեռք: Մերկ մնաց խեղճ Հասօն, ձգեց արօրը, խոփը, իւր քրտինքով պարարտած հողը, խաչակնքեց երեսը և վճռեց գնալ ու պանդխտութեան մէջ գտնել իւր բաղդը: Նա լսել էր, որ Բագուի նաւթագործարաններում միշտ կարելի է գործ գտնել և լաւ փող ձեռք բերել. հաւատաց Հասօն և գնաց... դնաց ու մինչև այժմ չէր վերադարձել: Սաթի-նիկը լաւ մտաբերում էր այդ օրը: Հասօն և մի քանի նոյնպէս նորա մշակ ընկերները դուրս եկան գիւղական փոքրիկ մատուռից, մատաղ արին և աալով իրենց վերջին հրաժարականը ազգականներին, գիւղացիներին, ամբողջ Խան. . սարային ելան մեծ ճանապարհը. նոքա գնում էին ոտով. երբ հասան գիւղի ծայրը, Հասօն դարձաւ Սաթինիկին, առաւ նորա գրկից փոքրիկ Գրիգորին և համբուրելով երեսային ասաց.

— Լաւ նայիր դրան... ես շուտով կըգամ..

Եւ արտասուքի նման մի բան ցլլաց Հասօյի արեւառ, կոշտացած երեսի վերայ:

— Լաւ նայիր դրան...



Այդ Հասցի վերջին խօսքերն էին. դրանից յետոյ Սաթինիկը չտեսաւ իւր Հասցին: Նորա հետ գնացած ընկերները վաղուց վերադարձել էին Սան. սարա. նոքա ասում էին, որ Հասօն անցել է Ռուսաստան. ո՞ւր է այժմ նա—նոքա չգիտէն. մի քանիսները աւելացնում էին, որ Հասօն հիւանդացել էր այնտեղ, ամիսներով չէր վեր կացել տեղից և այլն:

Սաթինիկը անհանգիստ էր. անյայտութիւնը տանջում էր նորան: Նորա ժամանակով գեղեցիկ, առողջ դէմքը թալկացել մաշուել էր. նորա սև, վառվռուն աչքերը խորը ներս էին ընկել կոպերի մէջ. նորա անգոյն շրթունքներից վաղուց արդէն թռել էր անհոգ ժպիտը. փոքր կնճիռները ծածկել էին նորա երեսի մորթը. մաշոցքը դրել էր իւր անխղել կնիքը Սաթինիկի խորշումած ճակատին. պառաւել էր օր առաջ խեղճը, ուժից ընկել...

— Ո՞ւր էր Հասօն... ո՞ղջ էր արդեօք... ի՞նչ պատահեց նորան—Աստուած գիտէ:

Եւ այդ միտքը անդադար մաշում էր Սաթինիկին:

— Լաւ նայիր դրան... ես շուտով կը գամ, միշտ զարթնում էր խեղճի ուղեղում:

— Ես կը գամ... կը գամ, լսվում էր նորա ականջներին:

Եւ Սաթինիկը սպասում էր:

Շարունակ իրար ետեւից անցնում էին օրեր, ամիսներ, տարիներ, իսկ Հասօն չկար ու չկար...

Գրիգորը մեծացել էր:

Նա արդէն 8 տարեկան էր. զրկանքը և աղքատութիւնը, որ նոյն իսկ օրօրոցից ծանօթ էին Գրիգորին, սովորեցրին նորան աշխատել. երեխան օգնում էր մօրը, փայտ էր բերում անտառից, թոնիրը վառում, իրենց միակ կովը և մի քանի ոչխարները դաշտ քշում. նա արդէն ղիւղացի էր, նա արդէն բանող էր, ԶԺ էր, չնայելով որ դեռ նոր էր բոլորել իւր եօթներորդ գարունը:



Գրիգորը բնութիւնից մի ծանրակշիռ, միշտ մտածող, միշտ լուռ տղայ էր. մանկական ուրախ, անհոգ խաղերը շատ քիչ էին զբաղեցնում նորան. նա կրեէք չէր գնում իւր հասակակիցների հետ անտառ, չէր բարձրանում նոցա պէս ծառերի վերայ և չէր քանդում թռչունների բուները, չէր գողանում նոցա անփետուր ձագիկները. նա չէր սիրում մասնակցել այդ շրջմուլիկների կողոպուտ արշաւանքներին այգիների ու պարտէզների վերայ: Գրիգորը քշում էր իւր ոչ խարները կանաչ զառիվայրի ստորոտը և, այնտեղ պառկած մէջքի վերայ ամբողջ ժամերով, անընդհատ դիտում էր պարզ-կապուտակ, սիրաշունչ երկինքը. նորա հայեացքը ընկնում էր յանկարծ մի մոխրագոյն ամպի կտորի վերայ, որ բաժանուելով իւր երամից մենակ սահում էր եթերական բարձունքի մէջ, և Գրիգորը չէր հեռացնում իւր լայն բացած աչքերը այդ լողացող ամպից: Նա հետևում էր նորա միշտ փոփոխուող ֆանտաստիկական դժադրութիւններին, և երկխայի լարուած երևակայութիւնը սկսում էր տալ այդ ամպին զանազան նմանողութիւններ: Ահա նա կուտակուեց, հաւաքուեց մի տեղ. ո՞րքան նման է նա զիւղացի Սադօի հնացած «փափախին». ահա ամպը փռուեց, լայնացաւ և հարկան թուրք Ֆաթմայի «չադուայի» նման սկսեց մեղմ տատանուել, այդ ամէնը արագ անցնում է Գրիգորի լարուած երևակայութեան մէջ և նա շարունակում է լուրջ դիտել այդ մոխրագոյն ամպի փոքրիկ, վազող կտորը: Մի քանի ժամանակից ամպը հեռանում է, կորչում է Գրիգորի աչքերից, բայց վերջինը դեռ երկար, երկար նայում է նորա ետևից.....

Այս օր է: Արեգակի այրող ճառագայթները շեշտակի ընկնում են վերևից: Սաստիկ տաք է: Փռչիւնման, հաղիւն նկատելի ստուերներով տատանվում է տաքացած, խոնավութիւնից զուրկ օդը: Գրիգորը դանդաղ բարձրանում է արօտից, հաւաքում է իւր փոքրիկ հօտը և քշում է նորան

մօտակայ աղբիւրը, մինչ ոչխարները բարձր, ուրախ մայրիկով մօտենում են ջրին, Գրիգորը կռնում է աղբիւրի ափին և ականջ է դնում նորա կարկաչահոս, խորհրդաւոր շվշվոցին. նա ուշադրութեամբ լսում է աղբիւրի երգը. նորան ծանօթ է այդ մեղեդին. այդ աղբիւրը կարծես խօսում է Գրիգորի հետ....

Արևը սկսում է կամաց կամաց մայր մանել. նորա վերջին, արինազոյն ճառագայթները հրեղէն բոցերով ներկում են շառագունած արևմուտքը: Գրիգորը թողնում է իւր սիրած զառիվայրը և գանգաղ քշում է իւր հօտը գէպի գիւղը: Դրսում մթնում է:

Կախարդիչ հարաւային գիշերը երևան է գալիս իւր հրաշալի գեղեցկութեան ամենադիւթական հրապոյրներով: Գլորակ լուսնեակը երևում է մութ-կապոյտ երկնակամարում և իւր արծաթափայլ ճառագայթները շեշտակի ձգում է քնած բնութեան վերայ. անհամար, պսպղուն աստղերը սկսում են ուրախ ուրախ ցոլել հօրիզոնի անհուն, լայնածաւալ բարձունքում. շրջակայ լեռների գագաթները քօղաւորվում են գիշերային նօսը, թափանցիկ մշուշով, ուր մեղմ արտափայլումներով շողշողում է լուսնի կաթնադոյն լոյսը....

Խան... սարան կամաց կամաց քնում է:

Գրիգորը արթուն է. նա բարձրանում է իրենց խրճիթի տափարակ տանիքի վերայ և ժամերով մնում է այնտեղ. նա դիտում է հեռուի ամպամած սարերը, կիսալուսաւորուած հովիտները և ձորերը, մութ, սևի տուող ժայռերը և հեռու, հեռու հօրիզոնում մի նեղ արծաթեայ ժապաւէնի նմանող խաղաղ, հանդարտ Ալա. զան գետը: Մի խորին, անբացատրելի զգացմունք տիրում է Գրիգորին, նորա մանկական, զգայուն սիրտը լրվում է անհուն, սուր հրճուանքով. նա զմայլում է հրաշալի բնութեան կախարդիչ գեղեցկութիւնով. նա իւր սրտի բոլոր ոյժերով միանում է

այդ բնութեան ցնծութեանը, նա ճանաչում է, զիտէ այդ բնութիւնը, զիտէ Համարեա օրօրոցից և սիրում է նորան, սիրում սաստիկ...

Անցնում է մի քանի րոպէ:

Այն գիշերային լուսնեակը ծածկվում է ամպերով և մօտակայ պարտէզներից մէկում սոխակը սկսում է իւր բերկրացող, ցնծացող սիրոյ սիրա ճմլող երգը. նորա զմայլեցուցիչ, զիւթական դայլայլիկները խորը արձագանք են զոնում Գրիգորի բերկրացող սրտում. նա լուռ, անշարժ լսում է սոխակի մեղեդին և արտասուքի շիթերը սկսում են փայլել նորա մէծ, սևերակ աչքերի թերթիկներում...

Ազդուց լուել է սոխակը, ահա լավում է կէս գիշերային խորհրդաւոր լուութեան մէջ զիւղի աքաղաղների երկարատեւ, ճաթան աղաղակը, բայց Գրիգորը զեռ լուռ, անշարժ, զմայլած կանգնած է տանիքի վերայ:

Եւ ջերմ, շուտ շուտ բաբախում է նորա փոքրիկ, մանկական սիրտը...

Սաթինիկը սիրում է իւր «մինուճար» Գրիգորին. աւելի, նա պաշտում է նորան: Հասցի անհետանալուց յետոյ իւր փոքրիկ որպու մէջ ամփոփեց անբաղդ մայրը իւր բոլոր սիրտը, սէրը և յոյսը. Գրիգորն էր, որ կապում էր խեղճ Սաթինիկին այս ունայն աշխարհի հետ. Գրիգորից ջոկ ոչինչ այս աշխարհում չէր հրապուրում, չէր քաշում դէպի իրեն չարչարուած, տանջուած Սաթինիկին:

— Ի՛նչ նայիր դրան... ևս շուտով կը դամ, անցնում էր Համարեա միշտ անբաղդ կնոջ մտքովը:

— Ես... շուտով... կը դամ. կրկնում էր ինքը իրեն Սաթինիկը և արտասուքի երկու, այլոդ կաթիլները թափացնում էին նորա օր առաջ Հալումաշ եղած երեսը:

Նա սպասում էր Հասցին, սպասում էր ամէն օր...

— Այ... նա կը գայ... կը տեսնէ իւր որպուն... ինչպէս կ'ու-



րախանայ երեւի խեղճը... կը ճանաչէ՞ նա Գրիգորիս... ախր, երբ նա դնաց, Գրիգորը շատ փոքր էր... այո՛... նա կը գայ... և Տէր Աստուած ինչպէս լաւ կապրենք մենք... բէգը կրկին հող կը տայ... կը ցանենք... այգեստանում կը բանենք... Գրիգորս կը մեծանայ... կը կարգենք... Տէր Աստուած... Տէր Աստուած... շնչում էր ինքն իրեն Սաթինիկը:

Բայց շարունակ անցնում էին օրերը, շաբաթները, ամիսները, իսկ Նասօն չկար և չկար...

Սաթինիկը տխուր նստած անկիւնում սկսում էր լալ անձայն, նա գաղտնի սրբում էր իւր ցնցոտիներով անվերջ, անզուսպ արտասուքները:

Գրիգորը նկատում էր այդ նա մօտենում էր մօրը, փաթաթվում էր նորա վզին և ուղղակի նայելով նորա թաց աչքերին հարցնում էր.—

Ե՞րբ կը գայ հայրս... ես ուզում եմ նորան տեսնել... դու ասացիր, որ շուտով... ի՞նչու չկայ... հը՞... աւելացնում էր երեխան և չէր հեռացնում իւր քննողական հայեացքը մօր լացած աչքերից. իսկ այդ աչքերը սկսում էին աւելի և աւելի լցուել արտասուքով. մի բան մօտենում էր խեղճ Սաթինիկի կողրդին, սկսում էր ճմլել, խեղդել և նա տխուր պատասխանում էր.

— Ար գայ, հոգիս, կը գայ, աչքիս լոյսը... համբերիր... կը գայ...

Եւ Գրիգորը համբերում էր, համբերում էր օրեր, ամիսներ, տարիներ, իսկ հայրը չկար ու չկար...

Գրիգորը արդէն 12 տարեկան է:

Դա մի առողջ կազմուածքով, կարմիր թշերով բարձրահասակ պատանի է. միայն նորա աչքերը սաստիկ անփայլ են. ոչինչ, ոչինչ չէ արտայայտում այդ, կարծես, ապակեայ աչքերի տխուր, անշարժ հայեացքը. այդ աչքերը երբեք չեն ծիծաղել, չեն ժպտել. խոր մելամաղձոտութեան



Թախիծը միշտ երևում էր այդ մեծ, սևուրակ, բայց անկենդան աչքերում: Հարևան պառւանները, երբ նկատում էին Գրիգորի այդ անշարժ հայեացքը, տխուր շարժում էին գլխով և կամայ փախում:

— Ձէ... չէ... մնացական չէ... ապրողներից չէ...

Եւ խորհուրդ էին տալիս Սաթինիկին «բաշխել» Գրիգորին Սուրբ Տիրամօրը:

— Բաշխիր... բաշխիր... այ, կը տեսնես... փորձանքից հետո կը պահէ, Սաթինիկ ջան, տղուդ... բաշխիր...

Սաթինիկը չէր լսում նորանց խրատներին:

Գրիգորը մեծանալով հասկացաւ իւր Թշուառութիւնը, իւր որբութիւնը. այդ տանջում էր նորան: Նա տեսնում էր, որ ուրիշ երեխաները ունին հայր, մայր, ազգականներ, որ նոքա բաղդաւոր են, երջանիկ են, իսկ ինքը... ինքը որբ է, չունի հայր... այսինքն ունի, բայց երբէք տեսած չէ նորան. ո՛ւր է նա—Գրիգորը չգիտէ, մայրիկը ասում է, որ նա շուտով կը գայ. նա միշտ ասում է շուտով, բայց հայրիկը չէ գալիս. ինչո՞ւ. բարկացել է իրենց վերայ... Թէ... Թէ նա բոլորովին չիցայ և Գրիգորը որբ է...

Այդ միտքը անդադար ծագում էր պատանու ուղեղում:

Նա աշխատում էր լուծել նորան, գալ մի որոշ եզրակացութեան—բայց չէր կարողանում:

Այդ անկարողութիւնը մաշում էր նորան և նա կրկին դիմում էր մօրը:

— Մայրիկ... ասա... ես հայր ունի՞մ... հրօ... ունի՞մ... ասիր... ինչո՞ւ Թողել է մեզ ու չէ գալիս... հրօ...

— Կը գայ, հոգիս, սպասիր... այ, ձմրանը կը գայ:

Նա լաւ մարդ է... հա՛... շարունակում էր իւր հարց ու փորձը Գրիգորը:

— Նա... լաւ է... լաւ... հոգիս, պատասխանում էր Սաթինիկը և շտապով դուրս էր գալիս դոմր:

Գրիգորը ընկում էր մտաւանջութեան մէջ:

— Նա լաւ մարդ է, անցնում էր նորա մտքով, լաւ...  
Ո՛հ, որչափ կամենում եմ տեսնել նորան, խօսիլ նորա հետ,  
համբուրել. ես հօ երբէք տեսած չեմ նորան. այ, եթէ  
դայ հայրս, փողոցի երեսաները էլ չեն ծիծաղել վերաս...  
չեն հրհռալ... չեն բարկացնիլ... անիծած Եփրեմը սուս  
կը կենայ այն ժամանակ. ես էլ կ'ունենամ իմ հայրը... մենք  
միասին կ'ապրենք... ես կ'օգնեմ նորան... կ'աշխատենք...  
ինչ լաւ է... էլ խեղճ մայրս լաց չի լինիլ... նա ախր միշտ...  
միշտ լալիս է... բայց ինչո՞ւ... ինչո՞ւ չէ դալիս... հայրս... Ո՛հ,  
որչափ կը սիրէի ես նորան... հայրիկ. իկ. իկ. հայրիկ, մի  
ինչ որ զանցառութեան մէջ կրկնում էր զիշերները Գրի-  
գորը և վեր կենալով տաք քուրսու տակից լայն բացած,  
շաշ աչքերով նայում էր շուրջը:

Խրճիթում մռթ էր:

Սաթինիկը անհանգիստ, անկանոն շնչում էր անկիւ-  
նում. նա կիսաքուն էր. նա լսում էր, որ Գրիգորը զարթել է:

— Ի՞նչ է, Գրիգոր, ինչո՞ւ ես վերկացել:

— Ոչինչ, մայրիկ, ջուր եմ ուղում...

— Խաչակնքիր երեսդ, երբ պատկեա, ասում էր Սա-  
թինիկը և լռում: Գրիգորը մտնում էր գոմը, ջուր էր  
խմում և կրկին գալիս էր ու պատկում. բայց քունը դեռ  
երկար, երկար փախչում էր նորա աչքերից: Լուսաբացին  
նա արդէն քշում էր ոչխարները դաշտ:

Այսպէս անընդհատ սպասողութեան մէջ անցում էին  
մօր և որդու օրերը. նոքա յոյս ունէին կրկին տեսնել  
շապոյին. մի՞թէ նա չէր ասել մեկնելուց առաջ— «ես շուտով  
կը գամ» — և նա կը գայ, անպատճառ կը գայ. երեւի մի բան  
պատահել է, որ նա ուշացաւ. կարելի է փող ձեռք չէ բե-  
րել. ի՞նչ կայ, պարսպ, առանց փողի գալու հօ չէ...

Այդպէս կարծում էր Սաթինիկը. նա համոզուած էր, որ  
շատօն կըգայ և իրենց կեանքը կըսկսի հոսիլ իւր առաջուպ  
խաղաղ, կանոնաւոր հոսանքով:

Նա ամէն օր իւր աղօթքի մէջ խնդրում էր Տիրոջէն, որ շուտով վերադարձնէ իրեն իւր մարդուն, իւր Հասցին:

— Սուրբ Աստուած, սուրբ Աստուած... Գեղ մատաղ... Գո անունիդ զուրբան, կրկնում էր նա չորացած, գունատ շրթունքներով... Թող դայ Հասօն... Թող դայ... Խ էլ ղյժ չունեմ... սուրբ Տիրամայր... ողորմիր անմեղ զաւակիս «արև» ուն... Թող դայ խեղճ հայրը... Թող դայ...

Եւ խուլ հեկեկանքները կտրում էին նորա ձայնը:

Բայց կրկին անցնում էին օրեր, շաբաթներ, ամիսներ. խի Հասօն չկար ու չկար...

Հասաւ և ձմեռը:

Խան.. սարան թաղուհց ձեան ահագին տարափների տակ. դաշտը, մարդադեաինները, պղեստանը, շրջակայ բլուրները և լեռները ծածկուեցան ձեան ցուրտ, սպիտակ քօղով: Անտառի հսկաները վաղուց մերկացել էին իրենց շքեղ կանաչից և ախուր տարածել էին իրենց սև, թաց ճիւղերը մշուշոտ, խոնավ օդում:

Բնութիւնը ամայացել էր. ամէն ինչ նորանում, կարծես, քարացել, արձանացել էր. միայն ցուրտ քամին էր, որ ազատ սահելով դաշտային անհուն տարածութեան մէջ, անդադար բարձրացնում էր ձիւնոտ փոշին, խաղում էր նորա հետ, պտտեցնում էր նորան, կատաղի շուայնում էր և մի անգամից խփելով գետնին ցիր ու ցան էր անում նորան հազար ու մի փոքրիկ, պսպղուն, զմրուխտեայ փշրանքների...

Գրիգորը չէր մոռացել մօր խօսքերը. նա սպասում էր, որ ձմեռը գալու է հայրը:

— Նա... կը գայ... հա՛, հարցնում էր նա անդադար:

Սաթինիկը լուռ կռացնում էր իւր գլուխը:

Մի քանի րոպէից Գրիգորը կրկին դառնում էր մօրը:

— Ե՞րբ:

— Այ... շուտով, պատասխանում էր վերջինը և պինդ համբուրում էր Գրիգորի ձակատից:



Հասցիի կրկուսի վերայ ձգած ընտանիքը առհասարակ ապրում էր աղքատութեան մէջ. մանաւանդ ձմրանը սաստկանում էին այդ աղքատութեան զրկանքները:

Հացը թանկանում էր, խոտը նոյնպէս. թոնրի համար հարկաւոր էր փայտ:

Գրիգորը գնում էր անտառ և մինչև մէջքը համարեա թաղուկելով ձեան տարաւոյների մէջ, բերում էր ծառի կտորտանքները. նա աշխատում էր ուժից դուրս. նորա ցնցոտին, որ հագել ծածկում էր նորա մարմինը, չէր պատսպարում նորան ցրտից: Անտառում նա միշտ մրսում էր և դողում էր: Մի օր նա քրտնած, փայտի ահագին բեռը շալակին, տնքալով մտաւ իրենց խրճիթը. նա կարմրել էր. տաք քրտինքը ծածկել էր նորա ճակատը, երեսը, մարմինը և ոլոր կաթիլները ընկնում էին ցած. նա ծանր շնչում էր...

Գրիգորը այնու ամենայնիւ մրսում էր. սարսուռանման դողը անցնում էր նորա անդամներով:

Նա ձգեց փայտերը թոնրի մօտ և մօտեցաւ քուրսուն:

Նորա գլուխը ծանր էր և սաստիկ ցաւում էր. մի բան կարծես անդադար խփում լինէր նորա այրուող զլինին: Նորա ականջներում անդադրում լսվում էր մի խուլ, անտրոշ շփշփոյ. նա գլխով առաւ հնացած «եօր-ղանը» և պառկեց:

— Ի՞նչ է, Գրիգոր... ինչո՞ւ ես պառկում, հարցրեց Սաթինիկը:

— Ոչինչ... հոգնեցայ... մի քիչ... պատասխանեց Գրիգորը և կողքի եկաւ:

Նորա աչքերը փակվում էին: Նա զգում էր, ինչպէս մի սուր բան ծակոտում էր ներսը, կուրծքը. նա կարծում էր, որ այդ շուտով կ'անցնի: Նա աշխատեց քնել. թմրութիւնը պաշարեց նորան:

Հասաւ զիշերը: Գրիգորի տաքութիւնը սաստկացաւ.



նորա միշտ անփայլ, խորը ներս ընկած աչքերը ցոլում էին մի անսովոր հիւանդոտ կրակով. նորա անգոյն շրթունքները չորացել էին: Նա անդադար թացացնում էր այդ այրուող շրթունքները: Սաթինիկը յուսահատ նստած էր յատակի վերայ, քուրսու մօտ և անձայն աղօթում էր:

Հիւանդը մի լոպէի բանում էր իւր ծանրացած կուպերը, նայում էր շուրջը և կրկին փակում:

Ոչ մի ձայն, ոչ մի խօսք չէր հանում նա: Նա պինդ սեղմել էր իւր չորացած, անգոյն շրթունքները:

— Ի՞նչդ է ցաւում... զաւակս... հօ՞ր... կո՞ղբդ... ասա... քեզ մատաղ... հարցնում էր դողացող ձայնով Սաթինիկը:

Գրիգորը կարծես չէր լսում նորա հարցը:

Նա լուռ էր: Խրճիթի խեղդող, ծանր լռութեան մէջ յայտնի լսվում էին հիւանդի շնչառութեան շուտ շուտ, անկանոն ելեէջները: Ժամանակ առ ժամանակ միայն նորա կրծքից թռչում էին խուլ, խուպոտ հեծկլտանքներ:

Սաթինիկը առնում էր իւր ափերի մէջ հիւանդի ձեռքը և կամաց տրորում:

Այդ ձեռք այրվում էր:

Լուսաբացին հիւանդը մի քիչ խաղաղուեց, կիսաքուն թմրութիւնը պաշարեց նորան:

Սաթինիկը վաղեց եկեղեցի և բերելով այնտեղից «օրհնած ջուրը» խմեցրեց Գրիգորին:

Մթին եկաւ տէրտէրը, կարգաց մի գլուխ Սւետարանից. «Վասն առողջութեան» — յոյս տուեց Սաթինիկին և գնաց:

Իսկ հիւանդը անշարժ, կարծես, փայտացած պառկած էր իւր տեղում: Գրիգորը այդ մի քանի օրուայ մէջ ակնեւ լղարեւ էր. նորա կայտառ թշերի կարմրութիւնը տեղի էր տուել անգոյն սպիտակութեանը. նա ինքը, կարծես, փոքրացել, քամուել էր:

Երրորդ օրը նորան այցելեց Խան... սարայում յայտնի, հռչակաւոր «գալաք» պառաւ Հերիքնազը. նա լուրջ, ծանրակշիռ կերպով դիտեց հիւանդի երեսը, նորա խորը ներս ընկած վառվռուն աչքերը և քանի մի անգամ շարժեց իւր ալեգարդ, արդէն կռացած, դողացող գլուխը:

— Ի՞նչ է... ծաղիկ է... կարմրո՞ւկ է... ի՞նչ է... ասա, Հերիքնազ-Ջան, Քրիստոսի խաթրին.. տղաս ձեռքիցս դնում է... ասա... աղերսում էր Սաթինիկը:

— Աստուծոյ պատիժ է, լուրջ, մի խորհրդաւոր ձայնով պատասխանեց Հերիքնազը, միայն մէկ ճար կայ... Տիրամօր հոգից պէտք է խմեցնել... Ես կը բերեմ.. ունիմ ինձ տանը..

Եւ նա կրկին նայեց հիւանդի հալումաշ եղած երեսին:

— Լաւ չէ... լաւ չէ... Աստուած փրկէ.. Աստուած օգնական, շնչաց նա և դուրս եկաւ խրճիթից:

Այս օրին հիւանդին խմեցրին Տիրամօր հոգը ջրով խառնած:

Հիւանդը Հանգստացաւ. նորա տաքութիւնը աւելի ևս սաստկացաւ. խռպոտ հեծկլտանքները արդէն անդադար թռչում էին նորտ կրճից:

Գիշերը Գրիգորը սկսեց ապաքցնել:

— Տեսնո՞ւմ ես... օյ... այն ամպը... ինչպէս հանդարտ լողում է նա կապուտակ երկնքում... կարծես արծիւ լինի... օյ.. նա երկու մաս բաժանուեց... որքան նման է նա մեր խնձորնուռն... օյ թերթիկները... ճիւղերը... ահա... նա կորաւ... նա չկայ.. տես... տես... նա չկայ... ո՞ւր են ոչխարներս... ո՞ւր են ոչխարներս, յանկարծ սթափում էր Գրիգորը և նստում անկողում:

Հանգստացիր, որդիս... պառկիր... ասում էր լալով Սաթինիկը և զգուշութեամբ պառկեցնում էր հիւանդ Գրիգորին: Մի քանի րոպէ անցնում էր լռութեան մէջ:

Լուսամուտի առաջ դռնուող ծառի վերայից յանկարծ թռաւ արթնացած աղուաւը և մի քանի անգամ երկարատեւ, տխուր կրկնաց:

Սաթինիկը վախեցած, ցնցողաբար խաչակնքեց երեսը:

— Այ.. առուակը... ինչպէս գեղեցիկ է հոսում նա կանաչի միջով.. նորանում երևում է երկինքը... ինչպիսի ոլոր պտոյտներով կորչում է նա հեռուն, հեռուն... ո՛ւր է գնում նա... այ... նա խուլ կարկաչում է... նա երգում է... լս՛ում ես.. լս՛ում ես... այ...

Եւ խռպոտ հեծկրտանքները կրկին ծածկում էին հիւանդի անդօր, թոյլ ձայնը:

Սաթինիկը ծնկաչոք աղօթում էր:

Այդ աղօթքը և պաղատանք էր և անողորմ կոխ Աստուծոյ հետ. նա խնդրում էր, պահանջում էր Աստուծուց, որ չառնէ իւր միակ Գրիգորին:

— Թող.. Թող նորան ինձ մօտ.. ո՛նց ես ապրեմ առանց Գրիգորիա... Տէր Աստուած, լսիր ինձ մեղաւորիս.. մեղքացիր...

Դրսում կրկին կրկնաց չարագուշակ աղուաւը:

Հիւանդը լայն բաց արեց իւր շաշ աչքերը, ցնցուեց և համր ձչաց:

— Հայրս.. հայրս.. այ.. նա եկաւ.. տես, և միանգամից ընկնելով մէջքի վերայ մնաց անշարժ, կարծես քարացած:

Խրճիթում տիրեց խորհրդաւոր լռութիւն: Գրիգորի անմեղ հոգին արգէն սաւառնում էր գէպի Ամենակարողի յաւիտենական բարձունքը: Սաթինիկը մօտեցաւ Գրիգորին. ոչ լաց, ոչ հեկեկանք. խեղճը կարծես ցնորուած լինէր. նա արձանացած, անմիտ շարունակում էր նաշել Գրիգորի սրուած երեսին, ուր անխիղճ մահը արգէն փչել էր իւր սառը շունչը:

Կրկին Խան.. ստրան թաղուել է թարմ կանաչի մէջ.  
կրկին վերածնունդ բնութիւնը զարդարուել է և յնձում  
է. կրկին լսվում է անտառի խորհրդաւոր սօսափիւնը..  
կրկին հայ գիւղացին ուրախ ուրախ երգում է իւր երգը,  
կրկին նորա բարձրաձայն «Հարալօն» ծածկում է օդը...

Խաղողը արդէն կռացրել է իւր ծանրացած որթերը  
դետնին և սպառնում է մօտեցող այգեքաղին. կրկին դան-  
դաղ լողում է արեւը կապուտակ հօթիգոնում և իւր  
ճառագայթների ոսկեփայլ արտափայլումներով խաղում  
է կարկաչահոս վտակի պարզ, զովարար ջրերում...

Կրկին եկել է շքեղ, հարաւային ամառը...

Գրիգորի փոքրիկ, անշուք դերեզմանը ծածկուել է թարմ  
կանաչով, որի միջեց ամօթխած բարձրացնում է իւր  
գլխիկը համեստ շուշանիկը. մեղմ զեփիւռը տատանում  
է նորա հոտաւէտ թերթիկները. մօտակայ ծառի վերայ  
երբեմն երբեմն նստում է սոխակը և սկսում է իւր  
երգը. համնում են արդեօք Գրիգորի նեղ, մութ դերե-  
զմանը նորա ուրախ դայլայլիկները. լսում է նա...

Սաթիւնիկը պառաւել է:

Նա ապրում է սաստիկ աղքատութեան մէջ:

Նա մուրալով հայթայթում է իւր օրուայ ապրուստը:

Նա մի քիչ ցնորուել է:

Գիւղում նորան կանչում են «Գիժ Սաթօ» —

Բայց Գիժ Սաթօն կրկին համոզուած է, որ մի օր  
Հասօն կը վերադառնայ վերջապէս իւր հայրենական Խան..  
ստրան:

Գիժ Սաթօն սպասում է դեռ....

Գ. ԶՈՒԲԱՐ.





\* \* \*

(Նուէր Գ. 2.).

Մի՛ կարծէք որ ես սին փառքի համար  
Իմ հառաչանքով լցրի ... աշխարհ.  
Այս հէգ ամբօխի ծափին ու դովքին  
Կարօտ չէր բընաւ իմ հըպարտ հողին.....

Այո՛, իմ քնարի տըխուր ձայները  
Ցնցեցին հայի հոգու լարերը,  
Արին էլ ազնիւ սրտէ քամեցին,  
Կտրիճի աչքէ քունը փախուցին:

Ինչո՞ւ. չըզիտեմ: Ասէ՛ք՝ հէ՞ր բարդ-բարդ  
Բացվում է դարնան կարմիր, հոտոտ վարդ,  
Լեռնիվայր ինչո՞ւ անուշ կարկաչով  
Վազում է առուն դալարի միջով,

Զեփիւռը ինչո՞ւ տերւէ տերւ  
Սնցնելով, ասես, տալիս է բարւ,  
Ինչո՞ւ սոխակն էլ մօտ կանանչ թըփին  
Սնմրուունչ ձայնում է իւր մեղեդին.....

Գ.Ա.ՄԱՌ.—ԲԱԹԻՊԱ:



Ա. Ռ. Ա. Զ. Ի. Ն. Ս. Է. Ր.

(Տուրգենևիցի):

Հիւրերը վաղուց արդէն ցրուել էին: Ժամացոյցը խփեց տասններկուսից անցել էր կէս ժամ: Սենեակում մնացել էին միայն տանտէրը, Սերգէյ Նիկոլայեւիչը և Վլադիմիր Պետրովիչը:

Տանտէրը զանգահարեց և հրամայեց, ընթրիքի մնացորդը հաւաքեն: Ուրեմն, վճռուած բան է, — ասաց նա աւելի խորը նստելով բազկաթոռի վերայ և սիգարը կպցնելով, — մեղանից իւրաքանչիւրը պիտի պատմէ իւր առաջին սիրոյ պատմութիւնը: Հերթը ձերն է, Սերգէյ Նիկոլայեւիչ:

Սերգէյ Նիկոլայեւիչը մի դունտ ու կլոր, փափուկ ու շիկահեր երեսով մարդ էր, նա տառջ նայեց տանտիրոջ վերայ, յետոյ աչքերը առաստաղի վերայ ձգեց: — Ես չեմ ունեցել առաջին սէր, — վերջապէս ասաց նա. — ես ուշ դակի երկրորդիցն եմ սկսել:

— Այդ ինչպէս:

— Շատ հասարակ կերպով: Տասնութ տարեկան էի ես, երբ սկսեցի ընկնել մի շատ սիրուն աղջկայ ետեւից, բայց ես զբաղվում էի նորանով այնպէս, ասես, դա ինձ համար նոր բան չլինի. հէնց այդպէս էլ յետոյ ես ընկնում էի ուրիշների ետեւից: Ծննդաբան ասած, առաջին և վերջին անգամ դեռ վեց տարեկան ես սիրահարուեցայ դայիակիս վերայ. — բայց սա շատ վաղուցուայ բան է:

Մեր յարաբերութեանց մանրամասնութիւնները յիշողութիւնիցս ջնջուել են, իսկ եթէ յիշէի էլ, ո՞ւմ համար նոքա կարող էին հետաքրքրական լինել:

— Ապա ի՞նչ անենք, — հարցրեց տանտէրը: — Իմ առաջին սիրոյս արկածներն էլ այնքան հետաքրքրական չեն. ես մինչև Աննա Իվանովնայի, այժմեան կնոջս հետ ծանօթանալը, ոչ ոքի վերայ չեմ սիրահարուել և ամէն բան, մեր բոլոր յարաբերութիւնները շատ լաւ էին գնում. մեր հայրերը մեզ շուտով նշանեցին, մենք շատ շուտով միմեանց սիրեցինք և, առանց ուշացնելու, շուտով էլ պսակուեցանք: Իմ արկածները երկու խօսքով կարելի է պատմել: Ես, պարոնայք, խոստովանում եմ, հարուցանելով առաջին սիրոյ հարցը, յոյսս դրել էի ձեր՝ ոչ ծեր, ոչ էլ երիտասարդ ամուրիներիդ վերայ, որ խօսակցութիւնը կըստհասանէք: Գուցէ դժուր, Վլադիմիր Պետրովիչ, մի բանով մեզ կըզուարճացնէք:

— Իրաւ է, իմ առաջին սէրը այնքան էլ սովորական չէ եղել, — պատասխանեց կմկմալով Վլադիմիր Պետրովիչը, որ քառասուն տարեկան մարդ էր, սեւ, մի քիչ ալեխառն մազերով:

— Ա՛, — բացականչեցին միասին և՛ տանտէրը, և՛ Սերգէյ Նիկօլայիվիչը: — Աւելի լաւ.... Պատմեցէք:

— Համեցէք.... բայց ո՛չ. ես չեմ պատմիլ. ես պատմելու շնորհք չունիմ. կամ կարճ և չոր ու ցամաք է դուրս գալիս, կամ երկար ու անհամ. իսկ եթէ թոյլ տաք, ինչ որ յիշում եմ, կըզրեմ տետրակիս մէջ և ձեզ կըկարդամ:

Ընկերները առաջ չէին համաձայնում, բայց Վլադիմիր Պետրովիչը իւր ասածն արեց: Նրկու շաբաթից նոքա կրկին հաւաքուեցան, և Վլադիմիր Պետրովիչը կատարել էր իւր խոստումը:

Ահաւասիկ, ինչ էր գրած նորա տետրակում.

I.

Այն ժամանակ ես տասնվեց տարեկան էի: Անցքը պատահեցաւ 1833 թ. ամառը:

Ես կենում էի Մոսկուայում ծնողներիս հետ: Նոքա վարձել էին ամարանոց «Վալուժսկայա զաստավայի» մօտ, «Նեսկուճնի պարտեզի» դէմ ու դէմ:— Ես պատրաստվում էի համալսարան մտնելու, բայց քիչ բան էի անում, այն եւս առանց շտապելու:

Ոչ ոք ինձ չէր նեղում: Ինչ որ ուզում էի, այն էլ անում էի, նա մանաւանդ այն ժամանակից սկսած, երբ ես թողեցի իմ վերջին Ֆրանսիացի դաստիարակին, որ երբէք չէր կարողանում հաշտուել այն մտքի հետ, թէ նա ընկել է Ռուսաստան (*comme une bombe*) «ինչպէս մի ռումբ», և բարկացայտ դէմքով ողջ օրը թաւալում էի անկողնում: Մայրս անփոյթ կերպով էր վարվում ինձ հետ, թէպէտ երբեմն փաղաքշում էր: Մայրս համարեւո՞ւ ուշադրութիւն չէր դարձնում ինձ վերայ, չնայելով որ միակ օրդին էի. նորա բազմատեսակ հոգսերն ու զործերը ստիպում էին մոռանալ ինձ: Մայրս երիտասարդ էր և շատ դեղեցիկ. նա պսակուել էր նորա հետ նիւթականի համար. մայրս 10 տարով մեծ էր հօրիցս: Մայրս շատ ախուր կեանք էր վարում. նա անդադար վրդովվում էր, նախանձում էր, բարկանում էր—բայց ոչ հօրս ներկայութեան ժամանակ. մայրս հօրիցս շատ էր վախենում, իսկ նա իրեն շատ խիստ ու հռու էր պահում, յարսբերութիւններն էլ շատ սառն էին..... Ես դորա պէս չափազանց հանդիստ, ինքնահաւան ու ինքնիշխան մարդ չէի տեսել:

Երբէք ես չեմ մոռանալ ամարանոցում անց կացած առաջին շաբաթները: Էրաշալի եղանակներ էին լինում. մենք քաղաքից դուրս եկանք ճիշտ մայիսի 9-ին, և Նիկո-



ղայրսի տօնին: Ես կամ մեր ամարանոցի պարտիզումն էի ճեմում, կամ գնում էի Նեսկուչնի, կամ քաղաքի շրջակայքը. հետո տանում էի մի որ և է գիրք,—օրինակ, Կայսանովի ձեռնարկը,—բայց քիչ էի բաց անում այդ գիրքը. ես յաճախ բարձրաձայն կարդում էի ոտանաւորներ, որ ես շատ գիտէի անգիր: Սրիննս եռում էր, սիրտս ճմլում էր,—այնպէս քաղցր ու ծիծաղելի էր. ես մի բան սպասում էի, մի բանից վախենում էի, ամէն բանի վերայ զարմանում էի և միշտ, կարծես, մի բանի պատրաստ էի: Նրեակայութեանս ամենավառ ժամանակն էր. նա նոյնպէս արագ թափառում էր մի և նոյն պատկերների շուրջը, ինչպէս արշալուսին մանդաղաթիւները ճախրում են զանգակատան շուրջը: Ես ընկղմում էի մտածմունքի մէջ, տխրում էի, անգամ և լաց էի լինում: Բայց չնայելով արտասուքիս և սրտաշարժ ոտանաւորներից, կամ երեկոյեան գեղեցկութիւնից տռաջացած տխրութեանս, զարնան թարմ արօտի պէս զարթնում էր կրքեմն սրտումս երիտասարդ վառվռուն կեանքի ուրախ զգացմունքը:

Ես մի ձի ունէի. ինքս էի նորան թամբում և գնում հեռու տեղ, արագ քշում էի և ինքս ինձ երեւակայում էի ասպետ ձիարշաւների ասպարիզում—ինչպէս ուրախ քամին փչում էր ականջներիս,—կամ, երեսս երկինք դարձրած, ընդունում էի նորա լոյսը և կտպուտ ցոլքը բացուած հոգուս մէջ:

Յիշում եմ, այն ժամանակ կնոջ պատկերը, կնոջ սիրոյ նշոյլը չէր ծաղում իմ մտքում. բայց ամէն բանում, ինչ որ ես մտածում էի, ամէն բանում, ինչ որ ես զգում էի, կար մի նոր, անասելի-քաղցր կանացի հրապոյրքի ամօթխած նախազգացում, որ ես գեռ լաւ չէի հասկանում...

Այդ նախազգացումը, այդ աննկալութիւնը տիրել էր ողջ հութեանս. ես նորանով էի շունչ քաշում, նա հոսում էր երակներիս մէջ, արեանս ամէն մի կաթիլի մէջ...

և վիճակուած էր, որ այդ անկալութիւնը շուտով պիտի կատարուէր:

Մեր ամարանոցը մի փայտաշէն, սիւնաղարդ, աղնուականի տուն էր. նորա երկու կողմից փոքրիկ տներ կային: Ձախ կողմի տունը արժանագին պատտառի մի փոքրիկ դործարան էր: Ես յաճախ գնում էի նայելու, ինչպէս մի քանի տասնեակ մանուկներ, նիւհար, անձոռնի, կեղտոտ ու ներկաշաղաղ շրերով, թալկացած դէմքով թռչկոտում էին փայտէ լծակների վերայ, սեղմում էին մամուլի քառանկիւնի ծայրերը և այդպէս իւրեանց փոքրիկ մարմինների ծանրութեամբ դաժում էին պատտառների դոյնգոյն նկարներ: Աջ կողմի տունը դատարկ էր և վարձու էր տրվում: Մի օր—մայիսի 9-ից երեք շաբաթ անցած—այդ տան պատուհանների փակեղները բացուեցան, երևեցան այնտեղ կանանց զլուխներ—մի ընտանիք էր եկել այդտեղ: Յիշում եմ, նոյն օրը ճաշին մայրիկս իմացաւ ծառայից, թէ ովքեր են այդ մեր նոր դրացիները և, լսելով իշխանուհի Չասէկինայի անունը, առաջ մի տեսակ յարգանքով ասաց.—նա, իշխանուհի..... և ապա աւելացրեց.—Երևի մի աղքատ բան է:

— Երեք վարձած կառքով եկան,—նկատեց սպասաւորը քաղաքավարի կերպով սկուտեղը մեկնելով.—սեպհական կառք չունին, կահ-կարասիքն էլ շատ հասարակ է:

— Ըհ,—կրկնեց մայրիկս,—բայց ինչ և իցէ, էլի լաւ է: Հայրս սառն հայեացք ձգեց մօրս վերայ. նա լռեց:

Իրաւի, իշխանուհի Չասէկինան չէր կարող հարուստ կլին լինել. նորա վարձած տունը այնքան հին էր, փոքր ու ցած, որ շատ թէ քիչ ունեւոր մարդը չէր համաձայնիլ այնտեղ ապրել:—Այնու ամենայնիւ ես այդ բաների վերայ ուշադրութիւն չդարձրի: Իշխանական տիտղոսը ինձ վերայ քիչ էր ազդում. ես նոր էի կարգացել Երևանի «Աւագանիներ»:

## II.

Ես սովորութիւն ունէի ամէն երեկոյ հրացանը ձեռիս ման դալ մեր պարտիզում և աղաւաններ սպաննել:—Այդ զբաւստ, զիշակեր և խորամանկ թռչուններին ես վազուց ատելով ատում էի: Այն օրը, որի մասին խօսում եմ, ես նոյնպէս պարտէզ գնացի—և ի զուր տեղը բոլոր ծառուղիները պատելուց յետոյ (աղաւանները ինձ ճանաչում էին և հեռուից միայն կրկում էին) պատահմամբ մօտեցայ ցածր ցանկապատին, որ բաժանում էր Ֆլչ սեպհական կալուածքը այն նեղ կտորից, որ պատկանում էր աջակողմեան տանը: Գլուխս կախ արած գնում էի: Յանկարծ լսեցի ձայներ, ցանկի վերայից նայեցայ — բոլորովին քարացայ.... Մի տարօրինակ տեսարան էր իմ առաջ:

Ինձանից մի քանի քայլ հեռու, կանաչ մօրենու թփերի մէջ, մի բաց տեղ կանգնած էր մի բարձրահասակ, վայելչակազմ օրիորդ կարմրագոյն շերտաւոր շոր հագին, սպիտակ թաշկինակը դիւին: Նորա չորս կողմում չորս երիտասարդ էր կանգնել, և սա ամէն մէկի ճակատին հերթով խփում էր այն բաց մոխրագոյն ծաղիկը, որի անունը ես չգիտեմ, բայց նոցա լաւ են ճանաչում երեխայքը. այդ ծաղիկները գնդաձև փամփուշտներ են ունենում, որոնք պատուվում և սաստիկ ձայն են հանում, երբ խփում ես մի ամուր բանի: Երիտասարդները մեծ հաճութեամբ իւրեանց ճակատը դէմ էին տնում նորան — իսկ օրիորդի շարժուածքները (եւ այդ տեսայ կողքից) այնքան զմայլեցուցիչ հրամայական, փաղաքշող, ծաղրող ու նաղելի էին, որ քիչ էր մնում զարմանքից և ուրախութիւնից բացականէի և, երեւի, ամէն բան կրտայի, որ ինձ էլ նա խփէր իւր քնքրշ մատներով: Հրացանս ընկաւ խոտի վերայ, ամէն բան եւ մոռացայ և անյադ նայում էի այդ վայելչակազմ օրիորդի իրանի, պարանոցի, գեղեցիկ ձեռքերի, փոքր ինչ խը-



ճրճուած ու խառնուած շէկ մազերի վերայ, որ ծածկուած էին սպիտակ թաշկինակով. չէի կշտանում նորա կիսաբաց, խեղացի աչքերի, արտեանունքի և քնքուշ այտերի վերայ նայելուց...

— Երիտասարդ պարոն, այ երիտասարդ պարոն,— լսեցի մէկի ձայնը.— միթէ կարելի՞ է այդպէս նայել անծանօթ օրիորդների վերայ:

Ես վեր թռայ և մնացի սառած.... Յանկի միւս կողմում մօտս կանգնած էր մի պարոն կարճ խուզած սև մազերով և հեղնօրէն հայեացքով նայում էր վերաս: Այդ իսկ վայրկեանին օրիորդն էլ դարձրեց երեսը իմ կողմը...: Ես տեսայ նորա աշխոյժ և կենդանի երեսի վերայ մեծ և մոխրագոյն աչքեր— և այդ դէմքը յանկարծակի ցընցուեցաւ, ծիծաղեց, սպիտակ ատամները ցոլացին և յօնքերը ուրախ վեր բարձրացան...: Ես կարմրեցայ, առայ գետնից հրացանս և ուղղակի տուն վազեցի, թէպէտ յետևիցս լսվում էր նոցա բարձրաձայն, բայց ոչ չար ծիծաղը. ևս մտայ սենեակս, ընկայ անկողնիս վերայ և երեսս ծածկեցի ձեռքերովս: Սիրտս թրթռում էր. և՛ ամաչում էի, և՛ ուրախանում էի,— ևս զգում էի մի անսովոր վրդովմունք:

Հանգստանալուց յետոյ ևս սանդերեցի մազերս, մաքրուեցայ և ցած գնացի թէյ խմելու: Մատաղահաս աղջկայ պատկերը միշտ առաջիս էր. սիրտս այլ ևս չէր թրթռում, բայց մի տեսակ քաղցրութեամբ ճնշվում էր:

— Ի՞նչ է պատահել,— յանկարծ հարցրեց հայրս:— Ագռաւ ևս սպանել:

Վամենում էի եղելութիւնը պատմել հօրս, բայց ինձ զսպեցի և ինքս ինձ ժպտացի: Քնելու ժամանակ, ինքս էլ չգիտեմ, թէ ինչու, երեք անգամ ևս պտտուեցայ մի ոտիս վերայ, անուշահոտ իւղով մաղերս օծեցի, պարկեցայ քնելու և ողջ գիշերը մեռածի պէս քնեցի: Լուսաբացին մի րոպէ զարթեցայ, գլուխս բարձրացրի, բերկրութեամբ շուրջս նայեցայ— և գարձեալ քունս տարաւ:



### III.

«Ինչպէ՞ս ծանօթանամ ես նոցա հետ», մտքովս անցաւ առաւօտեան, երբ ես տեղեցս վեր կացայ: Թէյ խմելուց առաջ ես գնացի պարտէզ, բայց այս անգամ ես չմտեցայ ցանկապատին և ոչ ոքի էլ չնկատեցի: Թէյից յետոյ մի քանի անգամ անց ու դարձ արի փողոցում մեր ամաւրանոցի առաջ—հեռուից ես նայում էի պատուհաններին... Վարազուրի ետեից ինձ երևեց նորա դէմքը, և ես վախեցած իսկոյն հեռացայ: «Այնու ամենայնիւ պէտք է ծանօթանալ նոցա հետ»,—մտածում էի ես, աննպատակ ման դարով «Նեսկուչնի» ի առաջ գտնուող աւաղքէտ դաշտում...—«բայց ինչպէ՞ս: Այ բանն ինչ է»: Ես մտաբերում էի երեկուայ մեր տեսութեան մանրամասնութիւնները. չգիտեմ, ինչ է պատճառը, ես լաւ էի յիշում, ինչպէս նա ծիծաղեց վերաս...: Բայց մինչ ես յուզվում էի և զանազան ծրագիրներ էի կազմում, բաղդը արդէն հոգս էր քաշել իմ մասին:

Իմ բացակայութեան ժամանակ մայրիկս ստացել էր մեր նոր հարկանից մի նամակ, դարչ թղթի վերայ գրած, կնքած մութ-կարմիր զմուռով, որ սովորաբար գործ են ածում փոստատներում կամ արժանագին զինու շշեր կնքելու համար: Այս տառաստիւններով լի և անճոռնի գրուած նամակով իշխանուհին խնդրում էր մօրս հովանաւորութիւնը. իմ մայրը, իշխանուհու ասածով, ծանօթ էր նշանաւոր մարդկանց հետ, որոնցից կախուած էր նորա և որդւոց բախտն ու վիճակը, որովհետեւ այդ կիներ մեծ ու նշանաւոր դատական գործեր ունէր: «Վիմում եմ ձեզ,—գրում է նա,—որպէս ագնիւ կին մի ագնիւ տիկնոջ, ընդ սմին ինձ շատ հաճելի է օգուտ քաղել այս դիպուածից»: Նամակի վերջում նա մօրս ներկայանալու իրաւունք էր խնդրում: Նրբ ես վերադարձայ, մայրս վատ տրամադ-

րութեան մէջ էր. հայրս տանը չէր, իսկ մայրս չգիտէր, ո՞ւր հետ խորհուրդ անէ: Չպատասխանել «աղնիւ տիկնոջ», մանաւանդ իշխանուհուն, անկարելի էր, բայց ինչ ձևով պատասխանէր—մայրս բոլորովին չէր իմանում: Ֆրանսերէն գրել նամակի պատասխանը—նա անտեղի էր համարում. իւր ուսերէն ուղղագրութեան մէջ նա էլ կաղում էր—և այս ինքն էլ լաւ գիտէր—այդ պատճառով էլ չէր ուղղում ցոյց տալ իւր թերութիւնը. նա շատ ուրախացաւ դալուս համար, և իսկոյն հրամայեց զնալ իշխանուհուն, յայտնել նորան, որ մայրս միշտ պատրաստ է նորին պայծառափայլութեան կարողացածին չափ ծառայութիւն անել, և թէ խնդրում է, որ դայ իւր մօտ տաննէն թափն: Իմ զաղանի ցանկութեան անսպասելի և շուտով իրագործուիլը ինձ և՛ ուրախացրեց, և՛ վախեցրեց, այնուամենայնիւ ես աշխատում էի չարացայտել յուզմունքս—դորա համար էլ առաջուց գնացի սենեակս հագնելու նոր սիւրառակս և կապելու փողապատս, տանը առ հասարակ ես հագնում էի կարճ բաճկոն և լայնօձիք շապիկ, թէպէտ այդ ինձ շատ ծանր էր թւում:

#### IV.

Իշխանուհու տան նեղ ու կեղտոտ նախասենեակում, ուր ես մտնելուց ահամայ ամբողջ մարմնովս դողացի—ընդունեց ինձ ծերունի, ալեվարդ ծառան: Նորա գէմքը մութ-պղնձագոյն էր, հայեացքը—մուսլ. իսկ ճակատին ու քունքերին այնպիսի խոր կնճիռներ կային, որ ես կեանքումս չէի տեսել: Նա տանում էր ափսէի վերայ փայլունի կրծած փշերը և, ոտով փակելով միւս սենեակի դուռը, կարճ հարցրեց.—ի՞նչ էք կամենում:

— Իշխանուհի Զասէկինան տա՞նն է,—հարցրի ես:

— Վօնիֆատի՛, —լուեցաւ զրան ետեից մի կանացի ձայն:

Սպասաւորը լուռ ու մունջ յետ դարձաւ։ Ես նշմարեցի, որքան քսուած ու մաշուած էր նորա լիվըէյի մէջքը, որի վերայ մնացել էր մի հատ ժանդոտած, արծուէնշանով կոծակ։ Սպասաւորը գնաց, դնելով ափսէն գետնի վերայ։

— Ոստիկանատունը գնացի՞ր, — կրկնուեցաւ նոյն կանացի ձայնը։ Ծառան մի բան փրնթփրնթաց։ — Խնչ...։ Մարդ է եկել, — կրկին լսուեցաւ նոյն ձայնը... — Մեր դրացու որդի՞ն է։ — Դէ, ներս հրաւիրիր։

— Համեցէք ընդունարան, — ասաց սպասաւորը, որ կրկին դուրս եկաւ և վեր առաւ ափսէն։ Ներս մտայ ու գնացի «ընդունարան»։

Ես մտայ մի փոքրիկ սենեակ, որ ոչ շատ մաքուր էր, ոչ էլ լաւ կահաւորուած։ Պատուհանի մօտ, մի կոտրած բազկաթոռի վերայ նստած էր յիսուն տարեկան մի կին, ճաղատ ու տգեղ, հին, կանաչագոյն շոր հագլին և գարուսի թելից գործած խայտաճամուկ թաշկինակն էլ վզին։ Նա իւր փոքրիկ, սև աչքերը վերաս ձգեց։

Մօտեցայ նորան և գլուխ տուի։

— Իշխանուհի Զասէկինայի՞ հետ պատիւ ունիմ խօսելու։

— Այո, ես իշխանուհի Զասէկինան եմ. իսկ դուք պ. Վ. ի որդի՞ն էք։

— Այդպէս է։ Ես մօրս յանձնարարութիւնն եմ բերել ձեզ։

— Նստէք, խնդրեմ։ Վօնիֆատի, ինչտե՞ղ են բանալիներս, չե՞ս տեսել։

Ես յայտնեցի տ. Զասէկինային մօրս պատասխանը։ Նա լսում էր ինձ, երբեմն-երբեմն պատուհանին խփելով իւր հաստ կարմիր մատները, և երբ ես վերջացրի, կրկին նա հայեացքը ինձ վերայ ուղղեց։

— Շատ բարի. անպատճառ կը դամ, — վերջապէս պատասխանեց նա։ — Բայց դուք ի՞նչպէս ջահիլ էք։ Կարո՞ղ եմ հարցնել, արդեօք քանի տարեկան էք։



— Տասն և վեց, — պատասխանեցի ես, ակամայ կազդելով:

Իշխանուհին հանեց զրպանից մի քանի զրոտած ու իւղոտած թուղթ, մօտեցրեց քեզին և սկսաւ ջրիկ նոցա:

— Լաւ տարիք է, — ասաց նա յանկարծակի, յետ նայելով և շարժուելով աթոռի վերայ: — Խնդրեմ, մի քաշուէք, համարձակ եղէք: Մենք պարզասէր մարդիկ ենք:

«Շատ է հասարակ», մտածեցի ես, ակամայ դիտողական հայեացք ձգելով նորա ազեղ ատեքի վերայ:

Այդ իսկ վայրկեանին բացուեցաւ ընդունարանի միւս դուռը և շնքում երևեցաւ այն օրիորդը, որին ես նախնեթաց օրը պարտիզում անայց: Նա ձեռք վեր բարձրացրեց և ժպտաց:

— Ահա և իմ աղջիկը, — ասաց իշխանուհին, ցոյց տալով նորան: — Զինոջկա, սա մեր դրացի պ. Վ.-ի որդին է: Ինչպէս է ձեր անունը, խնդրեմ, ասացէ՛ք:

— Վլադիմիր, — պատասխանեցի ես, աեղեցս վեր կենելով և շնչելով վրդովմունքից:

— Իսկ ձեր հօր անունը:

— Պետար:

— Այո: Ես մի ծանօթ ոստիկանապետ ունէի, որի անունը նոյնպէս Վլադիմիր Պետրովիչ էր: ՎճիռՔատի, մի որոնիր բանալիները. զրպանումն են:

Մատաղահաս օրիորդը առաջուայ պէս ժպտելով, դարձեալ նայում էր վերաս, փոքր ինչ աչերը կիոցելով և գլուխը մի կողմ թեքելով:

— Ես արդէն տեսել եմ մնեօ Վոյլքեմարին, — սկսեց օրիորդը: (Նորա արծաթի ձայնը մի քաղցր սարսուռ ձգեց վերաս): — Իո՛ւք ինձ թոյլ կը տաք ձեզ այդպէս կոչել:

— Ինչ էք..., — պատասխանեցի ես:

— Ինչտե՞ղ, — հարցրեց իշխանուհին:

Աղջիկը մօր հարցին չպատասխանեց:



— Դուք այժմ գործով զբաղուած էք,—հարցրեց օրիորդը, չհեռացնելով ինձանից իւր աչքերը:

— Ո՛չ մի բանով:

— Կամենձում էք ինձ օգնել, գնանք ինձ հետ, թեկետ տանք:

Նա գլուխը շարժելով դուրս գնաց ընդունարանից: Ես էլ հեռուեցի նորան:

Այն սենեակում, ուր մենք գնացինք, նոր, աւելի լաւ կահ-կարասիք կար և աւելի ճաշակով էր սարգուած:— Բայց ես այն ըռպէին ոչինչ չէի կարող նկատել. ես այնպէս էի շարժվում, ասես, թէ երազումս լինէի, և զգում էի, որ գործս չափազանց յաջողուած է:

Օրիորդը նստաւ, հանեց կարմիր թելի կապոցը և, հրաւիրելով նստել իւր դէմ ու դէմ, աթոռի վերայ, խնամքով յետ արեց կապոցը և ձգեց ձեռներին: Նա անում էր այս բոլորը լուռ ու մունջ, կամաց-կամաց, մի և նոյն ժամանակ պայծառ ու խորամանկ ժպիտը կիսաբաց շրթունքներին: Նա սկսաւ յետ տալ թելը, կծկել և յանկարծ մի այնպիսի պայծառ հայեացք ձգեց վերաս, որ ես ակամայ աչքերս ցած ձգեցի: Երբ նորա սովորաբար կիսափակ աչքերը բոլորովին բացվում էին—նորա դէմքը փոխվում էր, կարծես, մի լոյս ընկում լինէր նորա վերայ:

— Ի՞նչ կարծեցիք իմ մասին երեկ, մնեօ Վոյլգէմար,— հարցրեց նա ինձ փոքր ինչ լռելուց յետոյ:— Դուք անտարակոյս ինձ դատապարտեցիք:

— Ես... իշխանուհի... ես ոչինչ չեմ մտածել... ես ինչպէս կարող եմ...—պատասխանեցի ես շփոթուած:

— Գիտէ՞ք,—սկսեց օրիորդը:—Դուք ինձ դեռ չէք ճանաչում. ես տարօրինակ աղջիկ եմ. ես կամենում եմ, որ ինձ հետ միշտ ճշմարիտ խօսիք: Ես լսեցի, որ դուք տասնեվեց տարեկան էք, իսկ ես—քսան և մի. տեսնում էք, ես ձեզանից բաւականին մեծ եմ, և դուրս համար էլ ինձ հետ

Ճշմարիտ պիտի խօսիք... և լսէք ինձ,—աւելացրեց նա:—  
Նայեցէք վերաս. ինչո՞ւ չէք նայում:

Աւելի ևս շփոթուեցայ, բայց էլի նայեցի նորա վերայ:  
Նա ժպտաց, բայց ոչ այնպէս, ինչպէս առաջ, այս ան-  
գամ, կարծես, կամենում էր ինձ խրախուսել:—Նայեցէք  
ինձ վերայ,—շարունակեց նա մեղմացնելով ձայնը.—այդ  
ինձ դուր չէ զաւրիս... Ձեր դէմքը ես հաւանում եմ և  
զգում եմ, որ մենք կրմտերմանանք: Իսկ դուք ինձ հա-  
ւանում էք,—աւելացրեց նա խորամանկութեամբ:

— Իշխանուհի...—սկսեցի ես...:

— Նախ և առաջ ինձ անուանեցէք Զինախոյս Ալէք-  
սանդրովնա, իսկ ապա—ի՞նչ սովորութիւն ունին երեխա-  
ները (նա ուղղեց.) — երիտասարդները — որ ուղղակի չեն  
ասում այն, ինչ որ զգում են: Սյր բանը լաւ է չափա-  
հասների համար: Դուք հօ ինձ հաւանում էք:

Թէպէտ շատ ուրախ էի, որ նա այդպէս սրտաբաց էր  
խօսում ինձ հետ, բայց կրկին ես նեղացայ: Ես ուզում  
էի հասկացնել նորան, որ երեխայի հետ չէ խօսում, դուրս  
համար էլ համարձակ և ծանրախոհ դէմքով ասացի նո-  
րան.—արդարեւ, Զինախոյս Ալէքսանդրովնա, ես ձեզ շատ  
եմ հաւանում. ես չեմ կամենում ծածկել:

Նա ծանր կերպով գլուխը շարժեց:—Դուք ունի՞ք  
դաստիարակի—հարցրեց նա յանկնարժ:

— Ձէ՛, վաղուց է, որ չունիմ:

Այս անգամ ես սուտ ասացի. մի ամիս էլ չկար, ինչ-  
պէս հեռացել էր իմ Ֆրանսիացի դաստիարակը:

— Օ՛, ես տեսնում եմ—դուք արդէն տղամարդ էք:

Նա կամոց խփեց մասներիս:—Ուղիղ բռնեցէք ձեր  
ձեռները:—Եւ ապա սկսաւ եռանդով կծկել:

Որովհետեւ նա գլուխը կախ արած ցած էր նայում, ես  
էլ, օգուտ քաղելով դէպքից, սկսայ զննել նորան, զննել  
նորա գեղեցկութիւնը, սկզբում վախճնալով, իսկ յետոյ—

աւելի ու աւելի համարձակ: Նորա դէմքը այժմ ինձ աւելի գեղեցիկ էր թւում, քան թէ նախընթաց օրը. այնքան այդ երեսը նուրբ էր, խելօք ու սիրուն: Նա նստած էր պատուհանի առաջ, որ ծածկուած էր սպիտակ վարագուրով: Արեգակի ճառագայթները վարագուրի միջից թափանցելով ընկել էին նորա կակուղ, օսկէգոյն մազերի, անմեղ պարանոցի, ուսերի և քնքուշ ու հանգիստ կրծքի վերայ:—Ես նայում էի նորա վերայ—և որքան նա ինձ համար սիրելի ու մերձաւոր անձ էր երևում: Ինձ թւում էր, թէ վաղուց ես նորան ճանաչում եմ և թէ մինչև այդ ժամանակ ես ոչ ապրել, ոչ էլ բան եմ իմացել...: Նորա հագին մութ, մաշուած շոր էր գոգնոցով. ես, կարծեմ, ուրախութեամբ կրփայփայէի այդ գոգնոցի ու շորի իւրաքանչիւր ծալքը: Վոշիկների ծայրերը երևում էին հագուստի տակից, եւ երկիւղածութեամբ կը խոնարհէի այդ կոշիկների առաջ...: Եւ ահա ես նստած եմ նորա դէմ,—մտածեցի ինքս ինձ,—եւ նորա հետ ծանօթացել եմ.... որքան երջանիկ եմ եւս, Աստուած իմ: Քիչ էր մնացել ուրախութիւնից վեր թռչէի տեղիցս, բայց միայն ոտքերս թափ տուի փոքր երեխայի պէս, որ մի համեղ բան է տեսնում:

Ես այնպէս լաւ էի զգում ինձ, ինչպէս ձուկը ջրի մէջ, և երբէք չէի գնալ այդ սենեակից, երբէք չէի թողնել այդ տեղը:

Նա կամաց բարձրացրեց արտևանուկքը, և դարձեալ քաղցրութեամբ փայլեցին նորա պայծառ աչերը. նա դարձեալ ժպտաց:

— Ինչպէս նայում էք վերաս—կամաց ասաց օրիորդը և մատը վերաս թափ տուեց:

Ես կարմրեցայ...: «Նա ամէն բան հասկանում է, ամէն բան նկատում է», իսկոյն մտքովս անցաւ:—«Եւ ինչպէս նա բոլորը չհասկանայ, ինչու չնկատէ»:



Կողքի սենեակում մի թխթխկոց լսուեցաւ—սրի զննողնդոց էր:

— Զի՛նա,—բացականչեց ընդունարանից իշխանուհին.— Բէլովզորովը քեզ համար մի փոքրիկ կատու է բերել:

— Փոքրիկ կատու՞,—բացականչեց Զինաիդան և, տեղեց վեր կենալով, արագ վաղեց միւս սենեակը, կծիկը ծնկներէս վերայ ձգելով:

Ես էլ վեր կացայ, դրի թելի կապոցն ու կծիկը պատահանին, մտայ ընդունարանը և մնացի սառած: Սենեակի մէջ տեղում պառկած էր մի կատուածագ, թաթիկները չռած: Զինաիդան չոքել էր նորա առաջ և զգուշութեամբ վեր էր բարձրացնում կատուի գնչիկը: Իշխանուհու մօտ կանգնել էր մի երիտասարդ հուսար, շէկ ու զանդուր մաղերով, վարդագոյն թշերով և դուրս ընկած աչքերով:

— Ի՛նչ ծիծաղելի կատու է,—անդադար կրկնում էր Զինաիդան,—աչքերն էլ մոխրագոյն չեն, այլ կանաչ, իսկ ականջները ինչպէս մեծ են: Շնորհակալութիւն, Վիկտոր Եգորիչ: Դուք շատ սիրելի էք:

Հուսարը, որ երեկուսց իմ տեսած երիտասարդներից մէկն էր, ժպտաց և դլուխ տուեց, շարունակը զննողնդացնելով և թրի օղակները շրջաշրջակացնելով:

— Դուք երեկ բարեհաճեցիք ասել, որ մի շերտաւոր ու մեծ ականջներով կատու կ'ուղենայիք ունենալ... ես էլ ճարեցի: Զեր խօսքը օրէնք է:—Եւ նա կրկին դլուխ տուեց: Կատուն մլաւեց և սկսեց յատակը հոտ քաշել:

— Նա քաղցած է,—բացականչեց Զինաիդան:—Վօնիֆատի, Սօնեա, մի քիչ կաթ բերէք:

Ներս մտաւ աղախինը: Սա հաղին ունէր մի հին դեղն շոր, իսկ վիզը փաթաթել էր գոյնը տուած թաշկինակով: Նա դրեց կատուի առաջ մի աման կաթ և կանդնեց նայելու նորա վերայ: Կատուն առաջ շարժուեց, աչքերը խփեց և ապա սկսեց լիզել:



— Ինչ վարդազոյն լեզու ունի,—նկատեց Զինաիդան, համարեա յատակին կպցնելով գլուխը և կողքից նորա դնչին մտիկ տալով:

Կատուն կերաւ-կշտացաւ, մլաւեց և թաթիկներով դունչը մաքրեց: Զինաիդան վեր կացաւ, դարձաւ աղախնին ու սառնօրէն ասաց.—տար սորան:

— Կատուի փոխարէն տուէք ձեր ձեռքը,—ասաց ծիծաղելով հուսարը և շարժելով իւր յաղթանդամ մարմինը, որ ամփոփուած էր նեղ ու կոճկած նշանազգեստի մէջ:

— Երկունսն էլ տալիս եմ,—պատասխանեց Զինաիդան և ձեռները մեկնեց նորան: Մինչ նա համբուրում էր այդ նսւզիկ ձեռները, օրիորդը նայում էր ինձ նորա ուսի վերայից:

Ես անշարժ կանգնած էի մի տեղ և չէի խմանում—ծիծաղեմ, ասեմ մի բան, թէ այդպէս էլ լուռ ու մունջ մնամ: Յանկարծ նախասնեհակի բաց դրան շեմքում ես նկատեցի մեր սպասաւոր Ֆեօդրին: Նա ինձ նշան էր անում:

Մեքենայաբար ես գնացի նորա մօտ:

— Ի՞նչ ես օւզում,—հարցրի ես:

— Մայրիկդ ուղարկեց, որ ձեզ կանչեմ,—պատասխանեց ծառան ցածր ձայնով:—Նա բարկացել է, որ պատասխան չէք բերում:

— Միթէ շատ ժամանակ է, որ այստեղ եմ:

— Մի ժամից աւել է:

— Մի ժամից աւել է,—ականայ կրկնեցի ես, նորից եկայ ընդունարանը, բոլորին գլուխ տուի և ուզում էի դուրս գալ:

— Ո՞ւր էք գնում,—հարցրեց ինձ օրիորդը՝ նայելով հուսարի ետեւից:

— Տուն պիտի գնամ: Ուրեմն ես կ'ասեմ,—շարունակեցի ես, դիմելով արիւնոջը,—որ դուք մի ժամին կրդաք մեզ մօտ:

— Հա, այդպէս էլ ասացէք:

Իշխանուհին շտապով հանեց քթախոտի տուփը և այնպէս շտահով սկսեց քաշել, որ ես վեր թռայ:—Այդպէս

էլ ասացէք,—կրկնեց նա տնքտնքալով և արտասուելից աչերը կկոցելով:

Արկին ես գլուխ տուի և դուրս եկայ սենեակից, բայց շատ վատ վիճակի մէջ էի ինձ զգում, որովհետեւ գիտէի, որ յետեւիցս նայում էին:

— Տեսէք հա, մեռնի Վոյլֆեմար, այցելեցէք մեզ,—բացականչեց Զինաիդան և կրկին ծիծաղեց:

Ինչու է նա միշտ ծիծաղում, մտածում էի ես, վերադառնալով տուն Գեորգորի հետ միասին, որ ոչինչ չէր ասում, միայն գալիս էր յետեւիցս և երևում էր, որ վատ բան պիտի լինի: Մայրիկս ինձ կշտամբեց և զարմացաւ, թէ այսքան ժամանակ ես ի՞նչ կարող էի անել իշխանուհու տանը: Ոչինչ չպատասխանեցի նորան և գնացի սենեակս: Յանկարծ սաստիկ տխրեցի.... Աշխատում էի ինձ զսպել, որպէս զի չլամ...: Ես նախանձում էի հուսարին:

## V.

Իշխանուհին նշանակած ժամանակին եկաւ, սակայն մայրիկս նորան չհաւանեց: Նոցա տեսութեան ժամանակ ես ներկայ չէի, բայց ճաշին մայրիկս ասաց հօրս, թէ իշխանուհի Զասէկինան, կարծես, *une femme très vulgaire* լինի, թէ նա արդէն համը տարաւ իւր խնդիրքներով, որպէս զի իշխան Սերգիի առաջ բարեխօս լինիմ նորա համար, թէ նա զանազան դատեր ու գործեր ունի—*de vilaines affaires d'argent*—և թէ պէտք է որ նա խմաստակներից լինի: Բացի սորանից մայրիկս աւելացրեց, որ հրաւիրել է նորան աղջկայ հետ միասին վաղը մեզ մօտ ճաշելու (սելով «աղջկայ հետ միասին» խօսքերը՝ գլուխս կախ արի),—որովհետեւ էլ մեր դրացին է, բացի դորանից անուն էլ ունի: Յետոյ հայրս պատասխանեց մօրս, թէ այժմ է միայն յիշում, ով է այդ իշխանուհին, թէ երիտասարդութեան ժա-

մանակ նա ճանաչում է եղել հանդուցեալ իշխան Զասէ-կինին, որ լաւ կրթուած, բայց թեթեամիտ և ցանցաւ մարդ էր. թէ նորան հասարակութեան մէջ «le Parisien» էին անուանում, որովհետեւ երկար ապրել էր Պարիզում. թէ նա առաջ շատ հարուստ մարդ է եղել, բայց բոլորովին տանուլ է տալիս իւր կարողութիւնը—և յայտնի չէ թէ ինչու, կարծեմ, փողի համար,—թէպէտ նա կարող էր լաւ կողակից գտնել իւր համար,—շարունակեց հայրս սառնասիրտ ծիծաղով—պսակուեցաւ մի ալքրունական պաշտօնէի աղջկայ հետ. իսկ յետոյ ընկաւ շահի հոռից և բոլորովին կարողութիւնից զրկուեցաւ:

— Ինչպէս մեզանից փող պարտք չինդրէ,—ընդմիջեց մայրիկս:

— Շատ կարող է լինել,—հանգիստ պատասխան տուեց հայրս:—Խօսում է նա Ֆրանսերէն:

— Շատ թոյլ:

— Հըմ: Դէհ, դա միւսնոյն բանն է: Կարծեմ, դու ինձ ասացիր, թէ աղջկան էլ ես կոչել. մէկը ինձ հաւատացնում էր, թէ նա շատ զեղեցիկ և ուսում առած օրիորդ է:

— Ըհ: Ուրեմն նա մօրը նման չէ:

— Հօրն էլ նման չէ,—պատասխանեց հայրս:—Նա էլ նոյնպէս ուսեալ էր, բայց յիմար:

Մայրիկս ախ քաշեց և մտածմունքի մէջ ընկաւ: Հայրս լռեց: Այդ խօսակցութեան ժամանակ ես շատ անհանգիստ էի:

Ճաշեց յետոյ գնացի պարտէզ, միայն առանց հրացանի: Ես խօսք էի տուել չմօտենալ «նոցա պարտիզին», բայց անյաղթ զօրութիւնը ինձ այն կողմն էր քաշում—և այդ իղուր չէր: Դեռ ցանկին չէի մօտեցել, երբ նկատեցի Զինաի-դային: Այս անգամ նա միայն էր: Նա ձեռին զիւրք ունէր բռնած և կամաց կամաց զբօսնում էր: Նա ինձ չէր նկատում:

Քիչ էր մնացել, որ ես նորան բաց թողնէի, բայց հանաքուց հաղացի:



Նա յետ նայեցաւ, բայց չկանգնեց, յետ ձգեց իւր յարդէ շէնապի լայն, բաց-կապոյտ ժապաւէնը, նայեց ինձ վերայ, կամաց ժպտեց և կրկին աչերը գրգռեց վերայ ձգեց:

Գլխարկս հանեցի և մի քիչ տեղումս տրորուելով ու կոտրատուելով, հեռացայ բաւականին վշտացած. «*Que suis je pour elle?*», մտածեցի ես (Աստուած դիտէ ինչու): Ֆրանսերէն:

Յետեւից լսուեցան ծանօթ քայլեր. յետ եւմ նայում—  
Հայրս է ինձ մօտենում իւր արագ ու թեթեւ քայլերով:

— Սա է իշխանուհուն աղջիկը,—հարցրեց նա ինձ:

— Այո՛, սա է:

— Միթէ դու նորան ճանաչում ես:

— Ես տեսայ նորան այսօր առաւօտեան իշխանուհու տանը:

Հայրս կանգնեց և կրունկների վերայ պտտուելով՝ յետ գնաց: Հասնելով Զինաիդային՝ նա քաղաքավարի բարեւեց նորան: Օրիորդն էլ նոյնպէս գլուխ տուեց, բայց մի քիչ զարմացաւ և գիրքն էլ ցած թողեց: Ես նկատում էի, ինչպէս նա նայում էր հօրս յետեւից: Հայրս հագնվում էր շատ հասարակ, մաքուր և իւր ճաշակով. բայց երբէք նա աւելի վայելչակազմ չէ թուել ինձ, երբէք նորա մոխրագոյն շապոն աւելի լաւ չէ սաղել նորան:

Ես էլ գնացի Զինաիդայի կողմը, բայց նա վերաս էլ չնայեց, գիրքը բարձրացրեց և առաջ գնաց:

## VI.

Ողջ երեկոն և հետեւեալ առաւօտը ես շատ տխուր ու տրտում անց կացրի: Յիշում եմ, ես աշխատում էի բան անել և առնում էի Վայդանովի դասագիրքը—բայց զուր էի նայում նորա լայնածաւալ տողերի ու էջերի վերայ: Տասն անգամ իրարու յետեւից կարդացի. «Յուլիոս Վեսարը զինուորի մեծ քաջութիւն ունէր»—բայց ես ոչինչ չհասկացայ և

գիրքը դէն ձգեցի: ծաշեց առաջ զընկա կրկին օծեցի անու-  
շահոտ իւզով, հագայ սիւրտուկս և կապեցի փողապատս:

— Ա՛յդ ինչու համար է,— հարցրեց մայրիկս:— Ի՞նչ  
դեռ ուսանող չես, և Աստուած գիտէ, կրկարողանաս քըն-  
նութիւններդ տար: Եւ միթէ շատ ժամանակ է, որ բաժ-  
կոնդ կարել են: Հօ դէն չե՞նք ձգելու:

— Հիւրեր են դալու,— պատասխանեցի ես համարեա  
յուսահատ:

— Դատարկ բան է. ինչ հիւրեր են նոքա:

Պէտք էր հնազանդել: Գնացի, փոխեցի սիւրտուկս, հա-  
գայ բաճկոնս, բայց փողապատս չքակեցի: Իշխանուհին  
աղջկայ հետ եկաւ ծաշեց կէս ժամ առաջ. նա իւր կա-  
նաչ շորն էր հագել, որ ես արդէն տեսել էի, վերայից ձգել  
էր գեղին շալ, զլսին զրել էր հնաձև չէպչիկ հրազոյն ժա-  
պաւէններով: Նա իսկոյն խօսք բայ արեց իւր պարտա-  
մուրհակների մասին, ախ էր քաշում, գանդատվում էր  
չքաւորութիւնից, «ինդրում էր» և բորբոքվին չէր քաշվում:  
կրկին նա քթախոտ քաշելիս աղմուկ էր հանում, համար-  
ձակ շարժվում էր և անբաւար տրորվում աթոռի վերայ:  
Կարծես, նա չէր էլ մտածում, որ իշխանուհի է: Ընդհա-  
կառակը, Զինախոսն իրան շատ լաւ էր բռնում. խիստ,  
գոռող ու հպարտ, իսկը ինչպէս իշխանագուստ: Նորա  
դէմքի վերայ երևեց սառն անտարբերութիւն և հպարտու-  
թիւն— և ես ո՛չ նորան էի ճանաչում, ո՛չ նորա հայեացքները,  
ո՛չ նորա ժպիտները, թէպէտ այս նոր դրութեան մէջ նա  
ինձ համար կրկին գեղեցիկ էր: Նա հագել էր թեթեւ ու  
նուրբ բարէժի շոր՝ բաց-կապտագոյն շերտերով. նորա երկար  
գանգուրները թափվում էին այտերի վերայ, ինչպէս անում  
են անգլիացի կանայք, այս խոպուպիքը վայելում էր նորա  
դէմքի պաղ արտայայտութեան: — Ծաշի ժամանակ հայրս  
նստել էր օրիորդի մօտ և իրեն յատուկ ճաշակաւոր ու  
հանդարտ քաղաքավարութեամբ զբաղեցնում էր իւր հա-

ընանին: Հայրս երբեմն-երբեմն նայում էր նորա վերայ—  
նա էլ երբեմն-երբեմն հօրս վերայ էր նայում և այնպէս  
տարօրինակ, համարեա թշնամաբար: Նոքա խօսում էին  
Ֆրանսերէն. — յիշում եմ, ինձ շատ էր զարմացնում Զինա-  
նախդայի պարզ ու մաքուր արտասանութիւնը: Տիկինը  
ճաշի ժամանակ նոյնպէս, չէր քաշվում, ուտում էր շատ  
և գոլում կերակուրները: Ակներեւ էր, որ մայրս զգուէլ էր  
նորանից և մի տխուր արհամարհանքով էր պատասխա-  
նում նորա հարցմունքին. հայրս էլ ժամանակ առ ժա-  
մանակ յօնքերն էր կիտում: Զինախդային էլ չհաւանեց  
մայրս: — Զափազանց հպարտ է, — կրկնում էր նա հետեւեալ  
օրը: — Եւ ինչո՞վ է հպարտանում — *avec sa mine de grisette!*

— Դու, երեւի, գրիպէտներ չես տեսել, — նկատեց հայրս:

— Փառք Աստուծոյ, որ չեմ տեսել:

— Յայտնի բան է, փառք Աստուծոյ... բայց ինչպէ՞ս  
կարող ես նոցա մասին խօսել:

Զինախդան ինձ վերայ բոլորովին ուշադրութիւն չէր  
դարձնում: Ճաշեց յետոյ իշխանուհին շուտով վեր կացաւ  
տուն գնալու:

— Ձեր հովանաւորութեանն եմ վստահանում, Մարիա  
Նիկօլաեմէա և Պետր Վասիլիչ, — երկարացնելով ասաց նա  
հօրս ու մօրս: — Ի՞նչ արած: Ես էլ լաւ օրեր եմ տեսել,  
բայց ո՞ր եմ: Այ, ես էլ իշխանուհի եմ, — շարունակեց նա  
անախորժ ծիծաղով, — բայց ի՞նչ օգուտ, եթէ ուտելու բան  
չունիմ: — Հայրս յարգանքով զլուս տուեց և ճանապարհ  
ձգեց մինչև նախասենեակի դուռը: Ես էլ այնտեղ կանգնած  
էի կարճ բաժկոնս հաղիս և, ինչպէս մի մահապարտ, յա-  
տակին էի նայում: Զինախդայի յարաբերութիւնները ինձ  
հետ բոլորովին սպանեցին ինձ: Բայց որքան ես զարմացայ,  
երբ մօտիցս անցնելիս, նախկին քաղցր ժպիտը աչքերին,  
նա արագ ինձ շնչեց, — ութը ժամին անպատճառ եկեք  
մեզ մօտ, լսում էք...: — Ես հէնց ուզում էի պատասխա-  
նել — բայց նա արդէն հեռացել էր:



# VII.

Ճիշդ ութը ժամին հագայ սիւրտուկս և մագերս վեր սանդրած ևս մտայ իշխանուհու տան նախասենեակը: Ծերունի սպասաւորը մնայլ գէմքով նայեց ինձ վերայ և չուզէնալով տեղից վեր կացաւ: Ընդունարանում ուրախ ձայներ էին լսվում: Բացի դուռը և զարմացած յետ քաշուեցայ: Անհետի մէջ տեղում աթոռի վերայ կանգնել էր օրիորդը, ձեռքին բռնած տղամարդու մի գլխարկ, աթոռը պատել էին Հինգ երիտասարդ: Նոքա աշխատում էին գլխարկի մէջ մտցնել ձեռները, իսկ օրիորդը վեր էր բարձրացնում և սաստիկ խառնում: Տեսնելով ինձ, նա խոլոյն բացականչեց. «սպասեցէք, պարոններ, սպասեցէք, մենք նոր հիւր ունինք, նորան էլ պէտք է տոմսակ տալ»,— և աթոռից վեր թռչելով թեթեւ, նա բռնեց սիւրտուկիս թևից:— Գնանք, ի՞նչ էք կանգնել,— ասաց նա:— *Messieurs*, ինդրեմ, ծանօթանաք, սա մեկս Վոյլդեմարն է, մեր գրացու որդին: Իսկ սա,— շարունակեց նա, դառնալով ինձ և հերթով հիւրերին ներկայացնելով,— սա կոմս Մալեսկին է, սա— բժիշկ Լուշինը, սա— բանաստեղծ Մայդանովը, սա— պաշտօնաթող կապիտան Նիրմացկին, սա էլ հուսար Բէլովզորովն է, որին դուք արդէն տեսել էք: Խնդրեմ, բարեկամ եղէք:

Սաստիկ ամաչելուցս ոչ ոքի գլուխ չտուի: Բժիշկ Լուշինը այն սեւահիւր պարոնն էր, որ անխղճաբար ամաչացրեց ինձ պարտիզում: Գնացածները ինձ անծանօթ էին:

— Կոմս,— շարունակեց Զինաիդան,— գրեցէք մի տոմսակ մեկս Վոյլդեմարի համար:

— Դա անարդարութիւն է, — պատասխանեց կոմսը թեթեւ լեհակն արտասանութեամբ, որ շատ գեղեցիկ էր գէմքով, հաղնուած էր խիստ սիրուն, նա սեւ մագերով մի մարդ էր, աչքերը— թուի ու խելօք, քիթը— փոքրիկ, նեղ ու սպիտակ, բիւսերը— բարակ՝ նուրբ շրթ ունքների վերայ:— Նա մեզ հետ Ֆանտ չէ խաղացել:

— Անարդարութիւն է,—կրկնեցին Բէլովզորովը և կապիտանը, որ քառասուն տարեկան կը լինէր. սա խիստ չեչոտ էր, արաբի պէս խուճուճ մազերով, սեղմուած թիկունքներով, ծուռ ոտներով, Հագին—չկոճկած զինուորական նշանազգեստ առանց էպօլէտների:

— Ասում եմ ձեզ, զրեցէք մի տոմսակ,—կրկնեց օրիորդը:—Սյդ ի՞նչ ապստամբութիւն է: Մսեօ Վ. ջլլեմարը այսօր առաջին անգամն է մեզ մօտ, և նորա համար օրէնք չկայ: Ի՞նչ էք մըթմըթում, զրեցէ՛ք. ես այդպէս եմ կամենում:

Կոմսը ուսերը վեր քաշեց, բայց խոնարհաբար գլուխը ծռեց, սպիտակ, մատանիներով զարդարուած ձեռք առաւ զրիչ, կտրեց մի թղթի կտոր և սկսեց զրիչ:

— Գոնէ թոյլ տուէք, պատմեմ պ. Վ. ջլլեմարին գործի էութիւնը,—ծաղրական ձայնով սկսեց Լուչինը,—թէ չէ՛ նա բոլորովին շուարիչ է: Տեսնում էք, երիտասարդ պարոն, մենք Ֆանսո Լենք խաղում օրիորդը տուգանքի է կնթարկուած, և ում որ ընկնի վիճակը, իրաւունք ունի նորա ձեռքը համբուրելու: Լասկացա՞ք, ինչ որ ասացի ձեզ:

Ես միայն նայեցի նորա վերայ և կրկին շուարած մնացի. իսկ օրիորդը նորից բարձրացաւ աթոռի վերայ և նորից սկսեց թափ տալ գլխարկը, խառնելով նորա միջի թղթերը: Սմէքը նորան դարձան—և էլ նոցա հետևեցի:

— Մայրանով,—ասաց օրիորդը նիհար ու բարձրահասակ երիտասարդին, որի աչքերը փոքր էին ու կարճատես, իսկ մաղերը երկայն ու խիստ սև:—Ի՞նչ օրպէս բանատեղծ այնքան մեծահոգի պիտի լինիք և ձեր տոմսակը պիտի տաք մսեօ Վ. ջլլեմարին, որ նա մէկի տեղ երկուսը ունենայ:

Բայց Մայրանովը բացասապէս շարժեց գլուխը և թափ տուեց մաղերը: Սմէնից վերջը ևս ձեռք տարայ գլխարկը,

Հանեցի մի տոմսակ և բաց արի... Աստուած իմ, ի՛նչ վեճակի մէջ էի, երբ կարդացի բառս. Համբոյր:

— Համբոյր,—բացականչեցի ես ակամայ:

— Բրավօ, սա տարաւ,—ասաց օրիորդը: Ինչպէ՛ս ուրախ եմ:—Նա ցած իջաւ աթոռից և այնպիսի պայծառ ու քաղցր հայեացք ձդեց վերաս, որ սիրտս հալուեցաւ:— Իսկ դուք ուրա՛խ էք,—հարցրեց նա ինձ:

— Ե՛ս...:—Հաղիւ շննջեցի:

— Ծախեցէք ինձ ձեր տոմսակը,—յանկարծ ձայն տուեց ականջիս տակին Բէլովզօրովը:—Ես ձեզ հարիւր թուրք կը տամ:

Ես այնպիսի դժգոհութեամբ պատասխանեցի հուսարին, որ Զինաիդան ծափահարեց. իսկ Նուշինը բացականչեց. բրավօ:

— Բայց,—շարունակեց նա,—ես իբրեւ կարդապահ պարտաւոր եմ հսկել, որ բոլոր կանոնները ճշտիւ կատարուին: Մսեօ Վշլիբմար, չոքեցէք: Մենք այդպէս ենք ընդունել:

Զինաիդան կանգնեց առջևս, գլուխը փոքր ինչ մի կողմը թեքեց, կարծես, նորա համար, որ ինձ լաւ տեսնէ և հպարտութեամբ ձեռը ինձ մեկնեց: Աչքերս մթնեցան. կամենում էի մի ծնկիս վերայ չոքել, երկուսի վերայ չոքեցի և այնպէս անցածող շրթունքներս մօտեցրի Զինաիդայի մատնեւրին, որ քթիս ծայրը անդամ քերթեցի նորա եղնգով:

— Շատ լաւ,—գոչեց Նուշինը և օդնեց ինձ վեր կենալու:

Խաղը շարունակվում էր: Զինաիդան նստեցրեց ինձ իւր կողքին: Տէ՛ր Աստուած, ինչպիսի պատիժներ էր հնարում նա: Ի միջի այլոց նա պիտի ձեւացնէր «արձան»—և իւր համար պատուանդան ընտրեց անձոռնի Նիրմացիկին, հրամայեց նորան երեսի վերայ պարկել, դեռ գլուխն էլ գէպի կուրծքը ծռել: Անվերջ ծիծաղում էինք: Ես, որ կրթուել էի բոլորովին միայնակ ու զգաստութեամբ, մեծացել էի պատուաւոր ու մեծանուն մարդու տան մէջ, այս բոլոր աղմուկն ու շփոթը, այս անզուսպ զուարճութիւնը, այս չղաճ յա-



լարերու թիւնը անծանօթ մարդկանց հետ, տեսնելով զարմանում էի, և այս բոլորը գլուխս խփեց: Ես բոլորովին հարբած էի՝ այնպէս, ինչպէս դինուց կն հարբում: Ես սկսեցի ուրիշներէից բարձր ծիծաղել և խօսել, այնպէս որ կողքի սենեակում նստած պառաւ իշխանուհին դուրս եկաւ ինձ վերայ նայելու: Ես այնքան երջանիկ էի, որ բնաւ ուշադրութիւն չէի դարձնում ուրիշների վերայ. ոչ բարկանում էի, ոչ էլ բանի տեղ էի դնում ուրիշների ծաղրն ու ծուռ հայեացքները: Զինախոսն էլի ինձ էր գերազասում և չէր թողնում, որ կողքից հեռանամ: Խաղի ժամանակ մեզ պատժեցին. ես և օրիորդը պիտի նստէինք ծածկուած մի ապրեշումէ թաշկինակով,—ես պիտի յայտնէի նորան Նճադանի: Յիշում եմ, ինչպէս երկուսիս գլուխն էլ գտնվում էր խեղդով, կիսամութ ու հոտաւէտ մթնոլորտում, ինչպէս այդտեղ մեզմբ ու մօտիկ փայլում էին նորա աչքերը և ջերմ արտաշնչում էին նորա բաց շրթունքները, երևում էին ատամները, և մազերը խաղտում և բորբոքում էին ինձ: Ես լուռ էի: Նա խորհրդաւոր ու նննգ ժպտաց և ասաց ականջիս. դէ, ի՞նչ է. իսկ ես միայն կարմրում էի և ծիծաղում, յետ էի քաշվում և հազել հազ շնչում: Փանտը համը տարաւ,—սկսեցինք թոկ խաղալ: Աստուած իմ, ինչպէս ուրախացայ, երբ նա ամուր ու սաստիկ մատներիս խփեց յօրանջելուս համար, և ինչպէս յետոյ ես աշխատում էի ցոյց տալ իբրեւ թէ յօրանջում եմ, իսկ նա միայն ծաղրում էր ինձ և չէր խփում ձեռներէս:

Եւ ինչն էինք անում այդ երեկոյ: Մանկէն էին ածում, երգում էինք, պար էինք զալիս և գնչուներին էինք ներկայացնում: Նիրմացկուն արջի մորթի հագցրինք և աղաջուր խմեցրինք: Կոմս Մալեվսկին զանազան ձեռնածութիւններ էր անում թղթերով և վերջացրեց նորանով, որ խառնեց բոլոր թղթերը, բաժանեց և իրան առաւ բոլոր կողերները, որի համար Լուչինը «պատիւ ունեցաւ նորան շնորհաւո-

րելու»։ Մայրանովը կարդաց իւր «Մարգարտան» պօէմայից մի կտորը (ռօմանտիզմի ամենաթունդ ժամանակն էր), որ նա մտադիր էր հրապարակել սև երեսով, արիւնագոյն կարմիր վերնագրով։ Ծերունի Վօնիփատիի գլուխը չէպէջ դրին— իսկ օրիորդը տղամարդու գլխարկ հագաւ... Թէ ինչեր էինք անում, անհնարին է մի առ մի թուել։ Միայն Բէլովգօրովն էր, որ առանձնացած նստել էր անկիւնում յօնքերը կիտած...։ Երբեմն նորա աչքերը կարմրում էին, կարմրում էր նորա ողջ դէմքը, կարծես, ահա նա վեր է կենալու տեղից և մեզ, որպէս մի մի փայտի կտոր, դէն է ձգելու, սակայն օրիորդը մի մի ժամանակ նայում էր նորա վերայ, սաստում էր նորան մատով և նա կրկին իւր անկիւնն էր մտնում։

Հալից արդէն ընկել էինք։ Իշխանուհին, ինչպէս ինքն էր ասում, ոտի վերայ շատ պտտուողներինցն է—մեր աղաղակները նորան չէին վրդովում—այնու ամենայնիւ հոգնել էր և հանդատանալ էր ուզում։ Գիշերուայ տանումէկ ժամին ընթրիք տուին, որ բաղկացած էր մի կտոր հին, չորացած պանրից և կոտորած ապխտից շինած մի քանի կարկանդակներից, որ ինձ համար զանազան պաշտէտներից համեղ էին։ Գինի միայն մի շէշ կար, շէշն էլ մի ուրիշ տեսակ էր, մոլթ գոյն ունէր և լայ բերան, իսկ դինին վարդագոյն երանդ ունէր, թէպէտ ոչ ոք չիմեց։ Սարսափելի հոգնած ու երջանիկ ես դուրս եկայ այդ տեղից, դուրս գալու ժամանակ Զինաիգան ամուր սեղմեց ձեռք և կրկին անհասկաւ նալի ժպտաց։

Գիշերուայ ծանր ու խոնաւ օդը փչեց իմ տաք երեսիս, կարծես, շուտով փոթորիկ պիտի բարձրանար։ Սև սև ամպերը հաւաքուելով սահում էին երկնքում և նկատելի կերպով փոխում էին իրանց մթագոյն ձևերը։ Քամին անհանգիստ շվուռացնում էր մոլթ ծառերի մէջ, և հեռու, շատ հեռու, հորիզոնից դուրս, ասես ինքն իրեն, բարկացած ու խուլ մրմուռում էր որոտը։

Տան յետին դռնով կկայ սենեակս: Ծառաս քնած էր յատակի վերայ, այդ պատճառով ես ստիպուած էի թռչել նորա վերայից: Նա արթնացաւ, տեսաւ ինձ և ասաց, որ մայրս դարձեալ բարկացել էր, կամեցել է ուղարկել ինձ կանչելու, բայց հայրս չէ թողել: (Երբէք ես մօրս չհամբուրած և նորա օրհնութիւնը չստացած չէի քնում): Բայց ի՞նչ արած:

Ծառայիս ասացի, թէ ինքս կը հանեմ շորերս ու կը պարկեմ—և ճրագը հանգցրի: Բայց ես ոչ շորերս հանեցի, ոչ էլ պարկեցի:

Աթոռի վերայ նստած երկար մնացի ես զմայլուած: Ինչ որ ես զգում էի, այնպէս նոր էր, այնպէս քաղցր էր ինձ համար...: Ես համարեա չէի նայում շուրջս, չէի շարժվում, կամաց շունչ էի քաշում և երբեմն միայն կամ մտաբերելով գլխովս անցածը ծիծաղում էի, կամ սարսուռ էի զգում, երբ մտածում էի, որ ես սիրահարուած եմ, որ ահա նա, ահա այդ սէրը: Զինախիդայի պատկերը հանգիստ պտտում էր իմ առաջ մթութեան մէջ—և բոլորովին չէր հեռանում: Նորա շրթունքները նոյնպէս խորամանկ ժպտում էին, նորա աչերը ինձ էին նայում փոքր ինչ մի կողքից. այդ հայեացքը հարցական, մտայոյզ և քնքուշ էր... ինչպէս և այն վայրկեանին, երբ ես հեռացայ նորանից: Վերջապէս ես վեր կացայ, կամաց-կամաց մօտեցայ անկողնիս, նոյնպէս զգոյշ, առանց շորերս հանելու, գլուխս բարձին դրի, կարծես, երկիւղ էի կրում, որ չլինի թէ մի կոպիտ շարժմունքով խանդարեմ այն, ինչ որ իմ հոգուն ու սրտին տիրել էր...:

Ես պարկեցի, բայց չփակեցի էլ աչքերս: Շուտով ես նկատեցի, որ անդադար սենեակս մի տեսակ աղօտ լոյս է ընկնում և անհետանում: Գլուխս բարձացրի և պատուհանին նայեցի: Նորա շրջանակը պարզ որոշվում էր ապակիներից, որոնք թոյլ կերպով սպիտակին էին տալիս:



Փոթորիկ է—մտածեցի ես—և արդարև փոթորիկ էր, բայց այնքան հեռու էր նա, որ որոտը բոլորովին չէր լսվում։ Երբեմն հրկնքում վառվում էին աղօտ, հրկար, ասես, ճիւղաւորուած փայլակներ։ Նոքա այնքան չէին վառվում, որքան թրթռում ու զոզոզոզում էին մեռնող թռչնի թևի նման։ Վեր կացայ, մօտեցայ պատուհանին և այնտեղ կանգնած մնացի մինչև առաւօտ...։ Կայծակը մի րոպէ անգամ չէր դադարում։ Ես նայում էի աւագուտ լուռ դաշտին, Նեսկուչնի պարտիզի մթութեան մէջ թաղուած ծառերին, հեռուում գտնուող տների դեղնագոյն ճակատներին, որոնք, կարծես, նոյնպէս գողում էին, երբ կայծակը վառվում էր...։ Դարունակ նայում էի ես—և չէի կարողանում աչքս հեռացնել։ Այս թոյլ ցօլքը, այս լուռ կայծակները համապատասխանում էին այն լուռ ու ծածուկ յուզմունքին, որ ալէկոծում էր իմ սիրտը։ Լոյսը բացվում էր. երկինքը կարմրեցաւ արշալուսի փայլեց։ Սրեգակը մօտենում էր, իսկ կայծակները կորցնում էին իրանց փայլը, կրկնվում էին ուշ ուշ և վերջապէս անհետացան, թաղուելով արեգակի պայծառ լուսի մէջ...։

Իմ յուզմունքս էլ անհետացաւ։ Ես զգացի սաստիկ հոգնութիւն, և սիրտս հանդարտեցաւ...։ Բայց Զինաիդայի պատկերը դարձեալ չէ հեռանում հոգուցս։ Միայն նա, այդ կերպարանքը, հանգիստ ու խաղաղ էր երևում. ինչպէս Ճահճային խոտերից հեռացող մի կարսպ, նա ևս բաժանուեցաւ իրեն շրջապատող կերպարանքներից, և ես, քուն լինելով, վերջին անգամ սիրոյ ակնածութեամբ և հաւատով փայփայեցի նորան...։

Ո՛հ, հեղ զգացմունք, մեղմ ձայներ, յուզուած հոգու անդորրութիւն, սիրոյ վայելչութեան առաջին յափրանք,—  
ո՛ւր էք դուք, ո՛ւր էք։

# VIII.

Հետեւեալ օրը առաւօտեան, երբ ես ցած գնացի թէյ խմելու, մայրիկս ինձ վերայ բարկացաւ—բայց աւելի քէչ, քան ես էի սպասում—և ստիպեց ինձ պատմել, թէ ինչպէս անց կացրի ժամանակս նախընթաց երեկոյեան: Մի քանի խօսքով ես նորան պատասխան տուի, բայց թողնելով մանրամասնութիւնները և աշխատելով բոլորին ամենաանմեղ կերպսրանք տալ:

— Բայց էլի նոքա *comme il faut* մարդիկ չեն,—նկատեց մայրիկս,—և ամենեւին չէ վայելում քեզ այդքան յաճախել նոցա՝ փոխանակ քննութիւններիդ պատրաստուելու և պարապելու:

Որովհետեւ ես շատ լաւ գիտէի, որ մօրս հոգատարութիւնը իմ ուսմանս մասին այդ մի քանի խօսքովը պիտի վերջանայ, հարկաւոր չհամարեցի պատասխանել նորան, բայց թէյից յետոյ հայրս ձեռքիցս բռնեց, տարաւ պարտէզ և ստիպեց ինձ բոլորը պատմել, ինչ որ տեսել էի Չասէկինեց տանը:

Տարօրինակ էր հօրս ազդեցութիւնը ինձ վերայ—տարօրինակ էին և մեր յարաբերութիւնները: Նա համարեաւ չէր ղեաղվում իմ կրթութեամբ, բայց և երբէք չէր անպատմում ինձ. նա յարգում էր իմ ազատութիւնը—մինչև անգամ, եթէ կարելի է այսպէս ասել, քաղաքավարի էր վարվում ինձ հետ..... միայն երբէք տեղիք չէր տալիս առանձին կերպով իրեն մօտենալու: Ես սիրում էի նորան և հիանում էի նորանից, նա ինձ համար օրինակելի տղամարդ էր — և, Աստուած իմ, որքան ես սերտ կապուած կրէնէի նորա հետ, եթէ ես միշտ չզգայի նորա հեռացնող ձեռքի զօրութիւնը: Բայց և այնպէս, երբ նա կամենում էր, կարողանում էր մի բառով, մի շարժմունքով ստիպել, որ ես անսահման կերպով հաւատամ իրեն: Սիրտս բոլոր

լովին բացվում էր—ես խօսում էի նորա հետ, որպէս խելացի ընկերիս, բարի դաստիարակիս հետ.... յետոյ նա նոյնպէս յանկարծ մենակ էր թողնում ինձ— և նորա ձեռք կրկին հեռացնում էր ինձ—քնքուշ ու սիրող կերպով—բայց դարձեալ հեռացնում էր:

Երբեմն նա ուրախանում էր և այն ժամանակ պատրաստ էր լինում չարութիւն անելու ինձ հետ երեսպի պէս (նա սիրում էր ամէն տեսակ մարմնամարզութիւն). մի անգամ—այո՛, միայն մի՛ անգամ—նա քնքշութեամբ փայփայեց ինձ, և քիչ էր մնում լաց լինէի... Բայց նորա ուրախութիւնն էլ քնքշութիւնն էլ այնպէս անհետ կորչում էին—որ նոքա երբէք ինձ ապագայի յոյս չէին տալիս—կարծես, թէ այդ բոլորը ես երազումս տեսած լինէի: Երբեմն ես սկսում էի զննել նորա խելօք, գեղեցիկ, պայծառ դէմքը..., սիրտս դողում էր և ես հոգևով ու մարմնով ձգտում էի նորան... նա, կարծես, հասկանում էր իմ յուզմունքը, թեթեւ ձեռք էր տալիս թշիւ—և կամ հեռանում էր, կամ մի բանով զբաղվում էր, կամ յանկարծ մնում էր լուռ ու մտայոյղ. ես էլ իսկոյն երկչոտ կերպով քաշվում էի մի անկիւն: Այն սէրը, որ նա երբեմն ցոյց էր տալիս ինձ, չէր լինում իմ լուռ, բայց հասկանալի աղաչանքիս հետևանքը, այդ սէրը միշտ անակրնկալ էր լինում ինձ համար: Յետոյ հօրս բնաւորութեան վերայ մտածելով՝ ես հասայ այն եզրակացու թեան, որ նա ոչ իմ մասին, ոչ էլ ընտանեկան կեանքի մասին էր մտածում. նա ուրիշ բան էր սիրում, որ և լիովին վայելեց: «Ինչ որ կարող ես, ինքդ վեր ա՛ռ, իսկ քեզ ուրիշների ձեռքը մի՛ ձգիր. այնպէս արա, որ ինքդ քեզ պատկանես—ահա կեանքի բոլոր դաղտնիքը»—ասաց նա ինձ մի անգամ: Մի ուրիշ անգամ ես՝ ելլալուսարդ դէմօճկատրի պէս, սկսեցի հօրս առաջ խօսել աղաւթութեան վերայ (այդ օրը նա, ինչպէս ես ասում էի, «բարի» էր. այդ ժամանակ կարելի էր խօսել նորա հետ, ինչ որ կամենաս):—



Ազատութիւն,—կրկնեց նա,—բայց դու գիտես, թէ ի՞նչ բան կարող է մարդուս ազատութիւն տալ:

— Ի՞նչ:

— Կամքը, սեպհական կամքը, նա և իշխանութիւն կըտայ, որ ազատութիւնից լաւ է: Կարողացիր կամենալ, և ազատ կըլինիս, կըհրամայես:

Հայրս ամէնից առաջ և ամէն բանից շատ կ'ամենում էր ապրել և ապրում էր... Գուցէ նա զգում էր, որ երկար չպիտի կարողանայ օգուտ քաղել «կեանքի գաղտնիքից», նա մեռաւ քառասներկու տարեկան հասակում:

Ես մանրամասնաբար պատմեցի հօրս իմ այցելութիւնը Չասէկինեց: Նա ուշադրութեամբ չէր լսում ինձ. նստարանի վերայ նստած, նա ճիպտի ծայրով բաներ էր զծում աւազի վերայ: Երբեմն նա ծիծաղում էր, պայծառ ու զուարթ հայեացք էր ձգում վերաս, երբեմն էլ զրգոում էր ինձ կարճ հարց ու պատասխաններով: Սկզբում ես չէի իշխում արտասանել Զինաիդայի անունը, բայց ինձ զսպելու անկարող եղայ և սկսեցի գովել նորան: Հայրս շարունակ ծիծաղում էր: Յետոյ նա մտածմունքի մէջ ընկաւ, ճմլկոտաց ու տեղից վեր կացաւ:

Միտս ընկաւ, քի տանից դուրս գալուս նա հրամայեց, որ ձին թամբեն: Նա լաւ ձի քշող էր և կարողանում էր սանձահարել ամենակատաղի ձիերը:

— Ե՞ս էլ քեզ հետ պիտի գամ, հայրիկ,—հարցրի ես:

— Ո՛չ,—պատասխանեց նա, և նորա դէմքը կրկին ստացաւ իւր սովորական, անտարբեր ու քաղցր արտայայտութիւնը:—Գնա՛ ինքդ միայն, եթէ կ'ամենում ես. ասա կառապանին, որ ես չեմ գնալու:

Նա շուռ եկաւ և շտապով հեռացաւ ինձանից: Ես նայում էի, թէ ուր կըգնայ նա—նա դուրս եկաւ դարպասից: Ես տեսայ, ինչպէս նորա գլխարկը շարժվում էր ցանկապատի մօտ. նա մտաւ Չասէկինեց տունը:

Նա մի ժամից աւել չմնաց նոցա մօտ, դուրս եկաւ այնտեղեցի, գնաց քաղաք և իրիկնապահին տուն վերադարձաւ:

Ճաշից յետոյ ես էլ գնացի Զասէկինենց տունը: Ընդունարանում ես պատահեցայ միայն պառաւ իշխանուհուն: Ինձ որ տեսաւ, իսկոյն գլուխը քերեց մի ծայրով և հարցրեց, արդեօք կարո՞ղ եմ նորա համար մի խնդիրք արտագրել:

— Ուրախութեամբ, — պատասխանեցի ես, նստելով աթոռի ծայրին:

— Միայն խնդրում եմ, խոշոր տառերով արտագրեցէք, — շարունակեց իշխանուհին, տալով ինձ մի մրոտած թերթ. — չէ՞ կարելի, որ այսօր պատրաստէք:

— Հէնց այսօր էլ կ'արտագրեմ:

Կողքի սենեակի դուռը կիսատ բացուեցաւ և երևեցաւ Զինաիդայի դէմքը — գունատ, մտախոհ, մազերը անկարգ ուսերին թափթփած. նա նայեց ինձ վերայ մեծ մեծ սառն աչքերով և կամաց յետ արեց դուռը:

— Զինա, Զինա, — բացականչեց մայրը: Զինաիդան չպատասխանեց: Ցարոյ պառաւի խնդիրքը և ողջ երեկոն նստած նորանով էի պարապում:

## IX.

Այդ օրուանից սկսեց իմ «սէրը»: Յիշում եմ, ես զգացի այն, ինչ որ զգում է նոր ծառայութիւն մտած մարդը. ես արդէն հասարակ պատանի չէի — ես սիրահարուած էի: Ես ասացի, որ այդ օրուանից է սկսում իմ սէրը. կարող եմ աւելացնել, որ իմ տանջանքներս էլ այդ օրից սկսեցին: Զինաիդայի բացակայութեան ժամանակ ես մաշվում էի. գլուխս ոչինչ չէր մոնում, ամէն բան ձեռքիցս վայր էր ընկնում, ողջ օրերով անընդհատ մտածում էի

Նորա վերայ.... Ես հալվում էի.... բայց նորա ներկայու-  
թիւնը չէր թեթեւացնում իմ տանջանքը: Ես նախան-  
ձում էի, ես զգում էի իմ ոչնչութիւնը, յիմար կերպով  
նեղացած էի ձեռնում և յիմար կերպով ստրուկ էի  
դառնում նորա ձեռքին—այնու ամենայնիւ մի անյաղթ  
զօրութիւն մղում էր ինձ դէպի օրիորդը և ամէն անգամ  
երջանկութեան ակամայ դողը սրտումս՝ անցնում էի նորա  
սենեակի շեմքը: Զինախան իսկոյն զլխի ընկաւ, որ ես  
սիրահարուեի եւ իրեն վերայ, սակայն ես էլ միտք չու-  
նէի այդ ծածուկ պահել. նա զուարճանում էր իմ զղաց-  
մունքով, յիմարացնում, չարչարում և երես էր տալիս  
ինձ: Քաղցր է լինել ուրիշի ամենամեծ ուրախութեան և  
ամենախորին վշտի միակ աղբիւրը, ինքնիշխան և անպայ-  
ման պատճառը — իսկ ես Զինախանի ձեռքին փափուկ  
մեղրամոմի պէս բան էի: Միայն ես չէի սիրահարուել նորա  
վերայ, բոլոր տղամարդիկը, որոնք այցելում էին նոցա,  
բոլորովին խելքամաղ էին եղել նորանից և նա բոլորին  
էլ ստրկացրել էր: Նորա համար մի զուարճութիւն էր  
արծարծել նոցա մէջ մերթ յոյս, մերթ երկիւղ, խաղացնել  
ըստ իւր հաճոյից (այս նա անուանում էր, մարդկանց  
իրարու խփել), իսկ նոքա չէին էլ մտածում ընդդիմա-  
նալ և սիրով հնազանդում էին: Նորա ամբողջ կենդանի  
ու գեղեցիկ էութեան մէջ խորամանկութեան ու անհո-  
գութեան, արուեստականութեան ու պարզութեան, հան-  
դարտութեան ու կայտառութեան մի խիստ զմայլեցուցիչ  
խառնուրդ կար: Նորա ամէն արածը, խօսածը, բոլոր  
շարժումները զարմանալի նուրբ էին և գեղեցիկ. ամէն  
մի բանում նկատվում էր մի տեսակ ինքնուրոյն, կենդանի  
զօրութիւն: Նորա դէմքն էլ անդադար փոփոխվում էր.  
նա համարեա մի և նոյն ժամանակ արտայայտում էր—  
ծաղը, մտախոհութիւն և կիրք: Զանազան տեսակ զղաց-  
մունքներ, թեթեւ ու արագ, ինչպէս արեւ ու հողմային



օրուայ ամպերի ստուեր, անցնում էին նորա աչքերի ու շրթունքների վերայ:

Նորա պաշտողներից իւրաքանչիւրը պէտք էր, հարկաւոր էր նորան: Բէլովզօրովը, որին նա երբեմն անուանում էր «իմ գազան», երբեմն էլ միայն «իմ» — սիրով նորա համար կրակը կ'ընկնէր: Յոյս չունենալով իւր մտաւոր ընդունակութիւնների և ուրիշ արժանաւորութիւնների վերայ, նա անդադար առաջարկում էր ամուսնանալ նորա հետ, ակնարկելով, որ ուրիշները միայն խօսում են: Մայգանովը պատասխանում էր նորա հոգու բանաստեղծական լարերին. նա բաւականին պաղարիւն մարդ էր, ինչպէս առ հասարակ լինում են բոլոր մատենագիրները, անդադար հաւատացնում էր նորան, գուցէ և իրեն, թէ պաշտում է նորան, անվերջ բանաստեղծութիւնների մէջ նորան երգում էր և կարգում էր նորան այդ գրուածները մի անբնական, բայց և անկեղծ բերկրութեամբ: Սրիորդն էլ թէ՛ համակրում էր նորան, թէ՛ մի փոքր ծիծաղում էր. նա քիչ էր հաւատում Մայգանովին և նորա զգացմանց արտայայտութիւններից ձանձրացած, ստիպում էր կարդալ Պուշկին, ինչպէս նա էր ասում, օգը մաքրելու համար: Լուչինը, որ ամէն բանի ծաղրով վերաբերուող և խօսքերով ցինիկ բժիշկ էր, ամէնից լաւ էր ճանաչում օրիորդին—և ամէնից շատ էր սիրում նորան, թէպէտ հայհոյում էր նորան թէ՛ նորա ներկայութեան և թէ՛ բացակայութեան ժամանակ: Զինաիդան յարգում էր նորան, բայց փոխարէնը հատուցանում էր—և երբեմն մի առանձին չարախիճ գուարճութեամբ զգալ էր տալիս նորան, որ նա ևս իւր ձեռքումն է: «Ես կոտորվում եմ, ես անսիրտ եմ, ես դերասանի բնութիւն ունիմ,—ասաց օրիորդը Լուչինին իմ ներկայութեանս.—Լաւ, տուէք ինձ ձեր ձեռքը, քորոցով կրծակիմ նորան, դուք կ'ամաչէք այս երիտասարդից, ձեր ձեռը կըցաւի, բայց դուք, ճշմար-

տախօս բարեկամ, բարեհաճեցէք ծիծաղել»: Լուչինը կարմրեց, երեսը շուռ տուեց, պոօշները կծեց և վերջ ի վերջոյ ձեռը մեկնեց նորան: Օրիորդը ծակեց ձեռը, և նա արդարեւ սկսեց ծիծաղել... օրիորդն էլ էր ծիծաղում, բաւականին խորը կոխելով քորոցը և ուղիղ նայելով նորա աչքերին, իսկ Լուչինը ի զուր էր աշխատում խոյս տալ նորա հայեացքից....

Ինձ համար շատ անհասկանալի էին Զինախոյսի և կոմս Մալեվսկիի յարաբերութիւնները: Նա գեղեցիկ էր, խելօք ու ճարպիկ, բայց բոլորը կասկածելի, շինծու էր թւում մինչև անգամ ինձ, տասն և վեց տարեկան պատանուս, և ես զարմանում էի, որ Զինախոյսն այդ չէր նկատում: Գուցէ նա այդ նկատում էլ էր, բայց ուշադրութիւն չէր դարձնում: Անկանոն դաստիարակութիւնը, տարօրինակ ծանօթութիւններն ու սովորութիւնները, մօր մշտական ներկայութիւնը, տան չքաւորութիւնն ու անկարգութիւնը, ամէն բան, սկսած ազատութիւնից, որ վայելում էր մատաղահաս օրիորդը, շրջապատող մարդկանցից գերազանց լինելու դիտակցութիւնը մի առնական արհամարհող անհոգութիւն ու անտարբերութիւն էր զարգացրել նորա մէջ: Ինչ որ էլ պատահէր—դար, օրինակ, Վօնիֆատին և ասէր, թէ շաքար չկայ, կամ մի տգեղ բամբասանք յայտնուէր, կամ հիւրերը խռովէին—նա միայն մազերը թափ տալով ասում էր. էհ, դատարկ բաներ են—և էլ բանի վերայ չէր մտածում:

Երբեմն արիւնս եւ էր գալիս, երբ Մալեվսկին մօտեւում էր նորան ազուէսի խորամանկութեամբ, գեղեցիկ ձևերով դիմում էր նորան և աթոռին յինուած՝ փափրսալով բաներ էր ասում նորա ականջին՝ ինքնահաւան ու շողքորդ ժպիտը երևաին, իսկ օրիորդը, ձեռքերը կրծքին խաչած, ուշադրութեամբ նայում էր նորան, ժպտում և դուրսը շարժում էր:

— Ինչո՞ւ համար էք ընդունում պ. Մալեվսկիին, — հարցրի ես մի անգամ օրիորդից:

— Ո՛հ, նա ի՛նչ գեղեցիկ բեխեր ունի, — եղաւ նորա պատասխանը: — Բայց այդ դուք չէք հասկանալ:

— Չլինի, որ կարծէք, թէ ես սիրում եմ նորան, — ասաց նա ինձ մի ուրիշ անգամ: — Ո՛չ, այնպիսիներին ես սիրել չեմ կարող, որոնց վերայ ստիպուած եմ վերելից ցած նայել: Ինձ պէտք է այնպիսին, որ կարողանար յաղթել ինձ... Ձէ՛, ես այդպիսիներին չեմ պատահիլ, Աստուած ողորմած է: Ես երբէք, երբէք ոչ ոքի ճանկը չեմ ընկնիլ:

— Ուրեմն դուք ոչ ոքի՞ չէք սիրիլ:

— Իսկ ձե՞զ: Մի՞թէ ես ձեզ չեմ սիրում, — ասաց նա ու ձեռնոցի ծայրով քթիս խփեց:

Այո, Զինաիդան շատ էր ծիծաղում վերաս: Երեք շաբաթ շարունակ ես նորան տեսնում էի ամէն օր — ինչէ՛ր էր բերում նա իմ գլուխը: Նա մեզ մօտ քիչ էր գալիս, և գորա համար ես չէի ցաւում, մեր տանը նա իսկը իշխանուհի էր դառնում — և ես նորանից փախչում էի: Ես վախենում էի, որ մօրս առաջ ինձ կըմանեմ. նա շատ չէր սիրում Զինաիդային և կասկածով էր նայում մեզ վերայ: Զօրիցս այնքան չէի վախենում. նա, կարծես, ինձ չէր էլ նկատում, իսկ օրիորդի հետ քիչ էր խօսում, բայց խօսած ժամանակը խօսում էր շատ խելօք և ասածին առանձին նշանակութիւն տալով: Ես էլ բան չէի անում, չէի կարդում — ես մինչև անգամ չէի ճեմում, ոչ էլ ձիով ման էի գալիս մեր ամարանոցի շրջակայքում: Ինչպէս ոտը կապած մի բղէզ, ես անդադար պտտում էի սիրած տան չորս կողմը. ինձ թւում էր, թէ ես յաւիտեան կըմնայի այնտեղ... բայց այդ անկարելի էր. մայրս զժգոհ էր ինձանից, երբեմն էլ ինքը Զինաիդան էր ինձ քշում: Այն ժամանակ ես կամ



փակվում էի սենեակումս, կամ գնում էի պարտիզի միւս ծայրը, բարձրանում էի քարաշէն ջերմոցի չքանդուած պատի վերայ և ոտներս կախ արած ժամերով նստում էի և նայում ճանապարհի վերայ, բայց ոչինչ չէի տեսնում: Այդտեղ թողոտած աղինջների վերայ դանդաղ թռչկոտում էին սպիտակ թիթեռնիկներ. վտվտան ճ'նձղուէր նստել էր մի կոտրած, կարմիր աղիւսի վերայ և անդադար ճլվում էր, դէս ու դէն էր պտտվում սրտը արձակած: Վախկոտ ագռաւները բարձր նստած թխտենու լերկ կատարին դարձեալ կրկնում էին. արեւն ու քամին խաղում էին նորա ցրուած ճիւղերի մէջ: Երբեմն լսվում էր Ռօնսկոյ վանքի զանգերի տխրագին ու մեղմ հնչիւնը—իսկ ես նստած նայում էի և լսում—և այդ միջոցին ինձ տիրում էր մի անասելի զգացմունք, որի մէջ ամէն բան կար, կար ուրախութիւն, տրտմութիւն և ապագայի նախազգացում, կհանքի ցանկութիւն և երկիւղ: Բայց այն ժամանակ ես ոչինչ չէի հասկանում և ոչինչ անուն չէի կարող տալ այն բոլորին, ինչ որ եռում էր իմ մէջ—այս բոլորին մի անուն կըսայի—Զինախղայի անունը:

Իսկ Զինախղան միշտ ինձ հետ այնպէս էր խաղում, ինչպէս կատուն մկան հետ: Նա կամ կոտրատվում էր, և ես հարվում ու մաշվում էի—կամ ինձ յետ էր մղում իրենից—և այն ժամանակ ես չէի իշխում մօտենալ նորան, չէի նայում նորա վերայ:

Յիշում եմ, մի քանի օր շարունակ նա շատ սառն էր վարվում ինձ հետ. ես բոլորովին վախեցել էի և երկչոտութեամբ էի գնում նոցա տունը, աւելի շատ տիկնոջ հետ էի լինում, թէպէտ և հէնց այդ ժամանակ նա աւելի գորգոռում և կռվում էր բոլորի հետ. նորա պարտամուրհակների գործը վատ էր գնում, և արդէն երկու անգամ բանը հասել էր ոստիկանութեան:

Մի անգամ պարտիզի ցանկի մօտից անցնելիս ես տե-

սայ Զինաիդային, երկու ձեռներին յինուած նա նստել էր արօտի վերայ և չէր շարժվում: Առաջ եւ ուզում էի զգուշութեամբ հեռանալ, բայց նա յանկարծ զլուխը բարձրացրեց և մի հրամայական նշան արաւ ինձ: Սառած մնացի տեղումս. ես առաջին անգամից չհասկացայ նորան: Օրիորդը կրկնեց իւր նշանը: Ետտով թռայ ցանկի վերայից և ուրախ-ուրախ վազեցի նորա մօտ. նա կանգնացրեց ինձ իւր հայեացքով և ցոյց տուեց ինձ իրենից մի երկու քայլ հեռու գտնուող ճանապարհը: Նա այնքան գունատ էր, այնքան տխուր ու յոգնած էր երևում, որ սիրտս ճմլուեցաւ, և ակամայ բացականչեցի. ի՞նչ է պատահել ձեզ:

Զինաիդան ձեռը մեկնեց, մի խոտ կտրեց, կծեց նորան և դէն ձգեց:

— Դուք ինձ շատ էք սիրում,— հարցրեց վերջապէս օրիորդը: — Այո՞:

Ես ոչինչ չպատասխանեցի — և ինչո՞ւ համար պիտի պատասխանէի:

— Այո, — կրկնեց նա, առաջուայ պէս վերաս նայելով: — Այդպէս է: Նոյնպիսի աչքեր եւս, — աւելացրեց նա, ընկաւ մտածմունքի մէջ և ձեռներով երեսը ծածկեց: — Ամէն բանից զգուշ եմ, — շարունակեց նա, — աշխարհիս միւս ծայրը կը գնայի, ես սորան տանել, դիմանալ չեմ կարող, ես չեմ կարող այդ անել.... Եւ ի՞նչ է իմ ապագաս.... Ա՛խ, դրուժի՜նս անտանելի է.... Աստուած իմ, որքան դժուար է:

— Ինչո՞ւ համար, — հարցրի ես երկչոտ:

Զինաիդան ինձ չպատասխանեց, այլ միայն ուսերը վեր բաշեց: Ես դեռ ծնկաչոք, տրտում նայում էի նորա վերայ: Նորա իւրաքանչիւր խօսքը դրոշմվում էր սրտումս: Այդ ըտպէին ես, երեւի, աւելի շուտ ողջ կեանքս կը գոհէի, միայն որ նա չտխրէր: Ես նայում էի նորա վերայ — և

կրկին չիմանալով նորա տխրութեան պատճառը, երևակայեցի, թէ ինչպէս նա տխրութեան մէջ է ընկղմել, պարտէզ եկել և գետին ընկել հնձած խոտի պէս:— Զորս կողմը լոյս էր ու կանաչ. քամին շարժում էր ծառերի տերևները, երբեմն ձօճելով մորենու երկար ոստերը Զինաի-դայի գլխի վերայ: Լսվում էր աղաւնիների զըզուոցը— իսկ մեղրաճանձերը, թռչկոտելով արօտի վերայ, բզզում էին: Երկինքը կապոյտ էր ու դեղեցիկ— բայց ես այնքան տխուր էի....

— Ասացէ՛ք ինձ մի ոտանաւոր, — շնչեց Զինաիդան և ձեռքին յենուեցաւ:— Ես շատ եմ սիրում, երբ դուք ոտանաւոր էք ասում: Ասելու ժամանակ փոքր ինչ երգում էք, բայց դա ոչինչ, դա երիտասարդութեան նշան է: Կարդացէ՛ք «Արաստանի բլուրների վերայ» բանաստեղծութիւնը:— Միայն առաջուց նստէք:

Նստայ և ասացի անգիր «Արաստանի բլուրների վերայ» բանաստեղծութիւնը:

— «Որ նա չէ կարող չտիրել», — կրկնեց Զինաիդան: Այ, ինչով է բանաստեղծութիւնը լաւ. նա ասում է մեղ այն, ինչ որ չկայ, և որ ոչ թէ միայն լաւ է եղածներից, այլ և աւելի մօտ է ճշմարտութեան.... Որ նա չէ կարող չտիրել— և ուզենար էլ, չէ՛ր կարող:— Օրիորդը կրկին լռեց, մի անդամից վեր թռաւ և ոտի կանգնեց:— Գնանք: Մայդանովը այժմ մօրս մօտ է. նա բերաւ ինձ իւր պօէման, բայց ես նորան տանը թողի... Մայդանովը էլ վշտացած է... Ի՛նչ արած. դուք մի ժամանակ կ'իմանաք.... միայն չբարկանաք ինձ վերայ:

Զինաիդան շտապով սեղմեց ձեռք և առաջ վազեց: Եկանք տուն: Մայդանովը սկսեց կարդալ մեզ իւր նոր տպագրուած «Մարդասպան» բանաստեղծութիւնը, բայց չէի լսում նորան: Նա երգելով ու աղաղակելով կարդում էր իւր ոտանաւորը, իսկ ես շարունակ նայում էի Զի-



նախդայի վերայ և աշխատում էի հասկանալ նորա վերջին տողերի նշանակութիւնը:

«Գուցէ սիրտդ յանկարծ յաղթեց

«Մի անծանօթ ախոյեան».—

բացականչեց յանկարծ Մայրանովը քթի մէջ—և իմ ու Զինախղայի աչքերը հանդիպեցան միմեանց: Օրիորդը իւր աչքերը ցած ձգեց և թեթեւ կարմրեց: Ես տեսայ, ինչպէս նա կարմրեց, և երկիւղեց մնացի սառած: Ես էլ առաջ նախանձում էի, բայց միայն այդ րոպէին գլխումս ծագեց այն միտքը, թէ նա սիրում է: «Աստուած իմ, նա սիրում է»:

## X.

Իմ իսկական տանջանքներս ու վշտերս այդ օրուանից սկսուեցան: Խելքիս զօր էի տալիս, զանազան բաներ էի մտածում, — և անդադար դիտում էի Զինախղային, թէպէտ և աշխատում էի, որ այդ ծածուկ լինի: Նա բոլորովին փոխուեցաւ—այդ ակներև էր: Նա միայն էր գնում ճեմելու և ճեմում էր երկար: Երբեմն նա չէր երևում հիւրերին. ժամերով նստում էր իւր սենեակում: Առաջ նա այդպիսի բաներ չէր անում: Մի անգամից խիստ սրտաւետեա դարձայ, կամ գուցէ ինձ այդպէս էր թւում: «Զլինի թէ սա է, կամ արդեօք նա՞ է», հարցնում էի ինքս ինձ և երկիւղով թուում էի մէկ մէկ նորա երկրպագուներին: Կոմս Մալեվսկին (թէպէտ ես ամաչում էի Զինախղայի տեղ, երբ այս միտս էր ընկնում) ինձ համար ամենավետանգաւորն էր երևում:

Իմ գիտողութիւնը շատ հեռու չէր գնում, և իմ ծածկամտութիւնը, երևի, ոչ ոքի էլ չկարեց. գոնէ բժիշկ Լուչինը շուտով ինձ ճանաչեց: Բայց վերջին ժամանակներս նա էլ փոխուեւ էր. նա լղարեւ էր, ծիծաղում էր

նոյնպէս շուտ շուտ, բայց խուլ կերպով և չարութեամբ—  
նորա նախկին թիթե հեգնութիւնն ու կեղծեալ ցինիզմը  
տեղի էին տուել մի ահամայ ջղային զրգուման:

— Պարոն, ի՞նչ էք անդադար գալիս սոցա մօտ,—  
ասաց նա ինձ մի անգամ Զասէկինեց ընդունարանում,  
երբ մնացինք երկուսս: (Օրիորդը զբօսնելուց դեռ չէր  
վերադարձել, իսկ տիկնոջ աղաղակը լսվում էր վերին  
յարկից. նա աղախնի հետ էր կռվում): Դուք քանի  
երիտասարդ էք, պէտք է սովորէք, բան անէք—իսկ դուք  
ի՞նչ էք անում:

— Դուք չէք կարող իմանալ, տանը ես բան անում  
եմ, թէ ոչ, — պատասխանեցի նորան գոռոզութեամբ ու  
շփոթուած:

— Ի՞նչ պարագմունք պիտի լինի, երբ ձեր ուշ ու  
միտքը ուրիշ բանի էք տուել: Բայց, չեմ ուզում վիճել...  
այդ բանը յատուկ է ձեր հասակին: Միայն ձեր ընտրածը  
շատ անյարմար է: Զէք տեսնում, այս ինչ ընտանիք է:

— Զեր ասածը ես չեմ հասկանում, — պատասխա-  
նեցի ես:

— Զէք հասկանում, աւելի վատ: Ես իմ պարտա-  
կանութիւնս եմ համարում ձեզ զգուշացնել: Մենք,  
պառաւ ազգայներս, կարող ենք գալ այստեղ. մեզ ի՞նչ  
կարող են անել. մենք բովուած մարդիկ ենք, մեզ դժուար  
է թակարդի մէջ ձգելը. բայց ձեր կաշին դեռ շատ քնքուշ  
է. այստեղի օդը շատ փնասակար է ձեզ համար—հաւա-  
տացէ՛ք ինձ, կարող էք վարակուիլ:

— Սո՛րդ ինչպէս:

— Ամենահասարակ կերպով: Միթէ դուք առողջ էք  
հիմա: Միթէ ձեր վիճակը բնական է: Միթէ այն, ինչ  
որ դուք զգում էք, օգտաւէտ և լաւ է ձեզ համար:

— Բայց ի՞նչ եմ զգում ես, — հարցրի ես—իսկ ինքս  
խոստովանում էի սրտումս, որ բժիշկը իրաւունք ունի:

— Է՛հ, երիտասարդ, երիտասարդ պարոն, — շարունակեց բժիշկը այնպիսի ձևով, կարծես, թէ այդ երկու խօսքը ինձ համար շատ մեծ անպատուութիւն էր, — դ՞ուք էք կամենում խորամանկ ձեանալ, փառք Աստուծոյ, ինչ որ ձեր սրտումն է, նոյնն էլ ձեր երեսի վերայ է: Բայց ինչո՞ւ համար եմ ասում: Ես ինքս էլ չէի գալ այստեղ, եթէ.... (բժիշկը ատամները սեղմեց միմեանց վերայ).... եթէ ես էլ ձեզ պէս տարօրինակ չլինէի: Բայց ահա, ինչ է ինձ շատ զարմացնում. ինչպէ՞ս դուք, այդպէս խելօք լինելով, չէք նկատում, թէ ինչ է կատարվում ձեր շուրջը:

— Իսկ ի՞նչ է կատարվում, — շարունակեցի ես, պատրաստ լինելով նորա ասածը լսելու:

Բժիշկը արհամարհական հայեացք ձգեց վերաս:

— Ես էլ պակաս չեմ, — ասաց նա, կարծես, ինքն իրեն, — ի՞նչ կարիք կայ այս բաների մասին նորա հետ խօսելու: Մի խօսքով, կրկնում եմ ես, — շարունակեց նա բարձրաձայն, — այս տեղի օդը ձեզ կարող է վնասել: Այստեղ լինելը ձեզ շատ հաճելի է, բայց ի՞նչ արած: Զերմեցումն էլ շատ ակտիվ է ու անուշ հոտ է բուրում — բայց այնտեղ ապրել անկարելի է: Է՛հ, լաւ է, լսեցէք ինձ, կրկին վեր առէք Կայդանովի ձեռնարկը:

Իշխանուհին ներս մտաւ և ասաց բժշկին, որ ատամները ցաւում են: Եկաւ և Զինաիդան:

— Ա՛յ, պ. բժիշկ, — շարունակեց իշխանուհին, — մի քիչ խրատեցէք սորան: Ամբողջ օրը սառուցով ջուր է խմում. միթէ այդ վնասակար չէ նորան, քանի որ կուրծքն էլ այսպէս թոյլ է:

— Ինչո՞ւ համար էք անում այդ, — հարցրեց Լուչինը:

— Ի՞նչ կըլինի որ:

— Ի՞նչ կըլինի, կարող էք մրսել և մեռնել:

— Ճի՛շտ: Մի՛թէ: Է՛հ, ի՞նչ անենք — Աստուած բարի ճանապարհ տայ:



— Այ ինչ,—ասաց բժիշկը: Իշխանուհին գնաց:

— Այ ինչ,—կրկնեց օրիորդը:—Մի՞թէ կեանքը այնպէս ուրախալի է, նայեցէք ձեր շուրջը... Ի՞նչ է, լա՞ւ է: Ամբ գուցէ դուք կարծում էք, որ հս այդ չե՞մ հասկանում, չե՞մ զգում: Սառուցով ջուրը—ինձ դուր է զալիս, և դուք կարող էք հաւատացնել ինձ, որ այսպիսի կեանքը այնքան զին ունի, որ նորա համար մի բոպէական զուարճութիւն, չեմ ասում բախտաւորութիւն վայելելու անրգուշութիւնը չունենամ:

— Այո՛,—նկատեց Լուչինը. — դա քմահաճութիւն է և անկախութիւն... Այս երկու բառերով որոշվում է ձեր բնաւորութիւնը:

Զինախդան ծիծաղեց:

— Ուշ է, սիրելի բժիշկ: Վատ էք դիտում, յիս էք մնում:—Ակնոց դրէք:—Քմահաճութիւն անելու ժամանակ չունիմ. է՛հ, ինչ զուարճութիւն պիտի ստանամ ձեզ էլ, ինձ էլ յիմարացնելով. —բայց ինչ վերաբերում է անկախութեան... Մսիս Վօլգեմար,—աւելացրեց յանկարծ Զինախդան, ոտը գետնին խփելով, — թողէ՛ք ձեր մեղամտըձոտ հայեացքը: Սիրտս ճաքում է, երբ ինձ խղճում են:

— Նա շուտով հեռացաւ:

— Վնասակար, այո, վնասակար է ձեզ համար այստեղի օդը, երիտասարդ պարոն,—դարձեալ կրկնեց Լուչինը:

## XI.

Նոյն օրը երեկոյեան Զասէկինեց տանը հաւաքուեցան տվորական հիւրերը. հս էլ այնտեղ էի:

Խօսակցութիւն բացուեցաւ Մայդանովի բանաստեղծութեան մասին. Զինախդան անկեղծօրէն զովում էր նորա դրուածը:—Բայց դիտէ՛ք,—ասաց նա Մայդանովին,—եթէ

ես բանաստեղծ լինէի—ես ուրիշ նիւթեր կ'ընտրէի: Գուցէ այս բոլորը ցնորք է—բայց և այնպէս ժամանակ առ ժամանակ շատ տարօրինակ մտքեր են ծագում զլիւումս, նա մանուսանդ առաւօտեան, երբ քնած չեմ լինում, և երբ երկինքը վարդի գոյն է ստանում:—Ես, օրինակի համար.... Ձէ՞ք ծիծաղել վերաս:

— Ձէ, չէ, — բացականչեցինք ամենքս միասին:

— Ես կ'ընեիրկայացնէի, — շարունակեց նա, ձեռքը կրճի վերայ խաչած և մի կողմը նայելով, — մի խումբ մատաղահաս օրիորդներ, գիշեր ժամանակ մեծ նաւակի մէջ — հանդարտ գետի վերայ: Լուսինը փայլում է, իսկ աղջկերքը սպիտակ հագած և սպիտակ ծաղիկներից հիւսուած պսակներով զարդարուած՝ խմբովին երգում են, գիտէ՞ք, թէ ինչ — մի հանդիսաւոր երգ:

— Հասկանում եմ, հասկանում, շարունակեցէք, — ասաց Մայգանովը առանձին նշանակութեամբ և յափշտակութեամբ:

— Յանկարծ ավում լսվում են — աղաղակ, գոչին, ծիծաղ, երևում են կերոններ, ծնծղայք.... Դա բաքոսուհիների մի խումբ է, որ երգելով վազում է: Իսկ այժմ, պարոն բանաստեղծ, ձեր գործն է պատկերացնել այդ.... միայն ես կ'ուզենայի, որ կերոնները կարմիր լինէին և սաստիկ ծուխ արձակէին, որպէս զի բաքոսուհիների աչքերը փայլէին պսակների տակ, իսկ պսակները փոքր ինչ մութ պիտի լինին: Մի՛ մոռանաք նոյնպէս վազրի մութիներ ու բաժակներ — և ոսկի, շատ ոսկի:

— Ոսկին ինչտե՞ղ պիտի լինի, — հարցրեց Մայգանովը, յետ տանելով իւր մազերը և ուռցնելով ուռնիները:

— Ինչտե՞ղ, ուսերի, ձեռների, ոտների վերայ, ամէն տեղ: Ասում են, թէ հին ժամանակը կանայք ոսկէ օղակներ էին կրում ոտի կոճերի վերայ: Բաքոսուհիք իրենց մօտ են կանչում նաւակի մէջ նստած աղջկերանց: Աղջկերքը այլ ևս չեն

երգում—նորա անկարող են շարունակելու—և անշարժ նստած են. ջուրը բերում է նոցա դէպի ավեր: Եւ ահա նոցանից մէկը կամաց բարձրանում է... Այս լաւ պէտք է նկարագրել. թէ ինչպէս նա հանգարտ վեր է կենում լուսնի ժամանակ, և ընկերները վախենում են... Նա դուրս է գալիս նաւակից, բաքոսուհիք պատում են նորան և տանում գիշերային խաւարը... Ներկայացրէք այստեղ սաստիկ ծուխ, և ամէն բան միախառնվում է: Միայն թող լսուի նոցա ճիչը, իսկ պսակը պիտի մնայ ավին:

Զինախդան լռեց: (Ո՛հ, նա սիրահարուած է, — դարձեալ մտածեցի ես):

— Միայն այդ, — հարցրեց Մայդանովը:

— Այո, միայն այդ, — պատասխանեց օրիորդը:

— Դա չէ կարող լինել մի պօէմայի նիւթ, — խորխորակատեց նա, — իսկ քնարերգական կտորի համար ձեր յայտնած մտքից ես օգուտ կըքաղեմ:

— Բոմանտիկական ձևով, — հարցրեց Մալեվսկին:

— Յայտնի բան է բոմանտիկական ձևով, Բայրոնի պէս:

— Իմ կարծիքով Հիւզոն Բայրոնից լաւ է, — առանց մտածելու արտասանեց երիտասարդ կոմսը, — աւելի հետաքրքրաշարժ է:

— Հիւզոն առաջնակարգ հեղինակ է, — պատասխանեց Մայդանովը, — և իմ բարեկամ Տօնկօշէկը իւր իսպանական Էլ—Տրովադօր վէպի մէջ...

— Ա՛հ, այդ այն գիրքն է, ինչտեղ հարցական նշանները զլխի վայր են դրած, ընդմիջեց Զինախդան:

— Այո: Սպանացիք այդպէս են ընդունել: Ես ուզում էի ասել, թէ Տօնկօշէկը...

— Դէ՛հ, դարձեալ դուք պիտի վեճէք կրասիկականութեան և բոմանտիկականութեան մասին, — նորից նորա խօսքը կտրեց Զինախդան: — Աւելի լաւ է խաղանք...

— Փա՛նա, — խնդրեց հարցրեց Լուշինը:



— Չէ՛, Ֆանտը տխուր խաղ է. լաւ է համեմատութիւն խաղանք: (Այս խաղը Զինախղայի հնարածն էր. մի առարկայի անունն էին տալիս, ամէն մէկը աշխատում էր համեմատել նորան մի բանի հետ, և լաւ համեմատութիւն անողը վարձատրութիւն էր ստանում): Օրիորդը մօտեցաւ պատուհանին: Արեգակը նոր էր մայր մօտել, երկնքում երևում էին երկար, կարմիր ամպեր:

— Ինչի՞ կն նման այս ամպերը,—հարցրեց Զինախղան և չսպասելով մեր պատասխանին շարունակեց.— Էս նմանեցնում նոցա այն ծիրանի առաքաստներին, որ կախած էին Նլէօպատրայի ոսկէ նաւի վերայ, երբ նա գնում էր Անտոնիոսի առաջ: Յիշում էք, Մայդանովը շատ ժամանակ չէ՛, որ դուք այդ մասին ինձ պատմում էիք:

Ամէնքս միասին, ինչպէս Պօլոնիոսը «Համէտի» մէջ, վճռեցինք, որ արդարև ամպերը նման են այն առաքաստներին և այդ համեմատութիւնից լաւը չէր կարող լինել:

— Բայց այն ժամանակ քանի՞ տարեկան էր Անտոնիոսը,—հարցրեց Զինախղան:

— Երեւի, դեռ երիտասարդական տարիներումն էր,—պատասխանեց Մալեվսկին:

— Այո՛, երիտասարդ էր,—հաստատեց նորա ասածը Մայդանովը:

— Ներեցէ՛ք,—բացականչեց Լուշինը,—նա քառասնից անց էր:

— Քառասնից անց էր,—կրկնեց Զինախղան և արագ իւր հայեացքը նորա վերայ ձգեց....

Ես շուտով տուն գնացի:—«Նա սիրահարուած է», ահամայ դուրս էր գալիս բերանիցս.... «Բայց ո՞ւմ վերայ»:

XII.

Օրերը անցնում էին: Ջինաիզան աւելի ու աւելի տա-  
րօրինակ ու անհասկանալի էր դառնում: Մի անգամ ես  
գնացի նոցա տունը, տեսայ, նա նստել է և զլուխը աթոռի  
մէջքին դրել: Նա ուղղուեց.... ողջ երեսը արտասուէքներից  
թրջուել էր:

— Ա, դուք էք,—ասաց նա խստասիրտ ծիծաղով:—  
Դէ՛, մօտեցէք ինձ:

Ես մօտեցայ նորան. ձեռք զլխիս դրեց, մագերս բռնեց  
և սկսաւ թափ տալ:

— Ցաւե՞մ է...—վերջապէս բացականչեցի ես:

— Հա՛, ցաւե՞մ է, իսկ ինձ համար ցաւ չկայ,—կրկնեց նա:

— Այո՛,—բացականչեց օրիորդը, երբ նկատեց, որ մի  
քանի մազ է հանել:—Խե՛ղճ արի: Խե՛ղճ մնե՛՛ Կօլդեմար:

Օրիորդը զգուշութեամբ կարգի բերեց մագերս, մատի,  
վերայ փաթաթեց և օղակի ձև տուեց:

— Ես ձեր մագերը կըպահեմ մէդալիոնիս մէջ, նոքա  
միշտ ինձ հետ կըլինին,—շարունակեց օրիորդը արտա-  
սուալեց աչքերով:—Գուցէ այս փոքր ինչ ձեզ մխիթարէ....  
իսկ այժմ մնաք բարով:

Ես տուն վերադարձայ և մի անախորժ տեսարանի հանդի-  
պեցայ: Մայրս մի բանի մասին վիճում էր հօրս հետ. նա  
հօրս էր մեղադրում, իսկ հայրս ըստ իւր սովորութեան  
սառնասիրտ ու քաղաքավարի կերպով լռութիւն էր պա-  
հում և շուտով էլ հեռացաւ: Ես չկարողացայ լսել թէ  
ինչ բանի մասին էր խօսում մայրս, ինքս էլ բոլորովին չէի  
հետաքրքրվում: Յիշում եմ միայն, որ խօսակցութիւնը  
վերջանալուց յետոյ նա ինձ կանչել տուեց իւր առանձնա-  
սենեակը և մեծ դժգոհութեամբ կշտամբեց ինձ, որ այսքան  
յաճախ եմ այցելում իշխանուհուն, որ, նորա ասելով, էր

une femme capable de tout <sup>1)</sup>: Ես մօտեցայ, նորա ձեռքը համբուրեցի (միշտ ես այսպէս էի անում, երբ ուզում էի խօսակցութեան վերջ տալ) և սինեալս գնացի: Զինախղայի արտասուքը ինձ բոլորովն շլմեցրին. ինքս էլ չգիտէի, թէ ինչ վճռեմ և պատրաստ էի լաց լինելու. ես դեռ երեխայ էի, չնայելով որ տաան և վեց տարեկան էի: Այլ ևս ես չէի մտածում Մալեվսկիի վերայ, թէպէտ Բէլովզորովը օրէ ցօր սարսափելի էր դառնում և ճարպիկ կոմսի վերայ այնպէս էր նայում, ինչպէս գայլը ոչխարի վերայ. չէ, ես ոչ ոքի և ոչնչի վերայ չէի մտածում: Ես մնացել էի բոլորովն մոլորած և միշտ աշխատում էի մենակ մնալ: Աւելի ևս սիրեցի ջերմոցի աւերակները: Երբեմն բարձրանում էի ահագին պատի վերայ, նստում էի մենակ, այնպէս տխուր ու անբախտ, որ ինքս ինձ խղճում էի—բայց ողբան ախորժելի և մխիթարական էին ինձ համար այդ զգացմունքները...

Եւ ահա մի անգամ պատի վերայ նստած, նայում եմ հեռուն և լսում զանգակի ձայն... յանկարծ մի բան անցաւ մարմնովս—թէ ասեմ, քամի էր—քամի չէր, ոչ էլ սարսուռ. կարծես, թէ շունչ մէկի մօտ լինելու զգացում լինէր... Ես ցած նայեցի: Այնտեղ ճանապարհով ացնում էր Զինախղան մոխրագոյն թեթեւ շոր հագին և վարդագոյն ամպհոփանին ուսին: Նա տեսաւ ինձ, կանգնեց և, յարդէ շփտալը վեր բարձրացնելով, ինձ վերայ ձգեց իւր թուշեայ աչքերը:

— Ի՞նչ էք անում այդտեղ,—հարցրեց ինձ օրիորդը մի տարօրինակ ժպիտ երեսին:—Դուք անդադար ինձ հաւատացնում էք,—շարունակեց նա,—թէ ինձ սիրում էք—գետին թռէք այդտեղեց, եթէ արդարեւ սիրում էք ինձ:

Զինախղան դեռ չէր աւարտել իւր խօսքը, ես ինձ վայր նետեցի, ասես, թէ մէկը յետեւիս ինձ հրեց: Պատի բարձ-

1) Ամէն բանի ընդունակ մի կին:



րութիւնը կը լինէր կրկու սաժէն: Ես գետին թռայ ոտնե-  
րիս վերայ և այնպէս ուժով թռայ, որ չկարողացայ ոտքի  
վերայ մնալ: Կս փռուեցի գետնի վերայ և մի րոպէ ուշս  
գնաց: Երբ ուշքի եկայ, դեռ աչքերս չբացած, զգում էի  
Զինախդայի ներկայութիւնը:—«Սիրելի՛ տղաս,—ասում էր  
նա դէպի ինձ կռացած— և նորա ձայնը քնքշութեամբ  
դողդողում էր,—ինչո՞ւ արեցիր, ինչո՞ւ ինձ լսեցիր... Կս Հօ  
քեզ սիրում եմ... վեր կաց»:

Նորա կուրծքը ինձ շատ մօտ էր բաբախում, նա ձեռքով  
բռնել էր գլուխս և յանկարծ—այն ի՞նչ էր, որ Կս զգացի—  
նորա նուրբ, թարմ շրթունքները համբոյրներով ծածկում  
էին երեսս... նոքա իմ շրթունքներին կպան...: Բայց յետոյ  
Զինախդան, երևի, գլխի ընկաւ, դէմքիս արտայայտութիւնից  
հասկացաւ, որ արդէն ուշքի եմ եկել, թէպէտ աչքերս բաց  
չէի անում—և շուտով վեր կենայով ասաց.—«Ի՛նչ, վեր  
կաց էք, չար, անմիտ տղայ. ի՞նչ էք պարկեղ թողի մէջ»:  
Ես վեր կացայ:—Բերէք ամպհովանիս,—ասաց Զինախ-  
դան,—տեսնում էք, ինչտեղ եմ ձգել. այդպէս մի՛ նայէք  
վերասս... այս ի՞նչ յիմարութիւն է. չէ՞ք փաստուել երևի,  
աղինջը ձեզ պրկել է: Ասում եմ ձեզ, այդպէս մի՛ նայէք  
վերասս...: Սա ոչինչ չէ հասկանում, չէ պատասխանում,—  
աւելացրեց՝ օրիորդը, կարծես, ինքն իրեն...:—Գնացէք տուն,  
մնե՛՛ ֆօլդիմար, մաքրեցէք ձեր շորերը, միայն յետևիցս  
չգաք, թէ չէ կը բարկանամ և այնուհետև....

Նա չվերջացրեց իւր խօսքը և շտապով հեռացաւ. իսկ Կս  
նստայ ճանապարհի վերայ... ոտներս ինձ չէին հնազան-  
դում: Աղինջը ձեռներս պրեղ էր, մէջքս տքում էր, գլուխս  
պտտւում. բայց այն երջանկութեան զգացմունքը, որով այն  
ժամանակ լիքն էր սիրտս, այլ ևս չկրկնուեցաւ կեանքումս:  
Նա ինչպէս մի քաղցր ցաւ թափանցել էր ողջ մարմինս  
և վերջը Կս սկսայ յանկարծ բերկրութեամբ ուստոստել և  
ուրախութեան ճէր արձակել. իրաւի, Կս գեռ երեխայ էի:

### XIII.

Ես այնպէս ուրախ ու հպարտ էի ողջ օրը, այնպէս կենդանի էի պահել դէմքիս վերայ Զինաիդայի համբոյները, այնպիսի բերկրութեամբ ու հրճուանօք էի արտասանում նորա իւրաքանչիւր բառը, այնպէս փայփայում էի իմ անակնկալ երջանկութիւնը, որ մինչև անգամ վախենում էի, չէի կամենում տեսնել իմ նոր զգացմունքների առարկային: Ինձ թւում էր, թէ աւելի ոչինչ չէր կարելի պահանջել բախտից, թէ «վերջին անգամ պէտք է լաւ շունչ քաշել և մեռնել»: Սակայն հետևեալ օրը, երբ ես գնացի նոցա տունը, շատ շփոթուած էի և ՚ի զուր աշխատում էի թաղցնել այդ յուզմունքս պարկեշտ ու զաղտնապահ մարդու դիմակի տակ: Զինաիդան ինձ շատ հասարակ ընդունեց, չվրդովուեց, միայն մատը ինձ վերայ թափ տուեց և հարցրեց, կապուտակ տեղեր չկա՞ն արդեօք մարմնիս վերայ: Իմ համեստութիւնն ու ծածկամտութիւնը մի վայրկեանում անհետացան. անհետացաւ և շփոթմունքս: Ի հարկէ, ես մի առանձին բան չէի սպասում, բայց Զինաիդայի սառնասրտութիւնը այնպէս ազդեց ինձ վերայ, կարծես, թէ սառը ջուր ածեցին գլխիս: Ես հասկացայ, որ նորա աչքում ես դեռ երեխայ եմ—և այդ բանը ինձ շատ անհաճելի էր: Զինաիդան ման էր գալիս սենեակում, նայում ինձ վերայ և արագ ժպտում: Բայց նորա ուշ ու միտքը ուրիշ բանի վերայ էր, և այդ ես շատ լաւ էի նկատում... «Ի՞նչս խօսք բաց անեմ երեկուայ անցքի մասին,—մտածեցի ես,—թէ հարցնեմ նորան, ո՞ր էր գնում այնպէս շտապով, որ վերջնականապէս իմանամ...» Բայց այդ էլ չարի և նստայ մի անկիւնում:

Բէլովզորովը ներս մտաւ, ես ուրախացայ:

— Ձեզ համար հանդարտ ձի չգտայ,—սկսեց նա ա-

հարկու ձայնով:—Ֆրէյտագը խոստանում է ինձ մէկը, բայց  
ես հաւատ չեմ ընծայում: Վախենում եմ:

— Ինչու համար էք վախենում, — հարցրեց Զինաի-  
դան, — [Թոյլ տուէք, հարցնեմ:

— Ինչու համար: Դուք հօ ձի հեծնել չէք խմանում:  
Աստուած չանի, ո՞վ դիտէ, ինչ կարող է պատահել: Եւ  
ինչ տարօրինակ ցանկութիւն է:

— Դէ, այդ իմ դործս է, իմ պարոն դադան: Եթէ  
այդպէս է, ես կը խնդրեմ Պետր Վասիլովիչէց.... (այդպէս  
էր իմ հօր անունը: Ես շատ վարմացայ, որ օրիորդը  
այնպէս հեշտ ու արձակ արտասանում էր հօրս անունը,  
կարծես, բոլորովին համոզուած էր, որ հայրս պատրաստ  
է առաջարկելու իւր ծառայութիւնը):

— Այ, բանը ինչ տեղ է, — պատասխանեց Բէլովզոր-  
ովը: — Դուք նորա՞ հետ էք ուղղում գնալ:

— Նորա թէ ուրիշի հետ — ձեզ համար մի և նոյնն  
է: Միայն ոչ ձեզ հետ:

— Ո՛չ ինձ հետ, — կրկնեց Բէլովզորովը: — Ինչպէս կա-  
մենում էք: Ոչի՛նչ. ես ձեզ համար ձի կը ծարեմ:

— Միայն խնդրում եմ, կովի նման մի բան չլինի:  
Ես առաջուց յայտնում եմ ձեզ, որ կամենում եմ լաւ  
ձի քշել:

— Քշէք, ինչպէս կամենում էք.... Բայց ո՞ւմ հետ  
չլինե՞ թէ Մալեվսկիի հետ:

— Թէկուղ նորա՞ հետ, զինուոր: Ի՞նչ, հանգստացէք, —  
աւելացրեց նա, — [Թող այդպէս չփայլատակեն ձեր աչքերը:  
Ձեզ էլ հետս կրտանեմ: Դիտէք, որ Մալեվսկին այժմ  
ինձ համար — Ֆի: — Նա գլուխը շարժեց:

— Դուք այդ ասում էք ի՞նձ մտիթարելու համար, —  
միթմրեաց Բէլովզորովը:

Զինաիդան աչքերը փոքր ինչ կիցեց: — Այդ ձեզ մտի-  
թարում է: Օ.. հ.. օ... զինուոր, — ասաց նա, կարծես, թէ



չկարողացաւ մի ուրիշ խօսք գտնել:— Իսկ զո՞ւրք, մնեօ Վօլգեմար, կըզաք մեզ հետ:

— Ես չեմ սիրում... երբ շատ մարդ է լինում... փնթփնթացի ես, աչքերս չբարձրացնելով:

— Դուք գերադասում էք tête-à-tête...? Ե՛հ, ձեր կամքն է,— շարունակեց օրիորդը յոգւոց հանելով:— Ի՛էհ, գնացէք, Բէլովզօրով, հոգս բաշեցէք: Եզուց ինձ ձի է հարկաւոր:

— Հա, իսկ փո՞ղ որ անդից է,— մէջ մտաւ իշխանուհին: Զինախան յօնքերը կիտեց:

— Ես ձեզանից չեմ խնդրում. Բէլովզօրովը ինձ կը հաւատայ:

— Աըհաւատայ, կըհաւատայ...— միթմրթաց իշխանուհին— և մի անգամից դռնեց. — Դունեհա՛շա:

— Maman, ես ձեզ մի փոքրիկ զանգակ եմ ընծայել,— նկատեց օրիորդը:

— Դունեհա՛շա,— կրկնեց իշխանուհին:

Բէլովզօրովը գլուխ տուեց և դուրս դնաց, ես էլ նորա հետ դուրս եկայ: Զինախան ինձ չպահեց:

#### XIV.

Հետեւեալ օրը տաւաժտեան ես վաղ վեր կացայ, կարեցի ինձ համար մի փայտ և քաղաքից դուրս եկայ: Գնամ, ասացի, մի քիչ ման գամ, դուցէ սիրտս թեթեւանայ: Պայծառ, գեղեցիկ օր էր, շատ էլ շոգ չէր. փչում էր ուրախ ու զով քամի, խաղում էր և թեթեւ տատանում ամէն բան: Երկար թափառում էի լեռներում ու անտառներում. ես ինձ երջանիկ չէի համարում, տանից դուրս եկայ այն յուսով, որ տխրութիւնս փարատեմ,— բայց երտասարդութիւնը, գեղեցիկ եղանակը, զով օդը, արագ ման գալու զուարճութիւնը, մենակ խիտ արօտի

վերայ պարկեղու հաճոյքը—իրենցն արին, դարձեալ հոգիս լցուեցաւ այն անմոռանալի խօսքերի, այն համբոյնների յիշողութեամբ: Ես ակորժելով մտածում էի, որ Զինաիրդան այսպէս թէ այնպէս չէ կարող չգնահատել իմ վճռականութիւնը, իմ հերոսութիւնը.... «Նորա համար ուրիշները ինձանից լաւ են,—մտածում էի ես,—թող այդպէս լինի: Բայց ուրիշները միայն ասում են, թէ կ'անեն, իսկ ես արդէն արեւ եմ: Եւ ինչե՛ր դեռ կարող եմ անել նորա համար»:—Նմ հրեակայութիւնը բորբոքուեցաւ: Ես սկսայ հրեակայել, թէ ինչպէս նորան կ'ազատեմ թշնամիների ձեռքից, ինչպէս ինքս բոլորովին արիւնատաթաթախ կրիւնեմ նորան բանտից, ինչպէս կրմեռնեմ նորա ոտների առաջ: Յիշեցի մեր սենեակում կախած պատկերը. Մալէկ-Ադելին, որ յափշտակում է Մատիլդային—և իսկոյն ուշադրութիւնս դարձրի մի մեծ խայտաճամուկ ծառի տուտի վերայ, որ արագ արագ բարձրանում էր բարակ թիւտնու բունը և անհանգիստ կերպով աջ ու ձախ էր նայում:

Յետոյ ես սկսայ հրգել, բարձր ձայնով արտասանում էի Երմակի խօսքերը աստղերի հետ՝ Խօմեակովի ողբերգութիւնից, փորձեցի մի սիրային ոտանաւոր շարադրել, մինչև անգամ յօրինեցի ոտանաւորի վերջին տողը. «ո՛, Զինաիրդա, Զինաիրդա!» բայց բան դուրս չեկաւ: Արդէն ճաշելու ժամանակ էր: Ես իջայ հովիտ. նեղ աւազուտ ճանապարհը տանում էր քաղաք: Ես այդ ճանապարհով գնացի.... Մի փոքր հեռու լսուեցաւ ձիան սմբակների խուլ տոփիւնը: Յետ նայեցի, ականայ տեղումն կանգնեցի և գլխարկս հանեցի. ես տեսայ հօրս ու Զինաիրդային: Նոքա գալիս էին իրար կողքի: Նայրս մի բան էր պատմում՝ ողջ մարմինը օրիորդի կողմը թեքած և մի ձեռով ձիու վզին թիկը տուած, նա ժպտում էր, իսկ Զինաիրդան լուռ լսում էր նորան, աչքերը խոնարհած և պռօշները սեղմած: Ես ա-

ռաջ միայն սոցա տեսայ, բայց մի քանի լուպէից յետոյ երևեցաւ Բէլովզորովը Հոսարի նշանազգեստը Հագին՝ քրտնքի մէջ կորած սև ձիու վերայ: Սիրուն ձին թափ էր տալիս գլուխը, փռնչում և խաղում: Իսկ Բէլովզորովը զըսպում էր նորան և խթանով կողքին խփում: Ես մի կողմը անցայ: Նայրա իրեն քաշեց սանձը և Զինաիդայից յետ քաշուեց, սա կամաց աչքերը ձգեց նորա վերայ—և երկունս էլ ձիւրի գլուխը բաց թողին: Բէլովզորովը թռաւ նոցա հտեւից, թուրը չխշկացնելով: Սա խեցգետնի պէս կարմիր է,—մտածեցի ես,—իսկ օրիորդը...: Ենչո՞ւ Համար նա այնպէս գունատ է, ողջ առաւօտը ման է եկել—և գունատ»:

Ես արագացրի քայլերս և ուղիղ ճաշի ժամանակ տուն Հասայ: Նայրա արդէն շորերը փոխել էր, լուացուել ու մաքրուել էր, նստել մօրս բազկաթոռի մօտ և Հանդարտ ու զիւ ձայնով կարդում էր *Journal des Débat*-ի Ֆէլիէտոնը, բայց մայրս առանց ուշադրութեան էր լսում նորան և, տեսնելով ինձ՝ Հարցրեց, թէ ո՞ւր էի ամբողջ օրը և աւելացրեց, թէ չէ սիրում, երբ ողջ օրը քաշ են գալիս, Աստուած զիտէ, ինչտեղ և, Աստուած զիտէ, ում Հետ: Ես նայեցի նորա վերայ, ուզում էի պատասխան տալ, բայց նայելով Հօրս վերայ, լռեցի, չգիտեմ թէ ինչու:

## XV.

Հետեւեալ Հինգ-վեց օրը Համարեա ես չտեսայ Զինաիդային, ասում էին, թէ նա հիւանդ է, և այդ անկասկած չէր արդելում մշտական այցելուներին շարունակել իրենց այցելութիւնը—ինչպէս իրենք էին ասում—օրապահիկ լինելու Համար—այո՛, ամէնքը գալիս էին բացի Մայդանովից, որ միշտ վհատում և տխրում էր, երբ հրճուելու առիթ չէր ունենում: Բէլովզորովը արտում նստած էր մի անկիւնում, նա կարմիր էր: Կոմս Մալեվսկիի խորամանկ դէմքի



վերայ նկատելի էր մի չար ժպիտ. արդարև, նա Զինաի-  
դայի աչքից ընկել էր և զորա փոխարէն կոմսը մի ա-  
ռանձին պատրաստականութեամբ իշխանուհու հետ էր լի-  
նում, նորա հետ միասին նահանգապետին զնաց: Բայց  
պէտք է ասած, նահանգապետին զնալը անյաջող անցաւ,  
մինչև անգամ Մալեվսկիին անբաւականութիւն պատճա-  
ռեցին. նորան յիշել տուին մի անցք, որ տեղի էր ունե-  
ցել նորա և մի քանի սպաների մէջ — և նա իւր բացա-  
դրութիւններ ժամանակ պիտի ասէր, թէ անփորձ էր այն  
ժամանակ: Լուշինը օրը երկու անգամ էր գալիս, միայն  
երկար չէր նստում. մեր վերջին խօսակցութիւնից յետոյ ես  
մի քիչ վախճում էի նորանից, բայց մի և նոյն ժամանակ  
նա ինձ գրաւում էր: Մի անգամ նա ինձ հետ զնաց Նես-  
կուձնի զբօսնելու, շատ բարեսիրտ ու սիրելի էր, յայտ-  
նում էր ինձ տեսակ տեսակ խոտերի ու ծաղիկների ա-  
նուանները ու յատկութիւնները և մի անգամից՝ բոլորովին  
անտեղի, ճակատին խփեց և բացականչեց. իսկ ես, յիմարս,  
կարծում էի, թէ նա կոտորատուող է, երևում է, որ հա-  
ճելի է, քաղցր է իրեն զոհել ուրիշների համար:

— Դորանով ի՞նչ էք ուզում ասել, — հարցրի ես:

— Ես ձեզ ոչինչ չեմ ուզում ասել, — ընդհատմամբ  
պատասխանեց Լուշինը:

Զինաիդան ինձանից փախչում էր. իմ ներկայու-  
թիւնը — ես այդ չէի կարող չնկատել — անախտորժ տպա-  
ւորութիւն էր անում նորա վերայ: Նա ականաց էր հե-  
ռանում ինձանից... ականաց, ահա, ի՞նչ էր ինձ համար  
անախտորժ, ի՞նչ էր ինձ վշտացնում: Բայց ի՞նչ արած —  
ինքս էլ աշխատում էի չերեւիլ և հեռուից միայն  
սպասում էի նորան, բայց միշտ էլ չէի հասնում նպա-  
տակիս: Դարձեալ նորան մի անհասկանալի բան է պատա-  
հել. դէմքը բոլորովին փոխուել էր, փոխուել էր և ինքը:  
Նա մանաւանդ ինձ զարմացրեց մի փոփոխութիւն, որ

տեղի ունեցաւ մի տաք, խաղաղ երեկոյ: Ես նստած էի մի սաղարթախիտ թանթրվնեւ թփի տակ՝ ցած նստարանի վերայ. ես շատ էի սիրում այդ տեղը, որովհետեւ Զինաիգայի սենեակի պատուհանը երևում էր այդ տեղից: Ես նստած էի, բայց գլխիս վերայ՝ մութ ճիւղերի մէջ անհանգիստ թռչկոտում էր մի թռչնիկ: Մոխրագոյն կատուն՝ մէջքը դուրս ձգած, զգուշութեամբ ու զաղտուկ մոնում էր պարտէզ, և բզեզները բզկում էին թափանցիկ, բայց ոչ պայծառ օդում: Նստած ես նայում էի պատուհանին և սպասում էի, արդեօք նա չի բանալ պատուհանը. արդարեւ—նա բացեց, և ես տեսայ Զինաիգային: Նորա հագին սպիտակ շոր էր—և ինքն էլ, դէմք, ուսերը, ձեռները—բոլորը զոռնատ էր: Նա երկար կանգնած էր անշարժ, երկար ուղիղ նայեց անշարժ՝ յօնքերը կիտած: Ես չէի կարծում, որ նա այդպէս կարող է նայել, այդպիսի հայեացք կարող է ունենալ: Յետոյ նա սեղմեց ձեռները, ամուր, շատ ամուր սեղմեց, շրթունքներին, ճակատին տարաւ—և յանկարծ մազերը ականջից վեր բարձրացրեց, թափ տուեց և մի անորոշ վճռողականութեամբ գլուխը ցած տարաւ ու պատուհանը փակեց:

Երեք օրից յետոյ նա պատահեց ինձ պարտիզում: Ես ուղում էի ճանապարհս ծռել, բայց նա կանգնեցրեց ինձ:

— Տուէք ինձ ձեր ձեռը,—ասաց նա ինձ իւր նախկին փաղաքշանօք,—շատ ժամանակ է, որ մենք չենք խօսել:

Ես նայեցի նորան. նորա աչքերը հանդարտ վառվում էին, իսկ դէմքին կար մի քողարկուած ժպիտ:

— Դուք դեռ չէք առողջացել,—հարցրի նորան:

— Չէ՛, առողջ եմ,—պատասխանեց օրիորդը և մի փոքրիկ վարդ կտրեց:—Ես մի քիչ յոգնած եմ, բայց այդ էլ կ'անցնի:

— Եւ դուք առաջուայ պէս կըլինի՞ք,—հարցրի ես: Զինաիգան մօտեցրեց վարդը երեսին—և ինձ այնպէս

էր թւում, թէ նորա կարմիր թերթեկների շողքը ընկել է օրիորդի թշերի վերայ:— Միթէ՞ ևս փոխուել եմ,— հարցրեց նա:

— Այո՛, փոխուել էք,— կամացուկ պատասխանեցի ես:

— Ձեզ հետ ես սառն էի վարվում— ես գիտեմ,— սկսեց Զինաիդան,— բայց դուք ուշադրութիւն չափաի դարձնէիք դորա վերայ.... Ուրիշ կերպ ես չէի կարող.... 'Իէ՛հ, էլ ինչ կարիք կայ դորա մասին խօսելու:

— Դուք չէք ուզում, որ ես ձեզ սիրեմ— այ ինչ է բանը,— պատասխանեցի ես մնայլ դէմքով, բայց ակամայ յուզուած:

— Ոչ, սիրեցէք ինձ, միայն ոչ պնդէս, ինչպէս առաջ:

— Ապա ինչպէ՞ս:

— Կըլինինք լաւ բարեկամներ— աւել ոչի՛նչ:— Զինաիդան վարդը ինձ տուեց հոտ քաշելու:— Լսեցէք, չէ որ ես բաւականին մեծ եմ ձեզանից— ես կարող եմ ձեր մայրը լինել, եթէ մայրը չէ, գոնէ մեծ քոյրը: Իսկ դուք....

— Ձեզ համար ես երեկայ եմ,— ընդմիջեցի նորան:

— Ի հարկէ, երեկայ էք, բայց սիրուն, լաւ, խելօք երեկայ էք, որին ես շատ և շատ սիրում եմ: Գիտէք, ի՞նչ կայ: Ես այս օրուանից ընտրում եմ ձեզ մանկլաւիկ ինձ համար. իսկ դուք մի՛ մոռանաք, որ մանկլաւիկները չեն կարող հեռանալ իրենց տիրուհուց: Ահա ձեզ նշան ձեր նոր աստիճանի համար,— շարունակեց նա, կպցնելով վարդը բաձկոնիս.— նշան առ ձեզ ունեցած ողորմածութեանս:

— Առաջ ես ձեզանից ուրիշ պարգևներ էի ստանում,— ասացի ես:

— Ա՛յ,— սկսեց Զինաիդան, կողքից վերաս նայելով:— Ի՛նչ յիշողութիւն ունիք: Այժմ էլ ես պատրաստեմ:

Եւ ինձ կռանալով, ճակատիս դրոշմեց մաքուր, համեստ համբոյր:



Ես նայեցի միայն նորա վերայ—բայց նա հեռացաւ ինձանից և ասաց.—եկէք յետևիցս, իմ մանկլաւիկ—և գնաց դէպի իրենց տունը: Ես գնացի նորա յետևից—բայց բան չէի հասկանում: «Միթէ,—մտածում էի ես,—այս հեղ, խելացի աղջիկը այն իսկ Զինաիդան է, որին ես ճանաչում եմ»: Եւ նորա քայլուածքը ինձ աւելի հանդարտ էր թւում—և ողջ նորա կազմուածքը աւելի խրոխտ ու վսեմ....

Աստուած իմ, որպիսի նոր ուժով բոլրոգրուեցաւ իմ սէրը:

## XVI.

Ճաշեց յետոյ իշխանուհու տանը հիւրեր հաւաքուեցան—և Զինաիդան դուրս եկաւ նոցա մօտ: Այդ շրջանի բոլոր անդամները ներկայ էին, ինչպէս ինձ համար այն անմոռանալի երեկոյեան. մինչև անգամ Նիրմացիին եկել էր: Այս անգամ Մայդանովը ամէնից առաջ էր եկել—նա նոր ոտանաւոր էր բերել: Կրկին սկսեցինք Ֆանտ խաղալ, բայց ոչ այնպէս, ինչպէս առաջ. այս անգամ ոչ աղաղակ, ոչ էլ յիմարութիւններ կային: Զինաիդան այլ բնաւորութիւն տուեց մեր ընկերութեան: Ես նորա կողքին էի նստած, ինչպէս նորա մանկլաւիկը: Ի միջի այլոց նա առաջարկեց, որ այն մարդը, ում որ վիճակը կ'ընկնի, թող պատմէ իւր տեսած երազը. սակայն այս չյաջողուեց: Երազները կամ հետաքրքրական չէին լինում (Բէլովզորովը երազում տեսել էր, որ իւր ձիուն ձուկն է տուել ուտելու և թէ ձիու գլուխը փայտից է եղել), կամ անբնական, սուտ ու հնարած: Մայդանովը մեզ մի մեծ վիպասանութիւն պատմեց. նորա պատմածի մէջ և գերեզմանների կային, և հրեշտակներ քնարները ձեռներին, և խօսող ծաղիկներ, և հեռուից լսուող ձայներ: Զինաիդան չթողեց, որ նա վերջացնէ: Եթէ բանը շարադրելուն է հասնում—

ասաց նա—Թող ուրեմն մեզանից իւրաքանչիւրը անպատ-  
ճառ պատմէ մի շարադրած բան։—Առաջինը Բէլովզորովը  
պիտի պատմէր։

Երիտասարդ Հուսարը շփոթուեց։—Ես ոչինչ չեմ  
կարող հնարել, — բացականչեց նա։

— Ի՞նչ դատարկ բան էք ասում, — նկատեց Զինաի-  
դան։— Ղիցուք, թէ դուք պսակուած էք, պատմեցէք  
մեզ, թէ ինչպէս ժամանակ անց կրկայնէիք ձեր ամուսնու  
հետ։ Դուք նորան կրփակէիք։

— Ես նորան կրփակէի։

— Դուք էլ նորա հետ կընստէիք։

— Ինքս էլ անպատճառ կընստէի նորա հետ։

— Լաւ։ Իսկ եթէ այդ ձանձրացնէ՞ր նորան, և նա  
դաւաճանէ՞ր ձեզ։

— Ես նորան կըսպանէի։

— Բայց եթէ նա փախչէ՞ր։

— Յետեւից կըհասնէի և դարձեալ կըսպանէի։

— Լաւ։ Իսկ եթէ ես լինէի ձեր կինը, ինձ ի՞նչ կ'անէիք։

Բէլովզորովը լռեց։— Ես ինձ կըսպանէի.....

Զինաիդան ծիծաղեց։— Տեսնում եմ, որ պատմել շատ  
բան չէք կարող։

Երկրորդ վիճակը Զինաիդային ընկաւ։ Նա աչքերը  
առաստաղին ձգեց և մտածմունքի մէջ ընկաւ։— Ահա,  
լսեցէք, — վերջապէս սկսեց նա, — թէ ինչ մտածեցի ես։  
Երեւակայեցէք մի հոյակապ ապարանք, ամառնային գիշեր  
և դարմանալի պարահանդէս։ Այս պարահանդէսը տայիս  
է մի երիտասարդ թաղուհի։ Ամէն տեղ նկատելի է ոսկի,  
մարմարիոն, բլւրիղ, մետաքս, ճրագներ, ադամանդներ,  
ծաղիկներ, անուշահոտութիւն, մի խօսքով՝ շքեղութեան  
բոլոր պահանջները։

— Դուք սիրո՞ւմ էք շքեղութիւն, — ընդհատեց նո-  
րան Լուշինը։

— Շքեղութիւնը սիրուն է, — պատասխանեց օրիորդը, — ես սիրում եմ ամէն մի սիրուն բան:

— Գեղեցկի՞ց էլ աւելի, — հարցրեց նա:

— Ձեր հարցը շատ խորիմաստ հարց է, և ես չեմ հասկանում: Ինձ մի՛ խանգարէք: Սյուպէս, փառաւոր պարահանդէս է: Լիւրերը բազմաթիւ են, ամէնքն էլ երիտասարդ, գեղեցիկ, քաջ, ամէնքն էլ խելագարի պէս սիրահարուած են թագուհու վերայ:

— Անայք չկա՞ն հիւրերի թուում, — հարցրեց Մալեվսկին:

— Ո՛չ — կամ սպասեցէք — կան:

— Բոլորն էլ ազնո՞ղ:

— Շատ սիրուն: Միայն տղամարդիկ բոլորն էլ սիրահարուած են թագուհու վերայ: Նա բարձրահասակ է և վայելչակազմ. նորա սև մազերի վերայ դրած է մի փոքրիկ ոսկէ թագ:

Ես նայեցի Զինաիդայի վերայ — և այդ իսկ րոպէին նա ինձ այնքան բարձր երևեցաւ բոլորիցս, նորա սպիտակ ճակատը, նորա անշարժ յօնքերը այնպիսի պայծառ խելք և իշխանութիւն էին արտայայտում, որ ես մտածեցի. «գու ինքդ ես այդ թագուհին»:

— Ամէնքը նորա շուրջն են հաւաքվում, — շարունակեց Զինաիդան, — ամէնքը ամենաշողջօրթ խօսքերն են շնայլում նորա առաջ:

— Նա սիրո՞ւմ է, երբ իրեն շողջօրթում են, — հարցրեց Լուչինը:

— Ա՛խ, ի՛նչ անտանելի մարդ էք, անդադար ընդհատում էք... Ո՞վ չէ սիրում շողջօրթութիւն:

— Մի վերջին հարց էլ — սկսեց Մալեվսկին: Թագուհին ունի՞ ամուսին:

— Դորա վերայ ես բոլորովին չեմ մտածել: Ձէ, ինչո՞ւ է հարկաւոր մարդ:



— Silence! <sup>1)</sup> — բացականչեց Մայդանովը, որ բաւականին վատ էր խօսում Ֆրանսերէն:

— Merci, <sup>2)</sup> — ասաց նորան Զինաիդան: — Եւ այսպէս, Թագուհին լսում է նոցա խօսքերը, լսում է երաժշտութիւնը, բայց չէ նայում հիւրերից ոչ մէկի վերայ: Վեց պատուհանն՝ առաստաղից մինչև յատակ՝ բաց էին արած: Այնտեղից երևում էր մութ երկինքը մեծ մեծ աստղերով, մութ պարտէզը մեծ մեծ ծառերով: Թագուհին նայում է դէպի պարտէզ: Այնտեղ՝ ծառերի մօտ կայ մի շատրուան, որ մթութեան մէջ սպիտակին է տալիս — երկար, երկար, ինչպէս մի ուրուական: Խօսակցութեան և նուագածութեան միջոցին Թագուհին լսում է ջրի մեղմ կարկաջունը: Նա նայում է և մտածում. դուք ամէնքդ էլ, պարոնայք, աղնիւ, խեղճ և հարուստ էք, դուք ինձ շրջապատել էք, ձեզանից իւրաքանչիւրը թանկ է գնահատում իմ ամէն մի խօսքը, ամէնքդ էլ պատրաստ էք մեռնելու իմ առաջ, դուք իմ ձեռքումն էք.... իսկ այն տեղ՝ շատրուանի մօտ, այն կարկաջող ջրի մօտ կանգնած սպասում է ինձ նա, որին ես սիրում եմ, որի ձեռքումն եմ ես: Նա հարուստ շրեր չունի հագին, նորա վերայ թանկագին ակներ չկան, ոչ ոք նորան չէ ճանաչում, բայց նա սպասում է ինձ՝ հաւատացած լինելով, որ ես կըգամ — և կըգնամ, չկայ մի այնպիսի իշխանութիւն, որ կարողանար ինձ արգելել, երբ ես կամենամ գնալ նորա մօտ և մնալ նորա հետ, կորչել այնտեղ՝ պարտիզի մթութեան մէջ, ականջ դնելով ծառերի խշխշոցին, շատրուանի կարկաջին....

Զինաիդան լռեց:

— Այդ շարագրած բան է, — խորամանկութեամբ հարցրեց Մալեվսկին:

Զինաիդան մինչև անգամ չնայեց նորա վերայ:

<sup>1)</sup> Լռութիւն:

<sup>2)</sup> Շնորհակալութիւն:

— Իսկ մենք, պարոնայք, ինչ կ'անէինք,—յանկարծ բացականչեց Լուչինը,—եթէ մենք էլ Հիւրերի թուում լինէինք և իմանայինք, որ շատրուանի մօտ կանգնած է այն երջանիկ մարդը:

— Սպասեցէք, սպասեցէք,—ընդհատեց նորա խօսքը Զինաիգան,—ես ինքս կ'ասեմ ձեզ, թէ ինչ կ'անէր ձեզանից իւրաքանչիւրը: Դուք, Բէլովզօրով, նորան մենամարտութեան կրկանէիք. դուք, Մայդանով, նորա համար էպիգրամնա կրգրէիք...: Բայց ոչ,—դուք էպիգրամնա գրել չգիտէք. Բարբէէի ոճով մի երկար եամբ կրգրէիք և կրտայիք «Տելէգրաֆ» ին տպելու: Դուք, Նիրմացկի, նորանից պարտք կ'առնէիք...: ոչ, դուք փող կրտայիք նորան առկոտով. դուք, բժիշկ...:—Նա կանգ առաւ...:—Մյ չգիտեմ, թէ դուք ինչ կ'անէիք:

— Ինչպէս պալատական բժիշկ,—պատասխանեց Լուչինը,—ես խորհուրդ կրտայի թագուհուն, որ պարսկանդէս չտայ, երբ Հիւրերի վերայ մտածելու սիրտ չունի:

— Գուցէ, դուք արդարացի վարվուէիք: Բայց դժբ, կոմս...

— Ես,—կրկնեց Մալեվսկին իւր սովորական չար ժպիտով:

— Դուք նորան կրտայիք դեղած մի կօնֆէտ:

Մալեվսկին մի փոքր երեսը ծռեց և մի լուպէ ջհուրի նմանեց. նա խեղճն ծիծաղեց:

— Ինչ որ ձեզ է վերաբերում, Վօլքեմմար,—շարունակեց Զինաիգան—բայց բաւական է, լաւ է ուրիշ խաղ սկսենք:

— Մսեօ Վօլքեմմարը, ինչպէս մանկլաւիկ, թագուհու շէյքը կրքունէր, երբ որ նա վազէր պարտէզ,—կծու նկատեց Մալեվսկին:

Ես սաստիկ բարկացայ, բայց Զինաիգան շուտով ձեռք ուսիս դնելով ասաց դողացող ձայնով.—Ես երբէք իրաւունք չեմ տալ ձերդ պայծառափայլութեան այդպէս յան-

զուգն վարուելու, ուստի և խնդրում եմ, որ Հիւանաք:—  
Նա ցոյց տուեց դուռը:

— Ներեցէք, օրիորդ,— փնթփնթաց Մալեվսկին բոլորովին գունատուած:

— Օրիորդը իրաւունք ունի,— բացականչեց Բէլովզօ-  
րովը և տեղեց վեր կացաւ:

— Աստուած վկայ, ես բոլորովին չէի սպասում,— շարունակեց Մալեվսկին.— իմ խօսքերը, կարծեմ, բոլորովին այսպիսի նշանակութիւն չունէին.... մինչև անգամ մոքովս էլ չէր անց կացել ձեզ անպատուելու.... Ներեցէք:

Զինաիդան նայեց նորա վերայ և ստոնութեամբ պատասխանեց:— Լաւ, մնացէք,— ասաց օրիորդը և անփոյթ կերպով ձեռը շարժեց:— Ի՞նչու ես և մտեալ Վօլքեմարը բարկացանք: Ի՞նչու սիրում էք խայթել. թող այդպէս լինի:

— Ներեցէք ինձ,— նորից կրկնեց Մալեվսկին. իսկ ես՝ յիշելով Զինաիդայի շարժումները, մտածեցի կրկին, որ ինքը թաղուհին աւելի վսեմութեամբ չէր կարող ցոյց տալ դուռը այս յանդուգն մարդուն:

Այս փոքրիկ տեսարանից յետոյ Ֆանտը երկար չտևեց: Բոլորեքեան սկսեցին քաշուել ոչ այնքան այդ անցքի պատճառով, որքան մի ուրիշ, ոչ այնքան որոշ, բայց ծանր զգացմունքից: Ոչ ոք այդ զգացմունքի վերայ չէր խօսում, բայց ամէն մէկը զգում էր, որ այդ զգացմունքը ինքն էլ ունի, իւր դրացին էլ: Մայդանովը կարդաց մեզ իւր ոտանաւորը— և Մալեվսկին տաքացած գովում էր նորա գրուածը:— Որքան նա կամենում է բարի երևիլ,— փափաց ականջիս լուշինը: Նուաով մենք ցրուեցինք: Զինաիդան յանկարծ մտածմունքի մէջ ընկաւ. իշխանուհին մարդ ուղարկեց տեսելու, որ գլուխը ցաւում է: Նիրմացիին էլ սկսեց դանգատուել, որ ռէվմատիզմ ունի....

Երկար ժամանակ ես չէի կարողանում քնել. ինձ շատ էր զարմացնում Զինաիդայի պատմածը:— Մի՞թէ այս մի



ախնակ էր, — հարցնում էի ինձ ու ինձ. — և ո՞ւմ կամ  
 ի՞նչի էր ակնարկում: Եւ եթէ իրաւ մի բան կայ ակնար-  
 կելու... ինչպէ՞ս նա վճռեց այդ անել: Ո՛չ, ո՛չ, անկարելի  
 է, — շնջում էի ես մէկ կողքից միւս կողքի վերայ շուռ  
 գալով... Ես յիշում էի Զինաիդայի դէմքի արտայայտու-  
 թիւնը... ես յիշում էի Լուշինի նեակուշիում բացական-  
 չած խօսքը, մեր յարաբերութիւնների անսպասելի կերպով  
 փոխուելը — և ես շուարում էի ենթադրութիւններ անելով:  
 «Ո՞վ է նորա սիրածը»: Այս խօսքերը, ասես, կանգնած էին  
 աչքիս առաջ և զրած մթութեան մէջ. — կարծես, մի չա-  
 րագուշակ ամպ էր պտտում զլսիս — և ես զգում էի նորա  
 ճիշտումը — և ես սպասում էի, որ ահա, այս բոպէիս կը-  
 փայլի: Շատ բանի ընտելացայ վերջին ժամանակը, շատ  
 բան աչքս սովորեց Զասէկինեց տանը, նոցա անկարգու-  
 թիւնը, ճրագուէ մոմի մնացորդները, կոտրտած դանակներն  
 ու պատառաքաղները, մուսլ Վօնիֆատին, անշնորհք ա-  
 ղախիւնները, իշխանուհու շարժուածքները — այս բոլոր տա-  
 րօրինակ կեանքը ինձ այլ ևս չէր զարմացնում... Բայց ես  
 չէի կարողանում սովորել Զինաիդայի մէջ նկատած փոփո-  
 խութեանը...: Արկածախնդիրներից մէկն է — ասաց մի ան-  
 գամ մայրս նորա մասին: Արկածախնդիր — նա, իմ կուռքը,  
 իմ աստուածը: Այս անունը այրում-խորովում էր ինձ, ես  
 աշխատում էի ազատուել դորանից, զլուխս բարձի մէջ  
 ծածկելով, ես բարկանում էի — բայց մի և նոյն ժամանակ  
 ամէն բան յանձն կ'առնէի, ամէն բան կըտայի, միայն թէ  
 ես լինէի շատրուանի մօտ կանգնած երջանիկ մարդը....

Արիւնս եւ եկաւ, բորբոքուեցաւ: «Պարտէզ»... «շատ-  
 րուան»... — մտածեցի ես...: — «Գնամ պարտէզ»: Ես արագ  
 հագնուեցայ և տանից դուրս եկայ: Մութ գիշեր էր, ծա-  
 ուերը հագիւ շարժվում էին: Երկնքից թիթիւ հովութիւն  
 իջաւ, ազարակից սամթի հոտ էր գալիս: Անցայ բոլոր  
 ծառուղիները. իմ քայլերի թիթիւ ձայնը ինձ և շփոթում

էր, և յոժ էր տալիս. ես կանգ էի առնում, սպասում և ականջ էի դնում, ինչպէս արագ բաբախում էր սիրտս: Վերջապէս ես մօտեցայ ցանկին և յենուեցայ բարակ ձողին: Յանկարծ—զուցէ այդ ինձ միայն թուեցաւ—մի քանի քայլ ինձանից հեռու երեւցաւ մի կանացի կերպարանք.... Ես ուշադրութեամբ հայեացքս ձգեցի դէպի մութ կողմը— շունչս պահեցի: Այս ինչ է: Քայլերո՞ր են լսվում—թէ դարձեալ սիրտս է բաբախում:—Ո՞վ է այստեղ,—շնչեցի ես հազիւ լսելի կերպով: Այս ի՞նչ է դարձեալ, զսպած ծիծաղ.... թէ տերևների շրջնէն.... թէ հառաչանք է ականջիս մօտ: Ես սկսայ վախենալ...:—Ո՞վ է այստեղ,—կրկնեցի ես աւելի կամաց:

Մի րոպէ օդը շարժուեցաւ. երկնքում ցոլաց մի հրեղէն գիծ. աստղ վայր ընկաւ:—Զինախղա՞ւ, — ուզում էի հարցնել, բայց ձայնս մարեցաւ ընթունքներիս վերայ: Եւ յանկարծ մեր շուրջը տիրեց խորին լուսթիւն, ինչպէս այդ լինում է կէս գիշերին.... Մինչև անգամ ճռիկները ձայները կտրեցին—միայն մի տեղ լսուեցաւ պատուհանը փակելու ձայնը: Ես կանգնեցի, կանգնեցի և ապա վերադարձայ սենեակս, մտայ սառն անկողինս: Մի տարօրինակ յուզմունք էի զգում. կարծես, թէ ես տեսութիւն էի գնացել—մենակ էի մնացել և անցել էի ուրիշի բաղդաւորութեան մօտից:

## XVII.

Հետեւեալ օրը ես միայն հարեանցի տեսայ Զինախղային. նա մօր հետ կառքով տեղ էր դնում: Դուրս փոխարէն ես տեսայ Լուչինին, որ դարձեալ հազիւ արժանացրեց ինձ իւր բարեւին, և Մարկվսկիին: Երիտասարդ կոմսը ժպտեց և բարեկամաբար խօսեցաւ ինձ հետ: Իշխանուհու տունը յաճախողներից միայն սա կարողացաւ ընդունելութիւն

գտնել մեր տանը և մօրս նա դուր եկաւ: Հայրս նորան երես չէր տալիս և շատ քաղաքավարի կերպով էր վարվում նորա հետ, և այդ վերաւորում էր Մալեվսկին:

— Ah, monsieur le page, <sup>1)</sup> — սկսեց Մալեվսկին, — շատ ուրախ եմ, որ ձեզ պատահեցայ: Ի՞նչ է անում ձեր գեղեցիկ թագուհին:

Մալեվսկիի թարմ, գեղեցիկ դէմքը այդ լուպէին այնպէս անհաճելի էր ինձ — և նա այնպիսի արհամարհողական հայեացքով էր նայում վերաս, որ ես ամենեւին չպատասխանեցի նորան:

— Դուք կրկին բարկանում էք, — շարունակեց նա: — Ի դուր: Զօ ես չասացի ձեզ մանկլաւիկ, այլ թագուհիներն են ունենում մանկլաւիկներ: Բայց թոյլ տուէք, ձեզ նկատեմ, որ դուք վատ էք կատարում ձեր պաշտօնը:

— Այդ ինչպէս:

— Մանկլաւիկները անպատճառ իրենց տիրուհու հետ պիտի լինին: Մանկլաւիկները պիտի իմանան, թէ ինչ են անում նոքա, մինչև անգամ նոքա պիտի հսկին նոցա վերայ, — շարունակեց նա՝ ձայնը ցածացնելով — օր ու գիշեր:

— Ի՞նչ էք կամենում ասել:

— Ի՞նչ եմ կամենում ասել: Կարծեմ, ես բաւականին պարզ եմ խօսում: Դիշեր — և ցերեկ: Ցերեկը դեռ փնաս չունի, ցերեկով լոյս է և մարդիկ շատ են լինում. իսկ գիշերը — փորձանքը հէնց գիշերը կարող է լինել: Խորհուրդ եմ տալիս ձեզ, որ գիշերները չքնէք և հսկէք. հսկեցէք, որքան կարող էք: Յիշում էք — պարտիզում, գիշերը, շատուանի մօտ — այ, ինչտեղ դուք պիտի հսկէք: Ինձանից դուք շնորհակալ եղէք:

Մալեվսկին ծիծաղեց և մէջքը ինձ դարձրեց: Նա, երևի, մեծ նշանակութիւն չէր տալիս այն խօսքերին, որ ասաց

<sup>1)</sup> Ե՛հ, պարոն մանկլաւիկ:



ինձ: Նա յայտնի էր որպէս երեւելի միատիրֆիկատօր և հռչակուած էր նորանով, որ լաւ գիտէր մարդկանց դժուեցնել զխմակահանդէսներում: Այս բանին շատ նպաստում էր այն համարեա անգիտակցական ստախօսութիւնը, որ նորա բնութեան յատկանիշն էր.... Նա ուզում էր միայն ինձ ծաղրել. սակայն նորա իւրաքանչիւր խօսքը ինչպէս թոյն հոսում էր ամէն մի երակիս մէջ: Արիւնս զըռսս խփեց: «Այ բանը ինչ տեղ է,—ասացի ինքս ինձ.—լաւ: Ուրեմն ես ի զո՛ւր չէի ուզում պարտեզ դնալ: Ուրեմն այդ չի լինիլ» — գոչեցի ես՝ կրծքիս խփելով, թէպէտ իսկապէս չգիտէի—ինչ չի լինիլ:—«Արդեօք ինքը Մալեվսկի՞ն կըզայ պարտեզ, —մտածում էի ես (գուցէ, անգիտակցաբար նորա բերանից դուրս պրծան այդ խօսքերը. նա այսքան յանդգնութիւն կ'ունենար) —կամ թէ մէկ ուրի՞շը կըզայ — (մեր պարտիզի ցանկը այնքան ցած էր, որ ոչ մի դժուարութիւն չկար նորա վերայից թռչելու) —բայց վա՛յ նորան ով ճանկս կ'ընկնի: Ոչ ոքի խորհուրդ չեմ տալ ինձ հանդիպել: Ես ցոյց կըտամ ողջ աշխարհին և նորան, դաւաճանին (այսպէս ես Զինաիդային դաւաճան անունը տուի) —որ ես վրէժ տունել զիտեմ:

Ես վերադարձայ տուն, գրասեղանիցս հանեցի նոր դնած անգլիական զրչահատս, շօշափեցի նորա բերանը և յօնքերս կիտած, սառնասիրտ ու մտախոհ վճռողականութեամբ գրպանս դրի, ասես, թէ այսպիսի գործեր ինձ համար անսովոր չէին և առաջին անգամը չէր, որ ես պիտի անէի: Միտա չարութեամբ լլուեցաւ և քարացաւ մինչև գիշեր ես յօնքերս կիտած և շրթունքներս սեղմած շարունակ յիտ ու առաջ էի դնում, ձեռքով զրպանումս սեղմում էի տաքացած դանակը և առաջուց պատրաստովում էի մի սոսկալի գործի համար: Այս նոր, անսովոր զգացմունքը այնպէս զբաղեցնում էր ինձ և ուրախացնում, որ ես իսկապէս Զինաիդայի վերայ քիչ էի մտածում: Միշտ

գլուխս էր գալիս. — Ալէքս՝ երիտասարդ զնչուն, — «՛՛՛ւր, գեղեցիկ պատանի:— Պարկած մնա», իսկ յետոյ. «Թաթախուած ես դու արեամբ... Ո՛հ, ի՞նչ արիր... Բան չկայ»: Ինչ անգութ ժպիտով ես կրկնեցի. բան չկայ: Հայրս տանը չէր. իսկ մայրս, որ՝ քանի ժամանակ էր, համարեա միշտ գրգռուած դրութեան մէջ էր, ուշադրութիւն դարձրեց զէմքիս վճռողական արտայայտութեան վերայ և ասաց ինձ. — Ի՞նչ ես քիթդ կախել: — Ես միայն զեջողաբար ժպտեցի և մտածեցի. «Եթէ նոքա իմանային»: Խփեց տասն և մէկ ժամը. զնացի սննեակս, միայն շորերս դեռ չհանեցի, ես սպասում էի, որ կէս-գիշերը հասնի. վերջապէս խփեց տասն և երկուսը: «Ժամանակ է», շնչեցի ես, բոլոր կոճակներս ձգեցի, թւերս էլ յետ ծալեցի և զնացի պարտէզ:

Առաջուց ինձ համար թաք կենալու տեղ էի ընտրել: Պարտիզի միւս ծայրում, ինչտեղ մեր և Զասէկինեց տունը բաժանող ցանկը միանում էր ընդհանուր պատի հետ, բուսնեւմ էր մի եղևնի: Նորա խիտ ու ցած ձիւղերի տակ կանգնած, ես կարողանում էի լաւ նկատել, ինչքան թոյլ էր տալիս գիշերուայ մթովթիւնը, թէ ինչ էր կատարվում չորս կողմում. այստեղ ձգուած էր այն նեղ ճանապարհը, որ ինձ միշտ խորհրդաւոր էր թւում. նա օձի պէս անցնում էր ցանկի տակով, որ այստեղ վերայից անց կացածների ոտների հետքերն էր կրում և տանում էր զէպի ակացիաներից կազմած կլոր հովանոցը: Ես հասայ եղևնի ծառին, յենուեցայ նորա բնին և սկսայ հսկել:

Գիշերը նոյնպէս խաղաղ էր, ինչպէս և նախընթաց օրը. միայն երկնքի վերայ աւելի քիչ ամպ կար — և թփերը, մինչև անգամ բարձր ծաղիկները որոշ նկատվում էին: Սպասելու առաջին րոպէները սարսափելի ու անտանելի էին: Ես վճռել էի ամէն բան անել և ինքս ինձ մտածում էի, թէ ինչպէս անեմ: Դռնում արդեօք. «Ուր ես գնում: Կանգնիր, խոստովանիր — կամ մնա՛» — թէ ուղղակի

խփեմ.... Ամէն մի ձայն, ամէն մի շըշին ու խշխշոց ինձ համար նշանաւոր էր.... Ես պատրաստվում էի.... Ես առաջ թեքուեցայ.... Բայց անցաւ կէս ժամ, անցաւ մի ժամ. արիւնս հանդարտվում էր և սառչում. կամաց կամաց գլուխս էր դալիս այն միտքը, որ ի զուր եմ ես անում այս բոլորը, որ մինչև անգամ սա ծիծաղելի է, որ Մալեվսկին միայն հանաք էր որ արաւ: Ես դուրս եկայ դարանիցս և պտտեցի պարտէզը: Կարծես, հակառակը, ոչ մի տեղ մի փոքրիկ անգամ ձայն չէր լսվում. ամէն բան հանդարտ էր. մինչև անգամ դրան մօտ կուշ եկած մեր շունը քնած էր: Ես բարձրացայ ջերմոցի աւերակի վերայ, տեսայ իմ առաջ հեռաւոր դաշտը, յիշեցի իմ տեսութիւնը Զինաիդայի հետ և մտածմունք մէջ ընկայ....

Ես վեր թռայ.... Մի ձայն լսուեցաւ, որ նման էր դրան ճրուռոցի. յետոյ, ասես, մի ձիւղ կոտորուեցաւ: Երկու ոստիւնով ցած իջայ աւերակից—և տեղն ու տեղը մարեցայ: Պարտիզում որոշ կերպով լսվում էին արագ, թեթեւ, բայց զոյշ քայլեր: Քայլերը ինձ էին մօտենում: «Ահա նա.... Ահա վերջապէս նա», անցաւ մտքովս: Ես ցնցուեցայ, հանեցի զրպանից դանակս, բաց արի—աչքիս առաջ պտտվում էին մի տեսակ կարմիր կայծեր, երկիւղեց ու բարկութիւնից գլխիս մազերը շարժուեցան.... Քայլերը ուղղակի դէպի ինձ էին մօտենում—ես ծռվում, ձգվում էի դէպի այդ ձայնը.... Աստուած իմ, հայրս էր գալիս:

Ես իսկոյն ճանաչեցի նորան, թէպէտ նա բոլորովին ծածկուած էր թիկնոցով և գլխարկը աչքերի վերայ քաշել: Ոտի մատների վերայ նա անցաւ մօտիցս: Նա ինձ չնկատեց, թէպէտ ես ծածկուած չէի, բայց այնպէս էի կուշ եկել, որ համարեա գետնին էի հաւասարուել: Նախանձոտ, սպանութեան պատրաստ Օթէլլօն յանկարծ մի համբալի դարձաւ.... Այնպէս վախեցայ հօրս անակնկալ երևելուց, որ առաջ չնկատեցի էլ, թէ ինչ տեղեց է



գալիս, ուր գնաց և ինչ տեղ անհետացաւ: Ես միայն այն ժամանակ ուղղուեցայ և մտածեցի. «ինչո՞ւ համար է հայրս զիշեր ժամանակ ման գալիս պարտիզում»,—երբ դարձեալ ամէն բան հանդարտուեցաւ: Վախից ես դանակս վայր ձգեցի արօտի վերայ, մինչև անգամ չորոնեցի էլ, ես սաստիկ ամաչում էի: Մի անգամից ես լըջացայ: Տուն վերադառնալիս ես դարձեալ քայլերս ուղղեցի դէպի իմ նստարանը և նայեցի Զինաիդայի ննջարանի պատուհանին: Պատուհանի փոքրիկ, մի քիչ էլ դուրս ընկած ապակիները կապուտին էին տալիս գիշերուայ երկնքի աղօտ լուսից: Յանկարծ—նոցա գոյնը սկսաւ փոխուիլ.... Յետոյ—այս ես տեսնում էի և տեսնում էի շատ որոշ կերպով—վարադրոյր զգոյշ ու կամաց ցած թողեցին—և այդպէս էլ անշարժ մնաց:

— Այս ի՞նչ է նշանակում,—արտասանեցի ես բարձր ձայնով, համարեա ակամայ, երբ ես արդէն սենեակումս էի: Երա՛յ է, թէ պատահմունք.... Այն ենթադրութիւններին, որ այնքան նոր և տարօրինակ էին ինձ համար, ես չէի վստահանում անձնատուր լինել:

## XVIII.

Առաւօտեան որ վեր կացայ, զլուխս ցաւում էր: Երեկուայ յուզմունքը չկար: Բայց ես ընկիլ էի մի ծանր տարակուսանքի ու անսովոր արտամութեան մէջ—ասեա, իմ մէջ մի բան մեռնում էր:

— Դուք ուղեղի կէսը հանած ճագարի նման էք,—ասաց Լուչինը, պատահելով ինձ: Նախաճաշի ժամանակ աչքիս տակից նայում էի մերթ հօրս, մերթ մօրս վերայ. հայրս, ինչպէս և միշտ, շատ հանդիստ էր. մայրս, ինչպէս և միշտ, ծածուկ բարկանում էր: Ես սպասում էի, արդեօք հայրս չի՞ խօսիլ ինձ հետ բարեկամաբար, ինչպէս

երբեմն պատահում էր... Բայց նա մինչև անգամ չփայ-  
փայեց ինձ իւր ամենօրեայ փաղաքշանքով: «Պատմե՛մ ար-  
դեօք բոլորը Զինախոյին», մտածեցի ես... «Ձե՛ որ հաշիւը  
մէկ է—ամէն բան մեր մէջ վերջացած է»: Ես գնացի նորա  
մօտ և ոչ միայն նորան բան չպատմեցի—խօսել էլ չկարո-  
ղացայ նորա հետ, ինչպէս կ'ամենու՛մ էի: Իշխանուհու մօտ  
եկել էր Պետերբուրգից հարազատ որդին, տասն և վեց  
տարեկան մի կաղէտ: Զինախոյն իսկոյն իւր եղբօրը ինձ  
յանձնեց:—Ս.հա ձեզ, սիրելի Վ.օլոդեաս, — ասաց նա, —  
(նա առաջին անգամն էր ինձ այսպէս անուանում) մի ընկեր:  
Սորա անունն էլ Վ.օլոդեաս է: Խնդրեմ, սիրեցէք միմեանց,  
թէպէտ սա մի քիչ վայրենի է, բայց բարի սիրտ ունի:  
Յոյց տուէք նորան Նեսկուչնի պարտէզը, ճեմեցէք միասին,  
թող սա ձեր հովանաւորութեան ներքոյ լինի: Այնպէս չէ՛,  
դուք այդ կ'անէք, դուք էլ բարի էք:—Նա քնքշութեամբ  
իւր երկու ձեռք դրեց ուսերիս—և ես բոլորովին շփոթուեցայ:  
Այս երեխայի դալը ինձ էլ երեսայ պիտի դարձնէր: Ես  
լուռ նայում էի կաղէտի վերայ, նա էլ անխօս ինձ վերայ  
էր նայում: Զինախոյն ծիծաղեց և մեզ միմեանց առաջ  
մղեց:—Գրկուեցէ՛ք, երեսայք:—Մենք գրկուեցանք:—Վա-  
մենա՞ք, ես՝ ձեզ կըտանեմ պարտէզ, —հարցրի ես կաղէտից:  
— Խնդրեմ,—պատասխանեց նա ինձ խռպոտ՝ իսկը կա-  
ղէտի ձայնով: Զինախոյն կրկին ծիծաղեց... Ես կարողացայ  
նկատել, որ երբէք նորա դէմքի վերայ այնպիսի գիղեցիկ  
գոյներ չեն եղել: Կաղէտի հետ միասին հեռացանք: Մեր  
պարտիզում մի հին ճլորթի կար: Ես նորան նստեցրի բա-  
րակ տախտակի վերայ և սեկսեցի ձօճիլ: Նա անշարժ  
նստած էր իւր նոր, հաստ մահուդից կարած՝ ոսկեզօծ  
ժապաւէններով զարդարուած համազգեստը հագլին և ա-  
մուր բռնուել էր պարանից:—Արձակեցէ՛ք ձեր կօճակները,—  
ասացի նորան:—Ոչինչ, մենք սովոր ենք, —պատասխանեց  
նա և հազաց: Նա նման էր իւր քրօջը, մանաւանդ նման

էին աչքերը: Ես և բաւականութիւն էի զգում նորան ծառայելով, բայց մի և նոյն ժամանակ մի անասելի տխրութիւն կրծում էր սիրտս: «Սյժմ կարծես, թէ ես երեխայ եմ» մտածում էի ես, «իսկ երեկ....» Միտս ընկաւ, ինչտեղ ես երեկ դանակս վայր ձգեցի և գտայ: Վազէտը խնդրեց ինձանից դանակս, կտրեց մի հաստ եղէգն, շուփ շինեց և սկսեց շրուացնել: Օթէլլոն նոյնպէս սկսեց շրուացնել:

Բայց երեկոյեան ինչպէս էր լաց լինում նա, այս իսկ Օթէլլոն՝ Զինաիդայի ձեռների վերայ, երբ տա՝ գտնելով նորան պարտիզի մի անկիւնում, հարցրեց, թէ ինչու համար է նա այնպէս տխուր: Ես այնքան արցունք էի թափում, որ օրիորդը վախեցաւ:—Ի՞նչ է եղել, ի՞նչ է պատահել, Վօլօդեա,—կրկնում էր նա և, տեսնելով, որ պատասխան չեմ տալիս և անընդհատ լալիս եմ, ուզեց թաց թուշս համբուրել: Բայց ես յետ քաշուեցի և լալով արտասանեցի. — ես բոլորը գիտեմ. ինչ՞ով էիք խաղացնում ինձ.... Զեր ինչի՞ն էր պէտք իմ սէրը:

— Ես մեղաւոր եմ ձեր առաջ, Վօլօդեա.... — տապ Զինաիդան: — Սխ, ես շատ մեղաւոր եմ.... — աւելացրեց նա և սեղմեց ձեռը: — Որքան ես վատ եմ, մեղաւոր.... Բայց այժմ ես ձեզ չեմ խաղացնում, ես ձեզ սիրում եմ — և դուք չէք կասկածում, թէ ինչու և ինչպէս.... Բայց դուք ի՞նչ գիտէք:

Ես ի՞նչ կարող էի պատասխանել նորան: Օրիորդը առջևս կանգնած վերաս էր նայում — իսկ ես ոտից ցղուլիս նորան էի պատկանում, երբ նա հայեացքը ինձ վերայ էր ձգում.... Քառորդ ժամից յետոյ արդէն ես վազվզում էի կազէտի և Զինաիդայի հետ, ես լաց չէի լինում, ես ծիծաղում էի, թէպէտ ուռած կոպերիցս ծիծաղի ժամանակ արտասուք էր թափվում: Իմ վզին փողապատի տեղ կապուած էր Զինաիդայի ժապաւէնը, և ես ուրախութիւնից գոռացի, երբ յաջողեցայ բռնել նորա իրանից: Օրիորդը իւր ուղածը անում էր ինձ հետ:



# XIX.

Ես սաստիկ պիտի դժուարանայի, եթէ ինձ ստիպէին մանրամասնօրէն պատմել, թէ ինչ դրութեան մէջ էի ամբողջ շաբաթը իմ անյաջող գիշերային արշաւանքից յետոյ: Դա մի տարօրինակ, տենդային ժամանակ էր, մի քառս, ուր փոթորկի պէս խռնուած էին միմեանց հակառակ զգացմունքները. մտքեր, կասկածներ, յոյսեր, ուրախութիւն և տանջանք: Ես վախենում էի նայել ներքին մարդուս վերայ, եթէ միայն տասն և վեց տարեկան երեխան կարող է իւր անձը քննել, վախենում էի ինքս ինձ հաշիւ տալ, ինչ բանի համար էլ լինէր: Ես ուզում էի, որ օրը շուտ անցնէր, իսկ գիշերը քնում էի.... մանկական թեթեամտութիւնը նպաստում էր ինձ: Ես չէի կամենում իմանալ, արդեօք սիրում են ինձ, և չէի կամենում ինքս ինձ խոստովանել, որ ինձ չեն սիրում. հօրիցս ես փախչում էի—իսկ Զինաիդայից փախչել ես չէի կարող.... Նորա ներկայութեան ժամանակ ես այրվում էի.... բայց ինչու համար ես պիտի իմանայի, թէ այդ ինչ կրակ էր, որից հալվում էի—բաւական է, որ ինձ համար քաղցր էր այդ այրուելն ու հալուելը: Ես անձնատուր էի լինում ստացած տպաւորութիւններիս, ինքս ինձ խաբում էի, աշխատում էի հեռացնել ինձանից յիշողութիւններս և այն բոլորի առաջ փակում էի աչքերս, ինչ որ նախազգում էի.... Այս անտանելի դրութիւնը երկար չէր կարող տևել... մի անակնկալ փոթորիկ բոլորին վերջ դրեց և ինձ մի նոր ճանապարհի վերայ կանգնեցրեց:

Մի անգամ՝ երկար ճեմելուց յետոյ տուն վերադարձայ ճաշի ժամանակ և զարմանքով իմացայ, որ միայն ես պիտի ճաշեմ. հայրս տանը չէր, իսկ մայրս տկար էր, չէր կամենում ճաշել և փակուել էր իւր ննջարանում: Մտայի

դէմքից իմացայ, որ մի անբաւականութիւն է տեղի ունեցել.... Հարց ու փորձ անել նոցա ես չէի համարձակվում, բայց ես մի բարեկամ ունէի՝ երիտասարդ բուժէտաշէկ Ֆիլիպպը, որ շատ էր սիրում ոտանաւորները և լաւ կիթար էր ածում—սորան ղիմեցի: Սորանից ես իմացայ, որ նոցա մէջ մի սարսափելի անախորժութիւն է պատահել (ծառաների սենեակում ամէն բան լսվում է եղել. շատ բան ասուած է եղել Ֆրանսերէն—բայց մեր Մաշա աղախինը հինգ տարի ապրել է մի Պարիզեցի կար անող կնոջ մօտ և բոլորն էլ հասկանում էր), մայրս առաջ մեղադրել է հօրս անհաւատարմութեան, դրացի օրիորդի հետ ծանօթ լինելու համար. իսկ հայրս առաջ իրեն արդարացրել է, բայց յետոյ բարկացել է և մի խիստ նկատողութիւն է արել «իբրու թէ մօրս տարիքների համար», մայրս էլ լաց է եղել. սա յիշել է հօրս այն պարտամուրհակի մասին, որ նա իբրու թէ տուել է պառաւ իշխանուհուն, և շատ վատ կարծիք է յայտնել թէ իշխանուհու և թէ օրիորդի մասին, և հէնց այդտեղ հայրս նորան մի բան է սպառնացել:—Բայց բոլորը սկսել է,—շարունակեց Ֆիլիպպը,—մի անանուն նամակից. իսկ թէ ով է գրել—յայտնի չէ. եթէ ոչ՝ ուրիշ կերպով այս բաները չէին յայտնուիլ: — Բայց միթէ՞ բան է եղել,—շնչեցի ես—մինչ ոտներս ու ձեռներս սառչում էին, և սիրտս զոզոզողում էր..:

Ֆիլիպպը խորհրդաւոր կերպով աչքով արեց:—Եղել է: Սյդ տեսակ բաները չես ծածկել. ինչքան էլ ձեր հայրը զգոյշ է այս բանում,—բայց չէ որ պէտք է, օրինակի համար, կառք վարձել կամ մի ուրիշ բան է պէտք.... առանց մարդու հօ բան չես անել:

Ֆիլիպպին ծանապարհ դրի—և ես ընկայ անկողնիս վերայ: Ես լաց չեղայ, բոլորովին չլուսահատուեցայ. ինքս ինձ չէի հարցնում, ե՞րբ և ինչպէ՞ս է պատահել այս. ես չէի զարմանում, թէ ինչպէս ես առաջ, դեռ վաղուց դիտի

չեմ ընկել—ես մինչև անգամ չէի տրանջում հօրս վերայ...: Իմացածս կարողութիւնիցս վեր էր. այս անակնկալ գիւտը ինձ բոլորովին ճ'նշեց...: Ամէն բան վերջացած էր: Բոլոր ծաղիկներս մի անգամից պոկած, ցրուած ու ոտի տակ տուած չորս բոլորքս ընկած էին:

## XX.

Հետեւեալ օրը մայրս ասաց, թէ քաղաք պիտի տեղափոխուինք: Առաւօտեան հայրս գնաց նորա ննջարանը և երկար ժամանակ նստած էր նորա հետ: Ոչ ոք չէր չիմացաւ, թէ ինչ ասաց նորան, բայց մայրս այլ ևս լսց չէր լինում. նա հանգստացել էր և կերակուր խնդրեց — սակայն չերեւցաւ և չփոխեց իւր վճիռը: Յիշում եմ, որջ օրը ես թափառում էի, բայց չգնացի պարտէզ և ոչ մի անգամ չնայեցի էլ Զասէկինեց տան վերայ—իսկ երեկոյեան ես ականատես եղայ մի տարօրինակ դէպքի. հայրս կրմն Մալեվսկիի ձեռից բռնած՝ տարաւ նորան դահլիճից իւր առանձնասենեակը և ծառայի ներկայութեան սառնութեամբ ասաց նորան. «Մի քանի օր առաջ մի տան մէջ ձերդ պայծառափայլութեան դուռն եմ ցոյց տուել. իսկ այժմ ես երկար չեմ խօսիլ ձեզ հետ, կ'տեսմ միայն, որ, եթէ մէկ էլ շնորհք բերէք մեզ մօտ, պատուհանից ձեզ դուրս կրձգեմ: Ձեր ձեռքը ինձ դուր չէ գալիս»: Նոմսը գլուխ տուեց, ատամները սեղմեց և կուչ եկած դուրս գնաց:

Սկսեցին պատրաստութիւններ տեսնել տեղափոխուելու քաղաք՝ Արբատ թաղը, ուր մեր տունն էր: Հայրս, ինչպէս բանից երեւում էր, էլ չէր կամենում մնալ ամառանոցում, բայց երևի նա կարողացել էր համոզել մօրս, որ անցածից մի անբաւականութիւն դուրս չբերէ: Ամէն բան սուս ու փուս էր կատարվում, առանց շտապելու. մայրս մինչև անգամ խնդրեց, որ ողջոյնը յիշեն իշխանուհուն և յայտնեն



նորան իւր ցաւակցութիւնը, որ տկարութեան պատճառով ինքը անձամբ չէ կարող գնալ տեսութիւն: Այստեղ ու այնտեղ թափառում էի եւ գոռաձի պէս—եւ միայն կամենում էի, որ այս բոլորը շուտով վերջանայ: Մի միտք ամենեւին չէր հեռանում գլխիցս. ինչպէ՞ս նա, այդ երիտասարդ աղջիկը—որ այսպէս թէ այնպէս իշխանի աղջիկ է, կարողացել է մի այդպիսի բան անել, քանի նա լաւ գիտէր, որ իմ հայրը ազատ մարդ չէ, եւ միջոց ունէր ամուսնանալու, դիցուք, թէ նոյն իսկ Բէլովգորովի հետ: Ի՞նչ յուսով է նա արել: Ինչպէ՞ս նա չէ վախեցել իւր ապագան փչացնելուց: Ահա, մտածում էի եւս, ահա սա սէր է, սա կիրք է, սա անձնուիրութիւն է... եւ ես յիշեցի Լուշինի խօսքերը: Մի քանիսնեքի համար անձը զոհել շատ քաղցր է: Մի անգամ ես նկատեցի նոցա պատուհանում մի գունաս գէմբե... «միթէ՞ սա Զինաիդան է», մտածեցի ես... արգարեւ, այդ նորս գէմբեն էր: Ես չկարողացայ ինձ զսպել: Ես չէի կարող նորան թողնել՝ առանց տեսնելու եւ ասելու իմ վերջին մնաս բարեւը: Յարմար ժամանակ գտայ ու գնացի նոցա տունը:

Հիւրասենեակում ինձ ընդունեց իշխանուհին իւր սովորական անփոյթ բարեւով:

— Ի՞նչ է պատահել ձերոնց,—հարցրեց իշխանուհին, քթախոտ լքցնելով քթի ծակերը: Ես նայեցի նորա վերայ եւ սիրտս թեթեւացաւ: Պարտամուրհակ խօսքը, որ ասաց Յիլիպպը, տանջում էր ինձ: Այն ժամանակ գոնէ ինձ այնպէս երեւեցաւ, որ իշխանուհին ոչինչ չէ կասկածում: Կողքի սենեակից դուրս եկաւ Զինաիդան սեւ շորով, գունատ գէմբով, թափթփած մաղերով. նա լուռ ու մունջ բռնեց ձեռիցս եւ տարաւ իրեն հետ:

— Ես լսեցի ձեր ձայնը,—սկսեց օրիորդը,—եւ իսկոյն դուրս եկայ: Եւ դուք այդպիսի հեշտութեամբ կամենում էիք մեզ թողնել, չար աղայ:

— Ես եկել եմ ձեզ մնաք բարե ասելու, օրիորդ,—  
պատասխանեցի ես,—գուցէ յաւիտեան: Դուք, երեւի, լսել  
էք, որ մենք գնում ենք:

Զինախոզան աչքերը յառեց վերաս:

— Այո՛, լսել եմ: Ննորհակալ եմ, որ եկաք: Ես կար-  
ծում էի, որ ձեզ այլ ևս չեմ տեսնիլ: Բարի յիշատակ  
պահեցէք իմ մասին: Ես երբեմն չարչարում էի ձեզ. ես  
այնպէս վատ չեմ, ինչպէս դուք երեւակայում էք:

Նա շուռ եկաւ և պատուհանին յենուեցաւ:

— Զմարտին եմ ասում, այնպէս վատ չեմ: Ես գի-  
տեմ, դուք վատ կարծիք ունիք իմ մասին:

— Ես:

— Այո՛ դուք... դուք:

— Ես,—կրկնեցի տխրութեամբ, և սիրտս առաջուայ  
պէս դողդողում էր նորա անասելի և յաղթահարող ազդե-  
ցութիւնից:—Ես: Հաւատացէք, Զինախոզա Ալէքսանդրով-  
նա, ինչ որ էլ անէիք ինձ, որքան էլ չարչարէիք, ես կրկին  
ձեզ կըսիրեմ, կրկին կըպաշտեմ մինչև կեանքիս վերջը:

Նա արագ դարձաւ իմ կողմը, ձեռքերը լայն պարզեց,  
զրկեց գլուխս և ջերմ ու ամուր համբուրեց ինձ: Աստուած  
զիտէ, թէ այս վերջին ու թանկագին համբոյրը ում էր  
փնտռում, բայց ես ազահութեամբ վայելեցի նորա քաղ-  
ցրութիւնը: Ես լաւ գիտէի, որ այդ համբոյրը այլ ևս չի  
կրկնուիլ: Մնաք բարեաւ, մնաք բարեաւ, կրկնում էի ես....

Նա թողեց ինձ և դուրս եկաւ: Ես էլ հեռացայ: Դժու-  
արանում եմ մեկնել այն զգացմունքը, որով ես հեռացայ  
այն տեղից: Ես չէի կամենալ, որ նա կրկնուի. բայց ես ինձ  
անբաղդ կըհամարէի, եթէ երբէք փորձած չլինէի այդ  
զգացմունքը:

Եկանք քաղաք: Անցեալը եւ շուտ չմոռացայ, շուտ  
չսկսայ պարապել: Իմ վէրքը շատ դանդաղ կերպով էր  
լաւանում. բայց իսկապէս հօրս վերաբերութեամբ ոչ մի

վատ զգացմունք չունէի: Ընդ Հակառակը. իմ աչքում,  
կարծես, նա աւելի մեծացաւ... թող հոգեբանները մեկնեն  
այս Հակասութիւնը, ինչպէս կամենում են: Մի անգամ  
ես անցնում էի ձեմելիքով, պատահեցայ Լուչինին և  
սաստիկ ուրախացայ: Ես նորան սիրում էի ճշմարտասէր  
ու անկեղծ բնավորութեան համար, բացի զորանից նա  
թանկագին մարդ էր այն յիշողութեանց համար, որ նա  
զարթեցնում էր իմ մէջ: Ես մօտեցայ նորան:

— Ահ, — ասաց նա յօնքերը կիտելով: — Դուք էք,  
երիտասարդ պարոն: Ապա ցոյց տուէք ձեզ: Դուք զեռ  
ևս դեղնած էք, բայց էլի ձեր աչքում չէ երևում առա-  
ջուայ ախտը: Այժմ մարդու նման էք ոչ ձեռի շան: Այդ  
լաւ է: Ի՞նչ է, բան անո՞ւմ էք:

Ես յոգևոց հանեցի: Ստել ես չէի կամենում. իսկ  
ճիշդն էլ ասել ամաչում էի:

— Դէհ, ոչնչ, — շարունակեց նա, — մի՛ վհատիք:  
Ամենազլխաւորը այն է, որ մարդ կանոնաւոր ապրի և  
յափշտակութեանց անձնատուր չլինի: Թէ չէ՝ ի՞նչ օգուտ:  
Ալիքը ուր էլ որ տանէ — կրկին վատ է. լաւ է մարդ  
քարի վերայ կանգնի, միայն իւր ոտների վերայ: Ես ահա  
հազում եմ... իսկ Բէովզօրովը — լսե՛լ էք:

— Ի՞նչ է եղել, չեմ լսել.

— Անհետ կորել է ասում են, թէ Կովկաս է գնացել:  
Թո՛ղ ձեզ խրատ լինի, երիտասարդ պարոն: Եւ բոլորը  
նորանից է, որ իւր ժամանակին մարդ չէ կարողանում  
հրաժարուել, աղատուել թակարդից: Դուք, կարծեմ,  
լաւ էք ազատուել: Զգո՛յշ կացէք, որ նորից չընկնէք:  
Մնաք բարև:

— Չեմ ընկնիլ, մտածում էի ես... այլ ևս օրիորդին  
չեմ տեսնիլ. բայց ինձ վիճակուած էր մի անգամ էլ  
տեսնել նորան:



XXI.

Հայրս ամէն օր գնում էր ձիով ման գալու. նա մի լաւ անգլիական ձի ունէր, երկար ու բարակ վզով, երկար ոտներով, որ յոգնել չգիտէր, շատ էլ քաւ էր: Նորա անունը Ելէքտրիկ էր: Բացի հօրիցս ոչ ոք չէր կարողանում նորա վերայ նստել: Մի անգամ նա լաւ տրամադրութեան մէջ մօտեցաւ ինձ, որ վաղուց էր, ես չէի տեսել. արդարեւ նա պատրաստվում էր գնալու և կօշիկներին կպցրել էր խթանները: Նստեցի, որ ինձ էլ տանի հետ:

— Աւելի լաւ է, արի, աթրմա խաղանք, — պատասխանեց ինձ Հայրս, — թէ չէ դու քո քոսոտ ձիով ինձ չես հասնիլ:

— Կըհասնեմ. ես էլ կըկպցնեմ խթաններս:

— Դէ՛, լաւ:

Երկուսս գնացինք: Իմ ձին մի փոքրիկ, բրդոտ ու սև ձի էր, ամուր ոտներով և բաւականին աշխոյժ: Իրաւ է, երբեմն երբեմն նա ստիպուած էր լինում փախչել, որքան որ կարող էր, երբ Ելէքտրիկը իւր սովորական հանդարտ քայլերովն էր գնում. բայց ելի ես յետ չէի մնում: Հօրս նման ձի նստող ես չէի տեսել. նա այնպէս գեղեցիկ ու ճարպիկութեամբ էր նստում, որ, կարծես, ձին ինքը այդ զգում էր և ուրախանում: Մենք անցանք բոլոր զբօսարանները, գնացինք «Դէվիլի պօլէս», թռանք մի քանի ցանկի վերայով (առաջ ես վախենում էի թռչել, բայց Հայրս չէր սիրում վախկոտ մարդկանց — ես էլ թողեցի վախս), երկու անգամ անցանք Մոսկուա գետը և ես կարծում էի, թէ արդէն տուն ենք վերադառնում, նա մանաւանդ Հայրս նկատեց, որ ձիս յոգնել է, բայց նա յանկարծ «Կրիմսկի բրօդ» ից ծռեց մի կողմը և ձիու գլուխը բաց թողեց: — Նստ հեռուների նորան: Երբ հասանք մի տեղ,

ուր շատ հին գերաններ էին դարսած, նա ցած իջաւ, հրամայեց, որ ես էլ իջնեմ և ինձ տալով իւր ձիու սանձը, ասաց, որ գերանների մօտ սպասեմ իրեն. իսկ ինքը ծռեց գէպի մի փոքրիկ փողոց և անհետացաւ: Ես յետ ու առաջ էի գնում, ձիանը ձեռքիցս քաշելով և բարկանալով Ելէքտրիկի վերայ, որ անդադար գլուխը թափ էր տալիս, փռնչում էր և խրխնջում. իսկ երբ կանգ էի առնում, սմբակներով նա փորում էր գետինը կամ կծում իմ ձիու վիզը, մի խօսքով, իրեն պահում էր ինչպէս երես առած *pur sang*:<sup>1)</sup> Նայրս չէր վերադառնում: Գետից անախորժ խոնարութիւն էր փչում: Բարակ անձրև եկաւ և մանր ու մութ կէտերով ծածկեց գորշ գերանները, որոնց մօտ ես թափառում էի: Սաստիկ արևուր էի, բայց հայրս դարձեալ չէր վերադառնում: Մի չուխոնցի պահապան, նոյնպէս գորշ, ահագին՝ կճուճած և հին գլխարկը գլխին, մօտեցաւ ինձ և իւր թաւամանձ ու կնճռոքած գէմքն ինձ դարձնելով՝ ասաց.

— Ի՞նչ էք անում այստեղ, պարոն, այս ձիան հետ: Լաւ է տուէք, ես պահեմ:

Ես նորան չպատասխանեցի, նա ծխախոտ խնդրեց ինձանից: Որպէս զի գորանից ազատուեմ (մանաւանդ որ համբերութիւնս էլ հասել էր), ես մի քանի քայլ արի գէպի հօրս գնացած փողոցը. յետոյ գնացի-անցայ մինչև փողոցի միւս ծայրը, թեքեցի գէպի միւս փողոցը և կանգնեցի: Այդ փողոցում, մի քառասուն քայլ ինձանից հեռու, մի փայտաշէն տան բաց պատուհանի առաջ կանգնած էր հայրս՝ մէջքը ինձ արած. կրծքով նա դէմ էր տուել պատուհանին. իսկ ներսը՝ կիսով չափ վարագուրով ծածկուած՝ նստել էր սև շորով մի կին և խօսում էր հօրս հետ. այդ կինը Զինաիդան էր:

<sup>1)</sup> Մաքուր արիւն (լաւ տեսակի ձի):

Սառած մնացի: Մի այդպիսի բան, խոստովանում եմ, ես երբեք չէի սպասում: Իսկոյն կամենում էի փախչել: «Հայրս կարող է յետ նայել,—մտածեցի ես,—և իմ բանը բուրդ է».... բայց մի տարօրինակ զգացմունք, հետաքրքրութիւնից, կասկածից, մինչև անգամ վախից աւելի զօրեղ մի զգացմունք ինձ կանգնեցրեց: Ես սկսայ նայել դէպի այն կողմը և աշխատում էի մի բան լսել: Հայրս, կարծեմ, անգագար մի և նոյն բանն էր պնդում: Զինախդան չէր համաձայնում: Կարծես, թէ հէնց հիմա եմ տեսնում, այնպէս եմ յիշում նորա դէմքը — տխուր, լուրջ, գեղեցիկ, անձնուիրութեան, վշտի, սիրոյ և մի տեսակ յուսահատութեան — ես ուրիշ խօսք չեմ կարողանում գտնել — անմեկնելի կնիքը վերան: Զինախդան միավանկ բառեր էր արտասանում, աչքերը չէր բարձրացնում և միայն ժպտում էր — խոնարհ ու յամառ: Միայն այդ ժպիտով ես ճանաչեցի իմ նախկին Զինախդային: Հայրս ուսերը վեր քաշեց և ուղղեց գլխարկը — որ նորա անհամբերութեան նշանն էր.... Յետոյ ականջիս հասան այս խօսքերը. *Vous devez vous séparer de cette....*<sup>1)</sup> Զինախդան ուղղուեցաւ և ձեռը մեկնեց.... յանկարծ աչքիս առաջ կատարուեցաւ մի անհաւատալի բան. հայրս բարձրացրեց ծիպոտը, որով թափ էր տալիս իւր շորերի փոշին — և ամուր զարկեց Զինախդայի մինչև արմունկը բաց ձեռին: Ես հագլիւ ինձ զսպեցի, որ չզոռամ. իսկ Զինախդան վեր թռաւ, լուռ ու մունջ հօրս վերայ նայեց և ձեռը կամաց պռօշներին տանելով, համբուրեց կարմրած տեղը: Հայրս դէն ձգեց ծիպոտը, արագ բարձրացաւ դրան աստիճաններով և մտաւ նոցա տունը».... Զինախդան շուռ եկաւ — ձեռները մեկնած, գլուխը յետ ձգած նոյնպէս հեռացաւ պատուհանից:

1) Դուք պիտի բաժանուէք այս....



Վշտից սառած և տարակուսանքի սարսափը սրտումն՝  
ես շուռ եկայ, վազէվազ անցայ փողոցը և քիչ էր մնա-  
ցել, Ելէքտրիկին ձեռիցս բաց թողնէի և կրկին գետեզըր  
եկայ։ Ոչինչ չէր գալիս գլուխս։ Ես գիտէի, որ իմ սառ-  
նարիւն ու լուրջ հայրս երբեմն երբեմն կատաղում էր—  
բայց կրկին ես չէի կարողանում հասկանալ տեսածս....  
Սյոգ իսկ ժամանակին ես զգացի, որ ինչքան էլ ապրեմ,  
կրկին յաւիտեան չեմ կարող մոռանալ Զինաիդայի այս  
շարժուածքը, հայեացքը, ժպիտը, որ նորա պատկերը,  
այս նոր, անսպասելի կերպով յայտնուած պատկերը՝ յա-  
ւիտեան տպաւորուեցաւ յիշողութեանս մէջ։ Ես անմիտ  
կերպով նայում էի գետի վերայ և չէի նկատում, որ  
արտասուք եմ թափում։ Նորան ծեծում եմ, մտածում  
էի ես.... ծեծում եմ.... ծեծում եմ....

— Դէ, ձիւ ինձ տո՛ւր,— լսուեցաւ հօրս ձայնը։

— Մեքենայաբար մեկնեցի նորան ձիու սանձը։ Նա  
նստաւ իւր Ելէքտրիկի վերայ.... ցրտից սառած ձին յի-  
տեւի ոտների վերայ կանգնեց և մի անգամից սաժէն ու  
կէս առաջ թռաւ.... բայց հայրս շուտով սանձահարեց  
նորան. խթաններով զարկեց կողքին նորա և վզին բռունց-  
քով խփեց.... Ե՛հ, ճիպոտս չկայ, փնթփնթաց նա։

Յիշեցի ճիպոտի մի փոքր առաջ հարուածը և գողացի։

— Ի՞նչ արիր ճիպոտդ,— հարցրի հօրս մի քիչ սպա-  
սելուց յետոյ։

Հայրս ինձ չպատասխանեց և ձին առաջ քշեց։ Ես  
հասայ նորան։ Ես անպատճառ ուզում էի տեսնել նորա  
կրեսը։

— Ձանձրացա՞ր առանց ինձ,— ասաց հայրս։

— Մի փոքր ձանձրացայ։ Ինչտե՞ղ ես վէր ձգել ճի-  
պոտդ,— կրկին հարցրի ես։

Հայրս արագ վերաս նայեց։— Ես վէր չեմ ձգել,— պա-  
տասխանեց նա,— ես ինքս նորան զէն ձգեցի։— Նա մտած-

մունքի մէջ ընկաւ և գլուխը կախ արեց.... և այդ ժամանակ ես առաջին և համարեա թէ վերջին անգամ նշմարեցի, թէ որպիսի քնքշութիւն, ցաւակցութիւն կարող էր արտայայտել նորա խստահայեաց դէմքը:

Նա կրկին ձին քշեց, բայց այս անգամ ես չկարողացայ հասնել նորան. քառորդ ժամ նորանից ուշ տուն եկայ:

«Ա՛յ, սա սէր է», նորից ասում էի ինքս ինձ՝ զիշերը նստած գրասեղանիս առաջ, որի վերայ արդէն սկսել էին երևիլ տետրակներ ու զրքեր.... «այս կի՛րք է».... Ինչպէ՞ս մարդ չկատաղի, թւում է մեզ, ինչպէ՞ս մարդ տանէ, ինչ ձեռից էլ ուզում է լինի, թէև ամենասիրելի ձեռից ստացած հարուածին: Երեւի, կարելի է, երբ մարդ սիրում է.... Իսկ ես.... ես երեւակայում էի»....

Վերջին ամիսը ես շատ ծերացայ — և իմ սէրը իւր բոլոր յուզմունքներով ու տանջանքներով այնքան չնչին, երեսպական ու ողորմելի էր երևում այն ուրիշ, անյայտ բանի առաջ, որ ես հազիւ կարողանում էի գուշակել, որ և ինձ վախեցնում էր, ինչպէս մի անծանօթ, գեղեցիկ, բայց ահարկու դէմք, որ մարդ 'ի զուր աշխատում է նշմարել մթութեան մէջ»....

Տարօրինակ ու սարսափելի կրող տեսայ այդ զիշեր: Ես տեսայ, որ մտնում եմ մի ցած, մուրթ սենեակ.... Հայրս կանգնած է ճիւղոտը ձեռին և ոտները դեմնին է տալիս. անկիւնում կուշ է եկել Զինաիդան և ոչ թէ ձեռի, այլ ճակատի վերայ մի մեծ կարմիր զիծ կայ.... իսկ նոցա յետեից երևում է Բէլովզորովը բոլորովին արիւնաթաթախ, բաց է անում գունատ շրթունքը և բարկութեամբ սպառնում է հօրս:

Երկու ամսից յետոյ ես մտայ համալսարան, իսկ կէս տարուց յետոյ հայրս մեռաւ (կաթուածից) Պետերբուրգում, ուր նոր էինք տեղափոխուել ընտանիքով: Մահից մի քանի օր առաջ նա ստանում է Մոսկուայից մի նա-

մակ, որ շատ վրդովում է նորան..... Նա գնացել էր մի բան խնդրելու մօրիցս և, ասում են, մինչև անգամ լաց է եղել, նա, իմ հայրը՝ Նոյն օրը առաւօտեան, երբ նա կաթուած է ստանում, սկսել է գրել ինձ մի նամակ ֆրանսերէն. «Որդեակս,—գրում էր նա ինձ,—վախեցիր կանացի սիրուց, վախեցիր այդ երջանկութիւնից, այդ թոյնից»..... Նորա մահից յետոյ մայրս մի նշանաւոր գու-մար ուղարկեց Մոսկուա:

## XXII.

Անցաւ չորս տարի: Ես նոր էի աւարտել համալսարա-նական ուսումնս և լաւ չէի իմանում, թէ ի՞նչ անեմ, որ դուռը ծեծեմ. առ ժամանակ անգործ մնն էի դալիս: Մի գեղեցիկ երեկոյ թատրոնում պատահեցայ Մայդանովէն. բայց նորանում ես փոփոխութիւն չէի գտնում: Նա դար-ձեալ անտեղի ոգևորվում էր, նոյնպէս յանկարծ էլ վհա-տում էր:

— Գիտէ՞ք,—ասաց նա ինձ,—ի միջի այլոց տիկին Դօլսկանան այստեղ է:

— Ո՞վ է այդ տիկինը:

— Մի՞թէ դուք մոռացել էք. երբեմն իշխանուհի Զա-սէկինան, որի վերայ մենք ամէնքս սիրահարուած էինք, դուք էլ նոյնպէս: Յիշում էք, ամարանոցում, Նեսկուշնիի մօտ:

— Նա մարդո՞ւ է գնացել:

— Այո՛:

— Եւ նա այստե՞ղ է, թատրոնո՞ւմ:

— Ո՛չ, Պետերբուրգումն է. մի քանի օր է, որ եկել է. նա պատրաստվում է արտասահման գնալու:

— Ի՞նչ մարդ է նորա ամուսինը,—հարցրի ես:

— Բաւականին գեղեցիկ մարդ է, կարողութեան տէր:



Ինչ հետ միասին նա ծառայում էր Մոսկովայում: Յիշում էք—այն անցքից յետոյ.... այս բոլորը ձեզ լաւ յայտնի պիտի լինի.... (Մայրդանովը խորհրդաւոր կերպով ժպտեց) նա հեշտութեամբ չէր կարող մարդու գնալ. հետեանք էլ մնաց.... բայց նորա խելքը ունեցողը ամէն բան կարող է անել: Գնացէք նորա մօտ. նա շատ կ'ուրախանայ: Նա աւելի եւս գեղեցկացել է:

Մայրդանով տուեց ինչ Զինաիդայի հասցէն: Նա իջիւ էր Դեմոնի հիւրանոցում: Զին յիշողութիւններս նորից զարթեցան իմ մէջ... խօսք տուի հէնց միւս օրը այցելել իմ նախկին «սէրը»: Բայց չեմ իմանում, ինչ արգելք դուրս ընկաւ. անցաւ մի երկու շաբաթ, և երբ վերջապէս ես գնացի Դեմոնի հիւրանոցը և հարցրի տիկին Դոլսկայեա—ինչ ասացին, թէ չորս օր առաջ համարեա յանկարծակի մեռաւ՝ ազատուելուս:

Այսօր, մի բան զարկեց սրտիս: Այն միտքը, որ ես կարող էի նորան տեսնել և չտեսայ և երբէք չեմ տեսնիլ—այս դառն միտքը, իբրեւ սարսափելի յանդիմանութիւն, տանջում էր ինձ: Մեռաւ,—կրկնեցի ես, բթամիտ կերպով ծառայի վերայ նայելով, կամաց դուրս եկաց փողոց և չգիտեմ, ուր գնացի: Բոլոր անցեալս մի անգամից կենդանացաւ և կանգնեց առաջիս: Եւ ահա ինչով վիրջացաւ, ահա ուր էր դիմում՝ շտապելով և յուզուելով այս երկտասարդ, եռուն ու փայլուն կեանքը: Ես այս մտածում էի, ես երևակայում էի այն սիրելի դէմքը, այն աչքերը, այն զանգուրները—երևակայում էի մի նեղ արկղի, խոնու, ստորերկրեայ խաւարի մէջ, ոչ հեռու ինձանից, որ դեռ կենդանի եմ և մի քանի քայլ, գուցէ, հեռու հօրիցս.... Այս բոլորը ես մտածում էի, լսում էի երևակայութիւնս, բայց կրկին

«Լսում էի մահուան գոյժը եւ անտարբեր շրթունքից

«Եւ սառնութեամբ ականջ էի դնում նորան» —

լսվում էր հրգողս մէջ: Ո՛հ երիտասարդութիւն, երիտասարդութիւն. դու ոչ մի հոգս չունիս, դու, կարծես, տինկերքիս բոլոր զանձերի տէրն ես, մինչև անգամ թախիծը քեզ զուարճացնում է, մինչև անգամ տխրութիւնը վայելում է քո դէմքին, դու ինքնահաւան ես և բաւականին յանդուգն, դու ասում ես, նայեցէ՛ք — միայն ես եմ ապրում, բայց օրերդ անհետ ու անհաշիւ կորչում են և քեզանում ամէն բան ոչնչանում է, ինչպէս մոմը արևի տակ, ինչպէս ձիւնը... Եւ գուցէ քո զեղեցկութեան բոլոր գաղտնիքը նորանում չէ, որ ամէն բան կարող ես անել — այլ կարող ես մտածել, որ ամէն բան կ'անես — և մանաւանդ նորանում է, որ դու քամուն ես տալիս այն ուժերդ, որ ուրիշ բանի վերայ էլ չէիր կարող գործ դնել — նորանում, որ մեզանից իւրաքանչիւրը առանց կատակի իրեն վատնող է համարում, առանց կատակի կարծում է, որ ինքը ունի իրաւունք ասելու. Ո՛հ, ես ինչեր կ'անէի, եթէ ի զուր չկորցնէի ժամանակս:

Ահա և ես... ի՞նչ յոյսեր ունէի, ինչե՛ր էի սպասում, ի՞նչ հարուստ ապագայ էի գուշակում, երբ ես մի հառաչանքով, մի տխրամած զգացողութեամբ նոր ճանապարհ էի դրել առաջին սիրոյս մի լոպէ զարթնած պատկերը:

Բայց ի՞նչը կատարուեցաւ այս բոլորից, որի վերայ ես յոյս էի դրել: Եւ այժմ, երբ արդէն երեկոյեան ստուերները իջնում են կեանքիս վերայ, ի՞նչ է մնացել ինձ համար աւելի թարմ, աւելի սիրելի բան, քան այն արագ անցած, գարնան առաւօտեան ու երեկոյեան փոթորկի յիշատակը:

Սակայն անտեղի եմ զըպարտում ինձ: Եւ այն ժամանակ, այն թեթեամիտ երիտասարդ ժամանակ, ես խուլ չմնացի դէպի ինձ կանչող տխուր ձայներ, դէպի այն հանդիսաւոր ձայնը, որ ինձ էր հասնում գերեզմանից: Յիշում եմ, մի քանի օր անցած այդ օրուանից, երբ ես իմացայ

Զինախոյսի՝ մահը, եւ ինքս իմ անդիմադրելի ձգտմամբ, ներկայ եղայ մի աղքատ պատաւ կնոջ մահուան, որ ապրում էր մի և նոյն տանը, ինչտեղ և մենք էինք։ Յնչոտիներով ծածկուած, չոր տախտակների վերայ, մի պարկ գլխի տակին, նա տանջուելով բաժանվում էր կեանքից։ Նորա բուրբ կեանքը անցել էր սա օրեայ կարիքի՝ հետ դառնութեամբ մաքառելով. նա չէր տեսել ուրախութիւն, երջանկութեան քաղցը մեղքը նա չէր ճաշակել—էլ ինչո՞ւ, ըստ երևութին, նա պիտի չուրախանար, որ մեռնում է, ինչո՞ւ պիտի չցանկանար մահուան ազատութիւնը, մահուան հանգիստը։ Բայց մինչ նորա դառամած մարմինը դեռ ընդդիմանում էր մահուան, մինչ դեռ տանջուելով բաբախում էր նորա կուրծքը սառեցնող ձեռի բռնան տակ, քանի որ մնում էր նորա մէջ վերջին դժբաղդ—պառաւր անդադար խաչակնքում էր երեսը և շնջում.—Տէր, թող իմ մեղքերը—և միայն դիտակցութեան վերջին կայծի հետ անհետացաւ նորա աչքերում մահուան սարսափի ու երկիւղի արտայայտութիւնը։ Եւ ես յիշում եմ, որ այստեղ, այս խեղճ պառաւի մահճի առաջ սարսափ եկաւ վերաս Զինախոյսի համար և ես կամեցայ աղօթել նորա համար, հօրս և ինձ համար։







Արազն էկաւ լափին տալով,  
Ժէռ քարերին, ափին տալով.  
Ո՞րտեղ թաղեմ ես իմ դարդը,  
Զոր գլուխըս տափին տալով:

Այ իմ Արազ, ջուրդդ վարար,  
Սիրուն եարիս եարաբ տեսմը.  
Ես չըհասայ իմ մուրազին,—  
Արազ, եարաբ կարօտս առմը:

Ամպերն ընկան Մասիս սարին,  
Կարօտ մնացի ես իմ հարին.  
Աստօճ սիրես, էրուած սրտիս  
Զուղաբ բերես էկող տարին:

Քշերն անքուն գիր կրգրեմ—  
Արտասունքս գետ կըշինեմ.  
Արազ, ծէգը ջրիդ չառած՝  
Իմ սև դարդը քեզ կըբերեմ:

Կ'ասես՝ շողքը քարին ընկաւ,  
Կըբակըն իմ սրտին ընկաւ.  
Կամար ունքից, թուխ աչքիցը  
Յաւն իմ ջիւան ջանին ընկաւ:

Արազն էկաւ լափին տալով,  
Ժէռ քարերին, ափին տալով.  
Ո՞րտեղ թաղեմ ես իմ դարդը,  
Զոր գլուխըս տափին տալով....

Մ — Ի Ն.

Կ'ուզէի լինել կարկաչուն վտակ,  
Վճիտ ալիքը զրախտի բուրմունքով,  
Եւ առաւօտեանն, ինչպէս ցօղ յստակ,  
Երեսդ առողել զոհար շիթերով:

Կ'ուզէի դառնալ սօսի հովասուն,  
Համարձակ փռուած կանաչ սաղարթով,  
Եւ միջօրէին այդ դէմքիդ սիրուն  
Հովանի լինել հեզիկ շրշենով:

Կ'ուզէի լինել ծաղկոցում բացուած  
Քաղցրաբոյր մի վարդ, երկնից արժանի,  
Եւ սիրոյ ժամին, խանդիցրս արբած,  
Զարդարանք լինել կուրծքիդ դեղանի:

Եւ շող դառնալով զարնան արևի  
Կ'ուզէի պայծառ աչերումդ վառուել,  
Կամ ինչպէս քնքուշ ոսկեվառ գօտի  
Զքնաղ իրանիդ փաթաթուել, փարել...

Լուսավառ աստղիկ կ'ուզէի դառնալ,  
Քաղցր մանկան պէս ծիծաղն երեսին,  
Ինչպէս աղամանդ շողշողել, ցոլալ,  
Ո՛վ իմ թագուհի, քո բաց ճակատին:

Կ'ուզէի լինել լուսին ամթխած,  
Արծաթի փայլով մազերըդ շոյել,  
Այսերըդ զգուհի, սիրուց բորբոքուած,  
Դողդոջ շրթունքիդ համբոյրներ դրոշմել:

Կ'ուզէի լինել սիրահար սոխակ  
Եւ ձեռիդ գերի, վանդակում փակուած,  
Ականջիդ հնչել հրաշալի նըւագ,  
Մեղմ օրօր ասել քո հոգուն զմայլում:

Եւ կախարդական տաճարում կանգնած  
Կ'ուզէի տեսնել ես քեզ Անահիտ,  
Եւ երկրպագել, առաջիկ չքած,  
Սուրբ գեղեցկութեան անմահ տիպարիդ:

1888. 17 լունվարի:





## ԵՐԳՉԻ ԱՆԷԺՔԸ.

(Ուլանդից):

Մարեր առաջ կար բարձրաբերձ պարիսպներով մի դղեակ—  
շոյակապ էր, փառքն հասել էր մինչ ովկիան կապուտակ.  
Շուրջը փռուած ծաղկապսակ անուշաբոյր պարտէշներ,  
Թարմ զովաշունչ շատրուաններ ցայտում էին վառ շիթեր:

Եւ բազմալաղթ այնտեղ նստող գոռոզ արքան հողաշատ  
Բազմած էր իւր գահի վերայ մնայլ գէմքով ու գունատ,  
Ամէն խորհուրդն արհաւիրք էր, կատաղութիւն աչքերում,  
Նորա ամէն խօսքը—կորուստ, արիւն էր նա միշտ գրում:

Այս ամրոցը երկու աղնիւ երգիչ գնացին միանգամ,  
Մէկն ալեզարդ, մին պատանի ոսկեգանգուր ու փարթամ.  
Տաւիղն ուսին, մի գեղեցիկ նժոյգ հեծած ծերունին,  
Նորա կողքին գնում էր առոյգ ծաղկահասակ պատանին:

Ծերունին ասաց իւր ընկերին. «Պատրաստ եղիր, իմ որդեակ,  
Մեր սրտառուչ տաղերն յիշիր, երգիր ազատ, համարձակ.  
Երգիր և վիշտ և խնդութիւն մատաղ ձայնով դու հղօր,  
Գոռ արքայի քարէ սիրտը պիտի շարժենք մենք այսօր:»

Արդէն շքեղ և սիւնազարդ նոքա սրահումն են կանգնած.  
Գահի վերայ թագաւորը և թագուհին են բազմած.  
Նա սիգապանծ ինչպէս փայլը արիւնավառ հիւսիսի,  
Իսկ թագուհին քնքուշ՝ նման արուսեակին լուսալի:

Ձարկեց ծերունին ոգևորուած նուրբ լարերին մատներով,  
ձոխ արձագանգ տըւին նոքա լիահնչուն ձայներով.  
Եւ գեղգեղեց տաղ երկնարժան չքնաղատես պատանին,  
Ինչպէս համերգ ոգիների և խլաձայն ծերունին:

Նոցա երգն է գարուն և սէր, երանաւտ ոսկէդար,  
Աղատութիւն, խօսք ճշմարիտ, արիութեան գործ արդար,  
Եւ հեշտութեան ամէն վայելք որ յուզում է սիրտ մարդկան,  
Եւ այն ամէնն որ կարող է մարդուն տալ տիպ վեհութեան:

Պաշտական ասպետները ծաղու խօսքեր մոռացան  
Եւ անվեհեր զինուորները հզօր երգիցն յաղթունեցան.  
Իսկ թագուհին՝ սիրտը շարժուած, աչքին արցունք բերկրալից,  
Ահա հանեց ձգեց ձեռքին չքնաղ մի վարդ իւր կուրծքից:

«Գայթակղեցիք դուք իմ ազգը, կամիք խել և իմ կին», —  
Ահեղ գոչեց, դողաց մարմնով թագաւորը մոլեգին.  
Ձգեց սուսերն, օգուտ ցոլաց, մատաղ կուրծքը պատառեց,  
Ոսկէհնչուն երգերի տեղ կուրծքիցն արիւն դուրս ցայտեց:

Ասես մրրիկ իսկոյն ցրուեց այն ունկնդիր ամբոխին.  
Իւր վարպետի գրկումն հոգին փչեց դժբաղդ պատանին.  
Ծածկեց մարմինն նա թիկնոցով, նստացրեց երիվար,  
Ամուր կապեց և ամրոցից նա հեռացաւ վշտահար:

Եւ դուրս եկաւ կանգնեց բարձր դարպասի դէմ՝ ծերունին  
Եւ ձեռքն առաւ տաւիղն, ամէն տաւիղներից մեծագին.  
Զարկեց նորան կճեայ սեանը, փշուր փշուր խորտակեց,  
Դէպի ամրոցն ու պարտէզներ սոսկալի ձայն արձակեց.

«Վայ. քեզ, խրոխտ դու ապարանք, թող ոչ մի ձայն քաղցրութեան,  
Խարի հնչիւն, երգ չսուի քո յարկի տակ յաւիտեան,  
Այլ ստրուկների երկչոտ քայլեր և հառաչանք, հեծութիւն,  
Մինչ չար ոգին վրէժխնդրութեան քեզ դարձնէ սև աճիւն:

«Վայ ձեզ, և դուք անուշաբոյր գարնանագեղ պարտէզներ,  
Տեսէք ահա մանուկ երգչի դէմքին սառած տանջանքներ.  
Թող սորա տեղ դուք թառամիք, աղբիւրներդ ցամաքեն,  
Գալ օրերին թող քար կտրած և ամայի ձեզ տեսնեն:

«Վայ քեզ, նզովքդ երգիչների, վայ քեզ, անարգ մարդասպան,  
Արիւնգասակ փառքի համար մարտդ լինի թող ունայն.  
Թող մոռացուի քո անունը մշտագիշեր խաւարում,  
Ինչպէս մահուան վերջին հառաչք, սին ձայն, ցնդի թող օդում»:

Ծերուկն ասաց, և երկինքը լսեց նորա պաղատանք.  
Պարիսպները փոշի դարձած, կործանուած է ապարանք.  
Բարձր մի սիւն դեռ վկայ է անցեալ աւուրց փառաւոր,  
Այն էլ շուտով պիտի լինի մի փլատակ սգաւոր:

Զըկայ բուրմուռնքն այգիների, շուրջը միայն անապատ,  
Զըկայ վտակ, սաղարթախիտ չըկայ մի ծառ ստուերաշատ,  
Եւ չէ յիշում մի տարեգիր կամ երգ անունն արքայի:—  
Այսպէս ահա կատարուեցաւ անէծքն ահեղ ծեր երգչի:

1888. 29 յունվարի:





Կ Ե Ա Ն Ք.

Որպէս մի անուրջ դու պիտի անցնես,  
Լոկ ունայն տեղը յուզելով արիւն.  
Ամէն քաղցրը իղձ դու պիտի տանես,  
Անհոգ բերկրութիւն և սէր և աւիւն:

Մանուկ օրերից քո յուսով ապրած,  
Մենք քեզ ենք սպասում անձուկ կարօտով.  
Բայց միշտ թռչում ես դու թւեր առած,  
Եւ մենք միշտ նոյնն ենք խորտակուած սրտով:

Զնչին վշտերով միշտ քո տառապանք՝  
Արժանի էլ չեն երբէք վեհ հոգու,  
Վայելքբղ առ ժամ՝ միայն զառանցանք  
Կարող լինել տհաս պատանու:

Տո՛ւր մշտականաչ հրաշագեղ զարնան  
Վառ, երանաւէտ, անանց երազներ.  
Թող մենք անձնատուր մի անհուն զգացման  
Անվիշտ քուն լինինք օրեր, տարիներ.

Կամ բաց մեզ մարտի ազատ ասպարէզ,  
Անշղթայ ձեռքով չարի հետ կռուինք—  
Կամ անմահութեան փառք պսակէ մեզ,  
Կամ ինչպէս ԾԾԻ՝ ոտի տակ կորչենք...

## ԱՆԿՈՉ ՀԻՒՐԸ.

### I.

Օգոստոսի վերջերում Կովկասի մայրաքաղաք լեռնապատ Տփղիսը ծածկուած էր մի թանձր ու խոնաւ մառախուղով, և երկու օրուայ տեղացող փոշեմանն անձրեւն արդէն լճակներ և առուակներ էր ձևացրած զառիվայրերի և քարայրատակ փողոցների փոսերին մէջ:

Այնքան խտացած էր օդը, որ միջօրէի թնդանօթին հարուածն անգամ խուլ էր հնչում, և վառօդի սպիտակ ծուխը գոնէ մի վայրկեան սքօղում էր Աղէքսանդրեան սյգիի վանդակապատ մուտքը, ուր ուրիշ օրերի նման չէր երևում շրջագայողների յամրագնաց շարժումները. հազիւ մի քանի գործադբաղ մարդիկ կամ կանայք կանցնէին շտապ, ցեխի և ջրերի մէջ ոստոսակով:

Այդ ծանր ու խոնաւ մթնոլորտը, որ յանկարծ կրյաջորդէ անտանկի շոգերին, վատառողջ է ամէն կարգի և կազմուածքի տէր անձանց և բարոյապէս տխուր կերպով կ'ազդէ հիւանդ ջղոտների վերայ: Մանաւանդ Պուր գետի մռայլ երևոյթը, որի դեղնած և պղտոր ջուրը՝ սպունգի նման փրփուրի պղպջակներով ծածկուած, վազում է վազում, աջ ու ձախ գետեզերքի վերայ թողնելով իւր մակերևոյթում լողացող մարմինները—փայտի կամ գործարանաց ածուխի փշուրն ու կտորաւոր, ցնցոտիք, մամռապատ եղէգներ. այս վերջինները ջրեղէն բազեղների նման զալարուելով կրփաթաթուէին ցիցիւրի, լաստերի և Միքայէլեան կամրջի ստորոտին թմբոցը, ուր ջուրը՝ քմահաճ և խելապտոյտ շրջաններ անելով, փրփրաւով, Քշաւով, կ'եռայ ու կըգառնայ և կըշարունակէ իւր ճանապարհը:

Կամրջի երկու կողման հեռաձիգ տեսարանները ծածկուած են գողորշիով, և չեն երևիր այն անյողդողդ ժայռերի ու բլրակաց վերայ հիմնարկուած պատշգամաւոր տները, ցան ու ցիր եղերքում սփռուած անակ, խրճիթ և գործարան: Այլ միւս կողմից տեղ-տեղ կ'երևին ծառեր, ծխող ծխնեղջիգք, որոց ետեւից՝ երկնից պարզութեան ժամանակ, մի կապարագոյն մշուշով պատած կրնշմարտին սրածայր լերանց գազաթները մերթ վարդակարմիր և մանուշակագոյն, երբեմն էլ սպիտակ, արեգական ընթացքին համեմատ:

Կամրջի տակից անցնող ջրին նման մարդկային մի հոսանք էլ նորա վերայից միշտ անց ու դարձ կ'անէ, որի կարծես բարեկարգութիւնը անվերջով պահպանելու համար կըհրամայէ հսկել Վարանցովի խտտահայեաց և շքեղագիր պղնձեայ պատկիրը՝ իւր լայնանիստ պատուանդանին վերայ արթուն և կանգուն:

Գիշերն աւելի քստմնելի է այդ դետին երևոյթը, այդ բազմամարդ, գողտրիկ և ծաղիկալ քաղաքի կեդրոնում վաղող ու փրփրացող սարսափելի գաղտնեաց նեղ և ընթացիկ ովկիանոսը, որի տափարակ և պռտտուն ալեքները ազատ կերպիւ կ'անդրադարձնեն եղերքի վառուած լոյսերը, որ իւր լռութեան մէջ անգամ ունի մի խորհրդաւոր մրմունջ և իւր յատակում թաղուած յոյսերն ու գաղտնիքները կրպատկերացնէ երբեմն մահասարսուռ ժպիտով, իւր պսպղուն ալեքների մակերևոյթում:

Այլ երբեմն արշալուսոյ խաղաղ և փայլայտ լուսովը կըհանդարտի, կըկանոնաւորէ իւր ընթացքը, զրաւիչ մի պատկիր կըստանայ ու կըհանէ իւր ծոցիցը կապուտակ դուրշիներ, որք մերթ կըպատեն եղերքը մառախուղի քողով՝ յետոյ ծանր առ ծանր արեգակին հետ բարձրանալով՝ ամպ կըկազմեն երկնքում:

Սակայն երբ ամառուայ շողերն կըսկսին, և քաղաքը կը-



ծածկուի ծանրակշիւ մթնոլորտով, երբ գերդաստանք շողից պատասպարան կ'որոնեն ջրջակայ գիւղերում, այն ժամանակ քաղաքում մնացող գործատեարց համար գետեզերքի մօտ շատ անգամ կարելի է շունչ քաշել, լողանալ: Սրգէն շատերն իրենց գործերի բերմամբ էլ այնտեղ են հաստատած բնակարան, գործատուն և գրասենեակ, որոց մէջ նշանաւորներից մինն է Գոգթունու ալիւրի գործարանը, որի կից է նաև գրասենեակը մի յարկի վերայ՝ անմիջապէս ջուրին մօտ, ուր աղան հրեմն գիշերները կ'անցնէ իւր գործի շահերից ստիպեալ, ուր կըպահէ մի երկաթէ արկղի մէջ իւր փողն ու թղթերը և թանկագին առարկայք.... Սրկղին աջ կողմն է գրասեղանը կանաչ չուխայով և զանազան գրելու պիտանի առարկաներով ծածկուած. մեծ հաշուագրքեր, հաշուաշար, փոքր քսակների մէջ ցորենի օրինակներ: Սատին մէջ հաստատուած մի ճանկից կախվում են մեծ ու փոքր թղթերի և հաշիւների թերթեր, նոցա մօտ մի օրացոյց դարձեալ պատից. կախ, այլ աջ կողմի պատում կայ մի կրակարան նոր ձևով ծեփած. նորա կողքին մի կլոր սեղան ու վերան թէյի մի բաժակ իւր արծաթէ բաժկակալովը, որով տէրն երբեմն թէյ կրիմէ՝ կրակարանին մէջ փայտ նետելով՝ օդին և գետի խոնաւ զովութիւնը մեղմելու համար, որից շատ էլ զգուշանալու տեղի չունէր, նայելով իւր քաջառողջ կազմուածքին, որով կարող էր մրցել տակաւին իւր 55 տարեկան հասակում շատ երիտասարդների հետ: Սակայն իւր առատ մազերն ու բեխերը բաւականին սպիտակ էին արգէն. այլ աչքերը արտասովոր կերպիւ կըփայլէին այն թխագոյն պատկերին վերայ, նեղ և բարձր ճակատով ու փեղեցկաձև քթով, իսկ կարմրաշուրթ բերանը մեծ էր, և երկու անկիւններում լայն կնճիռները կըկոտէին բեխերի մազերին մէջ: Ղէմքի վարի մօտը վերեւից աւելի ընդարձակ էր, այտերը փոքր ինչ ծալուած ականջների մօտ, նոյն-

պէս մի խորին ծալք երկու յօնքերի մէջտեղ, որ սպառնալից նիզակի նման կրցցուէր բարկացած ատեն: Այսու հանգիւրձ այս ամբողջութիւնը իսկապէս մի տգեղ երևոյթ չունէր, միայն թէ լաւ ազդեցութիւն չէր գործում ընդհանրապէս սուռջի նորա հանդիպող անձին: Բայց նա գիտէր գրաւել բոլորին փաղաքուշ ժպտով և ձեւերով, ունէր ևս գրաւիչ և համոզող մի ձայն, որ ուզած ատեն կարող էր շատ կատաղել և խրոխտ կերպիւ հնչեցնել: Բայց այդ մեղոյչ ձեւերը կարող էին և կեղծիք լինել. սակայն միթէ կարելի՞ է դատել մարդկանց նոցա արտաքին երևոյթի վերայ հիմնուելով, չէ՞ որ միայն արտաքինը երբեմն խաբէական կարող է լինել. միայն կարելի է մարդս իւր գործերիցը դատել, և շատ անգամ մեր վերայ գործած տպաւորութեամբ, որով քիչ կը պատահի, որ խաբուինք, և այդ բանը կարող է զգալ դիտող և զգայուն մարդը, և կամ ըմբռնել Լաֆատէրի և Գալի դրութիւնը ուսումնասիրած անձինք, որոնք զարձեալ իբրև գիմագէտք կամ զանգարանք պատահի որ սխալուին: Ահա այդ պատճառաւ դիմագիտութիւնը տակաւին հաստատուն գիտութեանց կարգը անցած չէ: Անհրաժեշտ ուսումն, որ մեծ ծառայութիւն պիտի մատուցանէր մարդկութեան, զի մեծամեծ չարեաց առաջն պիտի կարողանայինք առնել, եթէ հնարաւոր լինէր մեզ զանազանել կեղծ մարդասէրը ազնիւ մարդասպանից: Առ այժմ՝ դատում են մարդուն իւր հրապարակական գործունէութիւնից, բարձրահիշիւն անունից և նորա հարստութեան տեսակէտիցը, մանաւանդ եթէ նորա սյգ առաւելութիւններով մեզ օգուտ և շահ ծագի, եթէ նորա դրութեան շնորհիւ կարողանանք մենք ևս բարւոքել մերը. մնացեալը ո՞ւմ հոգն է:

Ահա ձեզ մի անձնաւորութիւն որ բոլորից սիրուած է և յարգուած, չնայելով որ խօսել են նորա համար էլ չար լեզուներ ոչ նպաստաւոր. բայց ո՞վ կը չաւատայ, թէ նա

Պետերբուրգում ունեցել է մի գայթակղեցուցիչ դիպուած. զրպարտութիւններ, որովհետեւ ահա վեց տարի կը լինի որ Գողթունի Հաստատած է Տփղիսում իւր գործերն և բնակութիւնը, և այս վեց տարուայ ընթացքում բարեգործութիւնից ի զատ ոչ ոք ոչինչ չէ տեսել նորանից: Ամէքին իրեն զրաւած՝ այնքան բարձր է ընդհանուրի կարծիքը նորա մասին, որ քաղաքում փոխանակ անուանելու իւր Գողթունի ազգանունով՝ կոչում են «բարերար աէր» կամ «ադա»:

Չնայելով որ մի մեծ հարստութիւն էլ չունի և իւր ալիւրի գործարանից դէն մի շահ չէ կարողացել ստանալ, այսու հանդերձ ճոխ կ'ապրի: Ուր որ լինի, առանձին ճարտարութեամբ կը խօսի առաքինական յատկութեանց վերայ, անիրաւութեանց թշնամի է կամ լինել կը ձեռացնէ, տարօրինակ գաղափարներ կը յայտնէ: Սրինակի համար, երբ հարցնէին թէ ինչո՞ւ հրաժարուեցաւ փաստաբանութիւնից, ինչո՞ւ առանց աւարտելու իրաւաբանի ուսումը թողուց համալսարանը և վաճառականութեան գործերով պարապեց, — նա կը պատասխանէր, թէ աստում է այն արուեստը, ուր հարկադրուած է փող վաստակելու համար մարդասպանին, դողին և առաքինեոյն հաւասար եռանդեամբ պաշտպանել. երբէք չկարողանալ ասել իւր սեպհական կարծիքը, սեւը սպիտակ հանդիսացնել և սպիտակը սեւ, իրեն համար ապրելու նպատակաւ այլոց համար խորհիւ և խօսել՝ մարդկութիւնից հրաժարուած, մի խօսուն մէքենայ դառնալ, որին կարելի է լարել արուելիք դումարին համեմատ և այլն: Սորա նման գաղափարներ՝ կ'այտայտցտէր, որպէս զի ուրիշներից ջոկուի և բարձր կարծիք ունենան իւր վերայ:

Առիթ բաց չէր թողնում ձեռքից իւր առաքինասէր կողմը ևս ցոյց տալու, օրինակ, փաստաբաններ վարձելով, պաշտպանեց իւր երկու գործաւորաց դատը և նոցա փրկեց



դատաւարաւութիւնից: Երեք աղքատ աղջիկներ օժտեց և հարսնացուց՝ նոցա միոյն կնքահայր դառնալով, որոց երկուսը աղախնոյ պաշտօն վարած էին իւր տան մէջ: Այսպիսի գործեր, աւելացրէք սորա վերայ մի քանի ազգասիրական ճառեր, որ արտասանեց տարբեր առիթներով, բարեգործական ընկերութեան գանձանակին նիւթապէս տուած օգուտները—այս բոլորը այնքան բարձրացրին իւր անուըր ժողովրդեան մէջ, որ ուսեսալ և տգէտ, գործաւոր և ռամիկ, բարերարի մակդիրը զլոշմեցին նորա ճակատին. իսկ աղքատներն իրենց պահապան հրեշտակն էին անուանում:

Առաւօտից մինչև երեկոյ պարապում էր զրասնենակի մէջ գործատան հաշիւներով և կարգադրութիւններով: Կէսօրուայ նախաճաշիկի կրգար տուն, յետոյ նորից գրասենակը վերադառնալով, մինչև երեկոյ կը զբաղէր. կը պատահէր, որ մինչև հետևեալ օրը ստիպուած գիշերն այնտեղ մնայ, այլ ընդհանրապէս սովորութիւն ունէր երկոնները տուն վերադառնալ թէյի ժամանակ, եթէ չի գնար այցելութեան մի տիկնոջ, որին հետ շատ սերտ յարաբերութեամբ կապուած էր:

Տանը իւր վերադարձին կըսպասէին տաան և ինն աւեայ աղջիկը պառաւ խնամակալուհու հետ. ոյս վերջինը՝ գլուխը ձեռքում հիւսած գուլպային վերայ խոնարհեցնելով, ծնկան վերայ նստած կատուին հետ կըմրսփէին: Առաւել, միայն գլուխը բարձրացնելով, նիհար ձեռքով ինքնաւոր կըշշափէր նայելու համար, որ ջուրը սառած չլինի, և եթէ աղան յանկարծ գալու լինի, թէյը ժամանակին պատրաստ չգտնէ և բարկանայ:

Որովհետև արտաքին անձանց հետ հեղաբարոյ և քաղցր վարուող աղան նոյնը չէր դժբաղդաբար իւր տանը մէջ,— մանաւանդ մի քանի օրից ի վեր զգալի կերպով փոխուած էին թէ իւր սովորական վարմունքը և թէ երեսի արուայայտութիւնը, առանց դորան էլ մեծաւ մասամբ վատ

կրվարուէր իւր աղջկան հետ, — խեղճ Երանուհին շատ էր տառապում այդ վարմունքից: Լեշտ չէ մի երիտասարդ օրիորդի իւր մատաղ հասակում տեսնել իւր մօրը, մանաւանդ իւր միակ բարեկամուհուն մահը, որի գգուանքն ու խանդաղատանքը պաշարած ու օրօրած էին իւր մատուռ տարիքը, որք իւր սրտին անհրաժեշտ մի պէոք և սնունդ դարձել էին: Յանկարծ կորցնել այդ բոլորը, զգալ ինքն իրան մի ցաւալի դատարկութեան մէջ, ուր միայն նշմարելի էր հօրը դաժան և խստահայեաց պատկերը, ցամաք խօսքերը.... վշտալի՜ փոփոխութիւն: Սակայն Երանուհի, իբրեւ արդարակորով, սովորականից դուրս խելացի և առաքինի մի աղջիկ, տանում էր այդ հրեշտակային համբերութեամբ. — քիչ առ քիչ վարժվում էր այդ տառանձնութեան և մաշող կեանքին, թէպէտ ցաւելով՝ այլ առանց երկիւղի տեսնում էր հօրը վարմունքը, սակայն ընդհակառակն երկիւղ կրգգար այն ատեն, երբ հայրը ծիծաղէր և ձայնը հրամայողական կերպիւ շեշտէր..... որ երբեմն սաստիկ բարկութեան և աղետից հետեանք կամ աւետաբեր սուրհանդակ համարէին:

Անմայր, բոլորովին անընկեր, միայն մի պառաւ խնամակալուհու հսկողութեանը տակ՝ օրերը կ'անցնէին, որից իբրեւ զաւակ սիրուած էր արդէն. բայց կարելի՞ է միթէ, որ և է մի ուրիշ սիրով մոռացնել նորան իւր վաղամեռիկ մօր յիշատակը: Այսու հանդերձ Երանուհի սիրում էր իւր խնամակալուհուն, իւր միակ, բայց տկար պաշտպանը՝ խիստ հօր յարձակմանց դէմ, որոյ կնճռազիծ պատուաւ ճակատը վաղուց արդէն ծածկում էին արծաթափայլ մազեր, այդ տաղտկալի կենաց փոթորկալից վէճերը տանելով ի սէր որբ աղջկան, ներկայ լինելով նոյնպէս հանգուցեալ մօր կրած տառապանքին ու վշտաց, որից միայն մահը կարողացաւ փրկել, և որին նա քոյր էր անուանում:

Սակայն տարիներն ու հոգսերը չէին կարողացել ջնջել

նորա գէմքի ազնուականն եւ բարի արտայայտութիւնը՝ խոր աչքերով եւ արծուունգն քիթով, որ բոլոր տեսնողաց պատկառանք կ'ազդէր:

Տխրագին լուծեամբ կընայէր Երանուհու երեսին, որոյ գեղեցկութիւնը գեռ չէին կարողացեր մթագնել արտասուք եւ տառապանք: Այո՛, գեղեցիկ էր Երանուհի այն գեղեցկութեամբ, որ շատ անգամ կըգոյանայ հոգեց աշնուութեանց գէմքին վերայ անդրադառնալովը, համակրելի է, քաղցր ու գրաւիչ առանց ունենալու կլասսիքական արուեստապահանջ դժերը, գեղեցկաց գեղեցիկն է նա իւր գունատ պատկերով, մտտ չըթունքներով եւ աչքերով, որոց կապոյտ երանգն ու լայնահատ շրջանակը պարունակէին մի անյողդողդ նայուածք, ուր կարելի էր նշմարել առաքինութեան, խելքի եւ անձնութիւնութեան նշոյլները: Հասակը միջին՝ նուրբ եւ դիւրակոր, համեստաքայլ, ոտից զգլուխ կուսական շնորհաց մի կենդանի ծաղիկ:

Բոլոր օրը կըզբաղուէր տան գործերով, երբեմն էլ ընթերցմամբ՝ անշուշտ տխուր մտածութիւնքն ու ձանձրոյթը վանելու համար: Նաու քիչ անգամ դուրս կ'ելլէր տանից, այն էլ այգիում շրջադայելու երեկոնները խնամակալուհուն հետ, կամ երբեմն հօրը հրամանաւ կ'երթան այցելել մէկ երկու բարեկամուհեաց, դպրոցական դասակիցք, որոց չափահաս եղբայր կամ ամուսին չունենալուն նախապէս տեղեակ էր հայրը, ապա թէ ոչ՝ նոցա հետ էլ տեսնուիլը անհնարին կըդառնար, որոհետեւ հայրը մտադիր էր մի հարուստ եւ մեծ տնուան տէր փեսի տալ իւր աղջկեւ... որովհետեւ Գողթունի գեռ չէր բաւական իւր վայելած յարգանքիցը, նա աւելի հեռուներն էր ակնարկում: Նա մեծամեծ նպատակներ ունէր, որին հասնելու միակ միջոցն էր առատ փող եւ բարձրաստիճան անձանց ազգականութիւնը կամ, լաւ եւս ասել, խնամութիւնը, առ այժմ կարող էր գոնեա մինը այդ նպատակաց իրագործել եւ Երանուհի թերեւ



դործիք դառնար: Թշուառ զոհ... Էհ, ի՞նչ փոյթ,—բաւա-  
կան էր որ ինքը բարձրանայ. ո՞վ է փնտռում եւ քննում,  
թէ արձանին պատուանդանը ինչո՞ք է շինած կամ ինչով  
է յօրինուած.....

Դժբաղդ էր Երանուհի. տնապատայ լքեալ բուսեկին  
նման՝ իւր վառ երեւակայութեան մէջ տպաւորուած էին  
ցաւալի յիշատակաց սեւագոյն պատկերներ, որոց մէջ ա-  
ռաջին տեղը կրթոնէր իւր մօր մահը, այն օրից՝ որ նո-  
րան կորցրուց, իւր շուրջը ամեն բան սուգ զգեցաւ, աշ-  
խարհս չունէր այլ իւր հրապոյրն իրեն համար: Այն սիրտը,  
որի մէջ ինք ապրում էր, երբ սառեցաւ մահի ճիրանների  
տակ, իւր կեանքն էլ կիսով չափ սառեցուց, կարծես մի  
բան պակասում էր իրանից, որին մայրը հետը գերեզման  
էր տարած: Բոլոր իւր յոյսերը, անխառն ծիծաղը, անմեղ  
զօսանքները, ամենը, միով բանիւ, կորած էին, մինչև ան-  
գամ քերթողաց ընթերցումը. սիրելի Վերմոնտովը, որն որ  
շատ գիշերներ ձեռքումը անկողնին մէջ կարդալով կրննջէր,  
ու երբ կիսաբաց գիրքը ձեռքերիցը ինկնար..... նա արդէն  
երազումը սկսել էր Թամարա դառնալ, դեի գրկացը մէջ  
սաւառնիլ երկնից անհուն եւ ընդարձակ կամարին վերայ,  
ուր իւրաքանչիւր երկնային մարմինք մի նոր, հրաշալի  
տեսարաններ կրներկայացնէին իւր զմայլած հոգւոյն ա-  
չացը: Եւ այդ բոլոր նիրհմանց յափշտակիչ ցնորքն ու  
պատիւրքը առաւօտեան լուսով կըսրբագործուէին մօր համ-  
բոյրների քաղցրութեամբ, երբ նա անկողնին մօտ նստած՝  
մայր եւ աղջիկ գրկախառն համբոյրներով բարի լոյս կը  
մաղթէին միմեանց:

Իրականութիւն եւ երազ, ամեն ինչ անհետացան, խա-  
փանդեցան գերեզմանի քարի տակ, եւ նա ապրում է  
այժմ, ինչպէս իւր բնիկ կլիմայից եւ սովորական սնունդիցը  
զըկուած մի թռչնիկ: Շաբաթը մէկ կամ երկու անգամ  
գնում էր այգի ման գալու խնամակալուհուն ընկերակ-

ցութեամբ. իւրաքանչիւր ծառուղիք, հովանիք կամ նստարանք յիշեցնում են անցեալը: Տեսնում է օտար աղջկանց իրենց մայրերի հետ ման գալը ու արտասվում է լռելեայն, ծածկելով աչքերը սգաւորի գլխարկի սև ու թանձր քօղովը:

Մի երեկոյ ընդունելով հօր առաջարկութիւնը, խնամակալուհին էլ առած՝ երեքը միասին պարտէզ գնացին, ուր մի երիտասարդ, որ վաղուց նշմարած էր Երանուհուն, հօրը երևի ծանօթ լինելով արդէն ու առիթ քաղելով նորա աղջկան մօտ գտնուելուց, գնաց ողջունեց Գողթունուն, որին այս վերջինը իսկոյն աղջկանը հետ ծանօթացուց:— Այն երեկոյից յետոյ երկու անգամ եւ գնացին այգի եւ ամեն անգամ էլ հանդիպեցան Զարեհ իշխանին, որոյ ընկերութեան պատճառած ձանձրոյթը գրեթէ անմարսելի էր Երանուհու համար. այն աստիճան, որ վերջերումս տկարութիւն կամ գլխի ցաւ պատճառ բերելով՝ այլ եւս այգի չէր ուղում գնալ. — եւ երբ հայրը բարկացած կրպնդէր, որ ընկերէ իրեն, Երանուհի՝ երեկոների զովութիւնը իւր առողջութեան վնասակար լինիլը յայտնելով՝ կրմերժէր:

Մինչև անգամ մի երեկոյ իւր խույր քաշուած էր, երբ իշխանը իրենց մօտ եկաւ հօրը հետ առաջին անգամ այլ Երանուհի չերեւեց: Այս բանից սաստիկ զայրացել էր հայրը. ուզեց խօսիլ աղջկանը հետ, բայց տեսնելով, որ բարկութիւնը չպիտի կարողանայ զսպել, որովհետև շատ վատ միջոց էր Երանուհուն միտքը բացադրելու համար տանից դուրս գալով իշխանի հետ, գնացին կրօբ, ուր աշխատեց լռու եւ մտազբաղ վիսթի կամ գինեոյ մէջ մոռանալ աղջկան յանդուգն վարմունքը եւ յակամայս խեղդել իւր զայրոյթը:

## II.

Մի երեկոյ Գողթունին սովորականից շատ աւելի փաղ էր վերադարձել առն ու վեր բարձրանալով, ուղղակի սրահ մտաւ, ուր գտաւ աղջկանը դաշնակին առաջ նստած, որի վերայ Բէթհովէնի եղերերգական եւ իւր մօրը կենդանութեան ժամանակ նորա սիրընախի մի հատուածն էր նրւադում: Տեսնելով հօր մանկը, չկարողացաւ զսպել յակամայս մի սարսուռ, որն որ իսկոյն տեղի տուաւ երկիւղե, նշմարելով հօրը երեսին վերայ մի ժպիտ, այն աղետալի եւ չար ծիծաղը, որ չէր կարող առանց սոսկումի տեսնել: Այսու հանդերձ առանց այլայլելու դիմաւորեց հօրը, մատուցանելով ճակատը հայրական համբոյրին, եւ կրկին նստեց իւր առաջին տեղը:

Խնամակալուհին, նստած մի անկիւնում, լռիկ թէյ կը խմէր: Գողթունի զլիտով ողջունեց նորան, եւ մի քանի տարտամ հարցեր տնելուց յետոյ, մտազնաղ վերադարձաւ ու կանգնելով խնամակալուհու առաջ, մեղմ ձայնով ասաց.

— Խնդրեմ հրամայեցէք, որ վերադառնալս յետեւիս մաքրեն: Յետոյ սպասեցէք ինձ վարի սենեակում, ես կ'իջնամ շուտով: Ձեզ հետ առանձին խօսելիք ունիմ:

Սոքա միայն պատրուակներ էին նորան այնտեղից հեռացնելու համար, որն որ թէյի բաժակը ձեռքին, դեռ չաւարտած եւ առանց պատասխանելու՝ հեռացաւ, Գողթունու քամակիցը կասկածոտ մի հայեացք ուղղելով:

Գողթունի մի բազկաթոռ զլորեց դաշնակի աթոռակին մօտ, որի վերայ նստած էր Երանուհին եւ թաւ ձեռքովը աղջկայ փափուկ բաղուկը շոշափելով, սկսեց ուշադրութեամբ նորա աչացը մէջ նայել, հազաց, ժպտեց եւ յետոյ այսպէս բաց արաւ խօսակցութիւնը:

— Դարձե՞աւ երկիւղ եւ ազդում քեզ, որ չես ուզում գլուխդ բարձրացնել եւ ուղիղ երեսս նայել, չպէտք է



մարդկանց դատել գահավիժաբար, — երբ որ մարդուս հոգին յուզուած է հոգսերով, ի՞նչպէս կ'ուզես որ երեսը ուրախութիւն ցոլանայ. իրենց ներքին զգացումը արտաքուստ չյայտնելու յատկութեան մէջ կանայք են միայն ընդունակ..... Արտաքին դաժան կերպարանքս չէ կարող երբէք հաստատել, որ անդուծ լինիմ, կամ լաւ ես ասած, աղջկանս օգուտը չմտածեմ, չճանաչեմ իմ հայրական պարտականութիւնս. ընդհակառակն խիստ լաւ գիտեմ, որ արդէն վաղուց ժամանակ է խորհել քո տպագայի մասին... գիտեմ: Եւ լաւ նկատած եմ այս կեանքին քո հասակիդ պահանջմանց բոլորովին անհամաձայն լինելը, եւ վերջապէս մի՞թէ ես չեմ ցանկար քո երջանկութիւնը... ի՞նչ ես կարծում... չէ՞ որ այդ իմ հայրական պարտականութիւնն է... ուստի.....

Ճակատը սկսաւ շփել, կարծես լաւ շարադրելու համար ասելիքը եւ փոքր ինչ լուռ մնալուց յետոյ՝ շարունակեց.

— Ես այդ մասին միշտ հոգատար էի, միշտ խորհում էի.... սպասելով մի յարմար եւ վայելուչ առթիւ.... Եւ ահա այդ առիթն էլ ներկայացաւ...

Երանուհի թէպէտ նախադուշակած էր հօրը գիտաւորութիւնը, բայց խաբում էր տակաւին ինքն իրան, չուզելով հաւատք ընծայել այդ ստուգութեան, որ իրեն համար շատ դառն էր: Նա աչքերը մեծ մեծ բանալով, անձկութեամբ նայում էր հօրը երեսին, որն որ տեսնելով աղջկան վարմունքը, շարունակեց կրկին մի փաղաքուշ ձայնով, որ հարկ եղած ատեն գիտէր ճարտարութեամբ գործ ածել:

— Յիշում ես, Երանուհի, սորանից մի քանի շաբաթ առաջ այգիում քեզ հետ ծանօթացող կրիտասարդ զինուորականը, վերջապէս Զարեհ իշխանը, որ վաղուց քեզ նշմարած էր եւ համեստ գիտաւորութեամբ ուզում էր հետդ ծանօթանալ, որին դու շատ սառն կերպով ընդու-

նեցար. մինչև անգամ անցեալ երեկոյ նորա մեզ մօտ  
եղած ժամանակը սենեկիցդ շուղեցիր դուրս դալ, այդ  
բանը ինձ շատ նեղացրեց: Ես քեզ ոչինչ չեմ ասել մինչև  
այժմ, սակայն կարծեմ, որ դու այդպէս վարուելով  
Հօրդ նախ անպատուած կըլինիս, յետոյ այն անձին, որ  
բարձր դիրք ունի ընկերութեան մէջ եւ ազգեցութիւն,  
առանց հաշուելու իւր երեք միլլիօնի արժողութեամբ  
փողերն ու կայքերը. պէտք է նոյնպէս ի նկատի ունենալ,  
որ շատ լաւ ընդունուած է մեծ դքսի պալատում եւ  
բոլորից յարգուած... Ես, կարծեմ, որ մեզ պատիւ պէտք  
է համարինք այսպիսի անձանց ծանօթութիւնը...:

Հայրը այս վերջին խօսքերը արտասանելով ծանր կերպով  
ձեռքերը կըշփէր ու Երանուհու երեսը կընայէր, որն որ  
ջղային մի բնիկ դողով ոտք ելաւ, ձեռքը մեքենայաբար  
դաշնակի մատնատեղեաց վերայ դնելով, որոնք մեռելային  
զանգակի նման հնչեցին այդ սպառնալից լուծեան մէջ,  
յետոյ Հօրը աղաչագին նայուածք մը տալով՝ ասաց.

— Հայր, առաջին անգամն է, որ այսպէս երկար խօ-  
սում ես ինձ հետ առանց բացարձակ միտքդ յայտնելու.  
դու ինձ երկիւղ ես պատճառում. գոնեայ...

Իսկ Գողթունի մի քմծիծաղով պատասխանեց աղջկայ  
այս խօսքերին, ձեռքիցը բռնելով նորից իւր տեղը նստե-  
ցուց, յարելով.

— Երախայական զգայմունքներդ մէկդի թող եւ նիստ  
այստեղ, դեռ խօսքս չեմ վերջացրել եւ դու շտապելու  
ոչինչ պատճառ չունիս. լսիր... ու ցուցամատովը Երա-  
նուհու ծնօտը շոշափեց, ստիպելով որ գլուխը քիչ  
բարձրացնէ, եւ ապա շարունակեց.

— Այսօր, ինչպէս շատ օրեր, հանդիպեցայ կրկին Ջա-  
րեհ իշխանին. նա համարձակ յայտնեց ինձ քո վերայ  
զգացած սէրն ու յարգանքը եւ աղերսագին խնդրեց իմ  
հաւանութիւնը քեզ իրեն հարսնացնելու համար... Ես ան-

շուշտ շատ ուրախ էի նորա առաջարկութիւնիցը եւ պատրաստ էի նաեւ տալ լիովին իմ հաւանութիւնը... սակայն նախապէս ուղեցի քեզ յայտնել այս ուրախառիթ լուրը, որպէս զի այսուհետեւ սառն չվարուիս նորա հետ, դու եւս տաս քո հաւանութիւնը, ընդունիս նորա այցելութիւնները, որովհետեւ մտադիր եմ շտապել հարսանիքը... Սա մի անսպասելի բան է, որ ձեռքից բաց թողնելը կատարեալ յիմարութիւն կըլինի:

Անբացատրելի ներքին այլայլութեամբ լսեց Երանուհի այս սոսկալի յայտարարութիւնը ու մօնջ կանգնած խորհում էր, մտաբերելով իւր մօր կրած տառապանքները հօրը ձեռքից... Նա արդէն զգուած ու սարսափած էր ամուսնական վիճակից եւ շատ ցաւալի դաղափար էր կազմել այդ մասին:

Մանաւանդ իւր թշուառ մօր մահը այնպիսի մի լայն վէրք բացաւ իւր սրտում, այնպիսի մի սուղով պատեց, որ երկար ժամանակ դժուար պիտի լինէր մերկացնել այդ սիրտը սուղից՝ կրկին մի նոր սիրով կամ զգացմամբ պատելու համար: Իսկ եթէ երբեք ժամանակը ջնջէր այդ սուգն ու ցաւը, եթէ այդ արդար եւ անաչառ հոգին սիրէր մէկին՝ ընտրելով իւր կենաց ընկեր,—անշուշտ նա չպիտի որոնէր նորանում ոչ հարստութիւն, ոչ անուն եւ ոչ արտաքին ձևեր, այլ անձնուէր եւ աննիւթ բարեկամութեան կապը պիտի լինէր իւր առաքինահիւս սիրոյ շղթան:

Գուցէ այս կուսական անմեղ հասակի պաշանջները կամ կրեակայութիւնքը անիրագործելի համարուին իրականութեան մէջ, բայց նա առ այժմ այդ անդամ որոնելու ոչ տրամադրութիւն ունի եւ ոչ կամք: Ուր մնաց լինել ամուսին մի որ եւ է անձանօթի... մի մարդու, որին հազիւ երկու կամ երեք անգամ հանդիպած ու հետը խօսած է, մի կրիտասարդ իշխանի՝ դեռ կեանքի անփորձ եւ անաեղեակ, նորա միայն վարդապոյն կող-



մերը տեսած է 'ի շնորհս իւր հարստութեան: Ի՞նչ ընկեր կարող է լինել Երանահուն զուարճութեամբ յափշտակուած մի անձ՝ պչրող եւ կանացի, իւր զինուորականի պարական համազգեստին մէջ, իւզրտած մագերով, սրածայր բեխերով եւ ոտիցը խթանի բոժոժներով, որ քայլած ու խոնարհած ատեն, կօշիկները միմեանց կըխփէ, մետաղի հնչիւններ հանելով, որոյ սպիտակ ձեռնոցները աւելի դուրս կըցայտեցնեն երեսի թուխ գոյնը, գուցէ թեթեւամտութիւն. երկոտանի եւ շարժուն մի պաճուճապատանք, որի մէջ ո՞վ գիտէ, կարող է թերեւս գտնուիլ մի ազնիւ սիրտ, եւ կամ զանազան ունակութիւններ ու ախտեր են ծածկուած, — վատ դաստիարակութեան կամ բնոյթի հետեւանք:

Մօրը մահիցն յետոյ մի տարին հաղիւ լրացած, հանել խկոյն սգոյ սեւ զգեստները հազնելու համար հարսանիքի կուսափայլ սպիտակ հանդերձանքն, գերեզմանատան մէջ պարահանդէս սարգել..... սրտազին արցունքները կեղծ ծիծաղի փոխարկել... զարհուրելի էր..... Սեքենայաբար ոտքի կանգնեց Երանուհի, գնաց շտապ միջին սեղանի մօտ ու ջուր լեցնելով բաժակում՝ խմեց մի քանի կաթիլ, յետոյ բարակ թաշկինակը շրթունքների վերայ սեղմած, միւս ձեռքը սեղանին յենելով, մտածկոտ ու շուարած կանգնէր: Երբ հայրը նոյնպէս կանգնելով, մօտեցաւ ու հարցրուց.

— Ի՞նչ ես խորհում. ինչո՞ւ չես պատասխանում հարցիս....

— Պատասխանս համառօտ եւ կարծեմ շատ էլ բնական է, հայր: Եթէ ասելու լինիմ, որ չեմ կարող ընդունել այդ առաջարկութիւնը, ոչ ոք ինձ չէ կարող մեղադրել, մանաւանդ դու, հայր իմ, որովհետեւ դու ինքդ ասացիր, որ իմ երջանկութիւնը կըցանկատս, եւ հէնց ես այդ խօսքին վերայ հիմնուելով, մերժում եմ համարձակ, զի եթէ

Հաւանութիւն տամ նորա կինը դառնալ, որին ոչ կրճա-  
նաչեմ եւ ոչ կարող եմ զգալ փոխադարձաբար սէր կամ  
Համակրութիւն, դժբաղդ պիտի լինեմ: Զի կարողացաւ  
շարանակել եւ շուարած հօրը երեսը կրնայէր, որ ուզել  
էր մի քանի անգամ ընդմիջել իւր աղջկան: Նորա կնճռոտ  
դէմքի գունատութիւնը ցոյց էր տալիս մի մօտալուտ  
փոթորիկ. բեխերի միջեց Քշարով շունչ փչեց, եւ ինքն  
իրան դեռ զսպելով, մօտեցաւ ընտանեբար ու Երանուհու  
զգեստիցը կախուած սև ժապաւէններէց մինը մատերին  
մէջ բռնած՝ խօսելով ասաց.

— Այլ եթէ այդ խնամութիւնը ես ինձ, իմ նպատակ-  
ների համար անհրաժեշտ համարէի, մէկ խօսքով մի բաղ-  
դաւորութիւն, այն ժամանակ չէի՞ր կամենալ արդեօք  
մէկդի թողնել այդ երեակայական ցնորքները եւ հօրդ  
լաւութիւնը միայն աչքի առաջ ունենալ...

— Բո լաւութիւնը, հայր...—բացադանչեց Երանուհի  
ընդմիջելով հօրը,—ուրեմն քո լաւութիւնը ուզում ես  
ապահովել, հիմնել աղջկանդ դժբաղդութեան մէջ. ո՛հ, չէ,  
անկարելի է որ դու այդ բանին հաւանութիւն տաս: Գուցէ  
հարստութեան հրապոյրը մի լուպէ զրաւած լինի քո սիրտը.  
սակայն խորհի՛ր մի անգամ, որ այդ բանը ուրիշ մի ար-  
դիւնք չունի ինձ համար, բայց միայն դառնացնել իմ  
զրեթէ բանդարկեալի վեճակս, զուրկ աւմեն իմ տարիքս  
ունեցող աղջկանց անմեղ հաճոյքներից. անմայր, տխուր,  
լքեալ, մինչեւ անգամ չի վայելելով քո խանդաղատանքը,  
աշխատում եմ լքցնել իմ մենարանի առանձնութիւնը մօրս  
քայր. յիշատակով, որ միակ սփոփանքս ու սրբազան պա-  
րագմունքս է: Դու ուզում ես նորանի՞ց էլ զրկել ինձ, ու-  
զում ես այս սուրբ յիշատակով տոջորուող ու շնչող սրտին  
մէջ մի օտարի դէմ յակամայս առելութիւն սերմանել,  
որի անշուշտ գերին կամ վերջ ի վերջոյ զոհը կարող եմ  
դառնալ. ո՛չ, հայր իմ, ո՛չ. Աստուած չի՞ ներեր այդ բանը,

չի թողներ որ վաղամեռիկ մօր գերեզմանը նորա աղջկանը հարսանեաց պսակին սեղան եւ զոհի բազին դարձնեն:

Արցունքները խցկեցին ձայնը կոկորդում, եւ սկսեց հեծկլտալ. մինչ դեռ հայրը՝ երկու ձեռքերը քամակին վերայ ծալած, կատաղի աչքերը գետին սևեռելով, աջ ու ձախ ման կուգար սրահին մէջ, յանկարծ երկու երեք անգամ կեղծ հազաց, իբրեւ թէ մի զայրոյթի աղաղակ խեղդել ուղենար կուրծքին մէջ: Մօտեցաւ աղջկան, կանգնեց մօտը ու աջ ոտքը մեքենայաբար դողացնելով, յասկոտ հեգնու-թեամբ ասաց.

— Այսպէս ուրեմն հա՛. — բացազանչեց: — Այս է իմ պս-քան տարուայ քեզ տուած դաստիարակութեանս պտուղը. դպրոցում ստացած ուսումներդ հօրդ կամքը քեզ բռնա-բարեւ սովորեցրի՞ն, նորա դաշն եւ լիբբ պատասխաններ տալ, ընդգիմանալ....

Այստեղ նկատելով Երանուհու յակամայս ցաւալի մի շարժումը՝ ձայնը մեղմեց եւ համոզողական կերպով բա-ռերը շեշտելով, շարունակեց.

— Հասկացիր գոնեայ մի անգամ ընդ միշտ, որ ես ոչ դքի չարիք չեմ կամենար, ո՛ւր մնաց իմ աղջկանս. սակայն չեմ էլ թոյլ տար, որ այլք նոյնը ցանկանան ինձ համար, մանաւանդ երբ ձեռնարկած գործիս մէջ նիւթական շա-հերս լինին ինձ շարժառիթ. այն ատեն վա՛յ նորան, որ կը յանդգնի խոչընդոտն կանգնել իմ ճանապարհի վերայ... Անկասկած ես անարգել կը վիճեմ եւ յառաջ կը շարժամ... ո՞վ որ լինի, կատուին ճիրանները, մինչեւ անգամ օձին թունաւոր ակռան կարող եմ խել, եթէ ինձ փնտսել ուղի-նան... հէ՛ հէ՛.... — Երանուհի գլուխը կը շարժէր, միշտ մեր-ժողական կերպիւ: Դողթունի պս տեսնելով, մռնչեց.

— Մայրդ էլ յամու էր քեզ նման, բայց վերջապէս լուեց....



Այս վերջին բառերը՝ զայրագին հեգնութեամբ արտասանուած, չարաչար վերաւորեցին համբերատար աղջկան, այնպէս որ քիչ մնաց նուաղեալ գետին ինկնար: Սակայն բոլոր ոյժը քաղելով իւր որդիական սիրոյն մէջ, ազնիւ խրոխտութեամբ բարձրացուց գլուխը եւ բողոքանաց յատակ մի ձայնով, որ յատուկ է ընդհանրապէս երկար ժամանակ ընկճեալ եւ բռնաբարեալ անձանց, որոնք ի վերջոյ իրաւամբ կ'ապստամբին, գոչեց.

— Լսէ՛, հայր, եւ յիշէ՛ր միանգամայն, որ դու պարտական ես յարգել իմ մօր յիշատակը, այդ տառապեալ կնոջ, որի ամբողջ կեանքը արցունք, ողբ ու կոծ էր քո պատճառաւ... Նա այժմ Աստուծոյ է պատկանում. անմահութեան աւար դարձած՝ աղատուած է աշխարհից եւ ոչ ոք իրաւունք չունի նախատել մեռեալին ոսկերտիքը: Մտաբերի՛ր, հայր, որ մի Աստուած կայ երկնքում, որ չի ներեր բնաւ առ ինքն փոխադրուած հոգեոց յիշատակին եղած նախառնիքը եւ ոչ անմխիթար որբին արցունքը... Պատրաստ եմ ամէն բան տանել, ամէն բանի ներողամիտ լինիլ. սակայն....

Դեռ խօսքը չէր աւարտած, մինչ հայրը, կատաղի դալով, դէմը արձանացաւ՝ ձեռքի բռնօր օգին մէջ բարձրացնելով, ուզում էր գուցէ հարուածել իւր զաւակին, երբ յանկարծ դրան կողքից խեղդուկ մի ճիչ ստիպեց նորան գլուխը դարձնել: Նա տեսաւ պառաւ խնամակալուհուն՝ շուարած ու գունատ, որ շտապէր գրկացը մէջ առնել արտաստաթոր Երանուհուն եւ կցկտուր ձայնով մրմնջէր. Տէր Աստուած, դժ ողորմիր. յետոյ աղային դառնալով կ'ասէր.

— Գոնեայ փոքր ինչ գութ ունեցէ՛ք, մեղք է ձեր աղջկան. վերջապէս մտածեցէ՛ք, տանը ծառայք կարող են լսել այս աղմուկը, յետոյ ձեր պատիւը....

Գողթունի ուշադրութիւն անգամ չդարձնելով նորա

խօսքերին, մօտեցաւ բազկաթռօին մէջ հեծեծող աղջկանը  
եւ հազիւ հազ բարկութիւնը զսպելով, արտասանեց խորիւ-  
տաբար.

— Լսի՛ր, Երանուհի. արցունքներ ու ողբերգական կեր-  
պերն բոլորովին անտեղի են եւ չեն կարող դրդել իմ դի-  
տաւորութիւնը. ասածս ասած է:— Յետոյ դառնալով  
խնամակալուհուն, որ ձեռքերը միմեանց կցած, աջ ու ձախ  
զլուխը տատանէր, հրամայական ձայնով ասաց.

— Ահա հրապարակաւ նորա առաջ քեզ եւս ասում  
եմ. աշխատի՛ր համոզել սորան, թէ կինդանիք չեն կարող  
մեռեալներին զոհել իրենց շահերը... Կենդանի մնացողնե-  
րին ապրուստ եւ մի դիւք հարկաւոր է ունենալ ընկերու-  
թեան մէջ: Մեռեալների հետ գործ չունիմ, այլ կենդանի-  
ներից կըսպասեմ ապագայ. ջանա՛, սորան հասկացնել այս:  
Եթէ այսուհետեւ կրկին յանդգնի մերժել իմ առաջար-  
կութիւնները, վիճել ինձ հետ, այն ժամանակ կարող եմ  
ենթադրել, որ դու ես զրգռում նորան ինձ դէմ, եւ  
յետոյ... Ուստի իմացի՛ր, որ աղջիկս իշխանուհի պիտի  
լինի, այդ վճռած է, եթէ մինչեւ անգամ բոլոր ունեցածս  
նորա օժիտ պահանջեն,—պատրաստ եմ տալու:—Յետոյ  
դառնալով Երանուհուն.

— Էհ, բաւական են հառաչանք եւ արտասուք, կու-  
նացի տկարութեան ակտանիշներ, որոնք կարող են ծիծաղի  
փոխարկուիլ հարսանեաց հետեւեալ օրը...

Խեղճ՝ Երանուհի խօսելու անկարող, հեծկլտալով, ձեռ-  
քերը մերժողական նշանով օդի մէջ կըտարուբերէր...  
Հայրն այս տեսնելով, յարձակուեց եւ կոպտաբար մի կողմ  
հրելով խնամակալուհուն, որ ուզում էր արգելել, ուժգին  
բռնեց աղջկան բազկիցը ու ցնցելով բարձրացուց նորան.  
յետոյ խուլ բարկութեամբ եւ կերկրեալ ձայնով հրամայեց.

— Կորի՛ր սննեակդ, գնա՛..... յուռամ մինչեւ վաղը  
միտքդ կըփոխուի:—Յետոյ յամրաբայլ մօտեցաւ սեղանին,

առաւ ճրագը եւ առանց իսկ նայելու աղջկայ վերայ, հայհոյանք մրմռալով՝ անհետացաւ միջին դռնից։

Երանուհի առանց մի բառ արտասանելու դրեց իւր վշտերով յուզեալ գլուխը պառաւ ընկերուհուն կուրծքին վերայ, եւ երկուսն էլ արտասուէին։

Սենեակը լուսաւորուած էր աղօտ մի կանթեղով միայն, որն որ վառած էին անկիւնում՝ զետեղուած ոսկեպատ շրջանակով Սատուածամօր պատկերին առաջ, որի միայն աչքերը լուսաւորուելով, մթուլթեան մէջ կ'երևէր գթալից հայեացքը, որ կըտարածէր այդ տառապեալ խմբեակին վերայ, իբրեւ պատասխան եւ քաջալեր նոցա աղերսանաց հայեացքին։

### III.

Այն երեկոյից սկսեալ զգալի մի փոփոխութիւն երևեց Երանուհու վարմունքի եւ բնաւորութեան մէջ. տարտամ եւ անհաստատ էր նայուածքը, խօսքերը մեղմ եւ սառն, զլիակոր, կարծես բոլորովին պատրաստ գալիք եւ ներկայ թշուառութեանց անձնուէր մի ողջակէզ դառնալ։

Մանաւանդ երկրորդ օրուայ հօրը եւ իւր մէջ տեղի ունեցած բանակցութիւնից յետոյ՝ նա բոլորովին կորցրուց իւր հաստատամտութիւնը։

Գողթունի առաւօտեան կանուխ մանելով իւր աղջկան սենեակը, աշխատել էր քաղցրօրէն համոզել նորան, ասելով.

— Ես մտադիր չեմ բռնաբարել քեզ, աղջիկս, քան լիցի. սակայն խորհի՛ր մի անգամ, որ ամբողջ կեանքումս աշխատել եմ՝ մեծամեծ դժուարութեանց յաղթելով, ունենալ մի դիրք, մի փոքր ինչք ու հարստութիւն, եւ մինչև այժմ ստիպուած եմ տակաւին գլուխ խոնարհեցնել գոռոզ հարուստների առաջ։ Այն գործարանը, որ բաց արի, մնասից աւելի ոչինչ չէ տուել ինձ. դեռ չի կարողացայ նորա պատ-



ճառաւ արած ծախքերս ծածկել... Եւ Հիմակ դ՛ու ես իմ միակ յոյսս, եթէ դու ի սէր քո հօրդ՝ վերջապէս նորան ամօթից ազատելու համար՝ հաճութիւն տաս Զարեհ իշխանի կենը դառնալ, մի խօսքով, եթէ մի իշխան փեսայ ունենամ, որոյ շնորհիւ կարող լինիմ ծանօթութիւններ հաստատել եւ մի կերպով ազատուիլ իմ պարտքերից, այն ատեն յուսամ ինձ բաւական կը լինի դործարանիս բերած շահը հանգիստ ապրելու համար... Եթէ ոչ, կարելի է որ ընկնեմ յետին աղքատութեան մէջ, եւ կամ այս անելանելի դրութիւնից ազատուելու համար կարելի է որ...—Նա չաւարտեց խօսքը, տեսնելով Երանուհու երկիւղալի հայեացքը.—Ո՛հ, ո՛չ, ո՛չ, աղջկս, եթէ մի ցածութեան ընդունակ լինէի... այն ատեն... Այսու հանդերձ, կարծեմ, քեզ հաճելի չէ քո սրտի ազատութիւնը վայելելու համար տեսնել հօրդ բանդում կամ չքաւորութեան մէջ... Դիցուք թէ չես սիրում իշխանին, բայց խորհի՛ր, որ նա միակ մարդն է, որին կարող ենք ապաւինել, միակ ապաստանելու տախտակը այս փոթորկալից դրութեան մէջ:

Գողթունի փոքր ինչ սպասեց եւ ապա յարեց.

— Միթէ քեզ համար պարծանաց առիթ չէ՞, աղջկս, երբ յաղթելով քո հակակրօնութիւնն ի սէր քո հօր փրկութեան, մի փոքր զոհողութիւն անես, նորա ազատարարը դառնաս, ամուսնանալով Զարեհ իշխանի հետ, որ դուցէ այնքան հակակրելի եւ վատ չէ, որքան որ դու կարծում ես...—Յետոյ սկսեկին մէջ մի շքան անելով, յարեց կեղծաւորաբար.—Մի՛ կարծիր, որ ես չեմ գնահատում այդ սուրբ յարգանքը, որ սրտումդ տածում ես մօրդ յիշատակին համար, բայց ես էլ, իբրեւ հայր, զոնեայ կիսով չափ իրաւունք չունիմ քո ծնողը կոչուելու, քո կարեկցութեան արժանանալու:

Եւ նկատելով Երանուհու լռութիւնը, որ կարող էր իբրեւ հաւանութիւն մեկնել, ձայնն ու կերպը փոխելով,

ժամացոյցը հանեց ու նայելով ասաց.—Օ՛, արդէն ժամը տասն է, ինձ հարկաւոր է շտապել երթալ գործատուն... Հա, լաւ միտքս եկաւ, կըհաճի՞ն այս երեկոյ Մուշտայիդի այգին երթալ։—Երանուհի հաղիւ նշմարելի կերպով գլուխը ծակց,—Գողթունուն այգեքանն էլ բաւական էր, որ գլխարկը առնելով ասաց.—Այսպէս ուրեմն երեկոյեան ժամը 5-ին երեքըս միասին կ'երթանք։ Ես կուգամ ձեզ առնելու։ Յտեսու թիւն, աղջիկս։

Երանուհի ոչ մի բառ չարտասանեց։ Նա այժմ դանդաղ էր մի տաղտուկ դրուժեան մէջ, խորհելու եւ որոշելու անկարող, դժբաղդ ճակատադրին անձնատուր կողմ, նման մի երեկայի, որի ձեռքիցը բռնած ման կն ածում փողոցների մէջ եւ որի շուրջը բարձած աղմուկն ու զտնուած առարկաները կարող են միայն ապշեցնելով թմրեցնել նորան։

Երեկոյին, հայր եւ աղջիկ՝ խնամակալուհուն հետ մի շքեղ կառքի մէջ նստած, գնացին Մուշտայիդ։ Գնալ ու դալը գրեթէ 50 վայրկեանի ճանապարհ, կառքեր ու խուռն բաղմուժիւն եւ փոշոյ մէջ՝ հրապուրիչ մի շրջագայութիւն չէր անշուշտ Երանուհու համար։ Սակայն հօրը կամացը դէմ չի վարուելով՝ ստիպուած էր բաղմուժեան երեւիլ, այդ ուրախ եւ ժպտերես ու նորեկուկ հանդերձներով պծ'նեալ տիկնանց շարքում իւր սգաւորի պարզ սեւ գլխարկովն ու զգեստովը հակապատկեր հանդիսանալ։ Կառքերի կակուղ բարձերին վերայ թեք ընկած անձինքների ոմանց քաղաքավարական ողջոյնը նա ստիպուած էր փոխադարձաբար ընդունել, մինչեւ անգամ ժպտել յաւամայս, ներքին վիշաք արտաքուստ չի յայտնել։—Մանաւանդ երբ պարտիզի ծառուղիներին մէջ կառքերը կըսկսին յամրաքայլ շրջագայել, այնտեղ բոլորը մօտից միմեանց հագուստը եւ երեսը կըզննեն. այդ առաջնոյն քննութիւնը անշուշտ աւելի կանանց սեռին կըվերաբերի։

Իսկ երիտասարդք, սպայք եւ մեծատանց որդիք, ոմանք

հեծեալք, այլք կառքերի մէջ, աչքերով տիկնանց կ'ուտեն, եւ մի լոպէ զբօսարանի դրանն առաջ կանգնելով, զարեջրով կամ որ եւ իցէ մի ըմպելիքով կրմեղմեն իրենց ծարաւը՝ առանց մի լոպէ նստելու: Նստ քիչերը բարձրանան զբօսարանի սանդուղներից, ուր տեղեց կը լսուին առանձին սենեակներին մէջ Կախէթի զինարբութեամբ զուարթացած մի քանի խառնակեաց օտարուհիների ծիծաղին քրքիջը ու յստակ ելեւէջները եւ կամ սրտաբաց թամաղայի եւ սեղանակցեաց զինեհոտ շրթանց պօռտիների շփշփոցը: Այս ներքին վիճակը բոլորովին չի համապատասխանի արտաքինին. դուրսը հազիւ թէ լսելի են կառաց անիւների աղմուկը, մօտակայ գործարանի շոգւոյն միակերպ Փշփշալը եւ գազոտ պողաջուրի խցանին պայթիւնը:

Պարտիզում ամենքը լուրջ են եւ զգաստ, ուր միմեանց տեսնելու համար մաքուր օդ ծծելը առիթ առնելով, այնտեղ են եկած. այլ գեղեցիկ տիկնայք—երիտասարդներին զմայլեցնելու:

Գողթունի կառքին մէջ նստած՝ անոյշ ժպիտով եւ հովանաւոր նայուածքով երկու կողմանն ողջունողներին վաշիւրէ կերպով կը պատասխանէր:

Մին քանիսը մատնանիշ կ'անէին նորան, անուանելով բարերար աղան. ուրիշներն՝ հաւատք ընծայելով նորա մասին տարածուած բարի լուրերին, պատկառանք կ'ընդունէին նորա ողջոյնը: Կային, որ չէին համակրում նորան, կասկածում էին եւս, սակայն թուով քիչ. չէին կարող ազդեցութիւն ունենալ ընդհանուրին վերայ:

Այնտեղ Գողթունի բոլորովին ուրիշ մարդ էր պատկերանում. ոչ խոժոռ նայուածքն ունէր եւ ոչ այդ անգութ ծիծաղը. մանաւանդ այն երեկոյին սովորականից աւելի վստահեցուցիչ էր իւր դէմքի արտայայտութիւնը: Երանուհու հետ ունեցած խօսակցութիւնը մի ամբօրէ յոյս էր տուած իւր սրտին: Եւ անկասկած, եթէ իշխանը մի լաւ



բռնուէր իւր ճանկում կամ, լաւ եւս ասել, աղջկանը սիրով, այն ժամանակ մի քանի հարիւր հազարներ ստանալու յոյս կար իրեն համար: Անշուշտ, եթէ իշխանը խելակորոյս կերպիւ սիրէր Երանուհուն, միթէ կարող էր ի բաց թողնել իւր սիրելոյն հօրը օգնելու առիթը մի զուժարի փոխադարձութեամբ, որ բաղդատելով իւր հարստութեան՝ քառորդ մասն անգամ չէր համարուիլ:

Յետոյ զուցէ կարողանայ մի օր հոգաբարձու դառնալ քաղաքային բանկի մէջ. ո՞վ գիտէ..... այդ ապագան է, որին քիչ առ քիչ կարող է տիրանալ. յոյս ունի իւր բնիկ ճարպիկութեան նորագիւտ միջոցներին վերայ, փնացելով ինքն իրեն կ'երթայ: Եւ մի անգամ որ աղջկանը տեղաւորէ, այնուհետեւ ո՞վ կարող է նորան մեղադրել, եթէ իւր ամուսնոյն մահից յետոյ ամուսին առնէ այն կնոջ, որին հետ արգէն վաղուց ծանօթ էր, որոյ համար զգար զուցէ անասնձեղի եւ մարմնական մի կիրք, որն որ ստէպ յագենալով, էարծեա աւելի սաստիկ կըստիպէր նորան կնութեան առնել այդ վատթար և անզգամ արարածին, մի ուրիշ մայր տալ իւր աղջկան, որին աղախինը անգամ արժանի չէր լինել:

Այդ կինը զրեթէ ոչինչ չունենալով, համարեա մի ժամանակ նորա հետ Տփղիս եկած, անկասկած չէր կարող Գողթունուն շահասիրութիւնից չզրգել այս միութիւնը կատարել. անշուշտ ունէր մի ուրիշ զօրաւոր պատճառ... Սակայն ինչ որ էլ լինի, ամենից առաջ հարկաւոր էր փող ձարել, հարստանալ. և այդ միմիայն կարելի էր Երանուհուն իշխանի վերայ ազգած սիրոյն շնորհիւ: Այո՛, իւր աղջկան զոհաբերութեամբը, որին պիտի ծախէր կամքին հակառակ, անարգաբար իւր ընչասիրութիւնը յագեցնելու և զանազան ամօթալից նպատակներին ծառայելու դիտաւորութեամբ: Պիտի ծախէր այնպէս, ինչպէս հասարակաց տների մէջ ծախում են կանանց՝ սա տարբերու-

Թեամբ, որ նոքա ծախվում են իրենց անառակ հաճութեամբը շատ մարդկանց եւ քիչ փողով, իսկ Գողթունի ծախում էր իւր աղջկան առանց իւր հաճութեանը մի մարդու շատ փողով։ Սոսկայի եւ արիւնազանգ նախատինք, որ երբեմն շահասէր ծնողք անում են իրենց անմեղ զաւակացը եւ այնպէսով յօրինում են դժբաղդ գերդաստաններ եւ քանդում են աներ։

Երկձի կտոքը՝ շարունակելով իւր պտոյտը՝ հետեւում էր միւս կառաց, երբ խնամակալուհին մեղմով դրդեց Երանուհու թիւը ցոյց տալու համար երեսուն քայլ հեռաւորութեամբ իշխան Զարհհին, որ մի սպիտակ ձիու վերայ հեծեալ՝ հեռուից նշմարելով, փութանակի յառաջ կրգար։ Գողթունի եւ իսկոյն նշմարելով, հրամայեց կառապանին, որ կանգնի եւ կիսով չափ տեղեցը բարձրանալով, փեղդյրը բացաւ ու յարգանօք ողջունեց։ Իշխանը ամապարեց պատասխանել Գողթունու ողջունին, զինուարական գտակը ձեռքում բռնած՝ աջ պոյին մօտ մի քանի քաղաքավարական խօսքեր արտասանեց, որոց Երանուհի պատասխանէր մի մունջ ժպիտով։

Յետոյ իշխանը առաջարկեց մի փոքր ման գալ պարտիզի մէջ. առաջարկութիւն, որ շատ սիրով ընդունուեցաւ Գողթունուց։ Իշխանը ձեռք կտրկառեց օրիորդին եւ իւր խնամակալուհուն կառքից իջեցնելու համար, եւ մօտանալով պարտիզի միջին հրապարակը՝ զօսարանին հանդէպ՝ շրջապատուած խիտ ծառուղիներով։ Իշխանը քայլում էր Երանուհու մօտից, առանց երկար ժամանակ մի բառ կարողանալ արտասանելու։ Բայց նայելով նորա դէմքի գունատութեան եւ շրթանցը դողդողալուն, կարելի էր հղճակացնել, որ սրտումը ունէր մի որ եւ է զօրաւոր շարժառիթ այնպէս այլայլելու, — մի բռնն պատճառ, որին դժուար է իսկոյն սէր անուանել. կարող էին տրւիանք լինիլ։

Երբեմն օրիորդի կողմը դառնալով, տեսնում է նորա



Ծանրաբարոյ ու լուրջ կերպը եւ չէ համարձակվում մի բառ արտասանել. Թերեւս չէր էլ ուզում խանդարել նորա մոռածութիւնքը... Այսու հանգերձ երջանիկ էր այն լուպէին, գտնուելով Երանուհու կողքին, շնչելով նորա հետ մի և նոյն առողջարար եւ մաքուր սիւքը, ուր խառնվում էին շրջակայ ծառերի անուշահոտ բոյրը: Այո՛, սիրում էր իշխանը, սիրում էր... Սակայն ի՞նչ տեսակ սիրով. նորա կանացի նիւթական ձիւքերիցը զրաւուած, թէ հոգեկան ազնիւ յատկութիւններիցը, որոց պէտք է ասած իշխանը չէր կարող դեռ տեղեակ լինել:

Գողթունի այդ տարտամ դրութիւնից իշխանին հանելու նպատակաւ ասաց.

— Վաղճւց է, որ այստեղ չէք եկած, իշխան:

— Այո՛, — պատասխանեց իշխանը, — մանաւանդ որ այս վերջին շաբթու մէջ շարունակ անձրեւների պատճառաւ կրուժօկ անգամ երթալը գրեթէ մի հրապոյր չունէր:

— Ե՛րբ պիտի փոխադրուին ձմեռնային կլուբի մէջ:

— Կարծեմ երեք օրից, — պատասխանեց իշխանը՝ յետոյ դիմելով Երանուհուն. — այլ դուք, օրիորդ, գրեթէ բոլորովին տանից դուրս չէք դալիս, հաւանականաբար ձեզ չեն հրապուրում բոլոր այս զբօսանաց տեղերը:

— Ո՛չ, — ասաց Երանուհի. — այդ գրեթէ սովորութիւնից կախումն ունի. ես վաղուց տանը նստելու աւելի վարժուած եմ:

Իշխան Զարեհ իւր բարձր հասակը օրիորդին կողմը խոնարհեցնելով, կաղամախի ծառի նման, որ իւր մօտը ծաղկած տկար բուսիկը կամենար ճմլել իւր ծանրութեան տակ, ասաց ժպտելով.

— Ներեցէք ինձ ասել, օրիորդ, որ դուք փոքր ինչ անձնասէր էք այդ մասին, որովհետեւ պէտք է ՚ի նկատի ունենաք ուրիշներին, խորհելով որ եթէ դուք չէք ցանկար նոցա տեսնել, կան անձինք, որք իրենց բաղդաւորու-



Թիւն կըհամարին տեսնել ձեզ, խօսել ձեզ հետ եւ...—  
 չի կարողանալով յաջողութեամբ աւարտել իւր սիրահարի  
 ճառը, շփոթուած երեխայի պէս Երանուհուն կընայէր։  
 Սորա համար շատ ծանր էր լսել այսպիսի մի բարբառ  
 առաջին անգամ եւ այն այդ անձից, որի համար ոչ սէր  
 կարող էր զգալ եւ ոչ համակրութիւն։ Սակայն իւր կանացի  
 հպարտութիւնն էլ չէր թոյլ տար չը պատասխանել,  
 որովհետեւ կանացի նրբամտութեամբը հասկանում էր, որ  
 իւր լռութիւնը իշխանը ըստ իւր քմաց եւ հաճոյից  
 կարող է մեկնել, ուստի այդ բանի առաջն առնելու հա-  
 մար պատասխանեց։

— Ես շատ շնորհակալ եմ այն անձինքներից, միան-  
 գամայն եւ կըցաւիմ նոցա վերայ, որոնք կարողանում  
 են հաճոյք զգալ տեսնելով մի անձի, որ զրեթէ անզգաց  
 եւ անտարբեր է ամեն բանի...

Այս վերջին երեք բառերը զիտաւորութեամբ շեշտե-  
 լով արտասանեց, որ շատ մփթարիչ եւ քաջալիրական  
 չէին իշխանի համար։ Բայց խնամակալուհին, որ բնիկ մի  
 հակակրութիւն կըզգար զինուորականների դէմ, սրտից  
 ուրախ էր, թէպէտ տեսնում էր իշխանի շփոթութիւնը,  
 գունատ պատկերը, եւ ինքն իրան խորհրդածելով՝ կ'ասէր,  
 գուցէ եւ սիրում է, բայց ի՞նչ օգուտ, եթէ Երանուհին  
 չէ սիրում նորան... Հետեւաբար ո՞վ կարող է հաստա-  
 տել, որ նորա այժմեան սէրը, պիտի տայ Երանուհուն  
 երջանկութիւն եւ հազիստ. քիչ սիրահարներ կան, որոնք  
 չամուսնացած, պատրաստ են կեանքերնին զոհել իրենց  
 պաշտամանց առարկային, եւ մէկ քանի ամսից յետոյ  
 հէնց իսկ իրենց սիրոյ առարկան կըզոհեն իրենց կենաց  
 հաճոյիցը, կամ ուրիշ կանանց սիրոյն... Սիրում է, էհ...  
 ի՞նչ արած. կըսիրէ ու կըպազրի...

Գողթունի էլ լսած էր իւր լռտեսի ականջովը Երա-  
 նուհու խօսքերը եւ յանկարծ զայրոյթը զսպելով ու  
 չարութեամբ հազալով, ձայն տուաւ իշխանին.

— Եթէ կրկամենաք, նստինք փոքր ինչ այս սեղանին մօտ,—ասաց նա ու զաւաղանովը հեռուից նշան արաւ ծառային, որ աթոռներ բերէ: Իշխանը կանգ առաւ, եւ խթանները միմեանց խփելով, գլուխը ծռեց 'ի նշան խոնարհ հաւանութեան: Խնամակալուհին Երանուհու աջ կողմը նստեց նստարանի վերայ, մինչդեռ իշխանն ու Գողթունի աթոռները առած, նոցա դէմը բազմեցան:

Նստած խօսում էին անկարեւոր եւ օտար նիւթերի վերայ. ընտանեկան երեկոյթ կլուբում, թարօն, 'Իոմայի կարգադրութիւնք: Երբ նոքա խօսէին, մի վրայի մուրացիկ կին՝ կարկտաններով ծածկեալ, կեղտոտ մի զգեստ հագած, զրկում մի երեխայ խիտ եւ խռիւ մազերիցը սքողեալ սև աչքերովը՝ ցաւազին նայելով, մօտեցաւ ակումբին ողորմութիւն խնդրելու: Երանուհի այս նկատելով, խսկոյն խնդրեց խնամակալուհուց փողի քսակը եւ մի հինգ ռուբլանոց ամաչելով ու կարմրելով, մատուց մուրացկուհուն: Երբ այս վերջինը, երեսը խաչակնքելով շնորհակալութեան աղօթք եւ օրհնէնք կը փափար, իշխանը ժպտելով եւ զգացուած, քաղաքավարի ընտանութեամբ ասաց Երանուհուն.

— Որքան բարի եւ ողորմասիրտ էք, օրիորդ...—Եւ յետոյ Գողթունուն զանալով յարեց.

— Ձեւ՝ զարմանար օրիորդի առատաձեռն բարերութեանը. նա դորանով ապացուցանում է ում՝ գուստրը լինելը:

Գողթունի ուսերը բարձրացնելով, գլուխը խոնարհեցուց, եւ ձեռքերը բաց արաւ, իբրեւ թէ ասել կամենար մի կեղծ համեստութեամբ, թէ ի՞նչ մեծ բան, մեր ամենիս պարտքն է այնպէս վարուել, ես անարժան եմ ձեր գովեստին:

Թէպէտ մի որ եւ է մուրացկան աղքատի հինգ ռուբլի ողորմութիւն տալը սովորութիւն չէ եղած, եւ գուցէ



շուայլ ցուցամոլութիւն դատէին տեսնողները, բայց ով որ լաւ ճանաչէր Երանուհուն և նորա բնիկ ողորմած սիրտը, իսկոյն կ'ըմբռնէր, որ նա Հինգ բուբլին շնորհեց ոչ միայն մուրացիանին, այլ մի թշուառ մօր, յիշելով իւր դժբաղդ Հանգուցեալ մօրը, որ իրօք նորանից շատ աւելի թշուառագոյն էր բոլորովին մի տարբեր վիճակի մէջ: Եւ այդ չնչին ողորմութեամբ, կարծես, ուղում էր բողբոջել մարց թշուառութեան դէմ, մի չնչին յարգանք եւս մատուցանելով իւր սիրելի մօրը յիշատակին: Իսկ մարդիկ, այդ բարի վարմունքը (բարերար աղա) հօրիցը ժառանգած համարեցին:

Սեպտեմբերի վերջերում երեկոները շատ ցուրտ կը լինին: Ցերեկը քաղաքի մէջ տիրած բարեխառն եւ դաղջ օդը՝ արեւու մար մօտեկող յետոյ՝ տեղի կըտայ շրջակայ լեռներից իջնող սառնութեան, ուստի իւրաքանչիւր ոք կըփութայ տուն վերադառնալ բաց ակօրժակով, ուր տաք թէյը իրեն կըսպասէ:

Գողթունի իւր ընտանիքով նոյնպէս պատրաստուեցաւ վերադառնալ տուն, կրկին եւ կրկին խնդրելով իշխանից, որ իրենց պատուէ իւր այցելութեամբը: Իշխանը լսելով Գողթունուն, տեսնում էր նսեւ Երանուհու երան անտարբեր սառնութիւնը: Տխուր քաղաքավարութեամբ շնորհակալ եղաւ, խոստանալով որ առաջին առթիւ կըփութայ օգտուել այդ հրաւերից, եւ կուգայ անձամբ մատուցանել իւր յարգանքն ու համակրութիւնը: Այս խօսքերը արտասանեց շեշտելով և վարանմամբ՝ կրկին Երանուհու երեսը նայելով, որ զգալի կերպիւ և ծանրութեամբ խոնարհեցնում էր: Իշխանը մի երկու վհատեալ քայլեր անելուց յետոյ, թոյլ կերպով գլուխը ծռեց, առանց այս անգամ խթանները միմեանց խփելու. այդ երաժշտութիւնը անհամաձայն էր սրտին տիրութեան հետ:

Եւ երբ Գողթունի ցած ձայնով կըյայտնէր Երանուհուն



իւր գծգոհութիւնը իշխանին արած սառն ընդունելութեան մասին, արդէն նա իւր սպիտակ ձիուն վերայ շտապով հեռացել էր այն տեղից:

#### IV.

Այդ երեկոն Երանուհու համար շատ յուզեալ և տխուր անցաւ, ինչպէս շատ անգամ: Հայրը տանից դուրս էր գնացել, ըստ սովորութեան, թէյ խմելուց յետոյ. իսկ նա, մնալով առանձին իւր խնամակալուհու հետ, չէր կարողանում մինչև իսկ լսել նորա միակերպ, այլ բարի սրտից բղխած մխիթարական խօսքերը, որ սովորութիւն ունէր մի ձայնի վերայ արտասանել: Գիշեր բարի մաղթելով նորան, գնաց ու սննեակը առանձնացաւ և, անկողին մտնելով, առաւ իւր պաշտելի հեղինակին՝ Շէքսպիրի մի հատորը և սկսաւ կարդալ: Դիպուածով բացել էր այն էջերը, այն հրաշալի տեսարանը, ուր Լիր թագաւորը ճանաչում է վերջապէս իւր սիրելի և անձնուէր դստեր՝ Կորդէլիային և, գնահատելով նորա որդիական սէրը, օրհնում է նորան և լալիս: Հրաշալի ողբերգութեան այդ պատկերը միշտ խորին և բուռն տպաւորութիւն թողած էր նորա վերայ: Բայց այս անգամ անհուն և տարօրինակ հոգեկան յուզմանց մէջ գտնուելով, աւելի ուժեղ զգաց այդ տպաւորութիւնը, աւելի յափշտակիչ և վառ գոյներով հանդիսացան իւր երեակայութեան առաջ, համակրելի և հայրասէր դիւցազնուհուն զհաբերութիւնքն, զըկանքն և հոգսերը: Նա Կորդէլիային ներկայացնում էր իւր հոգւոյն սառն լուսեղէն շրջանակի մէջ բոլորուած, մի պսակի, որն որ կազմվում էր իւր առաքինական գործերից, գուցէ իւր կամջոտ, կրքոտ և հրամայելու վարժուած հօրը՝ այնպարդ թագաւորին օրհնութիւնն էր նորա աղբիւր: Ինկած ամենայետին թշուառութեան մէջ, թափառելով ժայռոտ

լիւրանց և անձաւների խորքում, որք զարհուրելի արձագանգներով կրկնում են նորա ողբաձայն աղաղակները ու գանգատանաց հառաչանքները, իւր գահալուրի հայրը, փոխանակ արքայական ծիրանւոյ՝ վայրի բաղեղներով և եղէգներով է զարդարել իւր նիհար մարմինը ծածկող յնցոտի կապան: Արտասուածաց և ցաւալի գլուխը՝ փոխանակ իշխանութեան թագին՝ թառամեալ և գլխակոր ծաղիկներով է պսակուած: Նա լոյս է փնտռում իւր խաւար կենացը մէջ կոյր աչքերով և կոյր մաքով, նորա մօտ իւր ծաղրածուն խելացի է համարվում, նորա չէ կարողանում փրկել իւր հաւատարիմ Կէնտին անձնանուէր բարեկամութիւնը անգամ: Իւր աղջկանց ապերախտութեամբը հալածեալ ու շանթահար թափառում է նա ինչպէս մի արքայազն Ագասթէր, մինչև որ գտնելով իւր խանդակաթ աղջկան, Կորգէլիային, ինկնում է նորա գիրկը, ուր և գտնում է վերջապէս իւր աղօտ մտացը նշոյլ և մնացեալ աւուրցը համեստ երջանկութեան մի յոյս: Իւր միակ, անձնուէր աղջկան կողքին հայրն ու թագաւորը միանգամայն զարթնում և կանգնում են կրկին նորա մէջ.... այլ աւանդ, ամենայն ինչ անշնչանում է մահուան գրկում: Զօր սպիտակ ալիքը մեռեալ աղջկայ մարմնոյն պատանք է դառնում, որոյ վերայ և հայրը գտնում է իւր անտանելի ցաւոց գերադոյն հանգիստն ու անդորրը:

Կորգէլիայի միւս քոյրերը կորչում են թշուառացեալ իրենց հօր անէծքից: Ռհ, այդ բոլորը սարսափելի է, քստմնելի, սրտառուչ և ահեղ:

Սակայն ոչ. Երանուհին չէ կարող տանել, չէ կարող արժանանալ հօրը անէծքին.... Նա խորհում էր, որ լիովին տրամադիր է՝ զգալով իրանում բաւականի ոյժ և անձնութւութիւն, մի Կորգէլիա դառնալ իւր հօրը համար: Նա անկասկած կարող է անել այդ բոլորը, ինչ որ արած էր Կորգալիան ի սէր իւր հօրը թագաւորին:

Սակայն միթէ նորա հայրը կարելի էր բաղդատել Կօր-  
դէլեայի հօրը հետ, միթէ նա այնքան թշուառ և կարօտ  
էր իւր զոհաբերութեան: Հետևաբար իւր անելու զոհը  
աւելի ծանր չէր, քան այդ արքայադստեր, զի հակառակ  
իւր հաւանութեան և կամօց՝ պահանջում են իրանից  
ամուսին, բարեկամ և վերջապէս կենակից ընտրել այն  
մարդուն, որին նա չէ սիրում, որի արտասուալից տխուր  
դէմքիցը պահանջում են միանգամայն զոհունակութեան  
ժպիտ:

Երկինքը միայն կարող է ծիրանի գօտի ցոյց տալ անձրևի  
կաթիլների միջից: Նա պատրաստ է տանիլ ամենայն նե-  
ղութիւն ու վիշտ, բացի այդ ամուսնութիւնից... Բայց  
այն ժամանակ մտաբերեց Նրանուհի իւր հօր խօսքերը,  
«Թէ իւր բաղդը կախուած է այս խնամութիւնից և թէ  
առանց դորան պիտի ինկնէ յեղածայր չքաւորութեան  
մէջ»:

Յետոյ երևակայեց իրեն արդէն ամուսնացած իւր սրտին  
սիրելի, բայց աղքատ մի անձի հետ, և նոյն միջոցին ա-  
չացն առաջ կեաւ իւր հայրը, թշուառ, օրեկան հացին  
կարօտ: Գուցէ այն ժամանակ իւր աղջկանը համեստ օգ-  
նութիւնն էլ պիտի մերժէր արհամարհանօք, ողորմութիւն  
և նախատինք համարելով իրեն, և պիտի մեռնէր քաղցած,  
մինչև վերջին շունչը անիծելով իւր զաւակին:

Դորանից յետոյ պիտի կարողանար արդեօք նա երջա-  
նիկ լինել, թէև իւր սրտին սիրելէոյն մօտ իսկ գտնուի...

Ո՛հ, ո՛չ... անհրաժեշտ է, հարկաւոր է տեղի տալ  
անողոք ճակատագրին, գլխակոր և լռելեայն հնազանդիլ  
ծնողի հրամանացը, եթէ մինչև անգամ կեանքը զոհել  
հարկ լինի...

Մի րոպէ մնաց լուռ և երազացնոր: Գիրքը հանգչում  
էր ծնկացը վերայ, և իւր կուսական անուշահոտ սննեա-  
կում տիրած լուութեան մէջ որոշ զգում և լսում էր



ազնիւ արտին կանոնաւոր, այլ զօրեղ բաբախումը: Գլուխը արմուկին յենած կըխորհէր, բայց յանկարծ ցնցուելով, երկու ձեռքը ճակատին դրաւ և հարցուց ինքն իրեն. «Թէ արդեօք այդ ծանր զոհողութեամբ պիտի կարողանայ ինքն էլ արժանանալ հայրական օրհնէիքին. արդեօք կարո՞ղ պիտի լինի վանել նորա դէմքից այդ տխուր և վայրագ արտայայտութիւնը, որ այնքան սարսափ կ'ազդէր իւր վերայ»:

Նա միայն այս էր սպասում վարձատրութիւն իւր անձնուիրութեանը, ցանկանում էր տեսնել հօրը գոհ և ժպտելեա. այո՛, վայելել նորա ժպիտը ի գին իւր սղա-տութեան.....

Այլ իսկոյն մի տխուր ծիծաղ փայլեց իւր վեհանձն դէմքին վերայ, մինչ զեռ շրթունքը մրմնջում էին այս բառերը. «առաքինութիւնը առանց որ և է վարձատրու-թեան նկատմունքի կարող է առաքինութիւն կոչուել: Նա պէտք է որ իւր մէջը պարունակէ անձնուրացութիւն և անշահասիրութիւն, առանց դորան».....—Անկոյնին մօտ վառուող ճրագը արդէն պլպլալով արձակում էր իւր վերջին կայծերը, որ մի վերջին անգամ ևս անդրադարձաւ Երանուհու երեսին՝ փայլելով մի զոյգ արտասուեաց մար-գարտի մէջ, և յետոյ ամեն ինչ ծածկեց մի խորին, լուռ մթութիւն:

Քնած էր Երանուհի անմեղ և տանջեալ զոհերի յա-տուկ քնով, որի քաղցրութիւնը կրկնապատկւում էր իւր դիւցազնական որոշումից, այսինքն՝ հնազանդիլ անարտունջ իւր հօրը կամաց:

Բայց առաւօտուն, երբ աչքերը բացաւ, գիշերուան ցնոր-քների հետ փարատած էին հոգին ճշնող զգացմունքները: Սակայն կրկին իրականութեան մէջ վերադառնալով, զգում էր եթէ ոչ զզջումն, դոնէ մի ցաւ՝ իւր արած որոշման հետևանքը մտածելով, որովհետև որքան անձնուէր լինէիք,

որքան էլ հաստատակամ լինի մեր զոհաբերութիւնը, դարձեալ մի բնիկ զգացմանց ձայն կայ մեղանում, լիովին մեր անձնական շահերի սեպհական և օրինաւոր ազդողակը, որ կրթողքէ մեր ուղղմանց դէմ: Հոգեկան մեծ ոյժ և կորով է հարկաւոր լռեցնելու համար այդ ձայնը, և ուր որ նա կրուէ, առաքինութիւնը այնտեղ միշտ կը յաղթանակէ:

Երանուհի ևս այդ ներքին պատերազմով յուզուած էր, այլ նա յուսալիւ հաւատում էր իւր առաքինական ոյժին և նահատակի համբերութեանը, միմիայն իւր հօր բարեւաւութիւնը ի նկատի ունենալով, որ նոյն գիշերը՝ առաւօտից մինչև երեք ժամը նստած էր կըլբում, մինչև փական ժամու վերջին զանգակը: Հիւրասիրում էր իշխանին, խօսելով նորա հետ ընտանեբար զանազան գործերի վրայօք, անուանում էր նորան իւր որդին: Իսկ իշխանը Գողթունու վարմունքից քաջալերեալ և Նամպանի գինուց զուարթացած, խնդրում էր, որ յառաջիկայ շաբթուն՝ իւր սօնախմբութեան օրը՝ բարեհաճի երեկոյին իրեն մօտ գալ օրիորդ Երանուհու հետ, հրաման ուղեղով միանգամայն Գողթունուց, որ թոյլ տայ իրեն անձամբ գնալ հրաւիրել օրիորդին:

Գողթունի շնորհակալ կըլինէր իշխանից բոլոր իւր փափուկ ղետաւորութեան մասին, կրկին խնդրելով որ իրենց մօտ գալու համար երբէք հրամանի կամ թոյլտուութեան չսպասէ:

Այս սիրալիւ խօսքերից յետոյ իշխանը մի բաժակ առաջարկեց բացակայից կենացը և, Գողթունուն իւր սեպհական կառքին մէջ առնելով, տարաւ և իւր տան դրան առաջ իջեցուց:

Լաւ զննելով իշխան Զարեհի պատկերը, չէր կարելի հաստատ ասել, որ նա մի անսիրտ և անխելք մարդ լինի. ընդհակառակը, իւր վարմանցը մէջ ընդհանրապէս ցոյց էր տալիս և բաւականին մտաւոր կարողութիւն, որ կորցրել

էր իւր նախկին յոժը արած քէֆերուն շնորհիւ: Ուսում առած էր Պետերբուրգում և երկար ժամանակ էլ ապրած լինելով այդ խոնաւ և սառն կլիմային տակ, ոչ մի կերպիւ չէր կորցրեր իւր տիղիսեցու հռանդուն արիւնը և յափըշտակուող ու հիւրասէր բնաւորութիւնը: Իսկ իւր առած ուսման, կարելի է, մի մասին հրեք քառորդը մոռացած լինէր: Երբեմն այնպէս տգէտ էր ամենապարզ խնդիրներու մէջ անգամ, որ համարձակ կարելի էր հզօրակացնել, թէ Պետերբուրգում եղած ատեն աւելի գիշերները պարապեր է ուսմամբ քնոյն մէջ, այլ ցերեկին արթնութեան ժամանակ—քէֆով. այսու հանդերձ շատ է սիրում մատենադրութիւն, գեղարուեստիւք կրկրթէ ճաշակը: Սակայն արդէն երեսունին հասած մի մարդու մօտ, որ քէփ է սիրում, բնականաբար տկարանան ուղեղի ընդունակութիւնները և կրկորջի յիշողութիւնը, ճակտի մազերուն պէս, որք քիչ առ քիչ սկսած են մորթին վերայ լուսանցք բանալ:

Գեղեցիկ սեւին մոլեգնաբար պաշտող և հակամէտ՝ ունեցել է ինքն էլ իւր ժամանակին սիրոյ յաղթանակներ ունեւէհեր օտարուհեաց ակումբին մէջ իւր երենոսին նման սևափայլ մազերի գանգուրներովը,—թէպէտ այժմ էլ շարունակում է, ինչպէս մի անհրաժեշտ պէտք և ունակութիւն, հետեւել կանանց: Սյդ է իւր զլխաւոր տկարութիւնն ու պակասութիւնը, որի վնասը շատ անգամ միայն ինքն է զգացել,—և այդպիսի մի պատկեր ունեցող անձ ուրիշ կերպ չէր կարող վարուել: Սև ու մեղմհայեաց աչքերը մի տեսակ տուփանաց կայծ ունէին, աւելացրէք նոցա վերայ մի մեծ քիթ՝ շարժուն ռնդունքով, նիհար այտեր և լայն պրկանքներ: Սակայն այդ բոլորը կարող էին և նշանակ լինել մի քաջ ու աղնիւ սրտի:

Բայց ինչպէ՞ս ենթադրել, որ այս Կովկասցի Դոն-ժուանը, այս մեղրածուծ մեղուն, որ հազարաւոր ծաղկանց վերայ թռչկոտելով, նոցա բոյրն ու քաղցրութիւնն էր քաղել,



նոցանից հեռանալուց յետոյ յանկարծ պիտի կանգնի և հանդարտի մի պարզ և համեստ ծաղկի հովանւոյն տակ այնպէս, իբրու թէ այլ ևս թևեր չունենար թռչտելու: Եւ ո՞վ պիտի կարողանար կտրել նորա թևերը. մի՞թէ նա պիտի բաւականանար մի ծաղկի մեղրովը: Մի՞թէ հոգւոյն սէրը այնքան զօրաւոր պիտի լինէր, որ յաղթէր անասնական զգացմանց:

Իւր կենաց մէջ առաջին անգամ նա հանդիպեցաւ մի աղջկայ, որի ազգած սէրը չէր նմանում ուրիշ կանանց մօտ զգացածին: Այո՛, այս առաջին սուրբ սէրն էր, որ զգում էր իւր կենացը մէջ Երանուհու համար, առանց, անշուշտ, հաշուելու այն տրփանքը, որ բոլորքուեցաւ իւր մէջ՝ 20 տարեկան հասակում, գրեթէ անխորձ եղած ժամանակը, — տրփանք մի գերմանացի դերասանուհու համար, որոյ պատճառաւ քառասուն հազար ըուբլին ազամանդեայ ընծաների, հանդերձանաց, ոստրէների և Տամպանի գինու փոխարկելուց յետոյ՝ հեռացաւ Պետերբուրգից, իբր յիշատակ տանելով հետը մի զգուած սիրտ, հիւժեալ մարմին ու դատարկ մի քսակ, որին յետոյ լքցնելը դժուար եղաւ, որովհետեւ հայրը՝ ամեն բանի տեղեակ լինելով, համառօտ կերպիւ յանդիմանեց որդւոյն: Բայց իւր որոշումը յանդիմանութեանը պէս համառօտ չեղաւ դժբաղդաբար, և նա կըտար իւր որդւոյն այնքան գումար, ինչքան որ անհրաժեշտ էր և անվրէպ նորա կարևոր ծախքերին: Ամենայն ջանք անհնարին եղան հօրը համոզելու, երբ ասէին թէ սորանից յետոյ որդին խրատուած է, թէ այլ ևս չպիտի հետևի կանացի պատկերով քսակաց սիրուն տղտուկներին և այլն: Սակայն նա անյողզողդ մնաց իւր կարծիքի վերայ:

Յշմարիտ որ այնքան էլ խիստ վարուել չէր կարելի մի երիտասարդ անձի հետ. սկզբից եթէ նորան վարժեցրած լինէին խնայողութեան և ժուժկալ կեանքի, նոյնը իրաւունք

կունենային այժմ էլ պահանջել նորանից: Դարձեալ ծնողքն  
են մեղաւոր, որք սովորեցնում են իրենց որդիքը մի հեշտ  
կեանքի, իրենց կրքերն ու ցանկութիւնները դիւրաւ յա-  
դեցնելու փողի առատութեամբ: Իսկ երբ այս կեանքից  
վնասվում է նոցա առողջութիւնը, ծնողք դեռ ոչինչ չեն  
նկատում: այլ կոյր աչքերնին բացվում եւ սրտերնին զգում  
է ցաւ այն ատեն, երբ քսակնին է վնասվում, երբ հարկ  
է լինում նիւթապէս տուժել իրենց անխոյժ աղիտու-  
թիւնը:

Իշխանի հայրը վախճանեցաւ վերջապէս (բարեբաղդա-  
բար գուցէ), թողով իւր որդին ինքնիշխան ժառանգ բո-  
լոր իւր հայրատութեանը: Սակայն գորանից յետոյ Զարհ  
իշխանը առիթ էլ չունեցաւ յիմար ծախքեր անելու: Ի  
սկզբան վայելուչ կերպով տարաւ հօր սուգը և յետոյ՝  
նորա տեղը բռնելով, կարծես աւելի ծանրաբարոյ դարձաւ  
ու լուրջ, մանաւանդ որ նա արդէն հասած էր այն տա-  
րիքին, երբ մարդս աւելի մի հաւատարիմ և սիրող տիկ-  
նոջ բարեկամութեանը կրկարօտի, քան թէ գեղապաճոյճ՝  
սիրուհւոյ վաղանցուկ և շահանկատ փաղաքշանայը:

Եւ այդ ընկերը, այդ ամուսինը նա յոյս ունէր դանել  
Երանուհու մէջ, այն վաղուց երազած գաղափարական ա-  
րարածը, որի սիրովը շանթահար եղած էր յանկարծ ու  
յանպատրաստից, — այժմ ամեն ջանք գործ էր դնում  
հասնել իւր նպատակին: Բայց պէտք է ասել, որ Երա-  
նուհի գրեթէ առաջին անառիկ կինն էր, որ պատահում  
էր նորան կեանքում. սա չէր այն փաղաքուշ սեղեխներէց,  
որոց կարելի է հրապուրել քաղցրահոտ նամակների, ծաղ-  
կանց փնջերի անձրևով, ակամակաւ ընծաների աչք և  
երբեմն առաքինութիւն անգամ շլացնող փայլովը:

Սակայն չէր յուսահատվում, մտածելով որ գուցէ ժա-  
մանակ անցնելուց յետոյ միտքը փոխէ, և բարեբաղդաբար  
էլ թոյլատրութիւն ունէր մտնել նոցա տունը, տեսնել

նորան մօտից, խօսակցել հետը.... Եւ դուցէ այսպէս շարունակ յաճախելով, կարողանար վարժեցնել օրիորդին իւր ներկայութիւնը առանց հակակրօութեան տանելու.... Եւ թերեւս ո՞վ գիտէ՝ ժամանակաւ վարժուելով, անհրաժեշտ համարէր իրեն համար այդ ընկերութիւնը իւր ակումբը կենացը առանձնութիւնն զուարթացնելու համար.... Ալֆրէդ Միլսսէ ստում է, թէ կանանց սիրտը մի մայր եկեղեցի է, Աստուծոյ տւրբ տաճարի խորանը հէնց իսկ սրտի մէջտեղն է. սակայն ինչքան անթիւ մատուռներ կան իւր շուրջը: Իշխան Զարեհ բաւական կը լինէր մի մատուռով ևս, միայն թէ թոյլ տային կամ ընդունէին իրեն այդ մայր եկեղեցւոյն մէջ. մատուռից աւագ խորան հասնելու ճանապարհը շատ երկար չէր՝ այսինքն—համակրութիւնից դէպի սէր:

Այս խորհրդածութեամբ և յոյսերից քաջալերեալ՝ հրամայեց, որ կառքի ձիերը լծեն: Հագաւ ամենանոր համազգեստը՝ ոսկէ ծոպերով զարդարուած, ծածկեց ձեռքերը ամենամաքուր սպիտակ ձեռնոցներով և հայելիի մէջ մի ակնարկ տալուց յետոյ՝ ինքն իրենից գոհ զնաց և նստեց իւր երկձի կառքի մէջ:

Գողթունի արդէն յայտնել էր իւր աղջկան իշխանի այն օրերը իրենց մօտ դալու գիտաւորութիւնը, և խնամակալուհին մի քանի օրից ի վեր միշտ աշխատում էր կոկիկ և վայելուչ կերպիւ հագնուիլ, որոշ չգիտնալով իշխանի ո՞ր օր դալը և վախենալով, որ Երանուհի առանձինն չլինի նորան ընդունելու ժամանակ: Կէս օրից մի քառորդ ժամ անցած հնչեցին զրան զանգակը և քիչ յետոյ—իշխան Զարեհի խթանների հնչիւնը լսուեց, որ սանդուղներից կրբարձրանար:

Միջին դռնից ներս մտաւ՝ փոքր ինչ դունաստ և մի քանի քայլ առաջ գալով՝ խոնարհուեց և մերձենալով միմեանց, ձեռք տուին, նոյնպէս և պառաւ խնամակալու-



Հուն: Յետոյ Երանուհու հրաւիրանօք նստեց սեղանին մօտ բազկաթուղին մէջ. իսկ օրիորդն իւր խնամակալուհուն հետ նորա հակառակ կողմը նստեցան: Փոխադարձ քաղաքավարական, բայց անհրաժեշտ խօսքերից յետոյ՝ երկու վայրկենի չափ լռեցին. իշխանը արագ շունչ էր առնում սանդուղները բարձրանալուց դադարած և ձեռնոցները հանելով: Խնամակալուհին ձեռքը բերնին դնելով՝ երբեմն մեղմ կըհազար, երբեմն էլ պարապ չմնալու, իւր շփոթութիւնը ծածկելու համար զգեստին ծալքերը կ'ուզէր, բայց Երանուհի՝ աչքերը դետին սևեռած, խօսակցութեան մի յարմար նիւթ կրփնտէր. նոյնը անում էր իշխանը, իւր շուրջը պատերին նայելով: Վերջապէս երկչոտութեան քողը պատռելով, ինքը իշխանը առաջին անգամ սկսեց խօսել իրենց տան դիրքին, օդի լաւութեան մասին: Պատից կախուած Այվազովսկու երկու պատկերաց նկատմամբ դիտողութիւնների արաւ, որոնք բուն իսկականին իւղատիպ օրինակները լինելով, ներկայացնում էին Վօլոժնոսի ճանապարհորդութեանց գէպքերը, ասելով թէ ինքը տեսած է բուն վարպետներ, — երկու հրաշալի նկարներ, որոնք շատ վատ են լինում իւղաներկ տպուած. այդ միջոցը զրեթէ նուաստացնում է իսկականին արժէքը, և երբէք տպագրութեամբ նոցա ճիշդ գաղափարը չէ կարող տալ: — Խօսեցան նաև ընտանեկան երեկոյթների և զբօսանաց վերաբերեալ հարցեր: Իշխանը մի յարմար միջոց գտնելով, ասաց վերջապէս Երանուհուն երկչոտ կերպիւ, տեսնելով նորա լուրջ և բռնազբօսեալ ժպիտը.

— Ներկե՛ք, օրիորդ, իմ համարձակութեան. սակայն ձեր հօր ազնիւ վարմունքը քաջալերեց ինձ այսօր ձեզ մօտ գալու հաճոյքը վայելել և միանգամայն հրաւիրել ձեզ իմ տօնախմբութեան յառաջիկայ ուրբաթ երեկոյին: Եթէ ունենամ ձեզ ինձ մօտ տեսնելու պատիւը, երջանկութիւնս և երախտիքս անսահման պիտի լինին: — Այս

խօսքերը նա այնպիսի քաղցրութեամբ արտասանեց՝ գլուխը աջ ուսին վերայ ծռելով, աղաչական կերպիւ, որ ճշմարիտ դժուար էր իսկոյն մերժելը: Երկու կանայք շուարած միմեանց կրեւր նայեցան:

Խնամակալուհին, որ իւր յամառ ներկայութեամբը շատ հաճելի չէր եղած իշխանին, Երանուհու վերայ մի վայրկեան նայուածք ձգելով, իւր միահնչիւն ձայնովը պատասխանեց.

— Գիտէք, իշխան, որ Երանուհին դեռ սուգի մէջ է և շատ անյարմար կրլինի, եթէ նորան տեսնեն յանկարծ մի տօնախմբութեան մէջ. կարծեմ.....

Երանուհի տեսնելով խնամակալուհու տարակուսանքը, յարեց. — անտարակոյս որ դորանում ոչ մի մեղադրելի բան չկայ: Սուգը մարդուս սրտումը կրլինի և ոչ արտաքին ձևերում. սակայն անշուշտ ձեզ էլ յայտնի է, որ մարդիկ այնպէս չեն մեկներ. մարդիկ սովոր են արտաքին կրկնութիւն դատել ամեն բան.....

Գողթունի՝ որ սրահ մտած ատեն լսած էր այս վերջին խօսքերը, բարձրաձայն ու սիրով ողջունեց իշխանին և ձեռքը նորա ուսին վերայ դնելով՝ զարձաւ Երանուհուն ու ասաց զոհունակ ծիծաղով.

— Մի վախիւր, աղջնիկս, մարդիկ կարող են անվայել համարել, երբ տեսնեն սգաւորին օտարների տան կամ հասարակաց զբօսավայրերի մէջ: Սակայն մի եղբօր, մի բարեկամի տան մէջ քո ներկայութիւնը ոչ ոք իրաւունք չունի մեղադրելու, որովհետեւ ես հաւատացած եմ, որ իշխանը մեզ համար մի բարեկամ է.... և մինչև անգամ յոյս ունիմ, որ շուտով ինձ որդի էլ լինի.....

Երանուհի և մինչև իսկ իշխանը՝ սաստիկ ամաչելով այս խօսքերից, կարմրեցան. առաջինը — շանթազար, իսկ երկրորդը ուրախութիւնից ևս, որն որ զսպելով՝ երախտագէտ նայեցաւ Գողթունուն, յետոյ օրիորդին զառնալով ասաց.

— Դուք, անկասկած, լիովին իրաւունք ունիք վարուելու այնպէս, ինչպէս որ պատշաճ կը դատէք. բայց այսքանս միայն թոյլ տուէք ինձ ասել, որ իմ տօնախմբութեան երեկոյին ձեր բացակայութիւնը կարող է իմ տունս էլ այնքան սգով լքցնել, որքան այժմ ձեր սիրտը: — Եւ 'ի վերջոյ վախենալով, որ Երանուհի ժամանակ կ'ունենայ նորից մի մերժողական պատասխան տալու, իսկոյն լռութիւնը ընդմիջեց և դառնալով Գոլթունուն՝ խնդրեց նորանից, որ երեկոյին բարեհաճի զալ կուբ. յետոյ իւրաքանչիւրին ողջունելով, ասաց ցտեսութիւն և մեկնեցաւ:

Իշխանի մօտ իւր տօնախմբութեան օրը՝ բացի մի քանի հեռաւար աղգականներից ու ծանօթներից, ուրիշ ոչ ոք չպիտի գտնուէր: Իշխանը ցանկանում էր Երանուհուն ծանօթացնել նոցա հետ, մանաւանդ մօրաքրոջ հետ, որ մի զուարթաբարոյ պառաւ էր, որպէս զի Երանուհու և նորա մէջ սերտ յարաբերութիւն հաստատէ, կարողանայ աւելի ստէպ օրիորդին հետ տեսակցելու առիթներ ունենալ և մի կերպիւ փութացնել հարսանիքը:

Հայրն էլ հռանդեամբ սպասում էր այն օրին, սակայն արտաքուստ շատ լուրջ և ծանր էր բռնում իրեն: Մինչև սանդղակի գլուխը իշխանին առաջնորդելուց և ուժեղ նորա աջը սեղմելուց յետոյ՝ սրահ վերադարձաւ. բոլոր զէմքովն ու ձեւերովը գոհունակութիւն էր արտայայտում: Ձեռքերը միմեանց շփելով, մէկ երկու շրջան արաւ սրահին մէջ ու աղջկանը մօտ մի բաղկաթոռի մէջ խնկալով, ուրախ ձայնով ասաց.

— Իհ, աղջիկս, կարծեմ իշխանը այնքան երկիւղալի մի երեկոյթ չունի, որքան որ դու կարծում էիր. վատ տղայ չէ... լօթի է, լօթի, ինչպէս որ ասում են Տփղիսում: Սակայն լօթիք ընդհանրապէս լաւ մարդիկ են լինում, միայն հարկաւոր է հետերնին վարուելու կերպը լաւ իմանալ, օրինակ. պէտք չէ մերժել իւր հրաւերը... յիմարութիւն կրկնի մեր կողմից, եթէ....



Երանուհի նայում էր պատուհանից դուրս, բոլորովին տարբեր մտքերով զբաղուած՝ առանց լսելու հօրը խօսքերը, երբ խնամախալուհին ընդմիջեց, ծանուցանելով թէ նա-խաճաշիկը արդէն պատրաստ է:

V.

Երանուհի այն փափուկ և երազացնոր տարիքին մէջ որոշեց վերջապէս իւր սրտին սլացմանց և յոյսերին փա-կանք դնել և ոտքի տակ կոխոտելով հոգւոյն բնիկ և իրաւացի պահանջները՝ միմիայն իւր որդիական պարտքը կատարելու դիտաւորութեամբ իշխան Զարեհի կինը դառ-նալ: Սակայն վաղուց իւր մէջ յուզուած տարբեր և խառն զգացմանց պատերազմիցը սաստիկ վնասուած էր խեղճին առողջութիւնը, իւր դէմքի այդ անոյշ և թա-փանցիկ դալիւթիւնը սկսել էր կանաչ երանդներ դոյա-ցնել երեսի ոսկորոտ մասերին վերայ: Շարժմունքը դան-դաղ և մեղմ էին, խօսքերը — սակաւ:

Հէնց իսկ իշխանի տօնախմբութեան օրը՝ ի սրտմտու-թիւն իւր հօրը, ինքն իրան շատ վատ էր զգում և չնայելով հօրը, մանաւանդ իշխանին անդադար թախան-ձանացը, չկարողացաւ անկողնից դուրս գալ և գնալ հօրը հետ իւր ապագայ ամուսնոյն տունը:

Այսու հանդերձ հայրը գործում և կարգադրում էր ամեն բան: Այժմ զրիթէ վստահ էր աղջկան հաւանու-թեանը: Սերտ բարեկամացաւ իշխանի մօրաբերօջ հետ, նա էլ փոխադարձաբար եկաւ Երանուհուն այցելելու և երկու անգամ էլ երեկոյեան թէյի, ուր իշխանը մօրաբերօջ տուն վերադարձնելու պատրուակաւ կրգար փոքր ինչ վաղ, ժամերով կընստէր և կըխօսէր, բայց միշտ լուրջ և զգաստ:

Ի վերջ բանի, իշխանի ճշդաւ մօրաբերօջը և Գողթունի

այնպէս գործը կարգադրեցին, որ վերջապէս նշանի մատանիքը օրհնուեցան: Բայց Երանուհուց բոլորը գոհ էին և ուրախ, և Հարսանեաց օրը կըջանային փութացնել ընդդէմ Երանուհու պաղատանաց, որ խնդրում էր գոնէ դեռ մէկ տարի յետաձգելով Հարսանիքը, [Թոյլ տան իրեն երկարել իւր մօրը սուգը. սակայն անլսելի եղան իւր աղաչանաց ձայնը:

Գողթունին յուսալիւր և շատ բաւական սրտով աղջկան օժիտովը կըպարտապէր: Երբեմն կ'երթար այդ կնոջ տեսութեան, որը երեսուն և հինգ տարին անցնելուց յետոյ՝ սպիտակն ու կարմիրը առատօրէն գործ ածելով, կ'ուզէր տասը տարի աւելի պակաս ցոյց տալ: Նա խիստ կըվարուէր Գողթունու հետ — բարձրահայեաց, քիչ անգամ փայփայող. սակայն կ'ուզէր մի ժամ առաջ դառնալ նորա կինը.... Երկուքն էլ միմեանցից ակնարկութիւններ ունէին, բայց բոլորովին տարբեր տեսակետով: Այդ գոռոզ և խորամանկ մարդը՝ իւր կրիցը և անցելոյն գերի, մի սողացող զեռուն կըբառնար այդ գիշատիչ ազգաւի ճիրաններին մէջ: Նրբամիտ կինը, երեւի, լաւ էր ճանաչում նորան, շատ լաւ տեղեակ էր նորա խելութեան, քան մի ուրիշը:

Շատ նեղ պարագաներում Գողթունի խորհուրդը կըհարցնէր նորանից, մինչև անգամ աղջկանը հարսանեաց կարգադրութեան մասին.... Բայց վերջերումն չէր կարողանում գնալ ստէպ նորա տեսութեան, սաստիկ զբաղուած լինելով ցերեկ ու գիշեր թէ՛ տանը մէջ և թէ՛ գործարանին վերաբերեալ գործերով: Պահարբուրդից ստացել էին արգէն օժտին վերաբերեալ ամենայն առարկայք, Մոսկուայից — մետաքս, թաւիշ և այլն:

Մի շաբաթ ժամանակ էր մնացել Հարսանեաց: Պատրաստ տպուած էին ոսկեգիր Հրաւիրատոմները, որոց պահարանին վերայ Գողթունի հասցէն կըգրէր, նստած գրասենեակում, երբեմն հաշիւները աչքէ անցուցանելով: Գի-

շերուան ժամը տասը լրացել էր, իսկ նա մտազբաղ չէր զգում ժամանակին այնպէս արագ թռչելը, մանաւանդ որ այն օրուան արած զանազան երթևեկութիւններիցը դադարած էր և նստած հանգիստ կրպարապէր:

Գրասենեակում բացի նորանից ոչ ոք չի կար. արդէն գրագիրը արձակուրդ առնելով՝ զնացել էր Գօրի ծնողացր տեսութեան: Գործարանը, ուր շատ անգամ գիշերներն էլ գործէին, այն օրը փակ էր բոլորովին, և գործաւորք ու ծառայք, անշուշտ առթից օգուտ քաղելով, զնացել էին ոմանք զբօսնելու, այլք տան մէջ եղած պատրաստութեանց կ'օգնէին: Գրասենեակի ծառան ուղարկուած էր զանազան տեղեր յանձնարարութիւններով: Գողթունին նորան կրսպասէր, որ տուն վերադառնայ:

Սաստիկ էր ցուրտը: Աղան վեր կացաւ և մի քանի փայտ ևս նետեց կրակարանին մէջ, յետոյ կրկին իւր տեղը վերադառնալով, ծրարեց ամբողջ տոմսակները, դրաւ մի կողմ ու մի ըտպէ գլուխը ձեռացը մէջ առնելով, սկսաւ ճակատը շփել, իբրեւ թէ մի ծանր խնդիր կամենար լուծել:

Ոչ մի ձայն չէր լսվում շրջակայքում, բացի պատուհանի կիսաբեկ ապակուց գետի ընթացքին մեղմ մրմունջը, որ գործարանի և գրասենեկի պարսպաց ստորոտը կ'ողողէր: Գուցէ անխոհմտութիւն լինէր նորա կողմից առանձինն մնալ այնտեղ գիշեր ատեն բաց գրասենեակում, բայց այդ առաջին անգամը չէր որ պատահում էր: Հետեւաբար ումից կարող էր նա երկիւղ ունենալ. ամենից սիրուած ու պատուած՝ անուանում էին բարերար տէր. ո՞վ կրհամարձակէր վնասել նորան: Եթէ իսկ զանուէր մի այնպիսի յանդուգն, նա էլ մի զող կարող էր լինիլ, որին ընդունելու համար միշտ ունէր լիքն և պատրաստ գրասեղանին վերայ դրուած Սմիթ-Վիսթօնի ընտիր վեցահար ատրճառակը:

Տեսնելով որ ծառան գեռ չէ երևում, ուզեց կրկին հա-



շիններով զբաղել մինչև նորա գալը: Երբ ձեռք երկարեց, որ տետրակը առնէ, նոյն միջոցին յանկարծ դուռը դրսից բաց արին: Գողթունի աչքերը դարձուց դէպի դրան կողմը և տեսնելով որ մոնողը մի օտար է, ոտք ելաւ և ճրագը ձեռքին նորան մօտեցաւ: Երեսին գոյնը խկոյն փոխուեցաւ, ոտից յղլուխ սկսաւ դողդղալ, ուղեց խօսիլ, այլ լեզուն չէր կարողանում զրոյել բերնին մէջ: Փորձեց երկու քայլ անել, անկարելի եղաւ և յետս ընկրկելով՝ խնկաւ մի աթոռի վերայ, աչքերը ձիգ ներս մօնող ստուերին վերայ ուղղելով: Սա բարձրահասակ էր և նիհար, մօրուքն ու մազերն երկար և սպիտակախառն՝ մի հին կոպայի մէջ փաթաթուած, կանգնել էր մունջ արձանի նման՝ այնտեղ տիրած կիսաստուեր լուսին մէջ,—միայն աչքերն էին փայլում հանդարտ, բայց վայրագ ծիծաղով:

Գողթունի յանկարծ յնցուեց, զարթեցաւ երկիւղալի թմրութիւնիցը, կծկտեալ շրթունքը բացուեցան, և խռպոտ ձայնով ու զարհուրանաց զարմանօք գոչեց. — Արտա՜շ... Արտա՜շ.... — Նա չորս կողմը նայեց և ինքն իրեն ոյժ տալով, վազեց զրասեղանին մօտ և դեռ ձեռքը ատրճանակին չէր տարած, երբ Արտաշ կայծակի արագութեամբ յարձակուեց և յափշտակելով ատրճանակը՝ զրպանը դրեց, վազելով դրան փականքը դրաւ և Գողթունու առաջը կանգնելով՝ ձեռքերը խաչաձև կուրծքին վերայ ծալած՝ դաշն ու հանդարտ ձայնիւ մոնչեց.

— Անդգամ, ճանաչեցիր ինձ վերջապէս. ճանաչեցիր նորան, Անդրէաս, որի կեանքը բարոյապէս սպաննելուց յետոյ՝ ուղղում ես նիւթական կեանքն էլ դաւաճանել.... Զէիր գուշակում իմ գալուստը, այնպէս չէ՞.... Բայց մոռացար որ հարսանիք ունիս շուտով, և ես ինքս անձամբ եկել եմ ընդունելու իմ հրաւերի տոմսակը քո ձեռքիցը. այսպիսի մի անկող հիւր չէիր սպասում, այնպէս չէ՞... Հէ, Հէ, Հէ... Ի՞նչ ես դողում. գուցէ կարծում ես, որ քեզ

սպաննեղո՞ւ համար եկած լինիմ այստեղ.... Չէ, իմ նպատակս բոլորովին ուրիշ է. ես եկել եմ պարզապէս տեսնուելու հետոյ։ Շատ հեռուից՝ Սիբիրից եմ եկել, կ'ուզեմ բաց անել կոյր աչքերդ, որ մի անգամ ևս դու քեզ ճանաչես, տեսնես անցեալը։ Եկել եմ արդար և իրաւացի վրէժ լուծելու քեզանից, խոնարհեցնել այդ անիծապարս զուլսդ, որ մինչև այժմ պէտք էր որ ջախջախած լինէր շատ անմեղների արեան ծանրութեան տակ, որին տակաւին ուզում ես կանգուն և հպարտ բարձրացնել ուսերիդ վերայ, նորանոր ոճիրներ նեցուկ առնելով.... Պիտի աղատեմ վերջապէս մարդկային ընկերութիւնը քեզ նման մի անզգամ հրէշից, որոյ գլխուսը զոհերն են. նախ՝ ես, յետոյ՝ իմ անգամալոյծ խեղճ հայրս, որ չկարողանալով տանել իմ դատապարտութեան լուրը, մեռաւ յուսահատ, ինձ անիծելով. կրորդ՝ իմ քոյրս՝ կորսուած, անհետացած. յետոյ—կինդ։ Դու, շատերի մահուան և աղետից պատճառ, պէտք է որ վերջ դնես քո ոճիրներիդ, պէտք է որ տուժիս բոլորին և ինձ մանաւանդ. տուած հարուածներդ....

Գողթունի դիականման և դողդոջուն, կատաղաբար ձեռքերը տարաւ վզին փողապատը լայնացնելու, որ աւելի ազատ շունչ քաշէ, իսկ յետոյ մոնչեց խեղդուկ ձայնով.

— Դու ի՞նչ իրաւամբ ինձանից համար և տուգանք ես պահանջում.... Ի՞նչ եմ արած քեզ, որ գազանի նման դողունի յարձակվում ես իմ վերայ.... ծիւաղ.... քո կորստեան պատճառը դու ինքդ ես։ Ես առաջարկեցի քեզ, ճշմարիտ է.... բայց դու ազատ էիր մերժելու կամ ընդունելու։

— Աղմու էի ես, աղմու էի,—բացագանչեց Սրտաշ։— Եւ դ՞ու ես համարձակվում ասել ինձ այդ բանը, դ՞ու, անօրէն, որ այդ արքանեակ կնոջդ ինձ ազգած տափանքովը յաջողեր էիր կաշկանդել իմ կամքը և սիրտը։ Այո, քեզանից դեռ տարիքով փոքր, քաջաւոդջ էի, և արիւնք

եռում էր երակացս մէջ. մինչև այն օրը, որ քեզ հետ ծանօթանալու աղէտքը ունեցայ, ապրում էի խօթացեալ հօրս և քրոջս կողքին, պահպանելով նորանց իմ համեստ վաստակովը: Երջանիկ էի՝ սիրուած բոլորից, և Պետերբուրգի պէս մի քաղաքի մէջ յաջողել էր ինձ լաւ ճարտարապետի համբաւին արժանանալ. ամենքը հաւանում էին իմ ջրաներկերի գծադրութեանց և յատկագծերին, դովեստով էին խօսում իմ վերայ... Եւ յանկարծ մի օր դու կարծես դժոխքից վիժեցիր և կանգնեցար իմ յաջողութեան ճանապարհին վերայ, տարիւր ինձ այն անարգ կնոջ տունը:

— Ո՛հ, լռէ, լռէ, մի՛ տար նորա անունը....

— Ո՛չ, ընդհակառակը, պէտք է որ յիշեմ. դու և նա մի անձ էք կազմում, նորա հետ միասին հրապուրեցիք ինձ.... Հրապուրեցիք իմ արուեստաւորի անձնասիրութիւնը, գովելով իմ ջրաներկ գծադրութեանց նրբութիւնը, և մինչև անգամ մի երեկոյ յանդգնեցար ծիծաղելով ասել, որ եթէ կեղծ հինգ կամ երեք բուբլանոցներ յօրինել ուզենայի, այնքան պիտի յաջողէր, որ շատ վարժ աչքերն իսկ չպիտի կարողանային նորան իսկականիցը զանազանել: Մի և նոյն հեգնական կերպով ասուած խօսքերը քանիցս հեղ կրկնեցիր ինձ պաղ արեամբ, երբ գործակից և արբանեակ այդ վհուկի սիրովը զրգռեալ ուղում էի վայելել նորան: Մի տոփայոյզ անբան էի դարձել, բոլոր ցանկութիւնս և նպատակս մի էր—ունենալ այն կնոջ, և այդ բանի միակ միջոցն էր շատ փող ունենալ. բայց ինչպէ՞ս, ի՞նչ կերպով և ո՞ւրտեղից ճարէի: Կուրացեալ և շուարեալ խորհած ժամանակս՝ դու օգուտ քաղելով իմ սոսկալի դրութիւնից, արբածի վիճակիցս, եկար կրկին իբրև չարութեան ողի, օձի՝ նման սկսեցիր Ֆշալ ականջիս՝ համոզելով ինձ, որ կեղծ թղթադրամ շինելը մի յանցանք չէ, թէ կայսրը փող շատ ունի.... մեղքը աղքատին դողանալը չէ,



այլ Հարուստինն է: Ես կրիտստովանիմ, [Թոյլ գտնուելով, լսեցի քո աղետաբեր խորհրդին, միջամուխ եղայ այդ ձեռնարկութեան: Այն ժամանակ դու ինձ օգնեցիր կնոջդ փողերով, գործատունս Հաստատելով առանձին մի տան մէջ և ամեն զգուշութիւն ի գործ դնելով, որ չեմացուին քո ինձ Հետ ունեցած յարաբերութիւններդ: Յետոյ իմացայ նաև, [Թէ ինչո՞ւ իմ նամակացս գրութեամբ չէիր պատասխանում և [Թէ ինչու այրում էիր իմ նամակները.... Ունէիր նոյնպէս մարդիկ, որոնք պատրաստի շինուած կեղծ [Թղթադրամները զանազան տեղեր փոփոխում էին իսկականների Հետ, որոնց անշուշտ քո մօտդ էիր Հաւաքում, իբրև ընկեր, Հէ... Առաջին փորձերը յաջող անցան և մի քանի անգամ տուիր ինձ իմ անարդ աշխատութեանց մի մասը, և արբանեակդ սկսում էր նուազ Հակառակիլ ինձ.... Մէկ օր էլ յանկարծ, չգիտեմ ինչպէս, ոստիկանութիւնը պաշարեց իմ գործատունը, ուր միայն ես կայի պարապած իմ վատթար վճարմունքով, ձեռքերս կապեցին և նետեցին ինձ ի բանտ.... Մի ամսի չափ տեւեց դատատանս, այն միջոցին մատնեցի քեզ դատաւորաց, բայց նոքա ոչ քո ընթացքին և ոչ մօտդ գտնուած [Թղթերի մէջ մի որ և է փաստ կամ մեղսակցական ապացոյց չգտնելով՝ ազատ [Թողուցին քեզ: Այդ վՀուկ կինը և արբանեակներիցդ երկուսը փախած, աներեւութացած էին: Բայց այժմ նա այստեղ է գտնվում և մատնուած ոստիկանութեան, որն որ յանկարծուստ կ'երթայ այս գիշեր [Թղթերը ձերբակալելու և նորան Հարցաքննութեան ենթարկելու: Անշուշտ, նորանից ինչպէս էլ որ լինի, կ'իմանան քո մասին տեղեկութիւններ, որից դու վախենալով ուզում էիր ամուսնանալ Հետը, ճանկերիդ մէջ առնել ամեն մի բոլակ քեզ խայթել սպառնացող [Թունաւոր օձը: Եւ յետոյ.... Հօրս իմ վերայ կարգացած անէծքին մասամբ դու մասնակից ես, և ահա եկաւ այն բոլակն, որ օձը [Թոյնը [Թափէ,

որոյ միջնորդութեամբ սորանից 6 տարի առաջ ինձ այն-  
տեղ ուղարկեցիր: Հայրս մեռաւ.....

Գողթունի ցրտասարսուռ կրդողար և հագիւ հազ  
կարողանում էր արտասանել.— ո՛չ, ո՛չ, նա չի յանդգնիլ  
ասել այդ բոլորը, անկարելի է այդ, սո՛ւտ է, սո՛ւտ...  
Աշխտեղ գնալուդ պատճառը քո անխոհմտութեան հե-  
տեանքն է, դու ստում ես:

— Ո՛չ, ո՛չ, ընդ հակառակը, ճշմարտութիւն եմ ասում,  
այնպէս հաստատ, ինչպէս իմ վեց տարուայ տանջանքս  
ու տագնապս: Այո՛, բանտարկուեցայ ես այնտեղ, որոյ  
տեսքը ամեն արդար հոգւոյ սարսափ ազդէ, այնտեղ, ուր  
փոխանակ սփոփիչ առանձնութեան յանկարծ ինկայ բնիկ  
դաւաճան ոճրագործների բազմութեան մէջ, որք վարվում  
էին հետս, ինչպէս իրենց հաւասարի հետ: Սկզբում չէի  
կարող զայրոյթս սանձիլ և ամօթահար՝ արիւնս գլուխս  
կըբարձրանար. այդ տագնապայոյզ կեանքին մէջ հիւան-  
դացայ.... սակայն Սատուած չկամեցաւ իմ մահս, երկար  
տևեց ապաքինութիւնս: Ամենայն օր կրտեսնէի ինձ շրջա-  
պատուած եղեռնատիպ պատկերաց ստուկներով, կըլսէի  
հայհոյութիւնք Սատուծոյ դէմ, ամեն լոպէ յիշոցք և  
ազատելի խօսքեր.... Հողիս դժուարաւ կըհանդուրժէր այս  
բոլորը, և սիրտս տանջանօք կ'ընդունէր իւր մէջ այդ տեղի  
դարձահոտ և տպականեալ օդը, որ ստիպուած էի շնչել  
շաղախեալ անիծիւք և վրէժխնդիր բողոքանօք ընդդէմ  
մարդկային դատաստանի: Սակայն խեղճ հօրս զգօն խրատ-  
ները, իբրև սկզբունք սրտումս արմատացած (որք առ ժա-  
մանակ զրդուում էին մի մեղսալից ջերմի կրակով), յան-  
կարծ երևան ելան և փոխանակ իմ թշուառ բանտակցաց  
նմանելով՝ աշխատեցայ նորանց համոզել ի բարին, խրատել  
և մխիթարել, և փոխանակ զգլուխքի միմիայն ցաւակցու-  
թիւն զգացի նոյա վերայ.... Սակայն մի նպատակ ունէի,  
մի յոյս, այն էր՝ փախչել կալանքից և հօրս գերեզմանին

վերայ երգուեցայ՝ քեզ գտնելով, վրէժս առնել.... Հինգ տարիներ անցան, տանջանաց ու անձկութեան հինգ տարիներ, բայց ես յոյսս չէի կտրում.... Մի երեկոյ՝ դաշտային աշխատութիւնը աւարտելուց յետոյ՝ կալանաւորաց խումբը, որ քառասուն հոգւով էր բաղկացած, ի բանտ վերադառնային, և դրան մօտ ըստ սովորութեան երբ կրկին համարելով ներս թողնէին մի առ մի, փոխանակ քառասունի դասն միայն 39 հոգի. քառասներորդը աներևութացել էր: Այն ժամանակ միայն յայտնի եղաւ փախուստս, բայց ես արդէն շատ հեռու էի:

Աստուծոյ միայն յայտնի է, թէ ինչ քառմեկուցիչ երկիւղ, հոգ ու տառապանք եմ կրել, ինչ արգելքների եմ յաղթել, մինչև որ ինձ որոնողների սահմաններից դուրս ելայ, նոցա հսկողութիւնից կարողացել եմ աղատել ինձ: Որքան խորամանկութիւն և զգուշութիւն եմ ի գործ դրել քո մասին տեղեկութիւնների առնելու, միով բանիւ քեզ գտնելու համար.... Եւ վերջապէս իմացայ, որ այդ դիպուածից յետոյ՝ զույգ ամաչելով կամ արբանեկիդ հնազանդելով, եկել ես այստեղ, քաղաքացի ես դարձել, կնոջդ փողերը լիովին կողոպտելով (որ իբրեւ օժիտ և աղջկանը պահում էր), հիմնել ես այս գործատունը և արտաքին պաշտպանողական ձևերով ու բարեգործի կեղծ վարմունքով, շատերի առաջ պատիւ և յարգանք ես ունեցել... Ահա մի տարու մօտ է, որ հետևում եմ քեզ քայլ առ քայլ, դիտելով բոլոր վարմունքդ և յարմար ժամանակի սպասելով, որ յայտնուիմ աչացդ: Այստեղ իմ ուխտս կատարելուց յետոյ՝ պիտի գնամ Տփղիսից, որպէս ղի կորած քոյրս որոնեմ և գտնեմ: Բայց նախ պէտք է, Սնդիկաս, որ քեզ հետ վերջացնեմ հաշիւներս:

Անդրէաս, այսինքն Գողթունին, զարհուրանօք, ակռաները պինդ սեղմած, մինչև վերջը առանց շունչը ազատ առնելու, լսում էր Սրտաշի արած պատմութիւնը, որոյ



փրփրած բերանից կայծակի նման ինկնում էին բառերը, դողում էր բոլոր մարմնովը: Սակայն զգալով իւր մօտալուտ կորուստը, ուզեց մի վերջին փորձ անել, գիմելով Արտաշի բնական զթասարտութեանը, և մի երկչոտ շան կաղկանձող ձայնով և աղաչական հայեացքով՝ նայեց Արտաշին և ասաց.

— Կարող ես ինձ սպաննել, թալանել, պատառ պատառ անել, կարող ես վերջապէս լիովին օգտուել առանձին, անօգ վիճակիցս, գիշերուայ մթութիւնից: Բայց դու մոռացար, որ ես մի աղջիկ ունիմ.... և դու, կորցնելով հօրը, կարող ես պատճառ դառնալ աղջկանը մահուան: Գիտես, որ նա հիւանդոտ է արդէն, և մի քանի օրից պէտք է հարսանիքը կատարուի: Արդէն ամենը պատրաստ է, ի՞նչ պիտի ասեն մարդիկ, եթէ նորա և իւր հարսանեաց խորանին մէջտեղ գտնին իւր սպաննած հօր դիակը.... Մտածիր մի անգամ այն ողորմելի աղջկան վիճակը. ի՞նչպէս պիտի կարողանայ տանել այնուհետեւ այդ ամօթն ու ցաւը, ինչպէս....

Արտաշի յանկարծական բռնն մի ծիծաղը Սնդրէասի կոկորդի մէջ ձայնը կարկեց: Արտաշ ուղիղ և ցասկոտ նորա աչաց մէջ նայելով, մռնչեց.

— Ե՛հ, բաւական են կեղծաւորութիւն և նենգ: Կարծում ես, որ ինձ էլ կարելի՞ է խաբել. կարծում ես, չգիտե՞մ որ աղջիկդ հակառակ իւր ցանկութեան և կամքին ուղղում ես հնազանդեցնել քո ցած շահերիդ համար, բարի հայր ձեռնալով, ինչպէս որ միշտ բարի տէր ես ձեռացել, միամիտներին խաբելու ու բարեգործի դիմակին տակ գայլի ըէխդ ծածկելու համար.... Կարծում ես, թէ անտեղեմի եմ գործերիդ, չգիտե՞մ թէ ինչպէս տանդ երկու սպասուհիները բռնաբարեցիր և երեքը հարսնացուցիր: Նոցանից մինը քեզանից մի զաւակ ունեցաւ, որ իսկոյն աներևութացաւ.... Այդ քո գործաւորներից լսեցի

անձամբ, որոց երկուսին դասն էլ պաշտպանել տուիր քո ծախքով՝ նոցա լուսթիւնը շահելու համար, որովհետեւ նոքա կարող էին մի որ և է արատ բերել բարերարի համբաւիդ: Ե՛հ, ինչպէ՞ս է, հաւանում ես տեղեկութիւններիս. այժմ ինձ էլ կարո՞ղ ես խաբել.... յիմար կեղծաւորութեամբ, աղջկանդ ետեւ ծածկուելով՝ նորան պաշտպանել ձեռնարկելով.... Ա՛յ, ընդհակառակն, քեզ կորցնելով, իմ նպատակս է գոնէ անմեղ աղջկանդ փրկել և քեզ դնել այդ վեճակին մէջ, որ չկարողանաս հասնել նպատակդ իրագործելուն:

— Ահա՛ ուրեմն,—գոռաց Սնդրէաս, երկաթէ արկղին բանալին նետելով զրասեղանին վերայ,— առ ահա, սա չէ՞ միթէ պահանջածդ. առ, գողացիր.... բայց լռէ՛....

Արտաշ լուրջ բարկութեամբ ժպտելով պատասխանեց.

— Այդ խօսքը մի ուրիշի բերանից մի արիւնաղանգ նստատիւք կարող եմ համարել, այլ քեզանից լսելը շատ բնական է: Բայց հասկացիր գոնէ մի անգամ ընդ միշտ, որ իմ նպատակս քո փողերդ կամ հարստութիւնդ գողանալ չէ՛:

— Հապա ի՞նչ ուրեմն:

— Ահա այժմ կըտեսնես:

Արտաշ մի չուան առաւ, սեղմեց ակոսների մէջ և երկու զօրեղ ձեռքերով զսպելով Սնդրէասի, որ ստատիկ ճգամբ կ'ուզէր զիմադիր լինել, բռնի նստեցուց նորան բազկաթոռի վերայ և այնտեղ նորան այնպէս պինդ կաշկանդեց չուանով, որ չկարողանայ շարժիլ: Յետոյ առնելով բանալին, բացու արկղը և հաւաքելով զանազան ոսկի ու արծաթէ իրեղէններ, սկսեց պատուհանից մի առ մի ջուրը գցել նորանց. ոսկի ապարանջանք, զինտեր, բրօշ և ականակուռ զարդեր, զոհարեղէնք, անձրևի պէս գետն էին թափվում մինը միւսի ետեւից, մի խուլ ձայն հանելով ու պղպջակներ կազմելով ջրին մէջ, և գետը

դարձեալ կրչարունակէր իւր անտարբեր ընթացքը, իրայ պատկանը ստացած պարտատէրի նման:

— Սոքա կնոջդ հարստութեան յետին մնացորդն էին, — ասաց Արտաշը, — որոյ մի մասը ուզում էիր անշուշտ աղջկանդ օժիտ տալ. բայց այլ ևս չկան. թաղեալ մեռեալին հարստութիւնը այժմ նորա հետ թաղուեցաւ, անյայտացաւ... Այժմ դանք ամենակարեւորին:

Գողթունի ոչ ձայն ունէր, ոչ էլ շարժում էր. մի թանձր քող կարծես մթադնել էր իւր մտածելու և դատելու կարողութիւնը: Աչքերը մեծ մեծ բաց արած՝ անստոյգ հայեացքով նայում էր Արտաշի վերայ, որ ստուերի նման մունջ ու լուռ ման դար ու շարժէր, մի ահագին հսկայի ձևերն ու մեծութիւնը ստանալով, անյողդողդ կերպիւ քանդում ու կործանում էր Անդրէասի կեանքը, ապագայ յոյսերը, ապրուստը, միով բանիւ ամեն բան: Չուրը իւր պաշարը առնելուց յետոյ՝ կարգը կկած էր կրակին, որ սկսեց կատաղաբար ճարձատելով սպառել ու մոխիր դարձնել հազարաւոր լուբլինների արժողութեամբ թղթադրամներ, պարտամուրհակներ, դաշնագիրք, վիճակախաղութեան տոմսակներ և մինչև իսկ հրաւիրատուները, — բոլորը, բոլորը կատաղի մոնչմամբ ոչնչացնում էր բոցը: Արտաշը կանգնած էր կրակին մօտ, իբրև մի դժոխային պաշտօնեայ, մահաժիծաղ երեսով, որոյ աւելի մի խօլական երևոյթ էր տալիս բոցի անդրադարձումը, որ նա արծարծում էր ի վնաս Անդրէասի, նորա գոյքը պաշար տալով իւր ճարտիղ բոցերին:

Անդրէաս խոկալով և անշարժ տեսնում էր այս բոլորը, ամբողջ արիւնը սրտում հաւաքած. գունատ էր, բերանից ժայթքած փրփուրին նման, որ շթանցը անկիւնից մինչև սև զգեստի ծալքերին վերայ տեղ տեղ սպիտակ բիծեր էր կազմում: Կորսուած էր անդարձ և անյոյս... Ամբողջ գետը եթէ արյունը դառնար իւր աչքերում, չափով



կարողանար ամօքել յուսահատութիւնն ու կասաղութիւնը. նոյն իսկ այդ մահառիթ բոցերի ջերմութիւնը կարող չէր ցամաքեցնել իւր արտասուքը, — զգում է, որ անցոյս կորած է: Աչքի առաջ տեղի ունեցած տեսարանը մի երազ չէր. նա դեռ տեսնում է այրուած Հարստութիւնը, սեցած մոխրադէղը, այնտեղ է դեռ զարհուրելին Արտաշ, անողոք վրէժինդիր, որ ծաղրելով նայում է նորա երեսին: Այլ Անդրէաս, չկարողանալով այլ ևս տանել այդ քստմնելի և կասեցուցիչ հայեացքը, բոլոր թութերի ուժովը սկսեց մռնչել, կերկրեալ և հոգէվարքի ձայնով.

— Ինչո՞ւ Համար... ինչո՞ւ Համար... — Եւ արտասուաց ահաղին մի հեղեղ, կարծես արեան փոխուելով, լքցվում էին լայնաբաց աչքերին մէջ, կարմրացնելով նորանց, երբ շրթունքները արտասանէին. — Անիծեալը... անիծեալը... Խհհ... ի՞նչ նպատակաւ... անօրէ՛ն...

— Հա՛, հա՛, հա՛, — դուաց Արտաշ, — Ի՛նչ նպատակաւ... Այն նպատակաւ, որ՝ եթէ հրաշքով ազատուիս դատապարտութիւնից, այլ ևս բարեգործ չձևանաս. այն նպատակաւ, որ այսուհետեւ չխաբես ուրիշներին, չձևանաս կեղծ աղքատէր, խարդախ մարդասէր: Վերջապէս այն նպատակաւ, որ ապրելով աղքատ և դատապարտուած, դոնէ մի փոքր ճաշակ կարողանաս առնել այն տագնապայցոյզ վշտերից, որ այլոց և մանաւանդ ինձ պատճառեցիր չկարողանաս էլ այսուհետեւ ժառանգութիւն թողնել աղջկանդ այնպիսի մի Հարստութիւն, որին նա զղուամօք պիտի մերժէ, տեղեկանալով նորա աղբիւրը, և չկարողանաս մինչև անգամ կաշառել նորանց, որոնք շուտով դանքիւ ևս ձերբակալելու այն լոպէին, երբ ևս այստեղից շատ հեռու կը լինիմ:

Արտաշ մի անբացատրելի կերպով ծիծաղեց, որ նմանում էր պողպատի կամ յախճապակեայ մի անօթի վե-

րայ քսուած խարտոցի, կամ պողպատի ձայնին: Այդ ծի-  
ծաղը արմատից դողացուց Անդրէաս Գողթունու ջղերը,  
որ մի յետին և գերագոյն ոյժ տալով ինքն իրեն, թո-  
թուեց իւր բազկաթոռին մէջ, իբրև թէ կամենար իրեն  
կաշկանդող կապերը խզելու և բազկաթոռը հետը քարշ  
ածելով, յարձակուիլ Արտաշի վերայ, երբ յանկարծ հա-  
ւասարակշռութիւնը կորցնելով, գետին գլորուեց մարմնոյն  
և բազկաթոռին բոլոր ծանրութեամբը: Իսկ Արտաշ՝ հո-  
դէառ հրեշտակի նման յաղթական մի վայրագ ծիծաղ  
արձակելով, աներևութացաւ այնտեղից:

Այս սոսկալի երեկոյից երեք ամիսներ անցան: Մի օր  
Դժօրցովայեա փողոցին ճիւղեաց անցքերի մէջ անց ու  
դարձ անող հետաքրքիր մարդիկ՝ աչքերնին շփելով և ա-  
պուշ ու զարմանաց հայեացքով՝ տեսնն տասը սուսերաւոր  
զինուորաց մէջ շրջապատեալ Գողթունին, այն բարերար  
աղան, կալանաւորի կապան հագած, ոտքերը շղթայակապ՝  
հինգ ուրիշ կալանաւորաց հետ անցնելը, համարձակ և  
հաստատ մի հայեացք տալով իւր շուրջը: Անդգամութիւնը  
գեռ նշմարվում էր այն կարծր, նիհար ու ոսկորոտ երե-  
սին վերայ, ուր իւր վաղամեռիկ աղջկան յիշատակն ան-  
գամ չէր կարողացել ցաւոց մի հետք դրոշմել, և որոյ  
սուգն անգամ պահելու անզգայ և անարժան էր:

1885 թ. 16 Սեպ.

Տաղանթօղ.

Պ. Հ. Ա. ԴԱՄԵԱՆ.



ՄՏԻՐ ԿՈՒՍԱՍՏԱՆ.

Մօրդ համբոյններով պտերդ են շէկնած,  
Երկնային ոսկւով նուրբ մազերդ օծած.  
Եւ գունատ մարմնով զինչ շուշան, ծաղկունք,  
Ոտից մինչ ՚ի գլուխ քաղցր ես, երգոց խունկ.  
Այլ թէպէտ լինիս ամաց վեշտասան՝  
Մտի՛ր կուսաստան:

Հաղուազիւտ բոյսերն խնամքով միշտ պահուին,  
Որ չինի տաքից, կամ ցրտից վնասուին.  
Բայց քեզն նըման բոյսիկն՝ որ հազիւ  
Տեսել է զարնանց մի շատ փոքրիկ թիւ՝  
Որոյ լոկ վայել է զրախտ և բուրաստան,  
Մտի՛ր կուսաստան:

Այն պարզ, անթառամ ժրպիտն որ ունիս,  
Նըման երկնային հոգւոց, նազննիս,  
Քոյրերն քո, եղբարք, որոց թողել ես,  
Կրկին նոցա մօտ դառնալ թէ չուզես,  
Գիտցի՛ր, որ յերկրումն իշխէ չար սատան,  
Մտի՛ր կուսաստան:



Անցեալ հոգեղէն կենացըդ վայելք  
Թողել են քո վրայ անջնջելի հեաք.  
Ո՞ր անդուծ սիրտը վասն իւր հաճոյից  
Մահացրել է քեզ 'ի կեանս այս թախիծ,  
Որոյ անորոշ, մոլծ է ապագան.

Մտի՛ր կուսաստան:

Մեր իւրաքանչիւր սէլն երբ յազենայ,  
Կարծես մի հրեշտակ յերկինս մահանայ.  
Յաշխարհ զայ բռնի մարմնով սիրաւանդ,  
Յղանայ ի ցաւս մեղսակիցն արգանդ,  
Եւ հրեշտակըն մարդ դառնայ յետ անկման.

Մտի՛ր կուսաստան:

Արարիչն Աստուած իւր փառքիցն անհուն  
Երբ մարդուն նուիրէր ի դրախտ ի զարուն,  
Նախապէս ասաց. «որ զգոյշ լինի  
Ուտել զարգելեալ պտուղն սիրայնի»...  
Օձի խորհուրդ է ծնունդը մարդկան.

Մտի՛ր կուսաստան:

Զի կայ մի ծաղիկ, վարդ մ'անուշահոտ,  
Որ առանց աղբի դարշաբոյր ցիխոտ  
Մնանի ու բուրէ, ժպտի երփներանդ,  
Ճոխ բնութեան դառնայ հարս և զարդարանք.  
Փտտութիւն սիրեն մարդն ու ծաղկաստան.

Մտի՛ր կուսաստան:

Շատ հեղ էլ մարդըս, նրման Համլէթի,  
Խոկմանց, վշտերու կրդատապարտի.  
Խմելով ծծէ մրուրն բաժակին,  
Եւ երբ հասկանայ կեանքն ու նորա գին,  
Յոյց տայ անմեղին փրկութեան ճամբան.

Մտի՛ր կուսաստան:

Եւ ինչո՞ւ իրօք կեանք տալ թշուառին,  
Գուցէ առանց նրա ցանկութեան, կամքին,  
Ու գլորել նորան ի մահի՞ճ վշտաց,  
Որ յառագաստում ի քիւրտ տրփանաց  
Յագենայ զրգիւն մեր վայրկենական.

Մտի՛ր կուսաստան:

Շուտ հասնի ժամը, յոր կեանքն էլ խաղաղ  
Խեռ կրից եւ զգացմանց դառնայ դառըն խաղ.  
Մի ժըպիտն անթիւ արցունքով, ցաւով  
Հարկադրի զընել, եւ կենաց ի ծով  
Մահն է սառնասիրտ լոկ մեր ապաստան.

Մտի՛ր կուսաստան:

Այս աշխարհում միայն կրքերն տան պսակ  
Ունակութեանց բիւր, լիւրք եւ անառակ.  
Նենգ, առելութիւն, զրպարտանք, ոճիր,  
Մարդու միտքն-հոգին ծալլեն ի կնձիւ,  
Զի դժոխք այս տե՛ղ է դրած իւր պատուանդան.

Մտի՛ր կուսաստան:

Արդեօք պիտ լինի՞ս այնքան բաղդաւոր  
Գանեղ սիրոյդ մէջ զէթ մի ուրախ օր,  
Կամ զաւակիցդ երբէք պիտ խնդամ.  
Գուցէ դեռ զրկումդ նորա մահն ողբաս,—  
Միմեանց շատ մօտ են շիրիմն եւ օրսան...

Մտի՛ր կուսաստան:

Թէ մի մարդ հարուստ, այլ ծեր եւ անպէտ  
Քեզ ընկեր ընտրեն, հնազանդիս թէպէտ,  
Այլ սրտով սիրես պատանին գողտրիկ.  
Բնական է այդ... բայց... քեզ կոչին պոռնի՛կ...  
Իրենց մեղքն մոռցած՝ քեզ միայն վայ կըտան.

Մտի՛ր կուսաստան:

Կամ նրման իբրև մի նոր Փիւլէթի՝  
Գանես Ռօմէօզ ընտրեալն քո սրտի,  
Երբ ի սէր, ի յոյս ըղանաք միասին,  
Նոքա տեղի տան խկոյն զգուանքին,  
Զի հեշտութիւնք սէրն դընեն ի դամբան.  
Մտի՛ր կուսաստան:

Ինչ որ ես, ջանս նոյնը մընալ միշտ,  
Երկնային սիրով՝ կուսութեան նաժիշտ.  
Մի՛ գերել անձրդ երկրիս կըքերուն,  
Զի նոքա փոխեն զանմեղըն զուարթուն  
Անկեալ մի ոգւոյ, սէգ ամբարտաւան.  
Մտի՛ր կուսաստան:

Կ'ուզէի սիրուիլ... սիրել կոյսդ ամբիժ,  
Զը սարսափէի թէ ապագայից,  
Բայց սիրոյ կրակը գուցէ մեզ խանձէր  
Եւ հաճոյքի տեղ տար անբոյժ խոցեր,  
Արեամբ ներկելով պըսակդ հարսնական...  
Մտի՛ր կուսաստան:

Դորա համար իսկ չի պահանջիցի  
Ո՛չ սէրդ և ո՛չ քոյ կիւք կանացի.  
Ապաւինում եմ ես անմեղ հոգւոյդ,  
Փափաքիմ նորան ազատել ի փոյթ  
Երկրից, ուր չի կայ սիրոյ հրուանդան.  
Մտի՛ր կուսաստան:

Ահա և վանքի զանգակներն հնչեն,  
Ի սփոփանս, յաղօթս նոքա մեզ կոչեն.  
Կճեայ սառն ուրմունք տաճարին սրբոց  
Զովացնեն միշտ կիրքն ու սրտերի բոց,  
Ուր քեզ արժանի կայ աղօթարան.  
Մտի՛ր կուսաստան:



Դու փորձութիւնից կըմնաս այնտեղ զերծ՝  
Կուսական համեստ հազած ըզհանդերձ.  
Քո աղօթից մէջ յիշէ ինձ, ո՛վ կոյս,  
Թէ հէզ այս կեանքում, թէ շերմից յայնկոյս,  
Ուր միշտ մեզ հնձող գերանդին մահուան.  
Մտի՛ր կուսաստան:

Երբ արփիափայլ թեւերդ էլ պարզած  
Բարձրանաս, դիմես յերկինս առ Աստուած,  
Յիշէ ինձ կրկին Բարձրելոյն առաջ,  
Հաղորդէ նորան մեղացն իմ հառաչ,  
Յոյց տո՛ւր լուսահեա ինձ երկնից ծամբան.  
Մտի՛ր կուսաստան:

27 Յունիսի 1885.

Պ. Հ. ԱԴԱՄԵԱՆ:



ՄԱՆԿԱԿԱՆ ԹՈԹՈՎԱՆՔ.

Աշխարհիս վերայ մէկը կար միայն,  
Որ ինձ սիրում էր հոգւով անարատ.  
Նա իմ մայրիկն էր, իմ անուշ Աղին,  
Հոգուս ու մարմնուս ծնողն հարազատ:

Միտքս թռչում է միշտ դէպի երկինք,  
Երբ որ յիշում եմ մայրիկիս անուն.  
Այդ նորանից է, որ չեն երկրային  
Ոչ նորա ըստինք, ոչ նորա լեզուն:

Նա ինձ կաթ տուաւ, տուաւ և լեզու,  
Մինք քան զմիւսն աւելի անուշ.  
Մէկով իմ փափուկ մարմինն էր սնվում,  
Միւսով զարգանում իմ հոգին քնքուշ:

Ի՛նչ կայ այնքան քաղցր ու սննդարար,  
Որքան անարատ կաթն է մայրական,  
Ո՛վ կարէ խօսիլ այնպէս սրտաբուղիս  
Ինչպէս որ մայրն է թոթովում մանկան:

Կարծես հիմա էլ տեսնում եմ մօրբս.  
Ես իբրեւ մանուկ գրկումն եմ ահա.  
Նուրբ շրթունքներին զարկում է մատով,  
Որ իւր հետ ձայնեմ «աղփ» կամ «աաա»:

Ես թոթովում եմ. հրճվում է մայրըս,  
Իմ մէջ տեսնում է շնորհքի նշան,  
Զար աչքից ազատ պահելու համար՝  
Վերաս կարում է պէսպէս թալիսման:

### ՅԻՄԱՐ ՈԶԽԱՐՆԵՐ

(առակ մեծերի համար).

Նատ, շատ տարիներ սրանից առաջ լեռնաւանդ երկրներում ապրում էր մի խաշնարած և Սատուծոյ ողորմութեամբ ապրում էր բաղդաւոր ու երջանիկ: Միշտ առողջ, միշտ ուրախ և զոհ իւր ճակատադրից, նա սիրում էր իւր ոչխարները, իւր դառնուկները, փայփայում էր նոցա, պահպանում էր թշնամի գայլերի յարձակումներից և այդպէս խնամելով իւր հօտը, նա օրէ ցօր աւելացնում էր նորա թիւը, աճեցնում էր նորան.... Եւ ոչխարները հասկանում էին այդ, տեսնում էին բարեսիրտ խաշնարածի իրենց վերայ ունեցած հոգսը և իրենց ոչխարային սրտի խորքերում տածում էին դէպի իրանց հովիւը սիրոյ և երախտագիտութեան ամենավառ զգացմունքները: Եւ ինչպէ՞ս կարող էին նոքա ապերախտ մնալ դէպի իրենց միակ պաշտպանը.... Ճշմարիտ է, որ այն Հին, անցած-գնացած ժամանակներում ևս, ինչպէս և մեր օրերում, ոչխարները չունէին բախտաւորութիւն մարդկային սեռին պատկանելու, և ուրեմն նոցա երախտագիտութեան զգացմունքը այնքան նուրբ և զգայուն չէր, ինչպէս մերը, բայց այնու ամենայնիւ նոքա լաւ էին տեսնում և հասկանում, որ իրենց խաղաղ և անդորր կեանքի, իրենց երջանիկ և ուրախ օրերի միակ պատճառը—իրենց խաշնարածի քաջութիւնը, խելքը և բարի սիրտն էր, և մանաւանդ, որ այդ բաղդաւոր ոչխարները ամէն բոլորէ կարող էին համոզուել երևոյթի ճշմարտութեան մէջ.... Հարկաւոր էր միայն մի փոքր դիտողութիւն, լինի դա անգամ ոչխարային դիտողութիւն, հարեանցի համեմատելու իրենց անձնական կեանքը ուրիշ, օտար ոչխարների կեանքի



Հետ, ոչխարների, որոնք իրենց խաշնարածի անհոգութեան և նորա այլ և այլ բարոյական պակասութիւնների պատճառով համարեա ամէն մի բոպէ գողրւմ էին իրենց ոչխարային հողիների ապահովութեան մասին: Իսկ շատ անգամ, երբ նոքա վհատած, ուժից ընկած, անզօր պաշտպանվում էին իրենց ռիսիւրիմ թշնամիներից, նոցա բորբոքուած ուղեղում ծագում էր մի սուր, տանջող միտք.

— Իրաւ.... ունինք արդեօք իրաւունք ապրելու.... թէ.... թէ....

Եւ այդ իսկ միջոցին խեղճ ոչխարը սարսափելով վերջացնել իւր խօսքերը, փակում էր իւր յուսահատ, լայնացած, շաշ աչքերը և սարսուռով անձնատուր էր լինում գայլի արիւնհազեա ճանկերին.... Գտնում էր նա այնտեղ իրեն մաշող հարցի լուծումը,—չգիտէնք....

Ահա այդ «ունինք արդեօք իրաւունք ապրելու.... թէ....» երբէք չէր անցնում մեր երջանիկ ոչխարների մտքով, երբէք: Նոքա ծնվում էին, ապրում էին, մեծանում էին, ծերանում էին և սատկում էին, ճշտապէս կատարելով հինաւուրց Աստուածային «աճեցէք և բազմացարժէք»-ի օրէնքները և պահանջները առանց որ և է հարցերի, մտատանջութիւնների և տարակուսանքների: Առանց երկբայելու նոքա առնում էին կեանքից միայն այն, ինչ որ տալիս էր իրենց և աւելի քաջ, քան թէ XIX դարում, երբ ոչ թէ քիչ շատ պատուական ոչխարը, այլ մինչև անգամ յետին տղրուկը և ճանճը ունին իրենց անխախտ համոզմունքը, ասում ենք, աւելի քաջ մեր հերոսները համոզուած էին, որ այդ այդպէս էլ պիտի լինի, որ երջանկութիւնը այս աշխարհումս մշտնջենական է և իրենց, ոչխարների, ճակատագիրն է, որ այդ ամէնը շատ բնական է և իբրեւ նոյն իսկ բնութեան օրէնք կարող չէ լինել այլապէս:

Եթէ մինչև անգամ մէկը աշխատէր ձգել նոցա ոչխա-

րային սրտերում տանջող երկբայութեան սերմը, մենք Հաւատացած ենք, որ նորա, այդ մէկի, ջանքերը կը մնային ապարդիւն և մեր բաղդաւոր, երջանիկ ոչխարները՝ պինդ ծիծաղելով Հարցնողի երեսին, անպատճառ կ'ասէին.

— Արդեօք առողջ էք, պարոն...

Եւ այդ «արդեօք առողջ էք, պարոն» այնպէս կ'ծու, այնպէս հեգնօրէն արտասանում էին համոզմունքի տէր և բաղդաւոր համարուող ոչխարները, որ Հարցնողը սկսում էր տեղն ու տեղը կարմրել և ամաչելով խոստովանում էր, որ, իրաւ, այդ ջանքերը և անտեղի են և յիմար....

Եւ այսպէս ուրիմն երկբայող պարոնը Հիւանդ է և մեր ոչխարները բոլորովին, բոլորովին բաղդաւոր....

Բայց «ամէն սկզբունք ունի իւր վախճանը» — ասած է դեռ Հին ժամանակներում և այդ փիլիսոփայութեան ճշմարտութիւնը զգացին տարաբախտաբար և մեր ոչխարները:

Անցան բաղդաւորութեան, ապահով երջանկութեան օրերը և անդարձ տարան իրենց հետ ժամանակով խեղճ, բարեսիրտ խաշնարածի, և՛ խելքը, և՛ քաջութիւնը, և՛ բարեսրտութիւնը: Մերացաւ, պառսուեց խեղճը, ընկաւ ուժից, կամայ-ակամայ թողեց իւր պաշտօնը, իւր խնամատար հովանաւորութիւնը և քաջուեցաւ մի կողմ, հլու համբերութեամբ սպասելով ահաւոր մահուան անխիղճ մանգաղին...

Եւ մի գեղեցիկ օր մեր ոչխարները մնացին բոլորովին որբ:

Խաշնարածը մեռաւ:

Երեսի վերայ թողնուած հօտում սկսուեցան տրտունջ, անհամաձայնութիւններ, երկպառակութիւններ....

— Ի՞նչ կըլինի մեր վեճակը... ախ, ի՞նչ կըլինի մեր վեճակը, տրանջում էին դեռ փոքրիկ, անզարգացած գառնուկները և յուսահատ նայում էին մեծերի երեսին: Մեծերը

արձակում էին մի ինչ որ է անորոշ, խուլ Հնչեւն, որ կարելի էր թարգմանել և «այո» և «ոչ»-ի և մի անբնական, կեղծ, շինծու սառնասրտութեամբ դիտում էին փոքրիկ, շուարած գառների անհանգստութիւնը: Բայց այդ սառնասրտութեան, այդ կարծես անվերջով հանգստութեան տակից յայտնի երևում էր և նոցա, այդ մեծ ոչխարների, անսովոր յուզմունքը: Եւ նոքա նոյնպէս տանջվում էին այդ «ախ, ի՞նչ կրկնի մեր վիճակը» — սարսափելի, անորոշ հարցով և նոյնքան ևս մեքենայաբար դարձնելով իրենց յուսահատ աչքերը մեծ և ծեր այծերի վերայ: Վզերը ճկած նայում էին նոցա երեսին, կարծես, այնտեղ որոնում լինէին իրենց մաշող հարցի լուծումը: Եւ, երևի, ժամանակով բախտաւոր ոչխարները գտնում էին այնտեղ, այծերի մօտ, իրենց փրկութիւնը, գտնում էին, որովհետեւ, ճշմարիտ, այծերը այնպէս անվերջով և հանգիստ պահում էին իրենց, այնպիսի մի հպարտ արժանաւորութեամբ շարժում էին իրենց երկար մօրուքը այդ համառոտարային տաքնապի միջոցին, որ մի ըռպէ անգամ կարելի չէր կասկածել նոցա մեծութեան և անվեհերութեան մասին, մանաւանդ որ այդ «անվեհերութիւնը» և «մեծութիւնը» խոշոր տառերով արձանագրուած էր նոցա լուրջ, խելօք, այծային ճակատների վերայ և միայն այդ փոքրիկ անհեռատես գառներն էին, որ չէին տեսնում այդ և 'ի զուր ընկնում էին յուսահատութեան և անվերջ տարակուսանքի մէջ:

— Էհ... չէ՞ք տեսնում... ի՞նչ է... մենք ենք ձեր միակ յոյսը և ապաւէնը... մենք ենք... միայն մենք... կարծես ասում էին այծերը մի այնպիսի վճռողական եղանակով, որ չէր պահանջում ոչ բացասական պատասխան և ոչ զանազան անտեղի «բայց»-եր, «'ի հարկէ», «սակայն»-ներ և այլն....

— 'Ի հարկէ, դուք էք... միաբերան պատասխանում



էին արդէն ծերացած, փորձառու ոչխարները և յանդիմանօրէն նայում էին փոքրիկ, անխելք, շաշուած լակոտների վերայ:

— Դուք էք... միայն դուք....

Եւ սակաւ առ սակաւ վախը, յուսահատութիւնը և մաշող, տանջող երկբայութիւնը հեռանում էր, անհետանում էր նոցա սրտերից և այնտեղ կրկին տիրում էր ճիշտ ոչխարային անվրդով, երջանիկ, խաղաղ անդորրութիւն: Իսկ այծերը ինքնահաւան բաւականութեամբ շարժում էին իրենց երկար, սրածայր, սպիտակ մօրուքը:

— Ահ, ի՞նչ կըլինի մեր վիճակը, ախ, յանկարծ լսվում էր լռութեան մէջ անփորձ, վախկոտ գառնուկների բոլորովին անտեղի արտունջը....

— Այծերն են մեր փրկիչները... այծերը, շնչասպառ գոռում էին ոչխարներից աւելի հեռատեսները և ցոյց էին տալիս այծերի վերայ:

— Ախ, ի՞նչ կըլինի մեր....

— Այծերը, այծերը, այծերը, անընդհատ լսվում էր ամէն կողմից:

— Բայց ախր մենք....

— Այծերը և մենք ձեռք ձեռքի տուած, եղբայրական սերտ կապերով կապուած... սկսում էին ոգևորուած մի ինչ որ ինքնամոռացութեան, զանցառութեան մէջ ոչխարները և ծածկում էին իրենց աղաղակներով գառնուկների թոյլ, անզօր ձայները և հեծկտանքը....

Եւ կրկին այծերը անվրդով, ինքնահաւան շարժում էին իրենց երկար, սրածայր մօրուքը....

---

Անցան օրեր, ամիսներ, և գառնուկները առաջին անգամ չէր, որ տխուր, յուսաբեկ, ճմլուած սրտով յիշում էին իրենց մեռած խաչնարածին: Ինքնավար այծերը, որոնց

Հեռատես և փորձառու ոչխարները ընտրել էին իրենց աէր և պաշտպան, 'ի դերև Հանեցին Հօտի յոյսերը, ապագայի բաղձանքները և ցանկութիւնները: Յր ըստ օրէ աւելի և աւելի յաճախ կրկնվում էին թշնամի գայլերի անակընկալ այցելութիւնները, օր ըստ օրէ սաստկանում էր նոցա անզուսպ, յանդուգն վարմունքը խեղճ, բայց ժամանակով բազդաւոր, ոչխարների հետ, օր ըստ օրէ բազմապատկվում էր նոցա չարաչար բռնաբարութիւնների և անմեղ զոհերի թիւը:

Դաշտում, ձորերում, անտառում՝ մութ, ամպամած զիշերները լսվում էր գառների և ոչխարների օրհասական, սիրտ պատառող բառաչումը. գայլերի արիւնսթաթախ ճանկերում էր լսվում և՛ խառնուելով մի ուրիշ անբազդի վերջին, մահուան խռմովոցի հետ, կրկնվում էր մի հեռու, խուլ և անորոշ արձագանքով....

— Իսկ այժմը....

Օ՜... այժմը, և ո՞վ կարող էր սպասել: Նոքա Հանդիսացան իբրև ամենաճարպիկ, քաղաքակիրթ այժեր: Նոքա մտերմացան թշնամի գայլերի հետ, զրաւեցին նոցա սէրը, համակրութիւնը և անընդհատ, պարբերական զիջումների, «պօլեաիկայ»-ի շնորհիւ կարողացան պահպանել իրենց կաշին, կեանքը, հոգին, բարբ ու վարբը և մինչև անգամ իրենց այծային ժողովրդական լեզուն և աւանդութիւնները: Նոքա հրապարակաւ խոստովանում էին, որ իրենց ընտրած ինքնավարութեան և միջազգային յարաբերութիւնների եղանակը հիմնուած է ժամանակիս քաղաքակրթութեան ամենաանհրաժեշտ պայմանների վերայ և կարող չէ լինել այլապէս:

— Իրերի այժմեան զրութիւնը, նկատում էին նոքա լըջօրէն, և բնութեան անխախտ օրէնքները ցոյց են տալիս մեզ, որ կեանքը մի անվերջ, սաստիկ պատերազմ է, ուր յաղթողը ուժեղն է, իսկ յաղթուողը—անզօրը....

օրինակ ձեզ Եւրոպան և Ասիան.... Ուրեմն եթէ ժամանակ առ ժամանակ մեր հօտից պակասում են ոչխարներ, որոնք զոհ են գնում յարդոյ զայլերի անմեղ ցանկութիւններին.... Բայց այդ իսկ լոպէին ձորում կրկին լսվում էր բառաչող ոչխարի վերջին օրհասական, խռպոտ ծիչը, և այծերը երևի աւելորդ էին համարում շարունակել իրենց պարզաբանութիւնները . . . . .

Եւ պակասում էր օրէ ցօր երբեմն ոչխարաշատ հօտը, անհետանում էին, փչանում էին ցեղային առանձնայատկութիւնները և դեռ, Աստուած գիտէ, ինչ հրաշքով, կենդանի մնացած, թշուառ, միշտ դողացող, միշտ շաշ ոչխարների և գառնուկների հիւանդ, լարուած, բորբոքուած ուղեղում շուտ շուտ անցնում էր միշտ տանջող, միշտ մաշող, բայց երևի և միշտ անպատասխան հարցը.

— Ունինք արդեօք իրաւունք ապրելու.... թէ.... թէ....

Գ. ԶՈՒԲԱՐ.





ԱՐԵՒԵԼԵԱՆ ԶՐՈՅՑ.

(Եզրէինովից)

Սիրուն, Հին Մօսուլ քաղաքում ապրում էր երբեմն մի վաճառական՝ Մահմէդ-Ալի անունով, որին ամէնքը յարգում էին: Երկինքը օրհնել էր նորան, տալով այն բոլորը, ինչ որ մարդուս հաճելի է, ինչ որ նորան ուրախութիւն է պատճառում: Հարիւրաւոր ուղտերից բաղկացած մեծ կարաւանները, որոնց ուղեկցում էին բազմաթիւ ծառաներ և ստրուկներ, աշխարհիս չորս կողմից բերում էին նորան երկրիս ամենալաւ բերքերն ու բարիքը: Մահմէդ-Ալին ամէն բան ունէր. Քիշմիրի քնքուշ ու նազուք գործուածքներ, Լնդկաստանի ակնեղէնների, Պամասկոսի պողպատ, Արաբիայի սիրուն նժոյգներ, Հեռու Հիւսիսից բերած սամոյրներ ու կղնաքիտներ, փղոսկր, համով-հոտով համեմներ, անուշահոտութեան առարկաներ, — ամէն, ամէն բան ունէր Մահմէդ-Ալին, ամէն բան նա ծախում էր իւր մայրենի քաղաքի փառքի, իւր և ժառանգների ուրախութեան համար: Բայց այդ ծերունին միայն հարստութիւնով չէր երջանիկ: Նա իմաստուն էր ու խելացի, և յաճախակի ինքը մեծ խալիֆը կանչում էր նորան խորհուրդ հարցնելու: Որ նա բաց սիրտ ունէր, բարի, պատրաստակամ և հիւրասէր էր, — այդ զիտէր համայն Արևելքը: Օտարականներից ոչ ոք չէ եղել, — ո՞վ ուզում է թող լինի նա, — որ անցած լինի Մահմէդ-Ալիի դարպասի մօտից և ծառաները տարած չլինին նորան ծերունու ամէն տեսակ առասպելական պաճուճանքներով զարդարուած դահլիճները: Մի դժբախտութիւն պատահած ժամանակ ոչ ոք չէ ստացել նորա մերժումը, այլ միշտ վայելել է նորա օգնութիւնն ու խորհուրդը: Ծերունու ապարանքում ամէն

բան կարելի էր գտնել, ինչ որ մարդիկ հնարել են մարմնի յարմարութեան ու բաւականութեան համար. նորա սիրան ու միտքը միշտ այն էին թելադրում, ինչ որ կարող էր հնարել մեծ ու լուսաւոր մարդու հոգին: Թէ՛ վաճառականներ ու զինուորներ, թէ՛ պալատականներ ու հասարակ մահկանացուներ, թէ՛ մուսուլմաններ ու այլադաւաններ, ով որ էլ գար նորան,—ամէնքը հեռանում էին, ապշած մնալով որպէս ծեր Ալեի հարստութիւնից, ճաշակից, բնակարանի ճոխութիւնից, այնպէս էլ նորա հասարակ վարուողութիւնից, մտքի, գիտութեան ու փորձառութեան առատութիւնից: Ով որ դուրս էր դալիս այդ հիւրասէր տանից, խնդրում էր, որ Նրկինքի օրհնութիւնը այդ տան վերայ լինի, և Նրկինքը խուլ չէր մնում դէպի մարդկանց աղօթքը. ժամէ ժամ հարստանում էր ծերուկը, օրէ ցօր մեծանում էր նորա փառքը....

.... Այնու ամենայնիւ ծերունու պարծանքը, յոյսն ու ուրախութիւնը երկու որդիքն էին, որոնք մեծանում էին տարիների ընթացքում, երբ ծերունին խոնարհեցնում էր իւր զրուխը դէպի երկիրը: Մեծ որդին, Ջաֆֆարը, բարձրահասակ, վայելչակազմ երիտասարդ էր. նորա հայեացքը անվեհեր էր, աչքերը—կրակոտ: Այդ երկաթէ կազմուածքին տիրում էր մի անհանգիստ, բորբոք հոգի: Մանկութիւնից արդէն նա ծարուի էր սխրագործութիւնների, վեհութեան, արտասովոր բաների,—նա ցանկութիւն էր յայտնում ամենից առաջ և ամենից բարձր լինելու: Ուրիշ էր միւսը, Նուրրէդինը. նորա մէջ միաձուլուած և միացած էին խաղաղ մտածողութիւն, հեղքնքշութիւն և հոգեկան բարութիւն: Եթէ առաջին նմանում էր կիզիչ կէսօրին, երկրորդը յիշեցնում էր մեղմ ու հանդարտ երեկոյ: Նրկունն էլ գեղեցիկ էին և սիրուն: Ջաֆֆարը սիրում էր զէնք, փարթամութիւն, շքեղութիւն և վտանգներ, որոնցից նա միշտ յաղթող էր դուրս գալիս. իսկ Նուրրէդինը

Հաւանում էր աստեղազարդ երկինք, լայնածաւալ երկնքի տակ հեղատաճ գետ: Փամբերով նա կարողանում էր կանգնել ապարանքի հարթ կտրին, երբ մութը պատում էր երկիրը, սուր ականջներով լսում էր գիշերուայ շշուկը և այդ ժամանակ նորա աչքերը՝ նորա խոշոր ու խոհեմութիւն արտայայտող աչքերը՝ ինչպէս լինում են առհասարակ արևելքի աղջկերանց աչքերը, մի առանձին փայլ էին ստանում,—նոցա մէջ բորբոքվում էր մի խոր միտք: Ծերուկը հաւասարապէս սիրում էր երկուսին և հպարտութեամբ նայում էր նոցա գեղեցկադէմ և վայելչակազմ հասակին ու ազնիւ երեսներին:

— Ես կամենում եմ մեծ լինել,—յաճախակի ասում էր Ջաֆֆարը իւր հօրը, և նորա գէմբը այդ միջոցին արտայայտում էր գոռ վտաահութիւն իւր ուժի ու քաջութեան վերայ. իսկ ձեռքերը վեր էին բարձրանում, ասես, մի զրաւիչ, վեհ բան էին ուզում բռնել:

— Դա հեշտ բան չէ, որդեակս,—հանգիստ պատասխանում էր հայրը, նայելով որդու գանդրահիր գլխին: Նրժուար է հասկանալ և գանել ճշմարիտ մեծութիւն ասած բանը:

— Ես ուզում եմ բարի լինել,—ասում էր Նուրրէդինը, նայելով փողոց, որ արեգակի անխնայ տօթից բոլորովին տաքացել էր, ինչտեղից յամբ քայլերով՝ բեռնուած ուղտերի հետ, կարդ-կարդ անցնում էին գլխաբաց ստրուկների, գնում էին ծառաներ, շտապում էին աղքատ կանայք չարսաւով ծածկուած: Ծերունին ոչինչ չէր ասում, պատասխան չէր տալիս,—նա միայն քնքուշ հայեացք էր ձգում պատանու վերայ:

Ջաֆֆարը արդէն տասն և ութ տարեկան է: Պատերազմից դըրդուած է թաղաւորութիւնը: Պատանին վաղուց կամենում է տեսնել իրադործուած իւր երախայութեան ժամանակ երազած սիրադործութիւնները, որոնց



մասին համայն աշխարհս պիտի իմանար, և, լսելով եռա-  
յող արեան ձայնին, խնդրեց հօրը, որ թող տայ աշխար-  
հիս չորս կողմը գնալու: Նուրբէղինը տանն էր ուղղում մնալ:

— Ես կը վերադառնամ մեծ ու փառաւոր անունով —  
ասաց Ջաֆարը, հրաժեշտ տալով հօրը: Ծերունին օրհ-  
նեց իւր որդուն:

Անցաւ մի տարի, անցաւ միւսը, անցաւ և երրորդը,  
վերջացաւ պատերազմը... Ողջ Մօստւլը մեծ տագնապի  
մէջ էր — մի սակաւապատեհ, ճոխ հանգիսի պատրաս-  
տութիւն էին տեսնում: Այդ քաղաքի զաւակը, մեծ ու  
հռչակուած զօրավարը այդ օրը քաղաք պիտի դար պա-  
տուով: Անհուն ամբօխը խռնուած էր քաղաքի դրունքի  
մօտ: Անուանի զօրավարի անցնելու ճանապարհը ծաղիկ-  
ներով ու կապերաներով էին ծածկել, — այդպէս պիտի ըն-  
դունէին քաղաքի պարծանքին, խալիֆի սիրածին, երկրին  
պատիւ բերողին: Ծերունիներ ու երիտասարդներ, կանայք  
ու երեխայք, ամէնքը ուրախ ու անհամբեր սպասում էին  
նորան: Ամբօխի առաջ կարելի էր տեսնել պատանու ու-  
սին կրթնած մի ծերունու խրոխտ դէմքը: Պատանին ևս  
ուրախ ու զուարթ էր, և նորս դէմքը անհամբեր բերկրու-  
թիւն էր արտայայտում: Դոքա հերոսի հայրն ու եղբայրն  
էին....

Ահա կամաց-կամաց մօտենում է մեծ հիւրին դիմաւո-  
րողների խումբը: Ամբօխի մէջ շարժումն է նկատվում:  
Առաջ երևում է մի ձիւնափայլ, արագավազ նիժոյգ, որ  
խրոխտ ու հպարտ փոխում է իւր քայլերը, — դա իս է  
նա, որին ակնկառոյց սպասում էին հազարաւոր մարդիկ:  
Ամբօխը ընդունեց նորան ցնծութեան, զարմանքի բարձր  
աղաղակով: Երբ նա մօտեցաւ ամբօխի առաջ կանգնած  
խմբին, ձին կանգնեցրեց և ցած իջաւ... Անդորրութիւն  
տիրեց... Հերոսը խոնարհագոյն բարեւ տուեց հօրը և ապա  
հարցրեց նորան.

— Մեծ չե՞մ այժմ:

— Ո՛չ, որդեակս,—պատասխանեց հայրը հաղիւ լսելի ձայնով:

Ոչ որ չսեց, թէ ինչ պատասխանեց հայրը, սակայն ամենքն էլ տեսան, ինչպէս մի տխրութիւն պատեց, ինչպէս արտասուքը սկսաւ կաթկթել այն մարդու աչքերից, որի հայեացքից սաստիկ շփաթութեամբ և խառնակութեամբ փախչում էին թշնամիները: Նոքա տեսան, ինչպէս նա տատանուելով մօտեցաւ ձիան, շատ փխուր մտածմունքի մէջ ընկղմած հեծաւ և շարունակեց իւր ընթացքը: Դուրանից յետոյ նա չէր լսում բերկրութեան ողջոյնները, նա չէր տեսնում ճանապարհին փռուած և իրեն վերայ թափուող ծաղիկները: Հետեւեալ օրը անհետացաւ մեծ դօրավարը, տէրութեան նեցուկը, երկրի պարծանքը....

..... Անցաւ մի քանի տարի: Նալիֆայի համայն տէրութեան մէջ խօսում էին մի երիտասարդ ուսումնականի վերայ, որ բժշկել էր ծանր հիւանդութիւնից հարեան թագաւորի աղջիկը: Ամէնքը նորա զիտութեան, իմաստութեան մասին էին խօսում. ասում էին, թէ թագաւորը՝ ուրախացած լինելով, որ աղջիկը առողջացել է, առաջարկել է նորան, ինչ որ կամենում է: Նա առել է մի կտոր աւագուտ անապատ և իւր հնարած ոռոգելու նոր միջոցով պարտէզ է դարձրել այդ տեղը և թագաւորին ընծայել: Ահագին նահանգներ, որոնք մինչև այդ ժամանակ անապատ ու անմարդաբնակ էին, այժմ բնակութեան տեղ էին դառնում, մեծանում էր բնակիչների երջանկութիւնն և շատանում հարստութիւնը,—մի խօսքով, ժողովուրդը նորան երկնքից ուղարկուած մարգարէ էր համարում: Ոչ որ չգիտէր, թէ որտեղացի է նա, բայց ամէնքն էլ ուրախութեամբ էին յիշում Ջաֆարի, մեծ ուսումնականի, անունը, որի համար բնութիւնը զաղտնիք չունէր:

Խաղաղ, ամառնային երեկոյ էր: Համեստ հագնուած մի

երիտասարդ բաղնուով է Մահմէդ-Սլէի դուռը և աշխատում է ծածկել իւր դէմքը, խնդրելով ծառային, որ տան նրան տիրոջ մօտ: Ծառան զարմացել էր, տեսնելով անծանօթ ու խորհուրդաւոր մարդուն, բայց կրկին բերաւ նորան մի փոքրիկ սենեակ, թէպէտ այդ միջոցին ալեզարդ Մահմէդ-Սլէն քէֆ էր անում, թեկ էր ընկել փառահիղ բարձին և անուշահոտ սուրճ խմում: Օտարականը համեստութեամբ ներս մտաւ, դարձեալ դէմքը ծածկելով: Նա ողջունեց ծերունուն: Օտարականի ձայնը ստիպեց ծերունուն անդէպ բարձրանալ:

— Զաֆֆա՛ր:

— Ես եմ:

— Սյւքան ժամանակ ինչտե՞ղ էիր, որդիս:

— Դու լսած կըլնիս այն բժշկի մասին, որ բժշկել է թագաւորի դուստրը: Լսած կըլնիս այն ուսումնականի մասին, որ նուիրել է երկրին նոր հողեր, նոր հաստութիւն: Ասա, այժմ էլ մեծ չեմ, երբ ոչնչացնող սուր ու սուսեր չեն իմ ձեռիս, այլ խաղաղութեան ուստը, երբ ամէնքը՝ առանց ազգի խարութեան, փառաբանում են իմ անունը:

Ծերունին տխուր ու տրտում նայեց պատանու վերայ և կամաց, սակայն հաստատ պատասխանեց նորան. Ոչ:

— Կրկի՞ն ոչ:— Երիտասարդը խոնարհ գլուխ տուեց հօրը և դուրս եկաւ:

..... Էլի մի քանի տարի անցաւ..... Մօսուլում, Բաղդադում, Հալեպում, Ղաֆասկոսում ու Զմիւռնիայում փառաբանում էին մի նոր բանաստեղծի անուն, որ խոստանում էր գերազանցել իւր նախորդներին, ի միջի այլոց և Մահմէդ-Սլէի որդուց, — Նուրբէգինից: Ինչպէս պայծառ լուսինը երևում է կապուտակ հորիզոնում և, սահելով, ստիպում է աստղերին կամաց-կամաց անհետանալ, իսկ մահկանացուի աչքերը, ականաց ընկնելով նորա վերայ, չեն տեսնում աստղերի աղօտ լոյսը, այնպէս էլ զունա-



տուեղով աներևութանում էին միւս բանաստեղծների ա-  
նունները Զաֆֆարի անունն առաջ: Ոչ մէկը այնպէս  
գեղեցիկ չէր գրում, ոչ մէկը չունէր այնպիսի հարուստ  
առասպելական ֆանտազիա, ինչպէս Զաֆֆարը: Նորա բա-  
նաստեղծութիւնների ճոխ լեզուն, պատկերների գեղեցկու-  
թիւնը գրաւում էին ամէնքին: Ծերեր, հասակաւորներ,  
պատանիներ, ամէն ոք անգիր էր անում նորա գրուածների  
ընտիր տեղերը: Ինչպէս պարզավճիտ, խոր ջրհորը ա-  
նապատում, այնպէս էլ նա էր բաւականութիւն տալիս  
իւրաքանչիւրին իւր սրտի հարուստ զգացմունքներով, բա-  
ռերի ներդաշնակութեամբ ու խորիմաստ մտքերով: Ի զուր  
էին մոռնեալները քաղաքի հրապարակներում գոռում-  
գոչում, կանչելով սքանչելի բանաստեղծութիւնների անյայտ  
հեղինակին, որ ներկայանայ խալիֆի գահին, ուր սպա-  
սում էր նորան փառք ու պատիւ: Սակայն նոցա հեղի-  
նակը հանդէս չէր գալիս: Ոչ ոք նորա մասին բան չգիտէր,  
բացի անունից:

Մի օր կանուխ, երբ արեգակը դեռ նոր էր ծագում,  
Մահմեդ-Ալիի զարպասին մօտենում է մի թողոտ, յողնած  
մարդ, կրթնած իւր ամուր գաւազանին: Նա վայելչակազմ  
էր, գեղեցիկ ու ծաղկահասակ, նորա դէմքի վերայ նշմա-  
րելի էր մոքի ու ոգեւորութեան կնիք: Ծառաները իսկոյն  
ծանաչեցին Զաֆֆարին, և ուրախութեան ձայները սփռու-  
եցան ողջ տունը: Նորան տարան ներսի մարմարիոնա-  
պատ բակը: Մէջ տեղում կարելի էր տեսնել մի շատրու-  
ան, ուր կարկաջում էր պարզավճիտ ու պող ջուր, իսկ  
երկնքի տեղ պատել էր գեղեցիկ ցանցի վերայ տարած բա-  
ղեղը, որ աթակէզ միջօրէին հովանաւորում էր այնտեղ  
եղողին: Այստեղ Զաֆֆարը տեսաւ իւր ծերունի հօրը, որ  
նոր էր վերջացրել նամագը: Տարիների ընթացքում ծերու-  
նու մէջքը կռել էր, սակայն նորա հայեացքը առաջուայ  
պէս փալուն էր, բարութիւն ու իմաստութիւն էր արտա-

յայտում, և, երբ ծառաները հեռացան, որդին ծնկաչոք հարցրեց հօրը սրապոյով ձայնով.

— Այժմ էլ մեծ չեմ: Ես Ջաֆֆարն եմ, որի անունը իւր գրուածների շնորհիւ դարէ ցդար կ'ապրի, պարգեւելով մարդկանց անդորրութիւն, բաւականութիւն և երջանութեան լուսիններ: Եւ հասկացայ քեզ. ամէն մէկը չէ կարող հարստանալ, բայց իմ բանաստեղծութիւնները ստրուկին էլ են տալիս այն բերկրանքը, ինչ որ և դահակալ իշխանին:

Ծերունին կրծքին սեղմեց իւր որդուն, համբուրեց նորան և կամայ տաաց. — Մեծ լինելու մօտ չես:

Եւ կրկին անհետացաւ Ջաֆֆարը:

..... Անցաւ երկու տարի.... Մի լուսնկայ գիշեր Մահմէդ-Ալին դուրս եկաւ իւր տան կտուրը մաքուր օդ ծծելու և հիանալու գիշերուայ խորհրդաւոր երկնքից: Նա նկատեց ցածում մի թափառող ստուեր: Ծերունին նայում է և զիտում: Նա տեսաւ մի մարդ թափառական գէրվելի կեղտոտ, պատռտած շորով. սա ոտաբոբիկ էր, գլուխը բաց ու չթրաշած: Դէմքը նկատելի չէր, իսկ ծանօթ կերպարանք էր երևում, աւելի ևս, — ծեր Ալին ծանօթ ու մօտ մարդու դէմք էր երևում, և նա յառեց իւր թալկացած աչքերը: Այդ միջոցին նա անց ու դարձ էր անում, անկասկած, չէր իշխում բազմեւ դուռը: Ծերունին կռացաւ իւր կտրան վանդակի վրայից և ձայնեց.

— Համարձակ բազմիր: Իմ տունը գիշեր ցերեկ բաց է օտարականի համար: Ծերունու ձայնը, որ խանդարեց գիշերուայ գերեզմանական լռութիւնը, կարծես, վախեցրեց գէրվելին: Նա քաշուեց պատից: Լուսնի նշոյնները ընկան նորա երեսի վերայ, և մաշուած ու թօշնած դէմքի դժադրութիւնից ծերունին ծանաչեց իւր որդուն, թէպէտ և աչքերը տկար էին, վատ էին տեսնում:

— Ջաֆֆար:

— Հայր, — լսելի եղաւ ցածից... Ես հրաժարուեցայ աշխարհիս բաներից: Ես հասկացայ, որ հարստութիւնն էլ, պատիւն էլ — բոլորն էլ ունայնութիւն է: Աստուծուն, միայն Աստուծուն եմ նուիրել ես իմ ուշն ու միտքը, իմ կեանքը: Ամէն կողմից աշակերտներ են հաւաքւում շուրջս: Ես մոռացայ ինձ այն ժամանակից, երբ հասկացայ, որքան չնչին ու աննշան բան էի հպարտութեանս ժամանակ: Այժմ մարդիկ ինձ սուրբ են համարում, զարմացած լինելով կեն-  
ցադավարութիւնիցս:

Դէրվիշը լռեց. նա սպասում էր հօր պատասխանին: Լուռ է ծերունին: Նորա դէմքը տխրամած էր. նա իւր հայեացքը բևեռել էր որդու մաշուած դէմքին:

— Զէ, — վերջապէս խոսեցաւ կարից ծերունու ձայնը, — դու չես գտել ճշմարիտ ճանապարհը: — Այս պատասխանը շանթահարեց դէրվիշին: Երբ ծերունին աչքերը դէպի երկինք ուղղեց աղօթելու համար, որդին արդէն հեռացել էր.....

Կարճ միջոցում տէրութեան սոսկալի աղէտ է հասնում: Նոր պատերազմ էր սկսուել, և խալիֆի զօրքը բոլորովին ջարդուել էր: Նուաճուած էին շատ քաղաքներ, որոնց թուումն էր և Մօսուլը, — դոքա աւերուած էին ու կողոպտուած: Մահմէդ-Ալին ամէն բան կորցրել էր: Զկար հայրերի ու պապերի դիզած գանձը, չկային և ասպարանքներն, որոնք հրոյ ճարակ էին դարձել, չկային նոյնպէս և ծառաները, որոնք մասամբ կոտորուել էին, մասամբ էլ գերի գնացել: Ինքը ծերունին վերաւորուած էր: Տաքարիւն երիտասարդի պէս նա պաշտպանում էր իւր տունը և իւր աչքով տեսաւ, ինչպէս Նուրդէդին որդին՝ զլսին վէրք ստացած, գերի գնաց: Ծերունին չէր ցաւում, որ հարստութիւնը կորչում է. նորա լեզին պատռւում էր, երբ մտածում էր, որ ինքը ծերուկը միայն է մնում, երբ տեսնում էր իւր որդու անմխիթար կնոջը: Նուառով նա տեսնելուց էլ զրկուե-



ցաւ: Տարէ ցտարի թուլացող նորա աչքերը մատնեցին նորան, և յաւիտենական խաւարը, անջատելով նորան իրականութիւնից, կարծես, հանգստացրեց ծերունուն: Սրաճամբիկ տեսարան էր ներկայանում, երբ կուշ եկած կոյր ծերուկը՝ անշուք շորերով անցնում էր շուկան մի մատաղահաս կնոջ ուղեկցութեամբ, որի աչերից անբաժան էր տրտմութիւնը: Միայն լուրջ խոհականութիւնը չէր մոտանել նորան: Առաջուայ պէս իւրաքանչիւրը երկիւղածութեամբ լսում էր նորա խորհուրդները, առաջուայ պէս ամէն մէկը գնում էր նորանից մտիթարութիւն ստանալու, առաջուայ պէս ամէնքը յարգում էին նորան, և Մօսուլի բոլոր գոնները բաց էին ծերունու համար: Բայց, ինչպէս երևում էր, նա հանգիստ էր, և զիշերները միայն, առանձնացած միջոցին, երբ շուրջը անտրորութիւն էր տիրում, մէկի տան կտրին, ծնկները դրկած և գլուխը խոնարհած՝ նա տխուր ու տրտում կրկնում էր.

— Զաֆֆար, Նուրրէդին:

Մի օր լուսինը ծագելիս, — բայց աւանդ, նորա աչքերը չէին տեսնում լուսնի շառաւիղները, — Մահմէդ-Ալին նստած իւր բարեկամներից մէկի կտրին լսեց, որ մէկը իւր կողքին խեղդուկ ու խուլ կերպով լալիս է: Նա կասկածում էր, չգիտէր, թէ ով է լալիս: Անվստահ ձեռքը չորս կողմը տարաւ և կպաւ մի դանդորահեր գլխի: Նա կարծում էր, թէ Նուրրէդինի կինն է, դորա համար էլ սկսեց փայփայել և սփոփել նորան: Հեծեծանքը չէր ընդհատվում: Ծերունին շփոթուել էր և չէր իմանում, թէ ինչ ասէ, բայց կրկին յաղթեց իւր տխրութիւնը և ասաց.

— Մի՛ լար, Ալֆայիմա, մի՛ լար, — եղաւ նորա խօսքը: — Քո ամուսինը եղբայր ունի: Նա աներկիւղ է, ուժեղ է: Նա կը վերադարձնէ ինձ որդուս և քեզ — ամուսինդ:

Ծերունին զգում էր, որ մէկը արցունքներով թրջում է իւր ձեռքերը, որ մէկի շրթունքներ ջերմ համբոյրներով են ծածկում նոյա:

Մօտուլում մեծ և հանդիսաւոր օր էր: Տանից վաղուց հեռացած Զաֆֆարը, Մահմէդ-Ալիի որդին, յայտնուել էր: Իսկ այն Զաֆֆարն է, որին որսնում էր խալիֆան վերջին պատերազմի ժամանակ, այն մեծ զօրավար Զաֆֆարն է, և բոլորի սիրտը սաստիկ բաբախում էր, որովհետեւ մեծ յոյս ունէին, որ նա վրէժխնդիր կըլինի, սպասում և հաւատացած էին, որ մօտ ապագայում յաղթութիւնը իրանք պիտի տանեն և երջանիկ պիտի ապրեն.... Բայց այժմ պատերազմի մեծահռչակ սխրագործութիւնները չեն ստիպում կըրկնել նորա անունը, այլ մի խոհեմ, մի և նոյն ժամանակ առասպելական դժուարութեան գործ: Զաֆֆարը, իմանալով, ինչտեղ է բանտարկուած իւր Նուրրէդին եղբայրը, մտնում է թշնամիների քաղաքը, ապրում է նոցա շրջանում, թէպէտ միշտ վաանգի մէջ է լինում, մի գուցէ զապուխտ անցնեն իրան. անպատմելի խորամանկութեամբ մտնում է բանտը և ազատում իւր եղբօրը: Նոցա փախուստը հազարաւոր փտանդներից էր կախուած: Նոքա անապատներ, անտառներ, լեռներ, գետեր պիտի անցնէին, պէս պէս զրկանքներ պիտի կրէին, զապանների հետ պիտի կռուէին, բացի դրանից մաշուած և վէրքերից նուազած Նուրրէդինը Զաֆֆարի համար խոչընդոտ էր լինում և ծանրութիւն: Ամէն մի բանի նա դիմացաւ, ամէն բան նա յաղթեց, և մի պայծառ ամառնային օր ամբօխը անհուն բերկրութեամբ ընդունում էր նորան շուկայում, թէպէտ հազիւ հազ կարողացաւ ճանաչել նորան: Այդ բազմախիտ ամբօխի միջից նա մօտեցաւ մի տխուր, բայց սիրուն կնկայ ձեռքից բռնած ծերունու: Արջայիման արտասուածքով աչերով փաթաթուեցաւ ամուսնու վզից և չէր հաւատում իւր երջանկութեան: Առութիւն էր տիրում ամբօխի մէջ, երբ Նուրրէդինը պատմում էր իրանց փախուստը, և պատմութեան վերջում լսուեցան յնձութեան խառնիճաղանձ զոչիւններ ու բերկրալի խօ-

սակցութիւններ: Ծերունին ջերմ համբուրեց մեծ որդուն  
և մի ինչ որ բան ասաց նորա ականջին: Զաֆֆարի դէմքը  
փայլեց, ինչպէս մի սիրուն վարդ, իսկ աչքերը հպարտու-  
թեամբ վառուեցան:

— Այժմ, միայն այժմ, որդեակս, — ասաց նորան Մահ-  
մէդ-Ալին, — մեծ լինելու ճանապարհին ես: Դաքո առաջին  
սիրագործութիւնն է: Դու այդ արիւր ուրիշների համար,  
ինքդ քեզ մոռացութեան տալով:





## ԱԶԳԱՅԻՆ ԲԱՆԱՍՏԵՂԺ

ՍՄԲԱՏ ՇԱՀԱԶ ԻԶԵԱՆՑԻՆ

(25 ամեալ յօրելեանի առթիւ).

Եթէ երկնային հզօր Սրարիչ  
Տա՛ր քեզ ձիրք, տաղանդ գեղարուեստական,  
Եւ դու զառնայիր յայտնի նկարիչ,  
Քեզնով հիանար ամբողջ Եւրոպան —  
Մի՞թէ դու ևս ազգըդ մոռացած՝  
Պէտք է զոհուէիր օտարի փառաց...

Եթէ կոյր բախտը քեզ ևս ժպտար,  
Դառնայիր դու հայ Կրեսոս մեծասուն.  
Անթիւ զանձերիդ նախանձէր աշխարհ,  
Եւ ամենուրեք թնդար քո անուն —  
Մի՞թէ դու ևս պէտք է շուռ գայիր  
Եւ աղքատ, թշուա՛ռ ազգըդ ատէիր:

. . . . .

Բայց ոչ.... ո՛վ անմահ, քաղցրախօս երգիչ,  
Դու մի պարզ էակ ծնար այս աշխարհ.  
Դու ծնար պօէտ — Սիրոյ քարոզիչ.  
Դու ծնար ազգիդ անկեղծ սիրահար:  
Եւ հնչեց քնարդ ազատ, համարձակ,  
Նա ոգևորեց մեր սիրան ու հոգին,  
Եւ ահա՛ այսօր յարատե քեզ կեանք  
Բարեմաղթում է քո ազգի որդին:

Մոսկուա.

Ա. ՇԱՏՈՒՐԵԱՆ.

ԱԳԵՒՈՍ ԻՇԽԱՆԻ ՊԱՏՄՈՒԹԻՒՆԸ

(Վ. Գարշինից) .

Մի նահանգում իշխում էր Ագեոս անուշով մի գոռոզ իշխան: Թագաւորը նորան տուել էր լիազօր իշխանութիւն նահանգի բոլոր ժողովրդի վերայ. թշնամիները նորանից սարսափում էին, իսկ բարեկամների հետ չէր էլ խօսում: Նորա ժողովուրդը խաղաղ ապրում էր, իմանալով իւր կառավարչի փառքը: Եւ հպարտացաւ իշխանը, և սկսեց կարծել, որ աշխարհումն իրենից զօրեղ և իմաստուն մարդ չկայ: Ապրում էր նա ձոխ ու փարթամ. անհամար էր նորա հաստութիւնը, անթիւ էին ծառաները, որոնց հետ նա երբեք չէր խօսում,— անարժան էր համարում: Իւր կնոջ հետ նա բաւ էր ապրում, բայց նորան էլ խիստ էր պահում, այնպէս որ նա չէր համարձակվում ինքը խօսել, այլ սպասւում էր մինչև որ մարդը մի բան հարցնէ կամ ասէ:

Այսպէս ապրում էր Ագեոսը, ամէնքից հռու, իւր ձոխ պալատում՝ կարծես միշտ կանգնած լինէր մի բարձր աշտարակի զլխին, իսկ ցածը, ներքեւում մարդիկ լինէին կանգնած:

Մի ամիս օր զնաց Ագեոսը եկեղեցի: Նա զնաց իւր կնոջ հետ պրծ՝ շորերով. ոսկեհուռ թիկնոց, ականակուռ զօտի, իսկ նոցա զլխին բռնած տանում էին զիպակէ հովանի: Առաջից և յետեից զինուորներ էին զնում սրերով ու սուէրներով և այդպէս հասցրին նոցա մինչև եկեղեցւում իրենց կանգնելու տեղը: Նոցա չորս կողմը կանգնեցին կառավարիչներն ու պաշտօնեաները: Լսում էր Ագեոս պատարագը և ինքն իրեն մտածում՝ ճիշդ է ասած սուրբ Գրքումը, թէ ոչ:

Սկսեց տէր հայրը կարդալ գիրքը և հասաւ այնտեղը, որ ասում է. «հարուստները կ'աղքատանան և աղքատները կը հարստանան». այս բառերը որ լսեց Ագեոսը, սաստիկ բարկացաւ և գորգոռաց տէր-հօր վերայ.

— Այդ ի՞նչ կարդացիր դու, սեւաւոր, չե՞ս տեսնում, որ այդ սուտ է. միթէ՞ կարող եմ ես աղքատանալ:

Տէր-հայրը ուշ չդարձրեց անգամ իշխանի ասածին և դարձեալ շարունակեց կարդալ:

Ժամասացութիւնը վերջացաւ: Չայրացած իշխանը հրամայեց տէր-հօրը շղթայով կապել ու բանտը ձգել. իսկ այն թերթը, որի վերայ գրած էին այդ բառերը, պատռել, ոչնչացնել տուեց:

Հրամանը իսկոյն կատարեցին՝ թերթը պատռեցին, խեղճին ձգեցին բանտը: Ագեոսը դնաց իւր պալատը ուրախութիւն անելու:

Մի օր մի պատանի քաղաքից դուրս՝ դաշտում տեսնում է մի սիրուն, աննման եղջերու և մոռածում է յայտնել իշխան Ագեոսին իւր տեսածը ու այդպէս նորա սիրտը շահել: Վազում է քաղաք, գալիս է իշխանի պալատը և յայտնում սպասաւորներին. լուրը հասնում է իշխանին, որ և իսկոյն հրամայում է պատրաստութիւն տեսնել որս գնալու:

Իշխանը որսորդների հետ միասին դուրս է գալիս դաշտը — տեսնում է եղջերուին և ընկնում ետեւից. իսկ եղջերուն հանգիստ կանգնած մօիկ է տալիս որսորդներին և կարծես մի բան է սպասում: Ագեոսը իւր կեանքում երբէք չէր տեսած այդպիսի մի սիրուն եղջերու. զմայլուած իշխանը ընկնում է ետեւից և զարմանում, որ եղջերուն չէ հեռանում, փախչում, այլ կանգնած հանգիստ մօիկ է տալիս նորան իւր մեծ աչքերով՝ կարծես մի բան է կամենում ասել:



Իշխանը մօտենում է և կամենում է նիզակով տալ. եղջերուն շուռ է գալիս, Թափ է տալիս իւր ճիւղաւոր եղջիրները և փախչում: Իշխանը ընկնում է նորա հտեւից—բայց ձին յետ է մնում:

Մի փոքր անցնում է, յետ է նայում իշխանը և տեսնում, որ որսորդները շատ են յետ մնացել: Շուռ է գալիս կրկին և տեսնում, որ եղջերուն կամաց է գնում: «Այ, այժմ կրբռնեմ»,—մտածում է ինքն իրան իշխանը և ձին քշում: Գարձեալ իշխանը բոլորովին մօտեցած կամենում է նիզակով տալ, բայց եղջերուն դարձեալ Թափ է տալիս իրան և փախչում: Որսորդները վաղուց անհետացել էին և դաշտումը մնացել էին եղջերուն և իշխանը:

Ամբողջ կէս օր իշխանը ընկած էր եղջերուի հտեւից, բայց չէր կարողանում բռնել: Յանկարծ տեսնում է, որ եղջերուն գետի մօտ է գնում. «այ, այժմ կրբռնեմ»,—ասում է ինքն իրան ու դարձեալ ձին քշում: Գետի մէջտեղը մի փոքրիկ կղզի կար փշերով ու խիտ ծառերով պատած. եղջերուն վազում է, գալիս հասնում ափը, իրան ջուրը ձգում, լող տալիս, դուրս է գալիս կղզին և ծառերի մէջ կորչում:

Ագեւսը տեսնում է այս, ուրախանում է, մօտենում է ջրին, ձին քշում ջուրը: Բայց գետը խոր էր. մի քանի քայլ անում է ձին, ոտքերը կտրվում են գետնից, երևում է միայն ձիան գլուխը. «այսպէս անցնելը անկարելի է»,—մտածում է իշխանը, ձին յետ է դարձնում, դուրս բերում ափը, կապում ծառիցը, շորերն էլ հանում է, ճիւղերից կախ անում և ինքը մտնում է ջուրը: Լող է տալիս, հասնում միւս ափը, դուրս գալիս ջրից և սկսում է որոնել եղջերուին: Նայում է վերեւից Աստուած և բարկանում Ագեւսի վերայ. հրամայում է հրեշտակին, որ գնայ Ագեւսի կերպարանքը ստանայ, հագնի նորա շորերը,

նստի նորա ձին և դնայ քաղաք, և հրեշտակը կատարում է Տիրոջ պատուէրը:

Իսկ Ագեոսը այդ ժամանակ որսնում էր եղջերուին. խեղճը շատ դէս ու դէն ընկաւ, բայց չիմացաւ, թէ ո՞ւր է փախել: Ո՞ւր կարող էր փախչել, մտածում էր ինքն իրան, առաջը մեծ դէտ է, ոչ մի գազան չէ կարող անցնել գետը և վերջապէս կըտեսնէի թէ անցնելու լինէր: Մտածեց, մտածեց, տեսաւ որ զուր է չարչարվում. բայց տեսաւ որ ոչ ձի կար և ոչ թողած շորերը: Խշիւանը սաստիկ բարկացաւ այս բանի վերայ. նա կարծում էր, որ մի գող պէտք է տարած լինի ձին ու շորերը և մտքումը արգէն պատժի էր կնիթարկում գողացողին: Բայց յաւալի էր նորա զրուիթիւնը՝ խեղճը անսովոր, ոտաբոբիկ ընկել էր գաշտով գնում, քարը ու աւաղը կտրտում էին խեղճի ոսնները, խոտը ծակում էր, երբէք իւր կեանքում այդպիսի օր կրած չէր: Այսպէս խեղճը դնայ բուսական տեղ, մօտեցաւ բլրին, բարձրացաւ վերան և տեսաւ, որ հովիւը այնտեղ տաւար է արածեցնում:

— Ա՛յ մարդ,—ասաց նա,—արի՛ այստեղ:

Հովիւը նայեց վերան և շատ զարմացաւ. «որտեղի՞ց դուրս եկաւ այս տկրոր մարդը»,—մտածեց նա. առաւ մի ձեռքը մարակ, միւսը՝ շուին և կամաց կամաց մօտեցաւ նորան:

Ագեոսը որ նորան տեսաւ, ամպի պէս գոռաց վերան.

— Քա՛ռ ես, ինչ է, այ՛ մարդ, ինչո՞ւ չես գալիս, երբ մարդ կանչում է:

— Իսկ դու ո՞վ ես—հարցնում է հովիւը:—Ի՞նչ ես կամենում:

— Ասա՛, ո՞վ է փախցրել իմ ձին ու շորերը:

— Ասա՛, դու ինքդ ո՞վ ես—գարձեալ հարցնում է հովիւը:

— Ինչպէս թէ ո՞վ եմ. անպիտան, չես տեսնում, որ ես ձեր իշխան Ագեոսն եմ:

Այս որ լսեց հովիւը, նայեց վերան ու ահամայ ծիծաղեց. «այ ցանցան, ի՞նչ ես դուրս տալիս. մեր իշխանը չէնց այս բոպէիս օրսորդների հետ միասին վերադարձաւ քաղաք»:

— Այդ ի՞նչ ասացիր, ինչպէ՞ս համարձակուեցար, անպիտան,— գոռաց Ագեոսը:

— Կորի՛ր, գնա՛, թէ չես կամենում մտրակիս համը տեսնել:

Բարկու-թիւնից Ագեոսը չէր խմանում, ինչ անէր. նա մոռացաւ, որ տկլոր էր և ընկաւ հովուի վերայ: Բռնեց թիւիցը, կամեցաւ խփել, բայց հովիւը դուրս պրծաւ, Ագեոսին դեանովը տուեց և մի քանի անգամ մտրակի ոյժը փորձեց վերան:

— Այ՛, քեզ խօսքերիդ համար. այժմ՝ գնա՛, ուր կամիս: Խեղճ՝ Ագեոսը ծեծ կերած վեր կացաւ և կամայ կամայ հեռացաւ: Անցաւ մի փոքր, հովիւը խղճահարուեց. «գուր տեղը էս մարդուն ես ծեծեցի», — մտածեց նա, — «կարելի է խելադար է»:

Ագեոսը բաւական անցել էր. յանկարծ լսեց որ մէկը կանչում է.

— Ա՛յ մարդ, յետ դարձի՛ր:

Ագեոսը յետ դարձաւ, տեսաւ՝ հովիւը մի ձեռքով մի բան բռնած, միւսով կանչում է նորան:

— Յետ դարձի՛ր, այդպէս տկլոր ո՛ւր ես գնում. այ՛. քեզ այս տոպրակը, շապիկ տեղ անց կացրո՛ւ վերադ:

Ագեոսը քարացել էր հիացել. ամօթից դեռինն էր մտնում: Հովիւը հանեց դօտիից դանակը. երեք տեղ բաց արեց տոպրակը վերայ. մէկը՝ որ զլուխը անց կացնի միջից. իսկ միւս երկուսը ձեռների համար, և մօտենալով Ագեոսին ասաց՝ տոպրակը դատարկ է, պէտք չէ ինձ—միջի հացը հատել է. լաւ չէ, որ մարդ տկլոր դնայ. անո, շապիկ տեղ հագի՛ր:



Ագեոսը ոչինչ չասաց, հագաւ տոպրակը և ուղեորուէց քաղաք: Ճանապարհին նա մտածում էր իւր թշուառութեան վերայ. որտեղե՞ց եկաւ այս օրը իմ գլխին. երեւի, մի խաբերայ հագել է իմ շորերը, նստել իմ ձին ու գնացել: Քանի գնում էր, Ագեոսը բարկութիւնից պատուվում էր. «Ես, ես ցոյց կըրտամ անպիտանին, թէ ով եմ. կըհրամայեմ հրապարակաւ զլսատել. հովուին էլ կըհասնի», — մտածում էր նա. բայց յանկարծ միտքն ընկաւ տոպրակը և ամօթից կարմրեց: Այսպէս, մտքերի հետ ընկած գնում էր Ագեոսը, մինչև որ մուտք ընկաւ: Մտիպուած խեղճը պէտք է դաշտումը գիշերէր: Արտից առաւ մի խուրձ խոտ, դրեց գլխատակը և քնեց մինչև առաւօտ: Ծէղը որ ընկաւ, վեր կացաւ Ագեոսը քնից և շարունակեց իւր ճանապարհը: Ճանապարհին տեսաւ որ մի բազմութիւն իւրեանց սայլերով գնում է քաղաք: Մարդիկ որ տեսան նորան, մօտեցան և հարցրին, թէ ի՞նչ մարդ է, ո՞ւր է գնում և ինչո՞ւ տոպրակ է հագել: Ագեոսը մտաբերեց կերած ծեծը և սկսեց խաբել՝ ես, ասաց նա, այստեղացի չեմ: Ես ձեր քաղաքովը անցնում էի, ճանապարհին աւազակները ընկան վերաս, ծեծեցին, ջարդեցին, ձխա, շորերս ու փողերս խլեցին, ինձ էլ այս տոպրակը հագցրին ու բաց թողեցին:

Մարդիկը խղճացին վերան. հաւաքեցին՝ որը շապիկ, որը վարտիկ. մէկը տուեց նորան իւր մաշուած ոտնամանները, միւսը՝ հին արխաւուղը, երրորդը՝ գտակը: Ագեոսը շնորհակալութիւն արեց, հարցրեց նոցա անունը, որտե՞ղ են սպրում և ուղեորուէց քաղաք. այժմ նա մի փոքր ուրախ էր:

«Շուտով նեղ օրերս կ'անցնեն», — մտածեց նա: — Զարագործին կըպատժեմ, ինձ օգնողներին կըվարձատրեմ»:

Այսպէս մտածելով նա մտաւ քաղաք, գնաց ուղղակի վանքի հրապարակը. այնտեղ էր նորա պալատը: Վամեցաւ դարւազէքը մտնել, բայց պահապանները չճանաչեցին նո-

բան և ներս չթողեցին. միտքն ընկաւ Հովուի ծեծը, դողը ընկաւ սիրտը, թողեց Հեռացաւ ու սկսեց մտածել, թէ ի՞նչ անէր: Ուղղակի տուն մտնել անկարելի էր՝ մինչև որ երթաս, հասնես խաբեբային, կրծեծին, կրճարդին, բանտն էլ կրճգին. ո՞վ զիտէ, գուցէ սպանեն էլ: «Ոչտք է սպասեմ», — ասում էր նա: Գնաց բաղար, մտաւ բանւորների շարքը. մի մարդ չնչին գնով վարձեց նորան աղիւս կրկու մի շինութեան համար: Ծանր էր թուում նորան աշխատանքը — ուսերը անսովորութիւնից արիւնլուսց էին եղել, ինքն էլ մի ծեծուած ջարդուածի էր նմանում: Երեկոյեան, վարձը որ ստացաւ, երեք մաս բաժանեց՝ մի մասը տուեց հացի, միւսը պահեց գիշերելու համար, իսկ երրորդը տուեց թղթի, որ նամակ գրէ կնկանը: Մարդ ու կնիկ իրար մէջ մի դաղտնիք ունէին, բացի նոցանից այդ դաղտնիքը ոչ ոքի յայտնի չէր. որպէս զի կնիկը հաւատաց մարդու խօսքերին, մէջն էլ յիշեց այդ դաղտնիքը: Նամակը գրեց, մօտեցաւ իւր պալատին, տեսաւ իւր կնկայ աղախիններից մէկին, տուեց նորան, որ տայ կնկանը, ինքն էլ գրան մօտ կանգնած սպասում էր պատասխանին:

Կնիկը նամակը կարգաց ու շատ զարմացաւ, նա բորբոքվին հաւատ չընծայեց զրածին, որովհետեւ մարդը մօտը կանգած էր: Երևի, մարդս չէ կարողացել ծածկել մեր դաղտնիքը և մէկին ասել է, մտածեց նա: Նա վախենում էր ամուսնուց, նա գիտէր, որ ամուսինը եթէ իմանայ նամակի մասին, իրան անշուշտ կը պատժէ — և որ նամակը որդին վախեցնէ, հրամայեց նորան բռնել, բերել բակը և մի լաւ ծեծել: Ծառաները կատարեցին հրամանը՝ ներս բերեցին Ագեւոսին, լաւից ծեծեցին և կիսակենդան բաց թողեցին: Խեղճ Ագեւոսը թողեց գնաց, մի կերպ հասաւ քարվանսարէն, որտեղ իջել էր. ամբողջ գիշեր խեղճը տանջվում էր, մինչև որ լուսադէմին կարողացաւ քնել. մարմինը ծեծից ցաւում էր, իսկ սիրտը աւելի վատ՝ բարկութիւնն ու կատաղութիւնն ուսում էին նորան:

Առաւօտը լուսացաւ: Քարվանսարայի տէրը կնկայ հետ պատրաստուեցան ժամ գնալու: Կնիկը զուգրուած զուրս եկաւ դարւազից, իսկ մարդը մնաց բակում: Կնիկը սկսեց մարդուն ձայն տալ:

Արի՛, — ասում էր նա, — թէ չէ իշխանը կ'երթայ կրմոնի եկեղեցի, էլ չենք տեսնիլ:

Այս որ լսեց Ագեոսը՝ հարցրեց.

— Ո՞վ է ձեր իշխանը:

— Իսկ զ՞նչ ով ես, երեւի, այստեղացի չես, որ չես իմանում, մեր իշխանը Ագեոսն է, 12 տարի տիրում է նա ամբողջ քաղաքին և նահանգին: Դատ ահարկու է մեր իշխանը, անցեալ օրը տեսայ թէ չէ, քիչ մնաց վախիցս սիրտս գնար:

Ագեոսը չգիտէր, գնա՞ր եկեղեցի թէ չէ. «էհ, — ասաց նա մի փոքր մտածելուց յետոյ, — ինչ լինի, լինի, կ'երթամ», — ասաց ու գնաց, մտաւ եկեղեցի և կանգնեց դաւթումը բազմութեան հետ, որտեղ պէտք է դար իշխանը:

Ահա տեսնում է նա՝ թիկնապահները սրերով, աստիճանաւորները իւրեանց զարգարուն շորերով զալիս են: Եւ իշխանը ամպհովանու տակ դալիս է իշխանուհու հետ միասին ոսկէթել շորերով ու թանկագին քարերով շարած գօտիներով: Ագեոսը նայեց իշխանի դէմքին և զողաց վախից՝ Աստուած բացեց նորա աչքերը: Նա տեսնում էր այժմ, որ Աստուծոյ հրեշտակն է այդպէս իշխանի կերպարանք ընդունել. վախից թողեց եկեղեցին, թողեց, փախաւ քաղաքից դուրս....

Երկար փախչում էր նա, ինքն էլ չգիտէր, թէ ո՞ւր է գնում: Եւ յանկարծ նա ընկաւ մի խիտ անտառի խորքը. յոգնածութիւնից նա ընկաւ խոտի վերայ ծառի տակ և երկար ժամանակ այսպէս ուժաթափ, թուլացած ընկած մնաց. կարծես հոգին թռած լինէր նորա մարմնից....



Կէս զիշերին նա արթնացաւ. նա այժմ մոռացել էր բոլոր պատահածը. նա չգիտէր, ինչո՞ւ աստղերը ծառերի միջեց նայում են նորան, ինչո՞ւ գլխավերելը ծառերը քամոնց խշխշում են, ինչո՞ւ է ցուրտ և ինչո՞ւ փափուկ անկողինը թողած տանը՝ այստեղ խոնաւ խոտի վերայ է պարկել: Սկսեց անցեալը մտաբերել— և սաստիկ լալ՝ միտքն ընկաւ իւր բոլոր կեանքը. նա հասկացաւ վերջապէս, որ Աստուած ոչ թէ նորա համար էր պատժել նորան, որ սա հրամայել էր սուրբ զբքի էջերը պատռել, ո՛չ. նա տեսաւ, որ Աստուած նորան պատժել էր նորա ամբողջ կեանքի համար: «Աստուծոյ բարկութիւնը շարժեցի, — մտածեց նա, — արդեօք կրտայն նա ինձ թողութիւն իմ մեղքերիս համար»: Երկար ժամանակ այս դրութեան մէջ պարկած լաց էր լինում և Աստուծոց թողութիւն խնդրում: Աստուած լսեց նորա ձայնը և զօրութիւն պարզեց նորան:

Արդէն լուսացել էր: Ագեռսը վեր կացաւ տեղից և դնաց տեսնելու, թէ ի՞նչ կայ աշխարհումը:

Անցնում է 2 տարի: Ագեռսի կնիկը կարծում է, թէ մարդը իւր հետ միասին պալատումն է ապրում:— Միայն այժմ զարմանում է, ինչե՞ց է որ մարդը այժմ բարի է և հանդարտ, ոչ դքին չէ զխատում, ոչ դքին չէ պատժում, չէ դնում այլ ևս որսի, այժմ միայն եկեղեցի է գնում, մարդկանց կոխներն ու վէճերն է քննում և հաշտեցնում իրար հետ: Դատ էլ սակաւ է տեսնում մարդուն, այն էլ ինչպէ՞ս՝ հեղութեամբ կրնայի վերան, մի քաղցր խօսք կ'սսէ և կը հեռանայ, կ'երթայ, կը փակուի սենեակում: Վերջապէս մի օր կնիկը չէ համբերում, զալիս է մօտը և ասում. «Տէր իմ, աստ ինձ, ի՞նչ եմ արել քեզ, ինչո՞ւ ինձանից քեզ հեռու ես պահում, աստ, որ ես էլ իմանամ»:

Հրեշտակը նայում է վերան և ժպտալով պատասխանում. — «Ոչինչ չես արել, սիրելիս, միայն ես Աստուծուն խօսք եմ տուել Յ տարի քեզ մաքիցս ձգեմ. ահա անցնում է երրորդ տարին, շուտով կրսկեսս ապրել դարձեալ քո մարդու հետ», — ասաց և գնաց փակուեցաւ սենեակում: Խեղճ կինը շատ լացեց և վերադարձաւ իւր սենեակը:

Այսպէս նոքա ապրեցին շարունակ երեք տարի:

Մի շաբաթ էր մնում, որ երրորդ տարին լրանայ, երբ իշխանը հրամայում է ժողովիլ իւր մօա զաւաօրի ամէն ծայրից բոլոր որբերին ու աղքատներին՝ կամենում էր նոցա հիւրասիրել և ընծաներ տալ: Ձիաւորներ գնացին ընկան քաղաքից քաղաք, գիւղեց գիւղ հրաւիրուածներին կանչելու: Իշխանի բակը շուտով լցուեցին ամէն տեղեց որբերն ու աղքատները, կաղերն ու կոյրերը, անդամալքածներն ու ծերերը: Եկողների թիւը այնքան շատ էր, որ տեղ չլինելու պատճառով, մի քանիսը նոցանից տեղաւորուեցին վանքի բակում:

Իշխանը եկաւ մօտաւ եկեղեցի, աղքատներն էլ հետը մօտան, ինչքան որ եկեղեցին կարող էր տանել, իսկ մնացած ամբողջը կանգնեց եկեղեցու դրան մօտ: Իշխանի սպասաւորները այդ ժամանակ հրապարակում բաց էին անում սեղանները և հացը ձգում. դարսում էին խմորեղէն, արզանակ, միս և գինի. բոլոր որբերին տեղ եղաւ սեղանների շուրջը:

Շուտով երևեցաւ իշխանը. նա եկեղեցու դրանը կանգ առաւ, ձեռքով արաւ՝ բոլորը լուեցին:

— Դատ ուրախ եմ, օր ձեզ տեսնում եմ, բարի մարդիկ, — ասաց նա, — խնդրեմ, նստէք ձեր տեղերը և անուշ արեք. և երբ կըվերջացնէք, ես դարձեալ կըգամ ձեզ մօտ: — Իշխանը գնաց պալատը: Հրաւիրուածները նստեցին սեղան. մի շարք կոյրեր տեղաւորուեցին մի սեղանի շուրջը. նոքա 12 հոգի էին բացի իւրեանց գլխաւորից: Սա նստե-

ցրեց նոցա և սկսեց ծառայութիւն անել՝ արգանակը ամանները ածեց, բաժանեց հայրը, խմորեղէնը, կտրատեց միսը, դգալները տուեց նոցա: Կոյրերը վայելում էին, իսկ ինքը մէկից անցնում գալիս էր միւսի մօտ ծառայութիւն անում:

Ճաշը վերջանում էր, իշխանը դարձաւ պալատից և անցաւ աղքատների շարքը: Նա մէկին մի բան էր ասում, միւսին հարցնում, երրորդին մտիթարում. իսկ նորա սպասաւորները հանդերձներ և փող էին բաժանում ամէնքին: Վերջապէս իշխանը մօտեցաւ վերջին սեղանին, որտեղ կոյրերն էին: Սոցա զլխաւորը (ման ածողը) երբ իշխանին տեսաւ, դողդողաց և սպըղնեց: Իշխանը մօտեցաւ նորան և հարցրեց.

— Դու էլ աղքատ ես:

— Ո՛չ, վսեմափայլ իշխան, ես աղքատ չեմ. ես աղքատների ծառան եմ:

— Լաւ ասացիր, այ մարդ. ինչպէ՞ս է անունդ:

— Ինձ Ս. Էքսիանոս կն ասում,—ասաց նա զետնին նայելով:

Հրեշտակը նայեց նորա աչքերին, ժպտաց և ասաց.

— Ամէն սուտ ստի տեղ չե՛ անցնիլ: Արե՛ յետեւիցս:

Թողնելով իւր կոյրերին, նոցա զլխաւորը գնաց իւր իշխանի հետ պալատ: Անցնում են նոքա բազմութեան միջով և ահա ամէնքը աչքերը դարձրել են նոցա, կարծես, երկու եղբայր լինին նոքա, այնքան նման են միմեանց, երկուսն էր բարձրահասակ, սև մազերով, դէմքի զծագրութիւնը բոլորովին մէկ է. միայն Ս. Էքսիանոսի մազերը չալ են ընկել, դէմքն էլ արեւից ու քամուց թուխ է դարձել, մինչ զեռ իշխանի երեսը սպիտակ է և պարզ: Բազմութիւնը ճանապարհ տուեց, նոքա անցան պալատը: Հրեշտակը տարաւ նորան հեռաւոր սենեակներից մէկը և փակեց դուռը:



— Ես քեզ ճանաչեցի, Ագեւոս, — ասաց նորան իշխանը, — բայց դու ինձ ճանաչում ես:

— Գիտեմ, Տէր, դու եկել ես Աստուծոյ մօտից ինձ պատժելու: Մեղայ մեղքերիս և ողջ անցեալ կեանքիս համար: Շատ լացեց Ագեւոսը, աղի արտասուք թափելով. իսկ Նրեշտակը կանգնած է նորա դիմաց՝ պայծառ գէմքով և ժպիտը հրեւին: Բարձրացրեց Ագեւոսը գլուխը, կտրեց լացը՝ երբէք պղպխի ժպիտ նա չէր տեսել:

— Վերջացաւ քո պատիժը, — ասաց նորան Նրեշտակը, — ան իշխանական ծիրանիւ, սուրգ և գաւազանիւ, իշխիր ժողովրդին խնստութեամբ և հեզութեամբ, այսուհետեւ հղիւ ժողովրդի հղբայրը:

— Չէ, Տէր իմ, չեմ կամենում ես ոչ սուր, ոչ գաւազան, ոչ դտակ, ոչ էլ ծիրանի: Ես չեմ կամենում թողնել իմ կոյր ընկերներին, ես նոցա համար և լոյս եմ, և կերակուր, և բարեկամ, և հղբայր: Երեք տարի շարունակ ես աշխատում եմ նոցա համար, սրտով և հոգով ես կապուած եմ նոցա հետ: Ներքի ինձ, թող զնամ նոցա մօտ:

— Դալ ես ասում, Ագեւոս, — ասաց Նրեշտակը, — գնա՛ խաղաղութեամբ:

Վեր կացաւ Ալեքսիանոսը, գնաց կոյրերի մօտ. ամբողջ կեանքը աշխատեց նոցա համար, շատ տարի նա այսպէս ապրեց մինչև իւր մահը:

Իսկ Նրեշտակը երեք օրից յետոյ թողեց իշխանի մարմինը: Թաղեցին մարմինը: Շատ ցաւեց ժողովուրդը իւր իշխանի մահուան վերայ, որ սկզբում գոռոլ էր, իսկ վերջը հեղ ու խոնարհ:

Իսկ Նրեշտակը բարձրացաւ երկինք՝ Աստուծոյ մօտ:

\* \* \*

(Նաղսոնից) .

Ձեմ աղօթում ես առ Այն, զոր հաղիւ հազ իմ հոգին  
Երկիւղալից զարմանօք յանդգնում է անուանել .  
Ում առաջ իմ խելացս ոյժ մնում է տկար և լռին  
Եւ սիգամը անմտութեամբ ձկտի Նորան ըմբռնել .  
Ձեմ աղօթում ես առ Այն, ոյր խորանայն ընդ առաջ  
Ի ծունր իջնեն ժողովուրդք՝ խոնարհ և լուռ երկրպագ,  
Ուր շողշողան հուրք անշէջ, և ձայնեն երգք ի հառաչ,  
Բիւր բուրմանց մէջ քաղցրասիւք, վէտ վէտ խնկոց սիրառար .  
Ձեմ աղօթում ես Նորան, զոր և ամբօխն սուրբ հոգեաց  
Երջապատէ ի պատկառ, յահ և ի դող սրբազան,  
Սներեղթ որոյ գահն՝ ընդ աստեղօք լուսաղգեաց  
Թագաւորէ խառնացրիւ աշխարհաց վրայ անսահման .—  
Ոչ նրա առաջ ես համր եմ... Գիտակցութիւնն իմ խորին  
Ոչնչութեանն էակիս կաշկանդում է իմ բարբառ,—  
Մի այլ սիրոյ քաղցր հրճուանք գրաւում է ինձ կաթողին—  
Ոչ արքայից փառքն և գահ,—այլ վեշտք խաչին սիրափար:  
Իմ Աստուածն է ինձ քարշում, տառապելոյ իմ Աստուած,  
Աստուած արեամբ ողորկալ, որ երկնային իւր հոգւով  
Աստուած է մանր և եղբայր, որոյ հանդէպ տանջանաց  
Եւ սուրբ սիրոյն ծունր իջնեմ իմ ջերմաջերմ աղօթքով:

Պ. Հ. ԱԴԱՄԵԱՆ:



### ՅԱՐՈՒԹԵԱՆ ԳԻՇԵՐ

Աւանդումին

(Շէքսպիրին).

Դաշտավայրը դեռ կարկամած, անշարժ է. բայց դիշերային խորին լուռութեան մէջ, ձիւնէ պատառոտ տակից ահա՛ արդէն լսվում է սթափուող առուակների խոխոջիւնը: Զորերի և նոճիների մէջ այդ խոխոջիւնը փոխվում է մի տեսակ խուլ վշտոցի և նախազգուշացնում ուղեւորներին, որ այդտեղ ճանապարհը փչացած է, որ այդտեղ ձիւնի տակ փոքրիկ ջրայից գետիկ կ'ոչացած: Բայց անտառը դեռ լուռ է և ճնշուած եղեամից, որպէս առասպելական հսկան երկաթէ գլխարկից: Մթագոյն երկինքն ամբողջապէս սփռուած է ասաղերով, որոնք ցօղում են երկրին սառն և դողդոջիւն լոյս: Նորա խաբուսիկ, աղօտ փայլի մէջ մերթ առկայծում և մերթ չքանում են ձիւնաշեղջերի մէջ ընկղմուած ծառերի մութ և խաւար կէտերը: Որբութեան, աղքատութեան և անտիրականութեան կնիքը դրոշմուած է ամեն տեղ—և՛ սառած ու փետացած դաշտավայրի վերայ, և՛ անխօս ու պապանձուած անտառում: Ամեն ինչ կապուած, կաշկանդուած է լուռ և անօգնական, կարծես թէ մի աներևոյթ, բայց սոսկալի սարկութիւն է անխափանում այստեղ:

Բայց ահա յանկարծ դաշտավայրի մի ծայրում հնչուեցաւ կէսգիշերային զանգակի դողանջիւնը. նորան հանդէպ, հակառակ ծայրից սլացաւ մի ուրիշ դողանջիւն, նորան հետեւեց երրորդը, չորրորդը: Գիշերային մռայլում երևան եկան եկեղեցիների վառվռուն գմբէթները և շրջակայքը յանկարծակի կենդանացաւ: Ճանապարհների վերայ շղթայաձև



փռուեցաւ գիւղական ժողովուրդը: Առջեւից դնում էին մոխրագոյն մարդիկ, մարդիկ տանջուած ու չարչարուած աղքատութիւնից և կեանքի հոգսերից, մարդիկ, մաշուած սրտերով և մինչ երկիր խոնարհած գլիններով: Նոքա դնում էին՝ իրենց խաղաղասիրութիւնը և հառաչանքները տանելով տաճար: Սյդ էր այն ամենը, ինչ որ նոքա կարող էին նուիրաբերել յարուցեալ Ասածուն: Նոցա ետեւից, հեռաւորութեան մէջ ընթանում էին գիւղական հարուստները, վաշխառուները և գիւղի այլ իշխանաւորները զուգուած ու կոկուած տօնական հագուստներով: Նոքա ուրախ-ուրախ զրոյց էին անում միմեանց հետ և նոյնպէս դնում տաճար, ուր տանում էին իրենց տնեցալից բաղձանքներն առաջնիկայ շաբթին դարձեալ խնդալու, դարձեալ զուարճանալու: Բայց շուտով մարդկանց խմբերը խորասուզուեցան անտառի խորքը: Օդի մէջ մարեց հրաւիրական զանգակի վերջին հնչիւնը և ամեն ինչ դարձեալ ընկղմուեցաւ փառաշուք և հանդիսաւոր լռութեան մէջ:

Մի խորին գաղանիք զգացուեց նոր սկսուած շարժողութեան այդ յանկարծակի ընդհատման մէջ. կարծես տիրող լռութեանը հետեւում էր մի հրաշք, որը պէտք է կեանք և վերածնութիւն ներշնչէր աշխարհին: Եւ իրաւ, զեռ արեւելքը չը շառագունած՝ տնեցալից հրաշքը յայտնուեց: Յարեաւ հայհոյուած և խաչուած Փրկիչը: Յարեաւ Աստուած, որին ի սկզբանէ անտի զայրացեալ և հիւանդոտ սրտերն աղերսում են. «Մտապի՛ր, ո՛վ Տէր»:

Յարեաւ Աստուած և նորա շնչով լցուեցաւ ամբողջ տիեզերքը: Լայնարձակ անապատը դիմաւորեց Նորան իւր ձիւնապատ գեմքով, իւր բուք ու փոթորիկներով: Անապատի ետեւից տարածուեց հզօր անտառը, որը նոյնպէս զգաց Յարուցեալի մերձենալը: Հսկայ եղէնիներն երկինք բարձրացրին իրենց թաւոտ թաթերը. հարիւրամեայ մայրիկների դազաթներն օրօրուելով՝ ճարձատեցին ու ճայթճայթե-

ցին. ձորերն ու գետերը զողանջեցին. գազանները դուրս վազեցին իրենց խորշերից ու որջերից. թռչունները դուրս թռան իրենց բներից. — ամենքն էլ իմացան, ամենքն էլ զգացին, որ Հեռու, անսահման խորքից առաջ էր գալիս մի ինչ-որ լուսաւոր, հզօր և վեհ զօրութիւն, որի փայլը նսեմացնում էր լոյսն ու ջերմութիւնը: Ամենքն էլ աղաղակեցին. «Արդեօք այդ Դ՞ո՞ւ էս, ո՞վ Տէր»:

Տէրն օրհնեց երկիրն ու ջուրը, գազաններին ու թռչուններին և ասաց.

— Խաղաղութիւն ձեզ: Ես ձեզ համար բերել եմ և՛ գարուն, և՛ ջերմութիւն, և՛ լոյս: Ես գետերը կ'ազատեմ սառցեայ կապանքներից. անապատը կը ծածկեմ կանաչ դորգերով. անտառը կը կենդանացնեմ քաղցր մեղեդիներով և անուշ բուրմունքներով: Ես կը զովայնեմ և կը անուշանեմ թռչուններին ու գազաններին և բնութիւնը կը գեղազարդեմ հազարաւոր հրաշալիքներով ու զուարճութիւններով: Թող նորա օրէնքները թեթեւանան ձեզ համար. թող նա իւրաքանչիւր էակի, իւրաքանչիւր հազիւ նկատելի միջատի համար անգամ գծադրէ շրջան, որի մէջ նոքա կարողանան հաւատարիմ մնալ իրենց սկզբնական, բնատուր կոչմանը: Դուք անդատելի էք, որովհետեւ կատարում էք այն, ինչ որ տրուած է ձեզ դարերի սկզբից: Մարդն անընդհատ պատերազմ է մղում բնութեան դէմ՝ թափանցելով նորա գազանիքների մէջ և երբէք չը կարողանալով նախատեսել ո՛չ վերջ և ո՛չ սահման իւր աշխատութիւններին: Նորան անհրաժեշտ են այդ գազանիքները, որովհետեւ նորանք կազմում են նորա բարօրաբուրութեան և յառաջադիմութեան անխուսափելի պայմանները: Բայց բնութիւնը միշտ ինքնիշխան է—և հենց դրա մէջն է նորա առաւելութիւնը, նորա գերազանցութիւնը: Զոք է՛, թէ մարդս կամաց-կամաց ներս է թափանցում նորա գիրկը—նա տիրապետում է միայն նորա ամենափոքրիկ մասնիկ-

ներին իսկ բնութիւնը շարունակում է հանապազ ներկայանալ նորան իւր սկզբնական անմերձեւալի դիրքով և ճնշում, յաղթահարում է նորան իւր հզօրութեամբ: Խաղութիւն ձեզ, անտառներ և անապատներ, գազաններ և թռչուններ, թռչ կեանք և ջերմութիւն ներշնչեն ձեզ իմ Յարութեան ճառագայթները:

Բնութիւնն օրհնելուց յետոյ, Յարուցեալը դարձաւ մարդկանց: Ամենից առաջ նորան ներկայացան մարդիկ՝ արտասուտախառն աչքերով, ճնշուած հոգս ու վշտերից, կորացած աշխատութեան լծի տակ: Եւ երբ Նա տեսց նորանց, «խաղաղութիւն ձեզ»—նորանք իսկոյն օդը լցին իրենց հառաչանքներով և երեսի վերայ տարածուեցան գետին՝ լուռ ու մունջ փրկութիւն հայցելով Տիրոջից:

Եւ Յարուցեալին նորից պաշարեց այն մեծ և մահացու վիշտը, որով մինչ ավուկքը լցուեցաւ Նորա սիրտը Դեթսեմանի ձորում, երբ Նա սպասում էր Իւր համար պատրաստուած դառն բաժակին: Այդ բազմաչարչար զինուորաւորների ամբողջ խումբը, որ խոնարհուեց Նորա առջև, կրում էր իւր վերայ կեանքի բեռը՝ ի սէր Նորա անուան: Նորանք առաջինն ունկնդիր եղան Նորա խօսքին և այդ խօսքն յաւիտեան դրոշմեցին իրենց սրտերում: Նա նորանց բոլորին էլ տեսաւ Գողգոթայի ծայրից, թէ ի՛նչպէս նորանք կաշկանդուած ստրկութեան կապանքներով՝ անքում, հեծում էին: Նա խաչն ուսին՝ շարունակելով իւր ծանր ճանապարհը՝ բոլորին էլ օրհնեց, բոլորին էլ խոստացաւ փրկութիւն: Եւ ահա այդ օրից նորանք բոլորն էլ կարօտում են տեսնել Նորան, դիտապատառ դիմում են դէպի Նա: Ամենքն էլ անկեղծ և անխարդախ տարածում են դէպի Նա իրենց բազումները. «Արդեօք այդ Դո՛ւ ես, ո՞վ Տէր»:

— Այո՛, այդ ես եմ,—ասաց Նա նորանց:—Ես խորտակեցի մահուան կապանքները, որպէս զի դամ ձեզ մօտ, ով իմ հաւատարիմ ծառաներ, իմ թանկագին չարա-



րակից եղբայրներ: Ես միշտ և ամեն տեղ ձեզ հետ եմ: Եւ ամենուրեք, ուր միայն թափուած է ձեր արիւնն— այնտեղ՝ ձերի հետ միասին՝ թափուած է և՛ Իմ արիւնը: Դուք մաքուր և անկեղծ սրտով հաւատում էք Ինձ նորա համար միայն, որ Իմ քարոզը պարունակում է իւր մէջ ճշմարտութիւն, առանց որի տիեզերքը ներկայացնում է մի սանդարամետական դժոխք, մի մեծաբովանդակ պա- հարան քայքայման և զեղխութեան: Սիրիւր Աստծուն և սիրիւր քո մերձաւորին, ինչպէս քո անձը— ահա՛ այդ ճշմար- տութիւնը՝ իւր պարզութեամբ և իւր անկեղծութեամբ հանդերձ, և նա աւելի մատչելի է ո՛չ թէ աստուածաբան- ներին ու սաղմոսերգուններին, այլ միայն ձեզ՝ ձեր պարզ և չարատանջ սրտերին: Դուք հաւատում էք այդ ճշմար- տութեան և սպասում նորա դալստեան: Ամառը, արեգակի կիզիչ ճառագայթների տակ, դաշտում քրտինք թափելիս՝ դուք ծառայում էք նորան, ձմեռը, երկար ու ձիգ դիշեր- ներին, շարուած ընթրիքի աղքատիկ սեղանի շուրջը՝ աղօտ պլպլացող ծրագի առջև, դուք ուսուցանում էք այդ ճշմար- տութիւնը ձեր զաւակներին: Թէև նա ինքն ըստ ինքեան շատ համառօտ է, սակայն ձեզ համար այդ ճշմարտու- թիւնն ամփոփում է իւր մէջ կեանքի ամբողջ իմաստն ու նշանակութիւնը, նա ծառայում է ձեզ, որպէս անսպառ աղբիւր ձեր նորանոր զրոյցների: Այդ ճշմարտութիւնը սրտերիդ մէջ՝ դուք քուն էք մտնում դիշերը, այդ ճշմար- տութեան հետ անբաժան՝ արթնանում էք առաւօտեան: Այդ ճշմարտութիւնն է, որ նուիրաբերում էք Իմ սեղա- նիս վերայ՝ փոխած նորան արցունքների և հառաչանքների, որոնք խնկի հոռիցն էլ աւելի քաղցր և անուշ բուրմուն- քով լուծում, հալեցնում են սիրտս:

Գիտցած եղէք, որ թէպէտ և ոչ ոք չէ կարող նախա- տեսնել, թէ երբ կըհնչէ ձեր ժամը, բայց նա արդէն մօ- տենում է: Այո՛, շուտով կըհնչէ այդ ժամը և կըծագէ լոյս,

որին չէ կարող յաղթել խաւարը: Եւ դուք կըթօթափէք ձեր վերայից վշտի, կարիքի և թախծութեան լուծը, որ տանջում, չարչարում է ձեզ: Ասում եմ Հաստատապէս և որպէս մի ժամանակ Գողգոթայի զագաթիցն էի օրհնում և առաքում ձեզ Հոգեկան փրկութիւն, նոյնպէս և այժմ եմ օրհնում ձեզ վայելելու նոր կեանք լուսոյ, բարութեան և ճշմարտութեան թագաւորութեան մէջ: Թող ձեր սրտերը չը Հակուեն դէպի նենգաւորութիւնն ու խարդախութիւնը. թող նորանք միան միշտ մաքուր և պարզ, ինչպէս մինչև օրս էին, և թող Իմ խօսքը Հանապաղ ճշմարտութիւն մնայ: Խաղաղութիւն ձեզ:

Յարուցեալն առաջ գնաց և ճանապարհին Հանդիպեց այլ մարդկանց: Նորանց մէջ կային և՛ ունեւորներ, և՛ վաշխառուներ, և՛ խտտախրտ կառավարիչներ, և՛ գողեր, և՛ մարդասպաններ, և՛ երեսպաշտներ, և՛ անարդար դատաւորներ, և՛ կեղծ բարեպաշտներ: Նորանք ամենքն էլ զնում էին՝ սրտերը լցրած անցեալի յիշատակներով և ուրախ ուրախ զրոյց էին անում՝ զիմաւորելով ոչ թէ Փրկչի Յարութեանը, այլ ապագայ մեծաշուք ունայնութիւններին և տօնական զեղխութիւններին: Բայց զգալով Յարուցեալի մերձենալը՝ նորանք ևս շփոթուած կանդ առան:

Յարուցեալը նոցա առջև նոյնպէս կանգնեց և ասաց. — Դուք դարուս զաւակներն էք և ձեր այդ դարի ոգովն էլ առաջնորդվում էք: Մահախնդրութիւն և իշխանական փառասիրութիւն— ահա՛ ձեր գործունէութեան ղեկավարները: Զարութեամբ լցուել է ձեր բովանդակ կեանքը, բայց դուք այնպիսի թեթևութեամբ կրում էք այդ չարութեան լուծը, որ ձեր խղճի հազարերորդ մասն անգամ չի սարսում այն ապագայի առջև, որ պատրաստում է ձեզ համար այդ լուծը: Զեր ամբողջ շրջապատը ներկայանում է ձեզ խոնարհութեամբ, զլիսակոր. ձեր շուրջը զանուող ամեն ինչ կարծես կոչուած է ծառայելու ձեզ: Բայդ դուք

տիեզերքը տիրապետել էք ոչ թէ այն պատճառով, որ ինքն ըստ ինքեան ուժեղ էք, ոչ, այլ որովհետեւ այդ ոյժը դուք ժառանգել էք ձեր նախահայրերից: Այդ օրից արդէն դուք ամեն կողմից պաշտպանուած էք. և աշխարհիս հզօրները ձեզ համարում են մշտակեաց, յաւիտենական: Այդ օրից դուք հուր ու թուր ձեռքին առնջ և միշտ առնջ էք զնում: Դուք զողանում և սպանում էք. դուք, առանց պատժուելու, յանդգնում էք անդոսնելու ու պարսաւելու աստուածային և մարդկային օրէնքները և պարծենում էք, որ այդ յանդգնութիւնը ձեր սկզբնական ժառանգական իրաւունքն է: Բայց ասում եմ ձեզ—կրդաց ժամանակ, և նա շատ հեռու չէ, երբ ձեր բոլոր խորհուրդներն ու բաղձանքներն օգ կրցնե՞ն և կրցրու՞են, որպէս փոշի: Թոյլերը նոյնպէս տէր կրկանդեն իրենց ոյժին, իսկ դուք կրխոստովանէք ձեր ոչնչութիւնը այդ ոյժի առջև: Արդեօք երբ և իցէ նախատեսե՞լ էք դուք այդ ահաւոր ժամը: Արդեօք երբ և իցէ խռովուե՞լ, մտայուզուե՞լ էք դուք այդ նախատեսութիւնից՝ խորհելով ձեր և ձեր որդոց մասին:

Մեղաւորներն ոչինչ չէին պատասխանում այդ հարցերին: Նորանք աչքերը գետին խոնարհած՝ կանգնած էին, կարծես, սպասելով աւելի դառն նախատիքների: Յարուցեալը շարունակեց.

— Յանուն Իմ Յարութեան ես ձեր առջև նոյնպէս բայ եմ անում փրկութեան ճանապարհը: Այդ ճանապարհը— ձեր սեպհական խղճի գատաստանն է: Նա ձեր առջև կրմերկացնէ ձեր անցեալը իւր բոլոր գոյներով: Նա դուքս կրկուցէ ձեր զոհերի ուրուականներին և իբրեւ պահապաններ կրկանդենցնէ նորանց ձեր գլխավերւեր: Զայրացեալների առումների կրճառոյր կրգրդեցնէ ձեր տները: Կանայք չեն ճանաչել իրենց ամուսիններին, որդիք—իրենց հայրերին: Բայց երբ ձեր սրտերը կըթօշնեն, կըցամաքեն վշաից ու թախծութիւնից, երբ ձեր խիղճը կըթաթաղուէ, որպէս մի բաժակ,



որ չէ կարողանում պարունակել իւր մէջ մինչ ափունքը լցուած դառն հեղուկը — այն ժամանակ ձեր զոհերի ուրուականները կըհաշտուեն ձեզ հետ և կըքանան ձեր առջև փրկութեան ճանապարհը: Եւ այն ժամանակ էլ չին լինիլ ո՛չ դողեր, ո՛չ մարդասպաններ, ո՛չ կեղծ բարեպաշտներ, ո՛չ կաշառակերներ, ո՛չ անարդար իշխանաւորներ. այն ժամանակ ամենքն էլ միակերպ կրինդէան, կըհրճուին Խմ օթեւանում, հասարակաց սեղանի շուրջ: Գնացէք և ղիտցած եղէք, որ Խմ խօսքը — ճշմարտութիւն է:

Այդ բոլորէն արեւելքը շառագունեց և անտառի անօտը աղջամուղջի մէջ պատկերացաւ մարդկային մի այլանդակ մնացունա, որը կազմաւսի ճիւղից կախուած՝ ձօճում էր: Կախուածի գլուխը, համարեա բոլորովին անջատուած էր բնից, քարշ էր ընկել ներքեւ: Սգուաներն արդէն դուրս էին փորել նորա աչքերը և ամբողջապէս կտցակեր արել այտերը: Իսկ նորա բունը տեղ-տեղ մերկ էր և ծածկուած նեխուած վերքերով: Գիշատիչ թռչունների երամը ճակրտում էր մնացունսի շուրջը, իսկ աւելի համարձակները շարունակում էին իրենց աւերիչ կտցահարութիւնը:

Դա մասնիչի մարմինն էր, որն ինքը իւր անձը դատեց:

Բոլոր ներկայ եղողները սարսափած և զզուանքով երեսները շուռ տուին այդ սրտայոյզ տեսարանից: Յարուցեալի հայեացքը վառուեց բարկութեան հրով:

— Օ, մատնիչ, — ասաց Նա, — դու կարծում էիր, թէ ինքնակամ մահով արդէն ազատուած ես քեզ ճ'նշող դաւաճանութիւնից: Դու շուտով խոստովանեցիր քո սոսկալի յանցանքը և շտապեցիր վերջ տալ ամօթալի կեանքիդ: Գործածդ ոճիրն այնպէս որոշ պատկերացաւ քո առջև, որ դու սարսափած երես դարձրիր ընդհանուր արհամարհանքից և գերադասեցիր հոգեկան անկումը: «Մի ակնթարթ, — ասացիր դու ինքդ քեզ, — և իմ հոգին կըխորասուզուի անդոյս խաւարի մէջ և սիրոս կըղադարի խղճի

խայթումներին հպատակուելուց: Բայց այդպէս չի լինիլ: Իջի՛ր այդ ծառից, ո՞վ մատնիչ, թո՛ղ քո դուրս փորուած աչքերը դարձեալ իրենց տեղը բռնեն. թո՛ղ քո նկատուած վէրքերդ դարձեալ փակուեն և թո՛ղ նախատելի կերպարանքդ վերակենդանանայ նոյն տեւքով, որպէս նա էր այն րոպէին, երբ դու համբուրում էիր քեզնից մատնուածի դէմքը: Սպրի՛ր:

Այդ խօսքերի վերայ, ամենքի աչքի առջև, մատնիչը ցած իջաւ ծառից և Յարուցեալի ոտների տակ ընկաւ՝ մահ աղերսելով նորանից:

— Ես ամենքին էլ ցոյց տուի փրկութեան ճանապարհ,— շարունակեց Յարուցեալը,— բայց քեզ համար նա, ո՞վ մատնիչ, յաւիտեան փակուած է: Դու անիծուած ես Աստծուց և մարդկանցից. դու անիծուած ես յաւիտեանս յաւիտենից: Դու ոչ թէ սպանեցիր քո բարեկամին, քո սրտաբաց մտերմին, այլ անակնկալ վերայ հասնելով՝ մատնեցիր նորան հրապարակական պատժի և նախատինքի: Դու կըշռջես քաղաքէ քաղաք, գիւղէ գիւղ և ոչ մի տեղ քեզ ապաստան չես գտնիլ: Դու կըբաղնես ամենքի դուռը և ոչ ոք չի բանալ նորան. դու հաց կըխնդրես և քեզ քար կըտան. դու ծարաւից պապակած ջուր կ'աղերսես և քեզ կըտան քո վաճառած արիւնով լի բաժակ. դու կ'արտասուես և քո արցունքները հրային հեղեղների փոխուելով՝ կ'այրեն քո այտերը և կըծածկեն նորանց վէրքերով: Այն քարերը, որոնց վերայով դու անցնելիս կըլինես՝ կ'աղաղակեն. «մատնի՛չ, անիծուե՛ս դու»: Մարդիկ փողոցներում ետ քաշուելով՝ ճանապարհ կըտան քեզ և դու ամենքի երեսների կըկարդաս. «մատնի՛չ, անիծուե՛ս դու»: Դու մահ կըլինտուես թէ՛ ցամաքի և թէ՛ ջրի վերայ, և մահը զգուանքով կըթրշայ ականջիդ. «մատնի՛չ, անիծուե՛ս դու»: Այդ բաւական չէ, առ ժամանակ բախտը կըխղճայ քո վերայ, դու կըգտնես քեզ բարեկամ և կըմատնես նորան, և այդ բարեկամը բան-

տի խորքից վշտակոծ ձայնով կ'աղաղակէ. «մատնի՛չ, անիծուե՛ն դու»: Քեզ ընդունակութիւն կըտրուի բարիք գործելու, բայց գործած բարերարութիւնդ կըթունաւորէ քո բարեքները վայելողների սրտերը: «Մատնի՛չ, անիծուե՛ն դու,—կ'աղաղակեն նորանք,—անիծուե՛ն դու էլ, քո բոլոր գործերն էլ»: Եւ կըշրջես դու դարէ ցգար, կըշրջես խորտակուած հոգով, արթուն և աւերիչ ճիճուն սրտիդ մէջ: Սպըիւր, անիծեալ և սպազաց սերունդի առջև վկայիր այն անվերջ պատժի ու տանջանքների համար, որոնց սպասում է մատնութիւնը: Վե՛ր կաց և, դաւազանի փոխարէն, ձեռքդ առ այդ ծառի ճիւղը, որից կախուելով՝ յոյս ունէիր դու մահուան արժանանալ: Վե՛ր կաց և զնա:

Եւ հազիւ թէ Յարուցեալի խօսքը մարեց օդի մէջ, մատնիչը վեր կացաւ, առաւ իւր դաւաղանք և շուտով նորա քայլերի ձայնը խլացաւ այն անեզը և խորհրդաւոր հեռաւորութեան մէջ, ուր սպասում էր նորան դարէ դար տեղող անվերջ կեանքը: Եւ նա մինչև օրս էլ շրջում է երկրի վերայ՝ սերմանելով ամենուրեք խառնակութիւն, դաւաճանութիւն և քայքայումս...

Մոսկուա

Ա.Դ. ԾԱՏՈՒՐԵԱՆ.





## ԳԻՒՂԻ ԱՍՊԵՏՆԵՐԸ

(Զրոյց Մօնսըլէի).

Հաղիւ թէ ամբողջ գաւառումը հայր Տալօնից աներկիւղ ու քաջ մի բռակոնիէր <sup>1)</sup> զանուէր: Նորա հրացանը ճանաչում էին բոլոր շրջակայքում, տաս ժամուան տարածութեան վերայ. զիտէին նաև այն, որ նա ոչ մի անգամ դեռ չէր վրիպել հրացան արձակելիս: Վերդէսին մօտ, անտառի խորքումը, նա մի խրճիթ էր շինել իւր համար քարայրի ձևով. խրճիթի կտրի վերայ մի մեծ ցախաւել էր ցցուած, ասես թէ այդ մի պանդոկ լինէր:

Ծերունի Տալօնը տանից դուրս էր գալիս միշտ իւր շան և աղջկայ հետ միասին: Նորա շունը մի անտամեղի կեղտոտ և միւկնոյն ժամանակ շատ խելօք կենդանի էր. չգիտեմ ինչու հայր Տալօնը նորան «Ժանդարմ» էր ասում: Աղջկայ անունն էր Յովհաննա: Սա զարմանալի փայլուն աչքեր ու շքեղ մազեր ունէր. իսկ տեսքը՝ տարիքին նայած, խիստ պրտկան էր ու հպարտ: Խէպէտ նորա զուարթ կարմիր շրթունքը մի տեսակ արհամարհական ժպտի արտայայտութիւն ունէին, իսկ ճակատը կատարեալ առնայի անվեհերութիւն էր ցոյց տալիս, այնու ամենայնիւ երբ մարդ տեսնում էր նորա կարմիր թշերը և կզակի չքնաղ փոսիկը, ակամայ մոռանում էր նորա զէմքի մի քանի դժերի կոշտութիւնը: Պէտք է աւելացնեմ և այն, որ Յովհաննան բարձր հասակ ունէր, ուստի զարմանալի չէ որ, երբ այդ թարմ գեղեցիկ աղջիկը երբեմն կիրակի օրերը երևում էր ծառերի տակին պարողների թուում, ընկերուհիներից և ոչ մինը նորան հաւասարուել չէր կարող:

<sup>1)</sup> Braconier, որ թաղուն որս է անում ուրիշների կալածներում:

Միակ բանը որ միացնում էր հօրն ու աղջկանը՝ արեան կապն էր. նա պահում էր աղջկանը, սա յարգում էր նորան,—սորանով սահմանափակվում էին նոցա յարաբերութիւնները. խօսք չկայ որ քնքշութիւն ասած բանը այստեղ չէր կարող լինել: Յովհաննայի պարտաւորութիւնները շատ պարզ էին. որսորդի պայուսակը ձեռին, ոտաբոբիկ, շրջազգեստի փեշերը կշտած՝ ուղեկցում էր նա միշտ հօրը որսի ժամանակ:

Յայտնի բան է, անտառներում ու դաշտերում շարունակ ման գալով հրացան բանեցնելը նա լաւ սովորեց: Նա կատարելապէս երջանիկ համարեց իրան այն օրը, երբ առաջին անգամ անձամբ մի վայրի բազ սպանեց: Այդ օրից նա հօր աներիկուղ, բայց հըռ աշակերտուհին դարձաւ և շատ ճիշդ նշանի էր զարկում: Նա ծերունի Տալօնի պարծանքը դարձաւ, և եթէ սա մի փութ ունէր, նորա մի մասը պատկանում էր Յովհաննային:

Այս պարզ, կիսավայրենի մարդիկը միասին որս էին անում, միասին կռվում էին գոյութեան համար: Երկուսն էլ հաւատարապէս լռութիւն սիրող էին և վճռողական. յաճախ ամբողջ ժամեր նոքա մի ձայն չէին հանում, ոչ մի հայեաք չէին ձգում իրար վերայ: Մի բանում կարելի է ասել նոքա միշտ համամիտ էին, այն է՝ երբ պէտք էր լինում ժանդարմին կանչել:

Ինչ և իցէ, մինչ Յովհաննան հալածում էր օդի ու անտառի բնակիչներին, սիրոյ փոքրիկ աստուծոյ նեար երիւրիտասարդ որսորդուհու սիրտը խոցեց: Նոտ անգամ արդէն բարձրացրած հրացանը նա ցած էր թողնում և կանգնում էր, կարծես մի բանի վերայ մտածում լինէր. այս պատահում էր մանաւանդ այն ժամանակ, երբ նա տեսնում էր հողմադաքի թևերը, որի շեմքում կանգնած էր լինում մի քսան տարեկան պատանի, շէկ մազերը սպիտակ սրածայր դգակի տակից դուրս թափած: Յա-

Ճախ նա առն էր գառնում բոլորովին գատարկաձեռն ու շփոթուած:

Այս բանը հայր Տալօնից թագուն չմնաց: Երբ մի անգամ նա աղջկանը չափազանց յուզուած նկատեց, սկսաւ անէծքներ թափել նորա գլխին և քթի տակից մի բան էր փնթփնթում որ անում էր նա միայն այն ժամանակ, երբ բարկանում էր: Նոքա մի միջոց լուռ գնում էին. յանկարծ ծերուկը դարձաւ աղջկանն ու ասաց շտապով.

— Հա՛, չմոռանամ, Յովհաննա՛. ես մոքումս դրել եմ քեզ մարդու տալ:

— Ո՞ւմ, հայր:

— Պիէռ Լաւալն է խնդրում. նա պատուական մարդ է և իմ բարեկամն է: Ես նորան խօսք եմ տուել արդէն:

Աղջկը սկիզբը կարմրեց, յետոյ զարմացած բարձրացրեց գլուխը և իւր սովորական ժպտովն ասաց.

— Իսկ ես Պիէռին ամենևին չեմ հաւանում:

— Գուցէ, բայց ես հաւանում եմ:

Յովհաննան նայեց նորա վերայ, կարծես կամենում էր համոզուել որ նա հանաք չէ անում, և տխուր արտասանեց.

— Ես չեմ ուզում մարդու գնալ:

Հայրը ուշադրութիւն չդարձրեց: Նա կամաց վերցրեց հրացանը, նշանեց, լսուեցաւ հրացանի ձայնը, թռչունը վայր ընկաւ և միայն այն ժամանակը կարծես կողմնակի կերպով ասաց.

— Պիէռը վաղը կրգայ: Ես նորան վաղուց արդէն խօսք եմ տուել: Ութն օրից յետոյ նա քո ամուսինը պիտի լինի: Նա այս ասաց արագ, և պարզ էր որ պատասխանելն անօգուտ է: Յովհաննան կամայ-ականայ զըսպեց իրան և ոչինչ առարկութիւն չարեց:

Պէտք է ճշմարիտն ասել. Պիէռը բռակոնիէրի աղջկայ համար շատ լաւ փեսացու էր: Նա ծառայել էր Ափրի-



կէում, քաջութեամբ կռուել էր արաբներէ հետ, և նորա յանդուգն սխրագործութեանց մասին շատ խօսք ու զրոյց էին անում: Դա մի երկաթէ կամքով և սառնարիւն մարդ էր. քիչ էր խօսում, բայց խօսքին միշտ հաստատ էր: Եօթնամեայ ծառայութիւնից յետոյ սերժանտի աստիճանով նա տուն վերադարձաւ և ապրում էր մօրիցը ժառանգութիւն ստացած ագարակում: Նորա կոպիտ, բայց հանդարտ դէմքի զծագրութիւնը նորան միաժամանակ և զիւղացի և զինուոր էր ցոյց տալիս: Հետեւեալ օրը ծերունի Տալօնը, Յովհաննան և Պիէռը միմեանց հանդիպեցան մի պանդոկում: Պիէռը բոլորովին սառնասիրտ կերպով լսեց օրիորդի խոստովանութիւնը թէ նա սիրում է ուրիշին: Երբ Յովհաննան վերջացրեց խօսքը, Պիէռը բարեկամաբար նորա ձեռք սեղմեց ու ասաց.

— Դու պատուական երեխայ ես. շնորհակալ եմ:

Եւ նա հեռացաւ օրիորդիցը:

— Բայց երբ է հարսանիքը — գոչեց նորա յետեւից բռակոնիէրը սենեակը մոնելով, ուր երիտասարդին ու աղջկանը մենակ էր թողել:

— Ութ օրից յետոյ, ինչպէս որ պայման ենք արել:

— Ի՞նչ ես ասում, — բացազանչեց Յովհաննան:

— Որ մենք ութ օրից յետոյ կը պսակուենք:

— Բայց չ՞ դու զիտես որ ես քեզ չեմ սիրում:

— Այո՛, ես այդ լսեցի:

— Յետոյ դու զիտես որ ես սիրում եմ Բազիլին:

— Ի՞նչ անենք: Այդ կ'անցնի, միայն թէ ես համբերեմ:

Յովհաննան տեսաւ որ էլ յոյս չկայ, և ներքուստ սարսափելի ատելութիւն զգաց դէպի այդ մարդը:

Բազիլը, ջաղացաբանի սիրուն տղան, նոյն երեկոյին իմացաւ այս ամէնը և այնու ամենայնիւ չկարողացաւ մխիթարել օրիորդին: Նոքա երկսով նստած էին կակուղ մամուռի վերայ, մի բաց տեղ, անտառումը, և մինչ լուսինը

փայլում էր երկնքումը, նոքա միմեանց սիրոյ երզումներ էին տալիս: Բայց ինչպէս քաղաքում, նոյնպէս և գիւղում, աղօրիւքներումն, ինչպէս և սաղճներում, շատ թեթեամիտ, պճնասէր անձինք են լինում: Բազիլը իսկ և իսկ դոցանից էր և բլուզը հազին նա Ֆրակ հագածի էր նմանում: Իրաւ, նա իւր գիւղական փայտէ ոտնամաններով ման էր գալիս ճիշդ այնպէս, ինչպէս ուրիշները լայկի կօշիկներով:

Ինչպէս Յովհաննան կարողացաւ սիրահարուել այդ ալիւրաթաթախ երեսի վերայ—դժուար է մեկնելը, բայց ինչ և իցէ ընդունուած փաստ է որ առնայցի, յօրեղ կանայք յաճախ անձնատուր են լինում այդ տեսակ քամի քշողներին:

Ճշմարիտ է, բացի մի սրտից Յովհաննան ուրիշ ոչինչ չէր տուել նորան. բայց այդ էլ արդէն չափազանց մեծ բան է: Բազիլը ինքը շատ անգամ վախենում էր այն զգացմունքից, որ հանաքով զարթեցրել էր օրիորդի սրտումը. մի չնչին կայծից ահազին հրդեհ էր առաջացել որ նա ամէն կերպ աշխատում էր հանգցնել: Յովհաննան, ընդ հակառակը, խաբում էր իրան վայրենի ցնորքներով, և երբ գլուխը բարձրացրեց, Բազիլը նորա լացած աչքերի մէջ մի այնպիսի վճռողականութիւն նկատեց, որ սաստիկ վախեցաւ:

Երիտասարդ որսորդ աղջիկը ըստ երևութին վճռել էր հնազանդուել իւր վիճակին, և ծերունին շտապով հարսանիքի պատրաստութիւն էր տեսնում: Հարսանիքի նախընթաց երեկոյին նա աղջկանը տանը թողեց և ինքը դնաց քաղաք:

Գեղեցիկ արևի լոյսը Յովհաննայի սենեակն էր թափանցում: Օրիորդը ոտը նստարանին դրած՝ հրացանն էր սրբում. յանկարծ դուռը ծեծեցին: Սյոյ Պիէռ Լուալն էր:

Պատկառանքով զլխարկը հանելով՝ նա տեղեկացաւ

Հայր Տալօնի մասին և նստաւ պատուհանի տուօջ ու նորան էր սպասում: Նա սկսաւ ծխաքարչը լցնել: Յովհաննան շարունակում էր իւր գործը: Պրսեւ փայլում էր կապոյտ երկինքը, ծառերը բուրում էին իրանց անուշահոտութիւնը, օդում տարածուած էր նոր հունձքի հոտը. իսկ ներսը զարմանալի ցուրտ էր: Պիէռը լուռ հետևում էր Յովհաննայի պարտպմունքին և ծխի ամպեր էր թողնում ծխաքարչից: Վերջապէս օրիորդը գործից պրծաւ ու առաջինը խօսք բաց արեց.

— Հը, դեռ չեմ թողել ինձ հետ ամուսնանալու ցանկութիւնդ:

— Ճիշդ այնպէս, ինչպէս և ապրելու ցանկութիւնս:

Ամբողջ կեանքումս ես երեքին եմ սիրել միայն—մօրս, Ֆրանսիան և քեզ:

— Չէ՞ ես քեզ արդէն յայտնել եմ որ ես քեզ չեմ սիրում—ասաց օրիորդը դառնութեամբ:

— Ի՞նչ անեք, ժամանակով կըսիրես:

Յովհաննան դողաց և սկսաւ յետ ու առաջ քայլել, յետոյ կանգնեց Պիէռի առաջ որ դեռ ծխում էր, և ասաց.

— Լսի՛ր և միտդ պահի՛ր ասածս: Պատիւս վկայ, եթէ դու իմ մարդը լինիս, ես քեզ կըսպանեմ:

— Այդ բանը ոչինչ չէ կարող փոխել,—պատասխանեց Պիէռը տխուր, ես կ'ամուսնանամ քեզ հետ:

Այս վայրկեանին դրան շեմքումը երեկցաւ ծեր Տալօնը: Յովհաննան գնաց իւր տեղը և նորից հրացանը ձեռն առաւ:

---

Հարսանիքի օրուանից անցաւ մի ամբողջ շաբաթ:

Երիտասարդ կինը լուռ ու մունջ դառն արտասուք էր թափում: Յաճախ ամբողջ ժամերով նա մնում էր նստած, անշարժ աչքերը պատուհանին յառած. նա սլորում, հալ ու մաշ էր լինում:



Սակայն Պիէռը այս ժամերին աշխատում էր հեռու մնալ նորանից:

Մի օր նա ասաց կնոջը թէ գնում է Դօմի և միայն երեկոյեանը կը վերադառնայ: Կինը գլխով նշան արեց, և նա գնաց:

Յովհաննան առաջին անգամ իւր տխուր հարսանիքից յետոյ հօր հետ գնաց որսի: Ինչպէս առաջ նա զարձակ արագ քայլում էր: Երբէք նա այնպէս յաջողութիւն չէր ունեցել ինչպէս այս անգամ. նորա արձակած ամէն մի գնտակը հասնում էր նպատակին: Փանդարմն ուրախ ուրախ թռչկոտում էր:

Վերջպէս, երբ արդէն արևը մայր մտնելու մօտ էր, նոքա որսից պրծան: Հայրը քայլերն ուղղեց դէպի իւր խրճիթը, Յովհաննան՝ իւր նոր տունը:

Նորա նեղ ճանապարհը միջեցը բաժանուած էր ծառերով: Գիշերուան ստուերները փռվում էին այստեղ ու այնտեղ, և մռայլ էր երիտասարդ կնոջ հոգին: Նորա արիւնը եռում էր հրակների մէջ: Փամանակ առ փամանակ Յովհաննան աչք էր ձգում մեծ ճանապարհի կողմը: Յանկարծ մի զինուորական հրգի ձայն լսուեցաւ: Յովհաննան դողդողալով վերցրեց հրացանը և չոքեց մի ծնկան վերայ, կանաչ ծառերի մէջ:

«Այս սպանութիւնն է», շնչում էր նորա խիղճը: «Այս վրէժինդրութիւնն է», քաջալերում էր հպարտութիւնը:

Մի արիւնալից ամպ տարածուեցաւ նորա աչքերի առաջ, հրացանի ձայնը լսուեցաւ, և Պիէռ Լաւալը զլորուեցաւ գետին:

— Դիպա՛ւ, ասաց նա, — գիտեմ 'ով է:

Յովհաննան խիղճի չկարողացաւ սթափուել. բայց մի փոքր յետոյ նա յանկարծ ձգեց հրացանը խոտերի մէջ և խելագարի պէս վազեց դէպի աղօրիքը:

— Բազե՛լ, Բազե՛լ, — գոռում էր նա, յուսահատութեամբ գոռը ծեծելով:

Բազելը չպատասխանեց — արդէն երեք օր էր որ նա կորել էր, յայտնի չէր թէ ուր...

Այս միջոցին դիւզացիք վերցրին անբաղդ Պիէռին և տուն տարան: Վէրքը ծանր էր, բայց ոչ մոհացու:

Ամբողջ գիշերը Յովհաննան հեկեկալով նստած էր մարդու ոտների կողմը: Հէնց որ սա շարժվում էր, Յովհաննան խոնարհում էր նորա վերայ և ականջ էր դնում նորա շնչառութեանը. կարծես նորա տանջանքը թեթևացնել կամենալով Յովհաննան ձեռը դրեց նորա կուրծքին. յանկարծ նորա ձեռի տակն անցաւ քաղաքային վարչութեան ուղղած մի փոքրիկ ծալած թղթի կտոր:

Նա շտապով բաց արեց ու կարդաց. «Խնդրում եմ ոչ ոքի չմեղադրէք իմ մահուան համար. ես ինքս ինձ յօժար կամքովս սպանեցի»:

Մի կաթիլ արտասուք գլորուեցաւ Յովհաննայի թշ վերայ, և նորա շրթունքը մի ջերմ համբոյր դրոշմեցին մարդու ճակատին:

Անցաւ երկու շաբաթ, և Պիէռի առողջութեանը էլ վտանգ չէր սպառնում:

Անօրինակ անձնուիրութեամբ խնամում էր նորան Յովհաննան, և բացի նորանից ուրիշ ոչ ոք իրաւունք չունէր գիշերները նստել նորա մարդու մահճի առաջ:

Հիմայ Պիէռը փայտէ ոտով է ման գալիս, բայց նա ունի մի կին որ սիրում է, որ պաշտում է նորան:



Մ Ո Ւ Ս Ա.

Դարձեալ նոր երազ և նոր ցնորքներ....  
Ահա հրճվում է իմ մատաղ հոգին.  
Շտապիր, ով Մուսա, քո սրբանուէր  
Համբոյրը դրոշմել երգչի շրթունքին:

Շտապիր, թող քո վառ ժպիտ կախարդէ  
Բորբոքէ սիրտս հրով սրբազան,  
Թող ոգի չնէ հայեացքդ գիւթիչ:  
Ես կամիմ երգել հրաշքներ դարնան....

Թող որպէս անոյշ զեփիւռ քաղցրաշունչ,  
Քո թովել ձայնը հնչէ ականջիս  
Եւ յուսոյ տաղեր, և՛ սիրոյ մրմունջ.  
Ես կամիմ երգել տենչանքը սրտիս:

Ես կամիմ երգել անհուն քաղցրութիւն  
Մի նոր, ոսկեցոյս և խաղաղ կեանքի.  
Ես կամիմ երգել սիրոյ սրբութիւն  
Եւ վսեմ վայրը անկեղծ վաստակի....

Ես կամիմ երգել, երգել յարատեւ,  
Որպէս թռչունը ազատ եթերում.  
Օ՛, շտապիր, Մուսա, թռիր սրաթեւ,  
Քանի կրազն չի ցնդել օդում....

Մոսկուա:

Ա.Ղ. ԾԱՏՈՒԲԵԱՆ:





## Կ Ի Ս Ր Ա Ր

Կամ

ՄՇԵՑԻ ՀԱՅՈՒ ՄԸ ԽՈՍՏՈՎԱՆԱՆՔԸ:

(1882 թ. Ի սուրբ Էջմիածին և Թրքահայոց գաւառներէն Ի Տարոն և Ի Վան շանապարհորդած).

1882 թ. յուլիս 4-ին՝ Իննական սարերու գլուխն՝ Սուրբ Կարապետի Վանքն ենք: Հայաբնակ ամեն գաւառներէ ուխտաւորներ եկած են Մուրատառուէն խնդրելու իրենց սրտի փափաքանաց իրացումն: Գուարթ դիմօք տղայ-մարդեր՝ երեսնին բաց գեղացի աղջիկներու և երեսնին փակ մանկամարդ հարսնուկներու հետ՝ իրենց ճկոյթ մատեր իրարու անցուցած՝ շղթայ կաղմելով կրօնորին և ծանր ծանր դառնալով իրենց ոտից ծայրերուն վերայ, նոր սուրբին կըմաշեն... կէօնտ կըխաղան: Մի քանի աշըղներ Աղամայ երգն կ'երգեն և հայրեր հեռուն կայնած իրենց զաւակաց հարսեր կընտրեն իրարու հետ մրմնալով և աղջիկներ մատնանիշ ընելով: Իսկ պառաւներ լուսաղբիւրի մէջ կըլուացուին անհոգ՝ չհիւանդանալու ու երկար առողջ կեանք մը անցնելու համար: Նորեկ խոնջեալ ուխտաւորք կըհետեւին հիւրընկալ վարդապետին մէյմէկ սենեակ ստանալու:

Վանքին մէջ և դուրսը մեծ շարժում մը կըտեսնուի և ամեն կողմ զանազան պատկերներ կըներկայացուին: Սուրբ Կարապետի տաճարն Անահիտի մեհանն կըյիշեցնէ իր բազմաթիւ սիւներով և խորհրդաւոր մլժուլթեամբ. իսկ իւր շրջակայ լեռնադաշտերն՝ Վարդավառի հին տօնն:

Մեծ հաճոյք կըլզայի և խիստ գոհ էի արած ճամբորդութեանէս և կ'ուզէի զգացումներս արտայայտել Նրեմիա սրբազանին <sup>1)</sup> և Բակորոս վարդապետին, որք՝ հիւրանոցն նստած՝ վանքին անցեալ վիճակին և արիասիրտ Ղազար վարդապետին քաջագործութեանց վերայ կըխօսակցէին ու կըհիանային: Ահ, Սրբազան, — գոչեցի, — լեռ ու սար, ձոր ու դաշտ, քար ու խոտ և ամէն ինչ, որ

<sup>1)</sup> 1888 թ. յունիս ամսոյ մէջ վախճանեցաւ Ի Վարդ, թողնով բազմաթիւ կարևոր պատմական երկեր, որք անտիպ կըմնան իւր եղբարց քով: Ծանօթ, յօդ.

կըտեսնեմք, կարծես բան մը պատմել կ'ուզեն, և բնազդովմ մը չթողուր որ հեռանամք, բայց աւանդ, որ Պօլսոյ Հայոց ծանօթ չեն ասոնք:

Թէև 30-էն աւելի վանք այցելեցի, շատ բան տեսայ ու քննեցի, բայց ուխտագնացութեան ճաշակն այսօր առի՝ նոցա ուրախութեան մասնակցելով և ուշս անցելոյն վերայ դարձնելով:

— Նրանի՛ հօրդ, որ քեզ պէս զաւակ մը ունեցեր է, քեզ որ հօրդ հոգին կըկրես,— ըսաւ Սրբազանն և յանձնարարեց, որ իւր հայրենասիրութեան գիրքն ուշիւ կարգամ: Նոյն պահուն գիւղապետ մը հիւրանոցէն ներս մտաւ՝ գլուխը բացաւ և եկեղեցականաց ձեռն համբուրելէ վերջ յամրաքայլ ինձ մօտենալով, ըսաւ.

— Մարգարեան.... քեզ մի բան տի ասեմ (չեմ գիտեր թէ մականունս ուրկէ՞ սովորած էր):

— Լաւ, ասա՛, եղբայր,— գոչեցի:

— Տաս չեմ կրնայ, (այստեղ չեմ կարող)— աւելցուց:

— Ինչո՞ւ, այստեղ դրսէն մարդ չկայ. Սրբազանն ու վարդապետն մեր հայրերն են, չեմ գիտեր:

— Գիտենամ (գիտեմ), բայց գաղտնի տի ասեմ:

— Լաւ, գաղտնի՛ կամաց մը ըսէ, անոնք չեն լսեր:

— Ոչ, տաս չեղնիր:

— Եղբայր, ինչ կայ պահելք ս. հայրերէն. ասա՛, տեսնեմ,— կըկրկնէի. իսկ նա կ'աղաչէր, որ իրեն հետեւեմ: Վերջապէս պարտաւորեցայ սրբազանի յորդորանաց համաձայն լսել զայն և հիւրանոցէն մեկնիլ միասին:

Գիւղապետն ուրախութեամբ խուցէ ի խուց, սենեակէ ի սենեակ կըմտնէր ու կ'ելնէր, և ամուր դրամը պարապ սենեակ մը կըփնտռէր, ինչո՞ւ համար, դեռ չէի գիտեր. վերջապէս մի սենեակ գտաւ և «արի՛, տաս լաւ է, մարդ չկայ և զմեզ մարդ չտեսնէր» ըսելով, ներս մտնել պարտաւորեց և դուռն ամուր փակելէ ու մեծ քար մը նորա ետին դնելէ վերջ. «կ'աղաչեմ, նիստ, նիստ», ըսելով ոտքերն ծալլեց, գետինը նստաւ, չորս կողմն նայեցայ, ոչ աթոռ կար, ոչ կապերտ. թաշկինակս հանեցի և պատուհանին մէջ փռելով՝ նստայ:

Առաջին անգամն էր, որ այսպիսի տարօրինակ մի դէպք տեղի կ'ունենար ինձ և շուարած կըմտածէի գիւղապետի արարքին, նորա խիստ զգուշաւոր ընթացքին և գրան ամուր փակելուն, որոնք բնականաբար լաւ ազդեցութիւններ չէին ըներ վրաս և շատ լաւ

բաներ այն պահուն մտքէս չէր անցներ, և մինչև իսկ կըտարակուսէի նորա Հայ լինելուն, և բոլոր յոյսս վեց հարուածանիս վերայ դրած էի առանց այլայլանքս յայտնելու:

— Է՛հ, եղբայր, կարծեմ, հիմա կրնաս ըսել գաղտնիքդ:

— Այժմ տի ասեմ, բայց նախ կ'աղաչեմ քեզ, որ խօսք տաս ինձ խնդիրքս կատարելու:

— Խնդի՛րքդ:

— Այո՛:

— Բայց ես ո՞վ եմ, որ քո խնդիրքն կատարեմ:

— Դու կանաս (կրնաս), Մուրատատու Ս. Կարապետ քո արև պահէ, քո սրտի մուրատն տայ. դու խօսք տուր որ տի կատարես, ես էլ իմ սիրտ քեզ բանամ:

— Եթէ խօսք չտամ:

— Խօսք չտաս, չեղնիր (չըլինիր):

— Եթէ իմ ձեռքէն չգայ....

— Ո՞վ կ'ասէ, քո ձեռքէն չգար. ես գիտնամ որ դու կանաս. խօսք տուր, կ'ասեմ քեզ:

— Շատ լաւ, քանի որ դու կ'ըսես որ կրնամ, ես ալ խօսք կուտամ քո խնդիրք կատարել, ասա տեսնեմ:

— Ա՛հ, էֆէնտի, Աստուած քեզ զրկեց Տարնոյ աշխարհ, Ս. Կարապետ քո արև պահէ և ինքն վկայ եղնի իմ ասածիս:

— Քո անուն ի՞նչ է, հարցուցի ընդմիջմամբ:

— Իմ անունը մի հարցներ, պէտք չէ:

— Շատ լաւ, շարունակէ:

— Մշոյ աշխարհ 25 տարիէն մարդ չմնար, դարիպուծիւն տի աւրէ զմեր աշխարհ:

— Յորդորեցէք գիւղացիներն որ պանդխտութեան չըղիմեն:

— Ա՛խ, դու գիտնամ մեր կիսրար:

— Այո՛, գիտեմ:

— Ա՛հ, մեր կիսրար Վանսոյ կիսրարին չնմանիր. մեր կիսրար շատ գէշ է, մեր տուն կ'աւրէ:

— Բայց ես ի՞նչ կրնամ ընել:

— Ականջ դիր, աղբէր,— գոչեց յուղեալ:

Դատապարտուած ենք լսել ուստի մտադրեցի բնաւ ձայն չհանել, չընդմիջել և ըսի. — Լմեցնելէ վերջ պէտք եղածն կըհարցնեմ. շարունակէ:

— Կիսրար, կէս անել ասել է. երբ մէկն սերմացան չունենայ,



կամ տէրութիւն իւր վերկին ուզէ, և գիւղացին փարա չունենայ, կ'երթայ քաղաք, ձերբերն ի ծոց՝ հարուստին կըդիմէ և իւր կարողութեան համեմատ փոխ դրամ կ'առնու։ Ա՛խ, էն սեւ օր ահա զմեն (ամեն) մալով (գոյքերով) նորա գերի կըգործի, զի ունեցած արտի թափոնի թղթերն նորա աւանդ յանձնելէ, պարտամուրհակը տալէ զատ, իւր ցանած կամ ցանելիք ցորենին արդիւնքին կէսն նորա է, զոր գիւղացին մինչև քաղաք փոխադրել պարտի, և ձմռն փոխատուի ձիերն, գոմէշներն դարմանելու, խնամելու հոգը, ասոնցմէ զատ, գիւղացին ամառը՝ 2—3 ամիս փոխատուն իր ծառաներով ու մանչերով իր տունն տի հիւրընկալէ, և նորա ուտեստն ու պէտքերն տի հոգայ, որպէս զի հունձքի բաժանման ատեն արտը գայ և հսկէ որ գողութիւն չլինի։

— Այդ կիսրար չեղաւ, ըսել է թէ՛ այդ հաշուով փոխատուն արդիւնքին չորս մասէն երեքը կ'առնու և ո՛չ կէսն, բայց հիմա քեզ բան մը հարցնեմ։ Եթէ առատ արդիւնք լինի այնպէս, որ առած դրամուդ մի մասն՝ մաս առ մաս տայք, այն ատեն փոխատուն նորէ՞ն կիսրարի հաշիւ կըբռնէ։

— Մաս առ մաս չընդունիր, էֆէնտի, ամբողջ կ'ուզէ։ 1 զրուշ պակաս լինի, չառնուր։

— Է՛հ, եթէ ելն մեռնի կամ սայլը կոտրի, փոխատուն ի՞նչ կընէ. անոր համար պէտք եղած դրամը կուտայ։

— Կուտայ, բայց նորա էլ տոկոս կ'առնու հարիւրին 20—30։

— Փոխատուններն Հայն են, թէ թուրք։

— Հայ էլ կայ, թուրք էլ կայ։

— Ամառը երբ մէկ երկու ամիս ձեր տունն կուգան, տունն որո՞ւ կըթողնուր և դաշտ կ'երթար. ադկից գէշութիւններ չե՞ն ծագիր։

— Ինչպէս չէ, այդ դռներ մի բանար, երբ տուն այր չըլինի, ի՞նչ կըլինի...։

— Այո՛, ես այժմ հասկցայ աղջիկներ փախցուելուն և այլ գէշութեանց գաղտնիքը. ինչ և է.—է՛հ, ըսէ տեսնեմ, ի՞նչ կ'ուզես, որ ընեմ։

— Մշոյ դաշտն աղատէ այս պարտքէն, որպէս զի զարկալութեան չերթան և մենք տնաւեր կիսրարէն աղատիմք։

— Մշոյ դաշտի պարտքը գիտե՞ս քանի ոսկի է։

— Վեց հազարը չանցնիր։

— Լաւ, երբ մէկը ձեզի 20 ոսկի փոխ կուտայ, երկրորդ տարին քանի ոսկի արդիւնք քաղաք կըտանիր։

- Եթէ բարեբեր տարի չլինի, ամէնէն քիչ տասն ոսկի:
- Շատ լաւ, դու ալ պարտք ունի՞ս:
- Ունիմ, բայց ես կ'ուզեմ որ Մշոյ աշխարհն աղատես, ես իմ պարտք կրնամ հոգալ:
- Լաւ ուրեմն. ապրիս, ես ալ կրնոստանամ Մշոյ դաշտն պարտքէ ազատելու միջոցն գտնել: Ուրիշ ըսիլք ունի՞ս:
- Ո՛չ. տուր, քո ձեռն համբուրեմ, որ մտահան չանես. Ս. Կարապետը վկայ լինի:
- Ո՛չ, եղբայր, չեմ մոռանար, մի՛ վախիր. խօսք տուի, բայց այս ալ ըսեմ, որ շուտով կատարուելիք գործ չէ, մեծ գործ է, մեծ մարդոց գումը պէտք է:
- Դու գիտնաս, ես զմեն բան ասացի,— ըսելով ձեռքս բռնեց համբուրեց և սենեկին դուռը բանալով՝ անյայտացաւ:
- Երեմիա Սրբազան, Շահապղեան վարդապետն և հետաքրքիրն Ա. անհամբեր ինձ կըսպասէին և երբ հիւրանոց մտայ, քմծիծաղով մը սկսան հարցնել. — Շատ երկար տեւեց խոստովանանքդ, ի՞նչ ըսաւ, ինչու տրտում ես:
- Սակաւ ինչ լուէէն ետքը ըսի.
- «Մշոյ աշխարհի փրկումինը վեց հազար ոսկոյ կարօտ է»:

Այո, վեց հազար ոսկոյ կարօտ է Մշոյ աշխարհի փրկումինը: Թերեւս ամէն դք ծիծաղի այս խօսակցութեան վերայ և ըսէ. ի՞նչ յիմար եզրակացութիւն. Մշոյ աշխարհը իւր թշուառութենէն, իւր զրկանքէն և իւր բնակեաց անմարդութենէն և նժդեհութեան գիմելէն ընդ միշտ փրկելու համար:

Պէտք չէ զարմանալ ասոր վերայ, զի արդէն սովոր ենք քննադատել առաջարկներ և նետել զայնս անպէտ թղթոց մէջ, գոչելով. անգործադրելի է սա, զի մեր ժողովուրդն ընդունակ չէ այս պահանջներն կատարելու:

Անիրականալի է դա, զի մեծ գումարներու կարօտ է:

Անկարևոր է այն, որովհետեւ հասուն խորհրդածութեան արդիւնք չէ, զի արդէն յայտնի է իւր առաջարկած գումարէն:

Անօգուտ է այն, որովհետեւ նմանօրինակ առաջարկներ շատ եղած են, բայց լսող չէ եղած, վերջապէս առանց զայն լուրջ քննադատութենէ մը անցուցանելու և առաջարկի տիրոջմէն բացատրու-

Թիւններ ուղելու, իւրաքանչիւր որ իւր սենեկին կամ զբօսարաններու մէջ թեր ու գէմ կըխօսի և կըվճռէ:

Մարդ չուզիր գրիչ ձեռք առնուլ ու արտայայտել իւր զգացումներն ու տպաւորութիւններն, գիտնալով որ ձայն բարբառոյ յանապատի լինելու սահմանուած են:

Բայց Մշեցի Հայ գիւղապետ մը վկայութեամբ սուրբ Կարապետի պարտք դրաւ վերաս ճար ու դարման մը գտնել իրենց ստրուկ և թշուառ վիճակին: Սակայն որո՞ւ առաջարկելու կամ գրելու համար և ի՞նչ սրտով, մինչ կըտեսնէի թէ Կ. Պօլսոյ պատրիարքարանն, այսինքն ազգային իշխանութիւնք, որք սահմանադրութեամբ յանձն են առած աղքատնոց նիւթական և բարոյական յառաջագիմութեան ջանադիր լինել և պատրիարքունք որ կ'երգնուն հաւատարիմ մնալ անոր սկզբանց և կատարել իրենց պարտաւորութիւնքն հաւատարմաբար և խղճիւ, մինչև ցայսօր ոչ եղած առաջարկութիւններ ի նկատ առած են, ոչ ալ իրենց պարտականութիւնքը կատարած, և կարծեմ, կատարելիք ալ չունին, որովհետև ժողովրդեան, կարօտելոց մէջ չեն ապիր, և այս վերջինք ալ ոչ կրցած են և ոչ ալ պիտի կրնան խառնուիլ այդ մարմնոց, իրենց աղերսը լսելի ընելու համար...

Ուրեմն, կրնամք ըսել, «հունձք բազումք են և մշակք սակաւք», և քանի որ մշակներ քիչ ունիմք, գիտնալու եմք որ մեր հնձոց մեծ մասը սահմանուած են կորնչելու, և եթէ ամեն տարի հարիւր հազարներ կըկորսուին, ընդ այս պէտք չէ զարմանալ, բայց կարելի՞ է չցաւել.—այո՛, երբ չենք գիտեր նոցա պէտքն ու կարևորութիւնք:

Պէտքն ու կարևորութիւնն ըսի, և սակայն ո՞վ կրնայ գիտնալ և զգալ զայս, եթէ ոչ անոնք որ մօտէն քննած են այդ ժողովրդեան ողբալի վիճակն և անոր բարեօրման պէտքն զգացած ի շարքացումն Հայ գիւղօրէից:

Ի՞նչ անուէն տալու է այն բժշկին, որ վտանգաւոր հիւանդութեան մը ենթակայ անձի մը դեղ կըյանձնարարէ՝ առանց զայն տեսած և զննած լինելու: <sup>1)</sup>

Ունիմք այժմ գործիչներ, որք ճիշտ այս բժիշկին կընմանին, և

1) Մենք, Ռուսահայերս, ունինք այդպիսի բժիշկներ, ինչպէս պ. Գ. Արծրունին, որ կեանքում մի Հայ գիւղ ու չէ գրել տեսնելու այն ժողովուրդը, որին կամենում է դեկավարել: Եւ ինչո՞ւ Հայ գիւղ գնայ, քանի որ Եւրոպայում Յիւրիկա կայ: Մ. Բ.



ուղիղ է ըսել թէ այս թշուառներն, հայ գիւղացիք, նոցա այս ընթացքովն կորստեան դատապարտուած են ընդ միշտ:

Նոցա ներքին կեանքին տեղեկանալէ յետոյ՝ ծնաւ մեր մտաց մէջ գաղափար մը, զոր այսօր ի գիր կ'առնումք, յուսալով որ ուշադրութեան առարկայ պիտի լինի անոնց, որք կ'ուզեն բարիք մ'ընել մեր այս թշուառ, այլ աւանդապահ եղբարց:

Օսմանեան բարեխնամ կառավարութիւնը՝ գիւղացւոց ներքին այս վիճակին տեղեակ՝ ուզեց ջնջել վաշխառութիւնը իւր երկրէն, գնելով յատուկ օրէնք չճանաչելու փոխատուաց հարիւրին մէկէն աւելի նշանակեալ ու պահանջեալ տոկոսն:

Բաց ասկից գիւղացւոց փոխատու երկրագործական անդուկներ հաստատեց գաւառներու մէջ հարիւրին մէկ տոկոսով:

Պիտանի և կարեհոր տնօրինութիւնք: Բայց հիւ կրնայ օգուտ քաղել անոնցմէ: — Ճարտարն ու խելացին:

Վաշխառուն որ այս երկու յատկութիւններն ունի, երկու միջոց գտաւ գիւղացի հայն հարստահարելու, երկրագործական անդուկներու մէջ եղած գումարն հարիւրին մէկ տոկոսով առաւ ապահովութիւններ տալով, միւս կողմէ փոխ տուած գումարներու վերայ բարդեց հարիւրին 20—30 տոկոս և որոշեալ պայմանաժամերով վճարելի պարտամուրհակներ առաւ ինք՝ գիւղացոցմէ, և որոշեալ պայմանաժամն անցնելէ վերջ, վերանորոգեց զայն այն գրութեամբ, ինչպէս յիշեցինք վերն, այսպէս հայրն և նորածին որդին ի միասին գրուեցան հինգ (5) ոսկւոյն տեղ 25 ոսկւոյն պարտաւոր:

Որչափ հարստացան վաշխառուք, այնչափ անգթացան, այնպէս՝ որ Գրիստոսի ըսած սա խօսքը թէ «գիւրին է մալխոյ մտանել ընդ ծակ ասղան քան մեծատան յարքայութիւն երկնից» մեկնեալու այլ ևս հարկ չմնաց:

Բայց մաղթենք, որ ասոնց զաւակներն՝ լաւագոյն դաստիարակութիւն մ'ստանալով, ապագայի մէջ քաւեն իրենց հարց մեղքերն:

Արդ՝ ինչպէս տեսնուեցաւ, կիսրարն և վաշխառութիւնն, իբր ժանտախտ, Մշոյ աշխարհն ի կորուստ մատնած են և եթէ այսպէս շարունակուի այդ բարեբեր և ընդարձակ դաշտը, անախորժ բուերու վայր մը դարձած տեսնելու դժբաղդութիւնն պիտի ունենամք:

Ուստի այս անխուսափելի դժբաղդութեան առաջն առնել կարե-

նալու համար՝ ազգի դժբաղդ կացութեան վերայ մորմոքող սիրտ կրող ազգայնոց ուշադրութիւնը կը հրաւիրեմք մեր հետեւեալ խոնարհ առաջարկին վերայ:

Նախ պէտք է Մշջ գաշտին բոլոր գիւղերու պարտուց քանակութիւնը ճշդել տնտեսագիտական մասնաւոր յանձնախմբի մը քննչաց ձեռամբ:

Յետոյ նոյն քննիչք պարտին գիւղացւոց փոխ տալ այն գումարն, զոր առած են նոքա վաշխառուներէ կիսրարի պայմանաւ, որպէս զի այս վերջինք կարողանան հատուցանել իրենց ամբողջ պարտքը, զի ինչպէս տեսանք, մաս առ մաս չընդունեն պարտատէրն:

Քննիչ պարտին իրենք առաջարկել գիւղացւոց փոխատուութիւն այնքան նպաստաւոր պայմաններով, որ վաշխառուն չընդունի կամ չըկարենայ տալ՝ օրինակի համար, եթէ վաշխառուն կիսրարի հաշուով կուտայ պայմանով, որ ձմեռն կենդանիներն և ամառն ինքն, տղաներն ու մանչերը ձրիաբար կերակրուին պարտատիրոջ տան մէջ, ինչպէս և ձրիաբար քաղաք փոխադրուի իւր ստացած բաժինն պարտատիրոջ միջոցաւ: Քննիչք պէտք է հետզհետէ թեթեւացնեն իրենց պայմանները ներկայանալով վաշխառուաց դէմ իբր պարզ մրցակիցներ մինչև որ տոկոսն զեղջուի հարիւրին մէկի:

Քննիչք պարտին առաջարկել գիւղացւոց միշտ շահաւոր պայմաններ, բայց պէտք չէ որ ապահովութեանց մասին փոքրիկ զիջողութիւն մը իսկ ընեն:

Տնտեսագիտական մասնախումբը իր շահած դրամոց մի մասն պարտի յատկացնել պարզ նախակրթարաններու, որոց մէջ կարգալ, գրել, հաշուել և նախնական արուեստներ պէտք է ուսուցուին միայն:

Տնտեսագիտական յանձնախումբն պարտի ջանալ որ կենդանեաց ընտիր տեսակներ, երկրագործական գործիքներ ունենան գիւղացիք, ի հարկին պէտք է անոնք զոհողութեամբ վաճառէ՝ կանխաւ զանոնք այլ և այլ տեղերէ բերել տալով՝ պէտք է շինել տայ նոր ձեով գիւղական տուներ, կառքեր և զանոնք աժանագին վաճառէ, զի այսօրուան տուներն ու կառքերն չեն համապատասխան ժամանակիս պահանջմանց և դիւրութիւնք չեն ընծայեր անձար երկրագործի արտադրութեանց փոխադրման:

Շատ պարտաւորութիւններ կրնամք դնել հետզհետէ այս յանձ-

նախմբի վերայ գիւղօրէից տնտեսական վիճակին բարւոքման զարկ տալու համար, բայց այժմ զանոնք յիշել աւելորդ կը համարիմ, որպէս զի ամենադժուար մի ձեռնարկութիւն չհամարուի, զի Մշջյ բարեբեր դաշտն և գիւղացիներն իմաստասիրողք միայն չեն, որ պիտի ընթեռնուն զայս, այլ ամենամեծ մասամբ անոնք պիտի կարգան, որոնք չեն հաւատար և չեն լսած թերևս թէ այս Երկրի մէջ մէկ ոսկին մէկ տարուայ միջոցին ընդհանրապէս կը կրկնապատկի և դուցէ չըկրնան հաշուել թէ տնտեսագիտական յանձնախումբ մը 6,000 ոսկի դրամագլխով չորս-հինգ տարուայ մէջ որչափ հոգ և որքան դրամական շահ կ'ունենայ՝ տեղական կենաց ճմուռ երեք գործունեայ անձանց ձեռամբ: <sup>1)</sup>

Ահա վեց տարիներէ ի վեր քարոզածս այսօր ի գիր կ'առնում պարտականութիւն մը կատարած լինելու համար:

Կըցաւիմ և կըստսկամ ըսել թէ՝ մեր կղերն, մեր մեծատունք և մեր պաշտօնական մարմինք գիտեն և կըտեսնեն որ ամէն օր հաղարաւորներ կը թշուառան և կը քիճանան. բայց չեն մտաբերեր բնաւ նոցա վերայ խորհել, պատճառն գտնել, դարման մտածել, որովհետեւ սովորական մի երևոյթ դարձած է այդ վիճակը յայս նոցա:

Օամ. կայսերական կառավարութիւն երկրագործական քննիչներ զըկեց իր երկրի ամեն կողմն և տեղեկագրեր պահանջեց: Եկան տեղեկագիրք, բայց չեն գիտեր թէ ինչ միջոցներ կ'առաջարկուին երկրագործ ժողովուրդեան վիճակը բարւոքելու: Կը յուսամք որ դարձեալ մեր Օամ. կառավարութիւնը խորհի դարմանն՝ փրկելու իւր ժողովուրդը մշտնջենական տառապանքէ, և այսպէս իւր արքայական գանձուն ժիր մշակները իրաւամբ քաջալերէ: <sup>2)</sup>

Վ. Պօլիս:

Վ. Յ. Մ.



<sup>1)</sup> Վեց հազար ոսկին հանգանակել եթէ դժուարին համարուի, կարելի է երաշխաւորեալ տոկոսաբեր պարտատոմսեր ի հրապարակ հանել և այսպէս դիւրութեամբ դրամագլխն կազմել:

<sup>2)</sup> Տեղի տալով սոյն յօդուածին, մենք հրաւիրում ենք Վ. Պօլսում բնակող հրապարակախօսների լուրջ ուշադրութիւնը այս կարևոր հարցի վերայ, որովհետեւ նոքա աւելի միջոց ունին ինդրիս վերաբերեալ տեղեկութիւններ ստանալու և ի մտոյ դրծին ծանօթանալու:



ՀԱՅՈՑ ԺՈՂՈՎՈՒՐԴԸ, ՆՈՐ ԱՅԺՄԵԱՆ ԼԵԶՈՒԻ ԵՒ ՄԱՏԵՆԱԳ-  
ՐՈՒԹԵԱՆ ՎԻՃԱԿԸ ՌՈՒՍԱՍՏԱՆՈՒՄ, ՀԱՄԱՌՈՏ ՏԵՍՈՒԹԵԱՄԲ:

Հայոց ժողովուրդը իւր այժմեան վիճակի մէջ Ռուսաստանում, անտարակոյս գտանվումէ հոգեղէն շարժողութեան մէջ և փոքր ի շատէ յառաջագէմ է ժամանակի ընթացքի հետ: Նա կեանքի մէջ շատ բան տեսանումէ, շատ բան լսումէ, շատ բան ուսա-  
նումէ կեանքից և դպրոցից, իբրև անգամ քաղաքական ընկե-  
րութեան որոյ մէջ կայ օրէնք, իրաւունք, դատ ու դատաստան,  
անձնական ազատութիւն և պաշտպանութիւն սեփականութեան,  
մի խօսքով, քաղաքավարական կարգ և կառավարութիւն: Հայոց  
այժմեան վիճակը Ռուսաստանի մէջ ցուցանումէ անհամեմատ  
առաւել թէ նիւթական և թէ մտաւոր բարօրութեան պայման-  
ներ, քան թէ որ և իցէ յառաջընթաց օրերում ասիական ան-  
կարգ, բռնակալ, ամենայն յառաջագիմութիւն ճնշող, ամենայն  
ազատ շարժողութիւն կաշկանդող կառավարութեան ներքոյ:  
Ռուսաստանը իւր քաղաքական կարգերի հետ միասին տարածումէ  
ամենայն տեղ լուսաւորութիւն, կրթութիւն և գիտութիւն, որ  
չափով և որ կերպով ինքը մինչև այժմ կարողացած է այդ բա-  
րիքը սեփականել իւրեան փոխ առնելով արևմտեան Եւրոպայի  
առատաբուղի և ճոխ աղբիւրներից: Ռուսաստանը ըստ իւր աշ-  
խարհագրական դրութեան կոչուած լինելով միջնորդել ի մէջ  
Եւրոպայի և Ասիայի, տալիս է և ասիական ժողովուրդներին, ինչ  
որ ինքն ունի օտարից առած, մշակած ու պատրաստած ուսական  
կերպարանքով. և այս պատճառով ուսական լեզուն, առանց  
միտ դնելու տէրութեան մէջ եղած այլացեղ և այլախօս ազգերին,  
է և իրաւացի պիտի լինի թագաւորեալ Տրապարական լեզու,  
որով խօսումէ օրէնքը, դատաստանը, կառավարութիւնը, ազգա-  
յին ուսումը, դպրոցը, գիտութիւնը: Այս բոլորը շատ բնական  
է, որովհետև տէրութիւնը գործ ունի ընդհանրութեան հետ և  
ոչ առանձին ցեղերի և մարդերի հետ. բայց ուսական տէրու-  
թիւնը, որ պարտական է պահպանել կառավարութեան մէջ ընդ-  
հանուր միութենական կարգ և օրէնք, յարգելով թագաւորու-  
թեան այլաբարբառ և այլադաւան հպատակների առանձնական  
իրաւունքը, շնորհել է նոցա ազատութիւն պաշտելու իւրեանց  
լեզուն և մատենագրութիւնը, ունենալու իւրեանց մասնաւոր

դպրոցները, կատարելու իւրեանց կրօնական ծէսերը և եկեղեցական կարգերը: Պետերբուրգում հրատարակվումն են կու մեծապարունակ գերմանական օրագիրք, մի ֆրանսիական, կան բազմաթիւ այլազան քրիստոնէական եկեղեցիք իւրեանց առանձին դպրոցներով: Մոսկուայում տպվումէ մի գերմանական օրագիր, գտանվումն են կու աւետարանական եկեղեցիք և մի ընթերցատեան, նոյնպէս իւրեանց առանձին դպրոցներով, երկու կաթոլիկեան եկեղեցիք իւրեանց ծխական ուսումնարաններով: Նոյն ազատութիւնը տեսանումնք շնորհուած և կովկասեան ալգերին:

Թողնէք այս բոլոր աշատութիւնքը և տէրութեանական շնորհները, որ բոլոր այլացեղ ժողովուրդները հաւասարապէս վայելումն Ռուսաստանի գայիսոնի ներքոյ. մասնաւորենք խնդիրը, դարձուցանելով մեր խօսքը դէպ ի մեր սիրելի հայ եղբայրակիցքը, և հարցանենք, թէ դոքա որ չափով և որպիսի կերպով գործ են դրած և գործ են գնում այդ ազատութիւնը պաշտելու իւրեանց լեզուն, գրելու և խօսելու հայերէն իւրեանց ընկերի հետ. արդեօք մեր ժողովրդական լեզուն և մատենագրութիւնը մշակվումն և մշակուած են այնպէս, որ կարողանայինք ասել, թէ վաստակած են արդէն որ և իցէ մատենագրական դանձեր արժանի մշտնջենաւորութեան, այսինքն կարողք տեսելու և դիմանալու անաչառ կրիտիկայի հրափորձութեանը և դառնալու հաստատուն հիմք ընտիր ազգային հայախօսութեանը գալոց սերունդի կրթութեան և դաստիարակութեան համար:

Անցած գնացած օրերի «Հիւսիսասիայի» արդիւնակատարութեան վերայ խօսել անվայել է մեզ իրրեւ նորա հրատարակողի. մեր ժողովուրդը մօտից և հեռուից վաղճց արդէն հատուցել է նորան իւր արժանը, ուրեմն և մեք կարող ենք բողբոլվին ի բաց թողուլ նորան մեր ճառի շրջանից:

Ներկայիս մատենագրութիւնը Հայոց Ռուսաստանում գրեթէ բոլորովին ամփոփուած է նոցա ամսագիրների և շաբաթագիրների մէջ. աւելի մեծաքանակ գրուածք և երկարաշունչ աշխատութիւնք այնքան սակաւաթիւ և չնժն են, որ արժանի չեն և յիշողութեան անգամ: Մեր ուշադրութիւնը դադարեցնենք նախ և յառաջ «Արարտ» ամսագրի վերայ, որ կամի լինել կրօնական, պատմական, բանասիրական, բարոյական և ազգային նիւթերի վերայ ճառագրութեան հանդէս, խմբագրութեամբ «միաբանից առաքելական մայր աթոռոյ Հայաստանեայց սրբոյ Էջմիածնի»:

Ամենայն բարեմիտ Հայ, հարազատ որդի իւր ազգի, և մեր առաւելապէս տեղիւր ունինք առ ի սրտէ ուրախանալու տեսանելով որ մեր հոգեւոր դասը, նորա բարձրապատիւ երեսփոխանքը յաղթելով իւրեանց ծուլութեանը և հրաժարուելով իւրեանց անպտուղ դատարկակեաց բարբից, գրիչ ձեռք առած կամէին պրականաբար վաստակել և որ և իցէ չափով ու կերպով պիտանի լինել այն ժողովրդին, որ սնուցանումէ նորանց, ամօթ համարելով իւրեանց մի անշան հեշտութիւն: Որչափ ևս մեր առ ի սրտէ պատրաստ ենք մեր հոգեւոր դասու վերին երեսփոխաններին հատուցանել արժանը և պատշաճը, լիովին խոստովանելով նոցա բարի կամքը և դիտաւորութիւնը, սակայն մեր առ նոսա բարեմտութիւնը չպիտի կաշառէ մեր սիրտը, կամ ճնշելով մեր դատողութեան և կարծիքի ազատութիւնը:

Բայ ի բանասիրական մասնից, որ յիշած է Ամսագրի ճակատի վերայ, թէպէտ մեր այդ մասը տեսանում չենք նորա նիւթերի մէջ, նոյն իսկ կրօնական, բարոյական և պատմական ճառագրութիւնքն ևս շատ չքաւոր և աղքատին են. կրօնականքը և բարոյականքը, որ պիտի միմեանց հետ լծորդ ու կապակից մնային, որպէս նոքա են իսկութեամբ, տեսանումներ շատ թոյլ, ոմանց ճառերի մէջ այս ու այն աղբիւրից մուրացածոյ կրկնութիւնք առանց նորանոր խորհրդածութիւնների, առանց ազդու և գրաւիչ մտքերի. միայն թէ դոցա մէջ ակնյայտի երեւումէ մի տեսակ սաստիկ զինտորութիւն և զրահավառութիւն ընդդէմ նիւթապաշտութեան որ, մեր կարծիքով, այն ժամանակ միայն կը չափաւորուէր մեր ազգի մէջ, երբ փոխանակ ճառերի, որ լոկ խօսքեր են, կենդանի օրինակներ հոգեպաշտութեան դրուէին ժողովրդի աչքի առջև, իբրև լուսատու ճրագներ այն աշտանակներից, ուստի պարտ ու պատշաճ է, որ մեր ժողովուրդը ստանար իւր առաջնորդական լոյսը: Մեր գտանումներ «Արարատի» մէջ և դաւանաբանական ճառեր, թէպէտ այդպիսի հատուած նշանակած չէ նորա բովանդակութեան մէջ, դաւանաբանական ճառեր, խառն քրիստոնէական կրօնի պատմութեան հետ, բայց, ցաւալի է ասել, հին և բորբոսեալ տեսութեամբ և մեր լուսաւոր ժամանակի սահմանից դուրս: Աստուածաշունչ մատեանը է ոչ թէ միայն մի կրօնունոյց և բարոյախօս մատեան, նա է միանգամայն և մի հոյակապ, անգին յիշատակարան մարդկութեան նախնի վիճակի, ուր ժողոված ու ամփոփած են հազարաւոր դարերի փորձեր, զննու-



թիւնք, ծանօթութիւնք և իմաստութիւնք, և այս պատճառով կարօտ փիլիսոփայական, բազմաճայեաց տեսութեան, եթէ արժան էր մեզ վերահասու լինել նորա ճշմարտութիւններին, որ բոլորը վարագուրած են ասիական ծաղկաւէտ երեակայութեան գեղեցիկ պատկերների, առակների, չայելի օրինակների զգեստով, որ միակ ոճն է ասիական ազգերի դաստիարակութեան և իմաստութեան. այս պատկերները մերկացնել, այս ստուերը պէպ ի լոյս փոխարկել — ահա՛ ճշմարիտ քրիստոնէական գիտութեան լուծանելի խնդիրը: Դառնանք գէպ ի կարգը մեր բանի, և հարցանենք թէ «Արարատը» ինչ ոճով և ինչ լեզուով մշակումէ իւր նիւթերը. մէք այդտեղ հանդիպումենք ամենայն տեսակ ոճի, երբեմն գրոց լեզուին, երբեմն աշխարհաբառին, գրոց ոճերի հետ խառնած ու շփոթած, մի աշխարհաբառ խօսքի, որ երբեմն հետեւումէ ճաճկահայոց բարբառին — որ թագաւորած է «Արարատի» մէջ — իսկ երբեմն Ռուսահայոց բարբառին: Մէք ունինք իրաւունք առաջարկելու այստեղ մի խնդիր. որ տեղ է տպւում «Արարատը», և ո՞ր պիտի լինին նորա անընդմիջական ընթերցողքը. յայտնի է ապաքէն, որ Ռուսահայոց մէջ, որ և են նորա ամենամօտ ընթերցասիրողքը. ուրեմն թող պատասխանեն մեզ լոգիկական եղբակացութեամբ մեր պատուելի հարքը Ս. Էջմիածնի. թէ ինչ խորհուրդ ունի «Արարատ» ամսագիրը հրատարակել Ռուսաց Հայերի մէջ մի լեզուով, որ դոցա անհասկանալի է. օտարոտի՜ անուշադրութիւն տեղական պայմաններին, կամ նախապատուութիւն գէպ ի ճաճկահայոց բարբառը, առանց ապացուցանելու մեզ նորա առաւելութիւնը: Ս. Էջմիածնի պատուական հարց ընթացքը մի տգեղ և անպատշաճ երևոյթ է ստանում, որպէս թէ նոքա կամէին օտար, տաճկահայ բարբառը իրրեւ ծառայութեան լուծ դնել մեր վզին. բայց մէք, նոցա պարծանքի համար, չկամինք թոյլ տալ, որ նոցա գիտաւորութիւնը այդպէս լինէր էութեամբ: Եւ մի մեծ անլուծանելի հակառակաբանութիւն պիտի լինէր, եթէ Էջմիածնեան աթոռը քարոյլելով միշտ ժողովրդի հետ աջակից միաբան գործ և վաստակ յօգուտ ազգի, հրաժարուէր իւր ժողովրդի հետ միասին մտածել, միասին զգալ և միասին խօսել: Եւ ոչ այսչափ միայն. այլ և Էջմիածնեան հարք լինելով ժողովրդի հոգեւոր դասու պարագլուխքը, եթէ կամէին լինել և աշխարհական դասու առաջնորդքը մտաւոր լուսաւորութեան հանգիստւմ, հարկաւ պարտական են իւրեանց գրաւոր ճառերի մէջ ընտիր նոր

Հայկաբանութեան օրինակ ընծայել ժողովողին, որ կրէին ուշի ուշով ուսումնասիրելով այժմեան ժողովրդական լեզուն, մշակելով նորան այժմեան գիտութեան պայմաններին և պիտոյքին յարմար և լցուցանելով նորա պակասութիւնքն ու թերութիւնքը գրոց լեզուի ճոխ գանձարանի նիւթերից. ժողովրդական բարբառով մաքուր, իստակ և գեղեցիկ հայախօսել ես չեմ հասկանում այն, որ նոր հայկական լեզուն խառնակուէր և ճամկաւորուէր գրոց լեզուի ոճերով, այլ պինդ և ամուր մնալով ժողովրդի այժմեան կեանքի պայմանների մէջ, չխոտորուէր հայկազեան լեզուի հոգուց ու գաղափարից ընդհանրապէս. այս նիւթի վերայ մանրամասնաբար խօսք կրէին յետոյ:

«Հայկական աշխարհ», մանկավարժական և կրօնական օրագիր, որոյ 1876 թուականի ցունուար և փետրուար ամիսների տետրակները (կամ թէ համարքը, որովհետեւ տետրակը մի հատ է) այս րոպէիս մեր աչքի առջև են: «Հայկական աշխարհի» արդիւնագործութեանը անցեալում, ցուցանումէ անուրանալի յառաջադիմութիւն թէ լեզուի և թէ նիւթերի պատուականութեան մասին, առ հասարակ: Ճառք Գրիստոսի մկրտութեան օրին գրած է ջերմութեամբ և հոգեւորութեամբ, Գրիստոսի աստուածեղէն անձը իբրեւ կենդանի պատկեր և գաղափար առաքինութեան և կատարելութեան, իբրեւ օրինակ աստուածսիրութեան, անձնազօշ ընկերսիրութեան և մինչև ի մահ խոնարհութեան հայրական կամքին գրաւեց մեր ուշադրութիւնը, քաղցրութեամբ շարժեց մեր սրտի լարերը: Գիտնական ճառերի մէջ, որոց հեղինակը մնումեն մեզ անյայտ, հանդիպումենք երբեմն հայեացքների և կարծիքների, որք լինելով հանուած երկրորդական, ածանցած և պղտոր աղբիւրներից, առանց ինքնաշխատ ուսումնասիրութեան և վերահասութեան բանի իսկութեանը, նոյն իսկ նախնական աղբիւրներից, տարածումեն անփորձ ժողովրդի մէջ սխալ և մոլար տեսութիւնք. դատել և դատապարտել առանց ինքնին վերահասութեան, շատ հեշտ բան է, որովհետեւ կարօտ չէ ոչինչ աշխատութեան, այլ հարկաւոր էր միայն կուրօրէն կրկնել սորա և նորա բառերը: Խօսքս այստեղ Գրիգորիի Գրեօրեի «Պարտէզ մանուկների» ասած երեխայական դաստիարակութեան ոճի վերայ է, որ երբեք ունեցած չէ և չունի այն չար և փնասկար աղբեցութիւնքը, որ ընծայումէ նորան ճառի անանուն գրողը, ինքն իւրեան հակառակելով, որովհետեւ

նախընթաց խօսքերին համաձայն չեն եղբակացութիւնքը: «Հայկական աշխարհի» գրութեան ոճը չէ ազատ այն ընդհանուր ցաւից, որին այնքան յաճախ հանդիպում ենք հայկական գրուածների մէջ, այսինքն մտածել ըստ գաղափարի ուսական լեզուի. բայց մի առանձին ոճ սեփական է «Հայկական աշխարհի» հրատարակողին, որ ոչինչ այլ տեղ տեսանում չէ. այսինքն նախ և յառաջ գործածել մի գոյական անուն անորոշ յօդովս մի, իսկ յետոյ որոշել գոյականը վերջատառովս ը. զոր օրինակ այս չհայ ոճի մէջ. «չեմ կարող չհրաւիրել Վեհափառ Հայրապետի ուշադրութիւնը մի նշանաւոր իրողութեանը, որի վտանգաւորութեան առաջն առնել (առաջքն ունել կամ առնուլ) դեռ ևս հնար է». Բաւական էր այդտեղ ասել—մի նշանաւոր իրողութեան. որովհետեւ մեծ զանազանութիւն կայ ի մէջ մի մարդ և մի մարդը, մի մարդս ասելու մէջ. առաջինը կամի ասել հայերէն *un homme*. իսկ երկրորդը *un homme seul*. մի մանուկ և մի (հատ) մանուկը—*un enfant* և *le seul enfant*. Առ հասարակ, երբ հայերէնում մի գոյական գործ է ածւում որոշ մտքով և ձեռով, այն տեղ անպատշաճ է անորոշ յօդս մի:

Մեր յօժարութեամբ խոստովանում ենք «Հայկական աշխարհի» հրատարակողը բարի դիտաւորութիւնը աշխատասիրելու յօգուտ ազգի, որչափ բերումէ նորա կարողութիւնը. մանաւանդ իւր տառապալից դրութեան մէջ և պատերազմելով ընդդէմ հազար տեսակ դժուարութիւնների: Մեր կըցանկայինք տեսանել նորան աւելի խաղաղ դրութեան մէջ:

Այժմ մի քանի խօսք «Դպրոց» մանկավարժական ամսագրի վերայ, որոյ խմբագիր հրատարակողն է Վահան վարդապետ Բաստամեանց: Այդ ամսագիրը կէտ նպատակի դրել է իւր առջև տեղեկութիւնք տալ Հայոց ժողովրդին աղգային ծխական ուսումնարանների մասին զանազան տեղերում, ծանուցանել Հայերին ժողովրդական լուսաւորութեան Նախարարի հրահանգները արքունի ուսումնարանների համար, մասնաւորել նոցա վիճակագրական տեղեկութիւնք արքունի եկեղեցական ուսումնարանների մասին, Գերմանիայի վարժապետանոցների ծանօթութիւնք, պատմական նկարագիրներ, դպրոցական առողջապահութեան կանոններ, մանկավարժական դասախօսութիւններ և ուսուցչական ժողովներ և այլ տեսակ մանր գիտելիք: Այս բոլորը ըստ մեծի մասին թարգմանութիւնք ուսական թերթերից և շատ սակաւ քրան-



սիարէնից: Ոչ ոք խելք ունեցող մարդերից և մեք ամենեւին կարող չեմք ուրանալ Հայր Վահան Բաստամեանցի գովանի աշխատասիրութիւնը, և արդիւնագործութիւնը նոր հայկական դպրութեան մէջ, որ գլխաւորաբար նուիրած է մանկավարժութեան կարևոր գործին: Միայն թէ զարմացած ենք այն մեծամիտ, պոռ և թեթեւամիտ կարծիքի վերայ, որ նա մի անպատշաճ յանձնապաստանութեամբ ճառագրումէ անցեալ տարու (1875 թուականի) 11 և 12 համարներում, խմբագրութեան յայտարարութեան մէջ: Նորա կարծիքով «Կովկաս հայկական օրագրի կամ լրագրի, նորանից յետոյ «օրպակաս» ծնած «Արարատի», «Կոռուկի», «Հիւսիսափայլի», «ձուպաղի», «Ծիածանի» և մի քանի այլ միւսերի հրատարակողքը առանց խտրութեան չկամեցան, իսկ ոմանք նոցանից գուցէ թէ և չէին կարող ուսանել և ճանաչել իւրեանց ժամանակակից պիտոյքները և պահանջները, չլռեցին և չորոշեցին թէ որպիսի ընթացք և ուղղութիւն պիտոյ էր տալ ժամանակակից ամսագրին և լրագրին, այլ շարագրեցին, թարգմանեցին և տպեցին այն, ինչ որ ախորժելի էր, հաւանելի և մանաւանդ հասկանալի իւրեանց համար: Եւ երբ տեսան նոքա, որ չկան կարգացողներ Շէքսպիրի և Շիլլերի ողբերգութիւնների համար, Կիկերոնի և Գեմսթենէսի ատենաբանական ճառերի համար, աստուածաբանական դատողութիւնների և քննութիւնների համար, սկսեցին տրտնջալ ազգի դէմ և սառնասիրտ, ապերախտ, տգէտ, տխմար և այլն և այլն և այլն ածականների կարկուտ կուտել նորա գլխին: Այո՛, սխալուեցան այդ ազնիւ պարոնները և սխալանաց մէջ գլորեցին նաև այն ժողովուրդը, որի համար նոքա կամենում էին գործել: Նոքա տուին ժողովուրդին բոլորովին ծուռ գաղափար օրագրական մատենագրութեան վերայ և ժողովուրդը խաբուած լինելով իւր յոյսերի և համոզմունքների մէջ, յետ քաշուեցաւ, մերժեց օրագիրները և լրագիրները»: Այսպէս մեր պատուելի Հայր Վահան Բաստամեանցը, որ յետոյ յաւելացնումէ այսպիսի խօսքերը. «Այժմ ասպարէզը մնացել է միայն «Արարատին», «Մեղուին», «Մշակին» և «Հայկական աշխարհի», բայց «Գպրոցին» ոչ. անհամեստ անհամեմատութիւն. ինչպէս երևումէ վերոյիշեալ բանքի գրողի յայտնի ակնարկութիւններից, ինքը, Հայր Վահան Բաստամեանցը գտել է իմաստունների քարը (фундаментный камень), ոչ ոք նորանից յառաջ գուշակել չէ մանկավարժութեան կարևորութիւնը և ոչ իսկ նուիրած է գորան

իւր ուշադրութիւնը որ և իցէ ճառախօսութեամբ, ոչ ոք, բաց ի  
Բաստամեան Հօրից, խորամուկս լինելով հասկացած չէ Հայկական  
Ժողովրդի ներկայ պիտոյքը և կարօտութիւնը. վասն որոյ Ժողո-  
վուրդը յետ քաշուելով մերժել է իւր անօգուտ և անփորձ աշխա-  
տաւոր օրագիր մատենագիրը: Կան աշխարհիս մէջ մի տեսակ  
մարդիկ, որ կարող են ամենայն բան խօսել և գրել հրապարա-  
կաւ, բայց չունին իրաւունք պատասխան ստանալու, որովհետեւ  
իւրեանց անձը դորան անարժան են կացուցած. և այսպիսի մար-  
դերի կարգում—ցաւում ենք—որ մեզ ստիպել է Հայր Բաստա-  
մեանցը դնել նորան: Մէք այս տեղ գործ ունինք միայն մեր Ժո-  
ղովրդի հետ, որ ոչ թէ մերժել է «այն Հիւսիսափայլ օրագիրը  
ընդհանուր ազգային լուսաւորութեան և դաստիարակութեան» —  
որ Բաստամեանց Հօր, հոգեւոր հօր անարժան ստախօսութեամբ,  
ոչինչ չէր տուել աղբին, բայց միայն Շէքսպիրի??!! և Շիլլերի  
ողբերգութիւնքը և Կիկերոնի, Գեմսթենէսի?? ատենաբանական  
ճառերը—ոչ թէ մերժել է, այլ մինչև օրս խնդրելով խնդրում  
և աղաչելով աղաչումէ, առանց կարողանալու հասանել իւր  
փափագին:

Արդարեւ «Հիւսիսափայլ օրագիրը ընդհանուր ազգային լուսա-  
ւորութեան և դաստիարակութեան» կամաւ և գիտութեամբ մշա-  
կել է մի քանի բանաստեղծական գրուածքը Շիլլերի, մի քանի  
հոյակապ ճառերը Կիկերոնի — երանի՜ թէ կարողացած լինէր  
տալ իւր ազգին Շէքսպիրի չնաշխարհիկ գործերից և Գեմսթեն-  
նէսի ատենական ճառերից քանի մի նշխարներ, բայց կարողա-  
ցած չէ — Հիւսիսափայլի հրատարակողը այդպէս ընթացել է,  
որովհետեւ նա սրտի վկայութեամբ գիտէր և ուսած էր ազգերի  
դաստիարակութեան պատմութիւնից, թէ չկայ ոչ մի աւելի զօ-  
րաւոր հնար, աւելի ազդու շարժարան գործելու, կրթելու և  
դաստիարակելու մի Ժողովրդի սիրտ և հոգի, նորա բարքը և  
վարքը և ճաշակը, եթէ ոչ ճարտարութեան գործերով, բանա-  
ստեղծական գրուածներով, ընտիր արուեստահիւս բանախօսու-  
թեամբ: Այս բանս աւելի լաւ հասկացաւ մեր անուսումն Ժողո-  
վուրդը, աւելի լաւ գին կտրեց նորան իւր անխառն, առողջ բա-  
նականութեամբ, քան թէ ուսումն առած, իրաւագէտ Հ. Բաստա-  
մեանցը, խնդրումենք շատ անգամ ներողութիւն մեր ալնիւ Ժո-  
ղովրդականներից, որ ձանձրացուցինք նոցա ուշադրութիւնը, գուցէ  
թէ փոքր ինչ երկար խօսելով մի նիւթի վերայ, որոյ էութիւնը

քաջ յայտնի է նոցա. Հիւսիսափայլը պատերազմեց իւր պատե-  
րազմը, յաղթութեան արմաւենին ստացաւ, և այդ յաղթութեան  
պտուղքը այժմուս վայելումէ մանուկ սերունդը, իւր ծնողին  
անարգող սերունդը. մեք կորուսանում չենք մեր հոգու խաղաղու-  
թիւնը. ամենայն առաքինութիւն կրումէ իւր ինքեան մէջ իւր  
վարձը և սովոր է բաւականանալ դորանով:

«Դպրոց» մանկավարժական ամսագրի հայախօսութիւնը չլինե-  
լով այլ ինչ, բայց միայն ըստ մեծի մասին ծառայարար թարգ-  
մանութիւն ուսական լեզուից, կրումէ իւր վերայ և ուսա-  
կան ոճի կնիքը, որովհետեւ հրատարակողը տեղեակ չէ հայկական  
ուղղախօսութեան կանոններին:

Այժմ գալիս ենք խօսելու մեր երկու հայկական լրագիրների,  
«Մեղու Հայաստանի» և «Մշակ» պարբերական թերթերի վերայ:  
Դոքա երկուքն ևս հրատարակվում են թիֆլիսում և բերում են  
մեզ ամենայն շաբաթ զանազան տեղեկութիւնք տեղական քա-  
ղաքային կարգադրութիւնների, քաղաքային ընկերութիւնների  
խորհրդածութեան և գործակատարութեան մասին—ներքին լու-  
րեր անունով, այլև պէսպէս ծանօթութիւնք ազգային դպրոց-  
ների, ծխական ուսումնարանների, թէ թիֆլիսում և թէ այլ  
հայաբնակ քաղաքների և գիւղերի մէջ, դոքա հոգաբարձական  
ընկերութիւնների, յառաջադիմութեան կամ յետախաղացութեան  
պատկանեալք: Այդ լրագիրների մէջ հանդիպում ենք նոյնպէս  
նամակագրութիւնների զանազան հայաբնակ քաղաքներից, ուր  
գտնւում են հայկազեան երիտասարդք, փոքրիկ ճառեր և մտա-  
ծութիւնք ազգային խնդիրների, ազգային ցաւերի ծանօթութիւնք  
հասարակօգուտ տնտեսական գիւտերի վերայ: Այլև համառօտ  
տեղեկութիւնք ժամանակակից քաղաքական անցքերի և որպիսու-  
թիւնների մասին Յւրոպայում, իբրև արտաքին լուրեր:

Մեք շնորհակալ ենք այդ երկու, ազգային լրագրական դպրու-  
թեանը սպասաւորող շաբաթագիրներին, որչափ մեզ հասած են  
մինչև այժմ դոքա թերթերը և որչափ կարողացած ենք հասկա-  
նալ այդ գրուածների բովանդակութիւնը, զգեստաւորուած մի  
կերպարանքով, որ մեզ տալիս են մի տիտւր ապացոյց, թէ  
«Հայաստանի Մեղուի», որպէս և «Մշակի» պատուելի հրատարա-  
կողքը երկուքն ևս չգիտեն հայերէն, այլ իւրեանց համար շինած  
են մի հասարակաց նորահնար լեզու, ամենեւին օտար թէ ընդ-  
հանուր ժողովրդական բարբառից և թէ ուղիղ հայախօսութեան



կանոններից, Բայց այս մեծապարունակ խնդիրը քանի մի խօսքով վճարել չկամինք, այլ սկսանումենք դորա վերայ փոքր ինչ ընդարձակ քննութիւն:

Հայկական ժողովուրդը ընդհանրապէս ունելով աղքատին և չքաւոր շրջան իղեաների, և նորա լեզուն մնացել է աղքատ և չքաւոր. կարելի է ասել, նա ունի այնքան միայն պաշար խօսքի, որքան նորա իմացական պիտոյքն են, որպիսի նորա քաղաքագործութեան, կրթութեան, վարդապետան աստիճանն է, որպիսի նորա ուրախութիւնքը և տրտմութիւնքը, որպիսի նորա հանապազօրեայ ընտանեկան և ընկերական կեանքն է. մի ազգի լեզու է նորա կեանքի ճիշդ պատկերը, հայելի օրինակը: Նախ և յառաջ դաստիարակի մի ազգ, տուր նորան ծանօթութիւնք աշխարհի և հասարակաց մարդկութեան մէջ անցած բաներին, տուր նորան հիմնաւոր տեղեկութիւնք բնութեան օրէնքին և այն յայտնութիւններին որ այդ օրէնքի ներքոյ լինումն տիեզերքի մէջ — մի խօսքով, տուր ժողովրդին մտածութեան նիւթեր պատշաճապէս, աղնուապէս, արժանապէս մշակուած ու զգեստաւորուած, նորա հոգուն և սրտին օրինաւոր պատրաստած կերակուր, առողջ սնունդ — այնուհետեւ դու կը տեսանես նորա մէջ մի զարմանալի կերպարանագործութիւն նորա խօսքի մէջ. յանկարծ կը բացուի նորա լեզուն, որ տգիտութեան պատճառով կապած ու կաշկանդած էր. դու կը լսես նորա բերանից օրինաւոր, կապակից, խելացի ոճով խօսք ու զրոյց — ապացոյց ներքին զարգացման, բանական դատողութեան, որովհետեւ նա մտածումէ, ունի գաղափարներ, նորա սիրտը լցուած է զգացողութեամբ, և դժբաձգտումն դէպ ի դուրս, կամին հաղորդուիլ և միանալ իւր ընկերի հոգուն և սրտին և այդպէս դառնալ հասարակաց ժառանգութիւն. որ մարդը, որ ազգը ստացած չէ և չունի գաղափարք (իդէայք), նա չունի և լեզու, որովհետեւ խօսել և մտածել մի և նոյնն է. ով չգիտէ խօսել, նա և մտածում չէ:

Մանուկների նախնական դաստիարակութեան գործի մէջ ծայրագոյն կանոն է հսկել նոցա ուղղախօսութեան վերայ. այս խորհրդով իմաստուն ծնողք սովոր են, կամ, յատկապէս, պարտական են կարգել իւրեանց մանուկների վերայ այնպիսի սպասաւոր տեսուչք, որ գիտէին ուղիղ խօսել, որպէս և նոյն իսկ ծնողք ամենայն բոպէ, իւրեանց ամենայն ընթացքի և խօսակցութեան մէջ մանուկների հետ, պիտի զգուշանային, որպէս զի ոչինչ չար

օրինակ չտային նոցա, ոչինչ ծուռ և սխալ խօսքի ոճ չպատուա-  
տէին նոցա լեզուի վերայ, այլ ուղիղ խօսքի հետ միասին ուսու-  
ցանէին նոցա և ուղղապէս մտածել: Ով չգիտէ դաստիարակել  
իւր անձը, նա կարող չէ դաստիարակել և իւր ընկերը: Այս մի  
անյեղլի օրէնք է:

Այս, բոլոր մտածող դաստիարակիչ մարդերի մէջ խոստովա-  
նուած և ընդունուած կանոնի վերայ հիմնուելով, համարձակումով  
խնդիր մէջ բերել, արդեօք մեր օրագիր և լրագիր հրատարակողք  
լցուցանումէին իւրեանց պարտականութիւնը իբրեւ ուսուցիչք և  
դաստիարակիչք այն տղայ հասարակութեանը, այն չափահաս  
մանուկներին, որոց առաջնորդել յանձն էին առած. արդեօք  
նոցա գրչի տակ նոր հայկական լեզուն այնպէս մշակվումէր, յար-  
գարվումէր, կատարելագործվումէր, որ իշխանութիւն ունէինք  
յուսալու, թէ գայոց օրերի մատենագրութիւնը կարող էր հաս-  
տատուիլ դոցա ձեռամբ գրած հիմքի վերայ: Մտադրութեամբ  
ուսումնասիրելով մեր այժմեան լրագիր ու օրագիր հրատարակող-  
ների և սակաւաթիւ, մատերի վերայ թուելի մատենագիրների  
վաստակքը, մեր հասանումենք տխուր եզրակացութեան, որ է,  
թէ այդ ազնիւ պարոնները կամ բոլորովին մոռացած էին իւրեանց  
մայրենի լեզուն, կամ թէ երբէք ուսած ու գիտցած չեն. թէ  
դոքա գրաւոր կերպով խօսելով հայկազեան հասարակութեան  
հետ, երբէք առաջարկած չեն իւրեանց այն ծանր խնդիրը, թէ  
որպէս պիտի լինէին նոր ժամանակի մատենագրութեան պայման-  
քը, որ նա տեղական օգուտ բերէր ընթերցող հասարակու-  
թեանը, տալով նոցա առողջ գաղափարներ, ուղիղ հայախօսու-  
թեան կերպարանքով: Մէք այժմեան մատենագրութեան մէջ տե-  
սանումենք մի բան, այսինքն, որ մեր գրողքը լինելով տգէտ  
հայախօսութեան հոգուն կամ, որ նոյն է, իւրեանց մէջ չկրելով  
մի յատուկ հայկական լեզուի գաղափար, մի կարգաւոր հայա-  
խօսութեան իդէա, մտածումն ուսներէն և ուսներէն մտածու-  
թիւնքը զգեստաւորումն լոկ հայկական, շատ անգամ այլանդա-  
կապէս ձեւաւորուած բառերով, մինչև այն աստիճան, որ դոցա  
գրուածքը կարելի էր միայն հասկանալ, յեղափոխելով դարձեալ  
դէպ այն մտածութեան ձեւերը, ուստի նոքա թարգմանօրէն  
աղբերացած էին: Ուր մնաց, որ այդ նորանշան, անտեղի օտա-  
րախօսութիւնը բոլորովին անհասկանալի է մեր ժողովրդին: Եւ  
այդ ինչ համարձակութիւն է գրողների կողմից Հայոց ժողովրդի

վերայ բռնարարութեամբ դնել մի օտար լեզուախօսութեան կանոնների լուծ, մինչ նա, ցաւելի ժողովուրդը Հայոց, իւր անկրթութեան պատճառով, դժուարանումէ արդէն ընտելանալ իւր յատուկ լեզուի ընտիր ուղղախօսութեանը: Հայոց գրողքը եթէ չգիտեն հայերէն, թող նախ և յառաջ փոքր ի շատէ աշակերտուն հայկազեան լեզուի ուսմանը և յետոյ դէպ ի հրապարակ դուրս գան, ուսուցանելու ժողովուրդը. բայց «լինել հեղգ առ ուսումն և փոյթ առ ի վարդապետել», այս գովել կարող չեմք: Հայոց գրողքը կարող են գիտուն լինել (և ցանկալի, մանաւանդ թէ կարևոր է, որ լինէին) օտար լեզուների, բայց այդ գիտութեամբ ազատվում չեն նոքա այն հարկից, որ է ուսումնասիրել և իւրեանց մայրենի լեզուն, և քաջ ուսումնասիրել և փութոյ պնդութեամբ ուսումնասիրել, եթէ կամին խօսել ժողովրդի հրապարակում, եթէ ժողովրդին աւանդելի նորանոր ծանօթութիւնների և դաղափարների հետ միասին, կամին աւանդել նորան և ընտիր հայախօսութեան ձևեր ու ոճեր, և այժմուս ժողովրդական լեզուի թերութիւնքը, պակասութիւնքը օրըստօրէ լցուցանել հին լեզուի աղբիւրից, նորա մէջ յառաջացած խանգարմունքը, տգեղ եկամուտ ոճերը օտարուստ աղբեցութեամբք, առ փոքր փոքր արտաքսել, և այդպէս մաքրել, բարեկարգել և ազնուացնել մայրենի լեզուի խօսքը: Եթէ մեր ժամանակը հասարակաց կեանքի, քաղաքական կարգերի, գիտութեան և ճարտարութեան, կրօնի և բարոյականութեան, ուսման և դաստիարակութեան—բոլոր, բոլոր հանդէսների և ասպարէզների մէջ միանգամայն ձգտումէ դէպ ի յառաջ, դէպ ի առաւել կատարելագործութիւն. ինչու ապա մի աղբի լեզու, պիտի յետ մնայ, պիտի հրաժարուի այդ յառաջադիմութեան ընդհանուր օրէնքի ներքոյ ստորագրուիլ. մի ազգի լեզու, որ նորա կենսական ամենաշարժուն, ամենայն օր, ամենայն ժամ, ամենայն բոպէ դէպ ի յառաջ ձգտող, նոր ի նորոյ աւելի բարեք կերպարանելի տարրն է, միայն թէ ազգի մէջ կային մտածող, հանձարեղ, դործունեայ հոգիք, հնարագիւտ հանձարներ և շրջահայեաց աշխատաւոր մարդիկ:

Մէք, 19 դարու քաղաքացի Հայերս, եթէ կամինք մեր նոր գիտութեան համար մի յարմարաւոր անօթ (գործի), մի մատենագրական լեզու պատրաստել, այնուհետեւ մեր առջև բացվումն երկու հարազատ աղբիւրք. դոցանից մինը է մեր այժմեան կենդանի լեզուն ընդհանրապէս, ոչ մեր մասնաւոր տեղական բար-



բառները, որ հայեցմամբ դէպ ի մատենագրական լեզուն ունին այնքան արժանաւորութիւն միայն, որչափ նոցա մէջ պահուած ու մնացած էին ընտիր և պիտանի նիւթեր նոր մատենագրութեան շինուածի համար — մեր այժմեան կենդանի լեզուն ժողովրդի փոքր ի շատէ լուսաւոր և հայագէտ դասակարգերի մէջ: Երկրորդ աղբիւրը է մեր գրոց ասած հին լեզուն, մեր նախահարց մեծագին պատմական ժառանգութիւնը, ուստի մեր իբրև խելացի որդիք կարող չեմք հրաժարուիլ, որովհետև այդպէս մեր պիտի ուրանայինք մեր անցեալը, մեր պատմութիւնը, մեր կեանքի առաջին նախադասութիւնքը: Բայց և յետ դառնալ, գնալ, մտնել մեր նախահարց կեանքի պայմանների մէջ, որ չեն մեր ներկայ կեանքի պայմանքը, կարող չենք, որովհետև այդպէս պիտի ուրանայինք կենդանի ժողովրդի իրաւունքը, մեռածի, անցած ու գնացածի իրաւունքը առաւել վերին դասելով, որ մի անխորհուրդ բան է: Ուրեմն, մեր ազգի մտածող անդամքը կը հասկանան թէ ինչ աչքով նայումենք մեր մեր հայկազեան հնութեան վերայ. նորան յարուցանել գերեզմանից կարելի չէ ոչինչ կախարդական գաւազանի հարմամբ (չարկով), բայց նորանից կտակով մեղ աւանդած հարստութիւնքը արդարև կարելի է, մանաւանդ թէ պարտականութիւն է իմաստութեամբ գործ դնել, պիտանի կացուցանել, մեր այժմեան աշխարհիկ լեզուն բարեկարգելու և մատենագրութեան յարմարաւոր անօթ շինելու համար: Եւ մեր կարծիքը, ո՛չ, մեր սրտի վկայութիւնը այսպէս է, որ մեր Հայերը կարող են լինել քաջ ուսագէտք, որ շատ պատուելի, գեղեցիկ և օգտակար բան է — բայց եթէ կամենում են լինել հայկական մատենագիրք մեր ժամանակում, պարտ է նոցա տեղեկանալ հայկական հնութեան գանձերին, որպէս զի նոքա կարողանային մտածել և խօսել բուն հայերէն, առանց սար ու ձոր ընկնելու, առանց դիմելու դէպ ի օտար աղբիւրք, առանց մուրալու թաթարից ու ուսուից այս և այն ձևերն ու ոճերը, որոց փոխանակ ունին նոքա իւրեանց յատուկ լեզուի տնտեսութեան և հարստութեան մէջ բոլորովին ընտանի, հարազատ և գեղեցիկ ոճեր ու ձևեր: Միտ դնելով մեր այժմեան չնչին, տգեղ օտարախօս մատենագրութեանը, կարելի չէ գուշակել թէ երբ կը հասանէր այն օրը, երբ նոր մատենագրութիւնը առատացած ու լիպցած հնութեան սեղանից, ճոխացած ու հարստացած նորա գանձերով, այլևս կարօտ չէր նորան, որովհետև չափ և հասակ առած կարող

էր ինքն իւր համար վաստակել և իւր վաստակով ապրիլ, ուրեմն և առ փոքր փոքր թուլացնել և վերջումը կատարել այն օղակապերը, որ հեռաւոր անցեալը միաւորումն ենրկայի հետ:

Ալերեւում ասածներից հետեւումէ, որ Հայոց պիտեան մատենագիրը պիտի լինի քաջ հայագէտ, այս է առաջին և նախակարգ պահանջողութիւնը. երկրորդ, տեղեակ պիտեան ժողովրդական լեզուին փոքր ի շատէ զարգացած և լուսաւոր դասակարգերի մէջ, այլև, եթէ կարելի է, որչափ և իցէ ծանօթ տեղական բարբառներին, որ թէ ինչ խորհուրդ ունէր հայեցմամբ դէպ ի մատենագրական լեզուն, ակնարկեցինք վերեւում: Բայց, այս գիտելիքով չվերջացաւ տակաւին հայկական մատենագրի պատրաստութիւնը առ իւր մեծապարունակ պաշտօնը. նա, իբրև գիտնական անձն, պիտի տեղեակ լինի հին և նոր լեզուներին Ներուպայի, մանաւանդ հելլենականին, որ ինչպէս յայտնի է հայկական դպրութեան պատմական ընթացքից, խորին ազդեցութիւն ունեցած է Հայոց լեզուի ուսումնական կազմակերպութեան վերայ. արեւմտեան Ներուպայի նոր լեզուքը, գերմանականը, ֆրանսիականը և անգլիականը, իբրև ճոխ շտեմարանք ամենայն տեսակ գիտութիւնների, պիտի այնչափ ծանօթ լինին Հայոց մատենագրին, որ նա կարողանայ այդ լեզուով գրուածքը հասկանալ և գործ դնել յօգուտ իւր ժողովրդի: Բայց ի հելլենական լեզուից, լատինական լեզուի գիտութիւնը մեծ խորհուրդ ունի հայեցմամբ դէպ ի Հայոց մատենագիրը. լատինական լեզուն լինելով մի աշխարհակալ, օրէնստու, քաղաքատնտես ազգի լեզու, իւր խիստ կանոնաւոր ճշգրտութեամբ և հետեակից բանախօսութեան ոճով կարող էր լինել ամենալաւ դպրոցը լոգիարար մտածելու և խօսելու: Նոր Ներուպայի լեզուքը չունին այն ճիշդ քերականական կազմութիւնը լեզուի, որ տեսանումներ լատինականի մէջ: Ֆրանսիական լեզուն իւր պարզ ու պայծառ, որոշ ու սահմանաւոր, ասես թէ, չափած ու կշռած ոճով անզուգական է բոլոր եւրոպեական լեզուների մէջ: Դա մի քաջ գործի է տարածելու ազգերի մէջ թէ ճշմարտութիւնք և թէ ստութիւնք: Գերմանական լեզուն մի փափուկ լեզու է, ֆրանսիականը ոսկրացած, դադարուն, սահմանափակ լեզուին հակառակ, և կարող է Հայոց լեզուի պէս անվերջանալի նորանոր ձևեր բառերի կազմել բարդութեամբ, գոյականներին, ածականներին և բայերին տալ առանձին խորհրդաւոր նրբութիւնք ըմբռնողութեան, զանազան նշանաւոր մասնիկների ճոխութեամբ. իւր պտոյտ պտոյտ,

ողոր ողոր, երկար ու ձիգ արուեստահիւս դարձուածներով—որ մեզ շատ անգամ յիշեցնումն լատինական լեզուի ճարտարապետական պարբերութիւնքը—ասես թէ, կամէր նա սպառել մարդկային մտածութեան և զգացողութեան բոլոր բարձրութիւնքը և խորութիւնքը: Այս պատճառով գերմանական լեզուն է և մի ծանրաշարժ լեզու, որպէս նոյն իսկ ազգը, ամենեւին ներհակը արագաշարժ ֆրանսիական լեզուի և ազգի: Մէք կը ցանկայինք, որ Հայոց մատենագիրը իւր գործի մէջ օրինակ առնուր այդ երկու ականաւոր ազգերից և աշխատէր ֆրանսիականի գեղեցիկ և աննման պարզութեան ու որոշութեան հետ կապակցել գերմանականի նոյնպէս գեղեցիկ և աննման խորութիւնը: Այս երկու յատկութիւնների զուգախառնութեամբ կը յառաջանար մի պատուաւոր կազմուած: Ոչ մի եւրոպական դպրութիւն ցուցանումէ մեզ այնպիսի լայնատարած ընդարձակութիւն, այնպիսի անչափելի հարստութիւն ականաւոր գրուածներով գիտութեան բաժանների վերայ, որպէս գերմանականը, որ կարելի էր իրաւամբ կոչել մի ովկիանոս ծով, որոյ մէջ ամենայն կողմից և շատ հեռաւոր սահմաններից թափւում էին առուք, վտակներ, գետեր և հեղեղատներ և միանումէին նորա իւր յատուկ բազմամասնայ ճոխութեան հետ. այս պատճառով մեր օրերում գերմանական դպրութիւնը արժանի է փութաջան ուսումնասիրութեան ամենայն ուսումնական Հայի, մանաւանդ դաստիարակիչ մարդուն, որովհետեւ ոչ մի եւրոպական լեզու այնքան ճոխ է դաստիարակութեան գործին պատկանեալ գրուածներով. և ինչ որ խորէն վարդապետ Ստեփանէն իւր «Հայկական աշխարհի» մէջ ասումէ գերմանական դաստիարակութեան կարգի և սխառմայի մասին, որպէս թէ դա զրած էր իւր առաջն միակ կէտ նպատակի կրթել և զարգացնել ոչ թէ մարդ, մարդկային արժանաւորութեամբ, այլ իրրեւ մի անհատ գերմանացի մարդ, մի քաղաքացի և զինուոր գերմանական տէրութեան, այդ մի անարժան բամբասանք է, ծնունդ մի հեղգ և ծոյլ տգիտութեան, որ աշխատութիւն յանձն առած չէր գերմանական պեղագագիայի սխառման ու կարգը ուսումնասիրելու և վերահասու լինելու նորա իսկութեանը: Այլ և հարկաւոր է ասել պատուելի Հայր խորէն Ստեփանէն. եթէ մի պեղագագիկա ձգտումէ պատրաստել հայրենասէր քաղաքացիք, քաղ զինուորներ տէրութեան ընդգէմ թշնամաբար միւսերի վերայ արշաւող ազգերի, այնուհետեւ նա լցուցանումէ միայն իւր



պարտականութիւնը, որովհետեւ սպասաւորումէ հասարակաց օգտին. բայց թէ զորանով ճնշվումէր ազնիւ մարդասիրութեան ախտը, ազնիւ մարդավայելուչ զգայումը գերմանական քաղաքացու և զինուորի սրտի մէջ, այդ մի ծուռ և թիւր եզրակացութիւն է, այլեւ ընդդէմ այն իրողութիւնների որոց մասին վկայումէ ամենանոր պատմութիւնը Նւրպպի, յատկապէս Գերմանիայի, որ մարդը հայրենասէր չէ, որ քաղաքացին չգիտէ պաշտպանել իւր կին ու զաւակը և գոյքը թշնամու երեսից, նա ոչինչ մարդ է. և այս առաքինութիւնը յանցանք համարել և դոցա պատասխանատու կացուցանել որպէս թէ մի թիւր, մարդատեցական կարգ դաստիարակութեան—այդ ընթացքը կարող ենք միայն, մեղմ և փափուկ խօսքով անուանել մի տղայական անփորձութիւն, մի ծառայօրէն կրկնութիւն պղտոր ու կեղտոտ աղբիւրներից հանած կարծիքի: Մեր ազնիւ բարեկամ Խորէն վարդապետը կըներէ մեր ամենեւին բարեմիտ ծանօթութեանը:

Այժմ մի քանի համեստաբար խօսք և քննութիւնք մեր նոր հայկական մատենագրութեան ոճի վերայ ճաճկաստանի և Ռուսաստանի Հայերի մէջ, այլեւ ի մէջ հին և նոր լեզուի: Հայկական խօսքը այն տեղ տեսանումենք ճաճկաստանում ստրկացած տաճկական լեզուի ոճին, իսկ Ռուսաստանում ռուսական լեզուի ոճին: Այսպէս ճաճկահայերը և Ռուսահայերը, երկրքին ևս մեղապարտք առաջի հայկական ուղղախօսութեան դաստաստանին, չունին պատճառ բամբասելու և յանդիմանելու զմիմեանս <sup>1)</sup> . . .

Մէք կարող էինք այսպիսի օտարախօսութեան օրինակներ անթիւ և անհամար յառաջ բերել այս տեղ, որովհետեւ մեր պոթմեան լրագիրները և օրագիրները այդ մասին այնչափ առատ ու հարուստ են, որ մէք գտանվումենք մի կատարեալ *embarras de richesse* գրութեան մէջ: Բայց թող հերիք չենին մեր յառաջ բերած օրինակները վասն ապացուցանելու, թէ մինչև որ աստիճան հայոց լեզուի հարազատութիւնը, հայկական խօսքի մաքրութիւնը և ազնուականութիւնը խանգարուած են մեր պոթմեան գրողների գրչի տակ, որովհետեւ գոքա մտածումեն ռուսերէն և գրումեն

<sup>1)</sup> Այստեղ հեղինակը մանրամասն յառաջ է բերում նոր լեզուի անկանոնութիւնները և ճշգում է նոցա, սակայն տեղի սղութեան պատճառով մենք չենք կարող յառաջ բերել այդ իխտ ընդարձակ նկատողութիւնները, որ համարեա յօդուածի մեծ մասն են բռնում: Մ. Բ.

լով հայահեղան ձայներով, շատ անգամ կազմելով այլանդակ և անձոռնի բառեր ևս: Մէք լաւ գիտենք այդ ցաւի աղբիւրը, որ և մի մասամբ շատ բնական է, բայց գորանով միտթարովի կարող չենք և ոչ իսկ արդարացնել մեր գրողքը: Մեր հայերը ստացած լինելով իւրեանց կրթութիւնը ուսական դպրոցներում (այլուր և կարող չէին), ուրեմն և ամենայն ըմբռնողութիւնք և գաղափարք ուս լեզուով և կերպարանքով, բնականաբար մտածումն և ուսներէն, երբ պէտք էր նոցա խօսիլ հայերէն և գորանից յառաջանումէ մի ուսական մատենագրութիւն լով հայկական ձայներով: Այս բոլորը այսպէս է. մէք հասկանումենք. սակայն մէք հայերս այս րոպէիս գործ ունինք մեր հայկական ժողովրդի հետ և մեր վերայ սուրբ պարտականութիւն կայ ուշադիր լինել նորա պիտոյքին, նորա հետ խօսիլ մատենագրութեան միջնորդութեամբ այնպէս, ինչպէս նա կարող էր հասկանալ մեր միտքը, այնպէս, ինչպէս պահանջումն հայկական ուղղախօսութեան կանոնները, որովհետեւ ուսուցչի պարտականութիւնն է ոչ թէ միայն նիւթեր տալ իւր աշակերտներին, այլ և նիւթերի հետ միասին պատշաճաւոր ձև և կերպարանք մտածութեան, որ շատ խորհրդաւոր բաներ են, եթէ կամէինք զարգացնել նոցա իմացականութիւնը. ով չգիտէ ուղիղ մտածել, նա չէ կարող և հայաբար խօսիլ:

Դիցուք մեր աշխարհաբառ լեզուն չքաւոր և պակասաւոր է. բայց դորա թերութիւնքը կարող ենք, ոչ, պարտ ենք լցուցանել նոյն իսկ ազգի լեզուի հին գանձարանից և ոչ թէ զիմեղ զէպ ի օտար աղբիւրները և մուրալ այդ տեղերից անպատշաճ և անպէտք փոխառութիւնք, փոխառութիւնք որ հարկաւոր ևս չեն, որովհետեւ այդ ձևերը և ոճերը, որոց կարօտ ենք մեր շատ հասարակ խորհուրդները բացայայտելու համար, առատ, զեղուն և թաթաղուն չափով գրած են հայկական լեզուի մէջ առ հասարակ, միայն թէ կամեցող լինէինք ուսումնասիրել դորան, ճանաչել և գործ գնել դորա, դարերով մեզ աւանդած հարստութիւնքը, պատուական գոհարները հայախօսութեան: Թող մեր պատուելի գրողքը փոքր մի զկայ առնուն և մտածեն իւրեանց գործակատարութեան եղանակի վերայ, թող յարգեն նոքա իւրեանց անձը և ժողովրդի իրաւունքը, խօսելով նորա հետ աղնիւ, մաքուր և, եթէ կարելի էր, գեղեցիկ ոճով որպէս զի և ժողովուրդը իւր գրողներից ուսանէր մտածել և խօսիլ արժանաւոր կերպով: Մեր հոգին

խոտված է, մեր սիրտը անհնարին ցաւով ցաւադարուած, ակա-  
նատես լինելով մեր ալգի ամենամեծ անարգութեանը, որովհետեւ  
մի ալգի լեզու ուսած ու սովորած ենք համարել նորա ամենամեծ  
փառք ու պարծանքը, և այդ փառք ու պարծանքը այս ըոպէիս  
տեսանումնք ցեխի ու տղմի մէջ գլորուած գրողների անհոգու-  
թեամբ:

Մէք կամինք յուսալ, որ ոչ ոք մեր սիրելիներից տեղիք չունէր  
վիրաւորութեան այս մեր ճառախօսութենից, այլ կ'ընդունէր  
սորան իբրեւ սիրող սրտի անկեղծօրէն, բարեմիտ զեղուածք. այս  
բառերիս գրողը հոգով չափ սիրումէ իւր բարեկամքը, որոց հետ  
սովոր է նա խօսիլ խստութեամբ, եթէ հասարակաց օգուտը այդ-  
պիսի մի հարկ դնումէ նորա վերայ: Այդպէս է ճանաչում նա  
ճշմարիտ սիրոյ օրէնքը: Կան մեր Հայերի մէջ ամբարտաւան, մե-  
ծամիտ մարդիկ, որ ամենայն բան ուսած ու աւարտած էին և  
այլ ևս ոչինչ ուսանելու բան չունէին. դոցա հետ մէք խօսած  
չենք և խօսիլ չկամինք. մեզ միշտ քաղցր է ուսանիլ և իմաստնա-  
նալ թէ բարեկամից և թէ թշնամուց, որովհետեւ այդ մեր օգուտն  
է. և ով մեր բարերարն է, նորան պատրաստ ենք հատուցանել  
և մեր շնորհակալութեան պարտիքը:

1876.

Ս. ՆԱԶԱՐԵԱՆՅ:





## ՀԻՆ ՅԱԻ.

1885 թ. «Արձագանքի» 7 համարում պ. Շիրվանզադէի «Խնամատարի» մասին գրած նկատողութեան մէջ գիտեմ էի, որ հեղինակը ունի նկարագրական ձիրք և գեղարուեստական ընդունակութիւն, թէպէտ հոգեբանական կողմը թոյլ է, ինչպէս Նկատարինա կարլոֆայի մէջ նկատվում է: Մինչև այսօր «Խնամատարից» յետոյ Շիրվանզադէն տուել է երկու նոր երկասիրութիւն. մի փոքրիկ հոգեբանական էսիէ, մի կենսական պատկեր, որ արժանի է ուշադրութեան և նորա նախկին գրուածների համեմատութեամբ մի բոլորովին նոր, գեղեցիկ ժողովրդական վէպ «Նամուս» վերնագրով, որ մի հզօր ապացոյց է Շիրվանզադէի գեղարուեստական տաղանտի և նորա գրականական ուղղութեան նշանակտի: Մինչև «Նամուսը» ոչինչ որոշակի չէր կարելի ասել Շիրվանզադէի գրականական ընդունակութեան մասին: «Նամուսը» պէտք է նկատել իբրև բուն ժողովրդական առողջ ուղղութեան մի անժխտելի գրական, որին սկսել է հետևել երիտասարդ գրողը: Մինչև «Նամուսը» նա վիպասան չէր, իսկ այժմ նա վիպասան է և այնպիսի վիպասան, որի «Նամուսը» կարող է հրապուրել, ոգեորել և հայ գրականութեան բարգաւաճման անձկալի ղգացմունքով լցնել մարդու սիրտը: Բայց իմ մտադրութիւնը չէ «Նամուսի» մասին խօսել. նա արժանի է մի պատկանելի քննադատութեան և բացադրութեան մեր մատենադիրների կողմից, որոնք դժբաղդաբար շատ շուտ են մեծ մարդ գտնում, ծերանում և բաւականանում իրենց պաշտօնական ծառայութեամբ: «Օրիորդ Լիզայի» լոյս տեսնելուց տարիներ են անցել, բայց մինչև այսօր մեր մամուլը մի խորհրդաւոր լռութեամբ, կարծես, ուղում է ծածկել ընթերցողներից մայրենի նորածին գրականութեան արդիւնների արժէքը և թերութիւնները: «Արձագանքի» նոյն թուականի համարներում յիշած էին Ալիշան, Նորայր Բիւզանդացու աշխատութիւնների շարքում և Սրուանձտեանի, Միրախորեանի ճանապարհորդական, էթնօգրաֆիկական գրուածները, բայց և ոչ մի խօսք Շիրվանզադէի գէթ «Նամուսի» մասին <sup>1)</sup>: Ամօթ չէր

<sup>1)</sup> Պ. Հայկունու յօդուածը «Նամուսի» մասին քննադատութեան տպաւորութիւն չէ թողնում ընթերցողի վերայ:

Ալիշանի կողքին գնել և Շիրվանշահէի անունը: Այս մեր Տին սովորութիւնն է: Մարդիկ հեշտութեամբ են հեռաւոր կայծը հրդեհի տեղ ընդունում և հազի ձայնը թնդանօթի որոտմունք: Ի հարկէ, մեր խօսքը վերեւ յիշած հեղինակութիւնների մասին չէ, որովհետեւ Սրուանձտեանի երկու, երեք կտորն է հասել մեզ, այլ նկատում ենք այն անբացատրելի անտարբերութիւնը, որ տիրում է մեր մէջ դէպի աղքատիկ գրականութեան մշակները: Բայց այս դեռ բոլորը չէ, որ մեր մամուլը չէ հետաքրքրում մեր վիպասանների արդիւնքներով: Նա նոյն եռանդով է վերաբերուել և դէպի մեր վիպասանութեան հիմնադիր մշակների, Աբովեանի, Բաֆֆիի, Պռոշեանի, Աղայեանի մեծաջան աշխատութիւններն ևս: «Արձագանքի» մի երգիծական ֆելիէտօնից յիշում եմ, որ «Նամուսը» չէ էլ տարածվում (այ քեզ նորութիւն): Մի ազգ, որ մի լրագիր չէ կարողանում պահել, միթէ կարող է անկախ դիրք տալ իւր վիպասաններին: Մենք գանգատվում ենք, որ հայ վաճառականը ընթերցանութեան համար գիրք գնել չէ սիրում: Գնել մի գիրք կամ դէն գցել հազար ու մի խաբրեայութիւններով վաստակած փողը նա համանշան բան է կարծում: Բայց ի՞նչ է անում մեր թէ մայրաքաղաքի և թէ գաւառի ինտելիգենտ հայը, պաշտօնեան, մասնագէտը: Նա ոչ մի կերպ ժամանակ չէ գտնում և միջոց էլ չէ ունենում հետեւել իւր մայրենի գրականութեանը, սիրել, ուրախանալ նորա յառաջադիմութեամբ, կարգալ իւր ընտանիքին և երախաներին (այս մի քիչ դժուար է, որովհետեւ նա շատ անգամ գիշերներն էլ տանը չէ լինում), այլ խեղճը միջոց չէ ունենում իւր սեպհական մասնագիտութեան տեսական հարցերով էլ զբաղուելու, կապ պահպանելու այն գաղափարների հետ, որոնց հիման վերայ պէտք է դատէ, բժշկի և որոնցով պէտք է լուսարանէ իրական կեանքի երեւոյթները և փաստերը: Նա արհեստաւոր է, որի ուղեղը ներկած է, որովհետեւ առաջինը խօսելիս գատում է միայն իւր փէշակի ձևի մասին, պատմում է առանց փիլիսոփայութեան, իսկ երկրորդը հարկաւոր ժամանակ փիլիսոփաների օձիքից քաշում է և նորանց անուններով մի քանի ընդհանուր փոքրած արքաղաղի գիրք է բռնում: Մտնում էք ձեր օտարազգի ծանօթ մի մասնագէտի, բժշկի, թուաբանի տունը և կարծում էք, որ նա ձեզ կըխեղդէ իւր դանակներով ու ֆորմուլաներով, բայց շուտով համոզվում էք, որ չարաչար սխալվում էիք: Նա ձեզ հետ սկսում է խօսել իւր պատմութիւնից, գրականու-

Թիւնից, անգամ ընթացիկ նշանաւոր գրականական երեւոյթների մասին: Յետոյ դառնում էք տուն, մտածում, համեմատում և զարմանում: Աւելի էք զարմանում, որ ձեր ծանօթը իւր սահմանափակ միջոցներով կարողանում է դարսել իւր սեղանի վերայ թէ սեփական մասնագիտական գրքեր և թէ կարողանում է հետեւել իւր մայրենի գրականութեան և վիճիլ սորա մասին այնպիսի ոգևորութեամբ, որ կողմնակի դիտող հայր կասէր. «Տօ, ի՞նչ է եղել, գլուխը քարը, վիպասանը հօ քեղ հաց չի տալ, ի՞նչ ես գլուխդ պատռում»: Այս բոլոր երեւոյթների պատճառը մեր մամուլի առողջամիտ մասը քանիցս անգամ նկատել է: Հոգեկան աւանդական տոկոսն տրամադրութիւն չկայ դէպի անկեղծ գործ, ծանր և համեստ աշխատանքի բնական սէր և կենդանի եռանդ ու գիտակցութիւն չկայ: Մի յայտնի ժամանակ մենք հերոսներ ենք, երբ մատ մատի վարկելու գործ էլ չենք անում ապագայում պիտանացու լինելու համար, իսկ սխրագործութիւնների հող չկայ, պահանջ չկայ: Առաջ պարապ մնալ չենք կարող, պէտք էր տաղտկալի անգործութիւնը ծածկել այնպիսի խօսքերով, որի դէմ խօսողին հեշտութեամբ կարելի է լռեցնել տալ այդ հնչիւնների աւտօրիտետով: Եւ այս մենք անում ենք դերասանական մեծ հանձարով, սեփական մեծութեան ինքնահաւան գիտակցութեամբ, իսկ յետոյ մի նամակ կը գրենք մեր բարեկամին. «Ֆլան-ֆուտանը, եղբայր, յիշում ես, ասի լաւ օրեր էին. ինչպէս ոգևորվում էինք և ճառում: Հէ՛յ գիտի ժամանակ, ի՞նչ իդէալիստներ էինք հա. է՛հ, բարեկամ ծերացանք, բաւական է, որքան գործեցինք, այժմ մենք չենք կարող ոչինչ անել»:

Մեր հասարակութիւնը շատ է տեսել այսպիսիներին, որոնց մասին բանաստեղծը ասում է.

«Նոցա նպատակ — սնափառումիւն,

«Նոցա խօսքերը — աննշան հնչիւն,

«Ազգ ու հայրենիք, պարծանք ու պսակ

«Կրկնում էին որպէս մի թումակ»:

Եւ նոյն հասարակութիւնը, երեւի, դեռ երկար ժամանակ ընդունակ չի լինիլ մի ուրիշ տիպ արտադրելու և ճանաչելու նոցա, ուստի և ամէն մէկը կարող է ապահով լինիլ, որ կարող է մի քանի տող նամակով վերջ դնել անցեալ ցնորքներին և նոյնպէս յարգելի և մեծարելի մարդ մնալ շրջապատողների համար: Այս



բոլորը մենք կատարում ենք ոչ միայն ստոր փառամոլութիւնից, կեղծելու ձկտումից, ցուցամոլութիւնից, այլ և քննական զարգացման բացակայութիւնից, աշխատանք կրելու անընդունակ և անպատրաստ լինելուց: Հասարակութիւնը տգէտ և անընտրող է եղել, իսկ ձեական ուսումը և զարգացողութիւնը տուել է ըէպէտիլոյիներ:

Մենք հիասթափւում ենք ոչ միայն մեր գործունէութեան ուղղութեան մէջ, այլ հերքում ենք թէ նախկին ծրագիրներն ու միջոցները և թէ մեր նախկին զգացմունքները, որոնք իսկապէս սուրբ են և ճշմարիտ յառաջագիմութեան հիմք են կազմում: Ինչո՞ւ. որովհետեւ մենք ուզում ենք «եզակի» լինել, առաջ մենք հաւատում էինք կամ ուզում էինք հաւատալ մեր ասածներին և քարոզում էինք. իսկ այսօր մենք չենք հաւատում, ուրեմն պէտք է հերքել: Մենք ծայրայեղ ենք, որովհետեւ չենք ուզում խոստովանել մեր անպատրաստականութիւնը և թերութիւնները և բացատրել ու ուղղել, այլ ծաղրում ենք ազնիւ զգացմունքների ճշմարիտ լինելը և գոյութիւնը: Ահա այսպիսի մի ծայրահեղ յեղաշրջումն է նկատւում և Արզաս Պետրովիչի մէջ, որ «Օրիորդ Լիզայի» գլխաւոր հերոսն է, որովհետեւ նորա սիրոյ զարգացման և վախճանի մէջ է կայանում վէպիկի գլխաւոր միտքը, տէնդէնցեան:

Վերեւ յիշեցինք, որ «Օրիորդ Լիզան» մի գեղարուեստական էտիւդ է, որովհետեւ աւելի գործող անձինքների ներքին աշխարհի հետ է ծանօթացնում հեղինակը, մի զգացմունքի հետազոտութիւն է փորձում անել: «Օրիորդ Լիզան» նոյնպէս կողմնակի կերպով շօշափում է կանանց հարցը մեր հասարակութեան մէջ, թէպէտ այնքան, որքան կարելի է հետեցնել վէպի գաղափարից: Դժբաղդաբար մի փոքր պատկերի բովանդակութիւնն էլ յայտնի են թագրելը կուլտուրական շոյլութիւն է այսօր մեզ համար, ուստի համառօտաբար կը պատմեմ «Օրիորդ Լիզայի» նիւթը:

Համալսարանից յետոյ նորանոր գաղափարներով զարդարուած, հասարակութեան ծառայելու լայն իդէալներով վառուած մի հայ բժիշկ դառնում է հայրենիք: Արզաս Պետրովիչը երեխայի ոգևորութեամբ սկզբում պարապում է հասարակական հարցերով և մի ընկերութիւն է հիմնում ու «մեծամեծ օգուտներ տալիս» (սորա համար անկեղծ շնորհակալութիւն): Բայց այս լայն գաղափարի (անպատճառ լայն) յետեւից թափառելու ժամանակ՝ Արզաս Պետրովիչը հաստատում է մի մասնաւոր ծանօթութիւն, որ տակն

ու վերայ է անում նորա լայն գաղափարները: Ալուբում մի օր Արզաս Պետրովիչը հանդիպում է մի հայ պաշտօնեայի, Բագամովին: Բագամովը մի ընթերցասէր մարդ է և այնպիսիներից է, որոնց հետ զուարճութեամբ կարելի է վիճել և ժամանակ անց կացնել: Սա ունէր եկու աղջիկ, որոնց տուել էր պատշաճաւոր գիմնադիտական ուսում և՛ իւր ամուսնու մահից յետոյ, Եւգենեային և Լիլային անխնամ չէր թողել. միշտ նոցա համար բերել էր ընթերցանութեան գրքեր և միջոց էր տուել զարգանալու: Արզաս Պետրովիչը ահա ծանօթանում է այս ընտանիքի հետ և մի օր՝ հանդիպելով Լիլային, սիրահարվում է նորա վերայ այնքան սաստիկ, որ տուն վերադառնալուց յետոյ չէ կարողանում ոչ պարապել, ոչ քնել և «փորագաւ ընկածի պէս» տրորվում է անկողնում: Արզաս Պետրովիչը իբրեւ բժիշկ հրապուրվում է Լիլայի առողջ կազմուածքով, թէպէտ նորա խելօք, կախարդիչ աչքերը առանց աղբեցութիւն անելու չմնացին. իսկ Եւգենիայի այն խօսքերը, որ Լիլան միշտ գրքեր է կարդում, արդէն պակասը լրացրին: Քիչ է մնում, որ Արզաս Պետրովիչը Լիլային Տատեանայի հետ համեմատէ և մի քանի անգամ նորա նուագած դաշնամուրի սրտաշարժ հնչիւնները լսելուց յետոյ կախարդվում է իսպառ և մոռանում ամէն բան: Գառնում է տուն, մտածում և փորձ է փորձում օրիորդին հանել իւր սրտից, բայց հապիւ մի քանի օր կարողանում է զսպել իւր փափուկ հոգու քնքոյշ զգացմունքները: Վերջապէս վճռում է գնալ և պարզել Լիլայի առաջ իւր սիրտը: «Քնչ կըլինի, թող լինի, կ'ընդունի լաւ, չի ընդունիլ լաւ, — այնուհետեւ հոգը գլուխս, մի կերպ կըտանեմ ցաւս», ասում է Արզաս Պետրովիչը և գնում: Բարի ճանապարհ. այս ճանապարհը հայ ինտելիգենտ գործիչի փորձաքարն է: Գալիս է Արզաս Պետրովիչը և հապիւ թէ բերանը բաց է անում, երբ Լիլան խօսքը կտրում է ասելով. «սուս, գիտեմ, ինչ պիտի ասես. ըմբռնների մէջ հապար անգամ կրկնուած միատեսակ բաներ»: Այս անգամ արդէն Արզաս Պետրովիչը տուն չպիտի կարողանար գնալ, եթէ խորամանկ Լիլան իսկոյն չհանգստացնէր նորան և չառաջարկէր դիմակը գէն ձգել: Այսպէս Լիլան էլ իւր կողմից է խոստովանում իւր սէրը: Նոքա յաճախակի տեսնվում են, և Արզաս Պետրովիչը քիչ-շատից ընտելանում է Լիլային և նորա առաջ դառնում է մի շատախօս կաշաղակ, էլ «հայեացքներ, իդէալներ, թէօրիաներ», բոլոր եղածն էլ, փոխ առածն էլ զարսում է Լի-

զայի առաջ: Բայց Լիզան երբոր լաւ ճանաչեց նորան, էլ կարծես մոռացաւ իւր սէրը և մի անգամից փոխուեց դէպի Արշակը, թէպէտ այստեղ Արշաս Պետրովիչը ոչինչ մեղք չունէր: Մի օր Բադամովի տանը Արշաս Պետրովիչը հանդիպում է մի հայ երիտասարդի, որին նայողը զգուշութեան համար պէտք է հեռանար, որ այս վիթխարին իւր ձեռքի, ոտքի կամ մատի շարժումով յանկարծ չփշրէր նորան: Ահա այս վիթխարի Սեթեանն է տիրապետում Լիզայի սրտին, այս Սեթեանը, որ բոլոր ժամանակ ծանրախոհ լուծեամբ է պահում իրան և մի անգամ միայն պիւթիայի խորհրդաւոր եղանակաւ մի նախադասութիւն է արտադրում իւր բոլոր ոյժերից. «բժշկականութիւնը դրական գիտութիւն չէ»: Ընթերցողը ի զուր է սպասում մի ուրիշ բացատրութիւն Սեթեանից, նա պէտք է լռէ, որ Լիզան նորան չճանաչէ: Արշաս Պետրովիչը տաքանում է, վշտանում, բայց ոչինչ: Մեր Լիզաների սէրը իրենց է հասկանալի, նոքա այստեղ իրենց Կէկէլ-Փէփէլ՝ներից հեռու չեն կարող դնալ: Մի օր վերջապէս խեղճ իդէալիստը բացատրութիւն է պահանջում և ստանում է հետեւեալ պատասխանը. «Ես քո մէջ այլ ևս չեմ տեսնում այն ոյժը, որ ինձ յափշտակեց: Այն օրից ես քեզ ճանաչեցի, դու իմ աչքում հաւասարվեցիր հասարակ մարդկանց հետ»: Ախր այդ ի՞նչ ոյժ է: «Այդ այն զօրութիւնն է, որ տղամարդին պահում է կնոջ համար մի անհասանելի բարձրութեան վերայ: Կինը պիտի ձգտէ հասնել այդ բարձրութեան, բայց չկարողանայ, իսկ եթէ հասաւ՝ այն օրուանից տղամարդը կ'ընկնի նորա աչքում»: Ձոյլ բան է, եթէ Լիզան ասէր, որ «այդ ոյժը միայն զգացմունքով է ըմբռնում մարդ», չաշխատէր սիրոյ համար պահանջել դատողութեան և խելքի քննութեան ենթարկուող յատկութիւններ, բայց նա Արշաս Պետրովիչից հարցնում է նորա հայեացքները, իսկ յետոյ ոչինչ չէ ասում, թէ ի՞նչ համակրելի կամ անհամակրելի բան գտաւ նորա մէջ: Լիզայի վարմունքը ծագում է նորա մի տեսակ տարօրինակ փիլիսոփայութիւնից, իբրեւ թէ «մարդ ի բնէ ծնուած է կամ ստրուկ լինելու կամ ստրկացնելու ձգտումով»: Այս խօսքերը լսելուց յետոյ Արշաս Պետրովիչը միայն կարող էր գլուխը շարժել և հեռանալ, ինչպէս և արեց: Վէպը, կարծէք, զգալ է տալիս, որ Լիզայի մէջ մի անշօշափելի, բայց կենսական տարր կայ: Պէտք է գտնել Լիզայի փիլիսոփայութեան գաղտնիքը:

Լիզան դիմնաչիռնական ուսում ստացած մի հայ աղջիկ է: Նա կար-



դացել է և զարգացել է իբրև թէ, բայց դժբախտաբար յայտնի չէ նորա կողմնակի զարգացման ընթացքը և ուղղութիւնը, իսկ նորա փիլիսոփայութիւնը, ըստ մեզ, միայն հերքում է նորա իսկապէս զարգացած լինելը: Անկիրթ, պարզ աղջիկը եթէ սիրում է, նա գրքերով չէ սիրում և հաշիւ էլ չէ տալիս իրան, թէ ինչու է սիրում: Հէնց սիրոյ մէջ սկսում դատողութիւն էլ չէ լինում մարդկանց մեծամասնութեան համար: Լիզան նոր երեւոյթ է, նոր տիպ է, եթէ նա ամբողջովին նկարագրուած լինէր: Լիզան Սունդուկեանցի Նատոյի քոյրերից մէկն է իսկապէս, մեր կեղծ լուսաւորութեան արդիւնքների մի ուրիշ տեսակն է: Նատոն զարգացումն տեսնում է «Ժուրֆիքսի, րօյեալի, կրուժոկ գնալու» մէջ, ինչպէս «մադամ Զարինցկան» է անում, իսկ Լիզան զարգացումն տեսնում է առանց դրական գիտութեան անպատճառ մի փիլիսոփայութիւն ստեղծելու մէջ: Որքան էլ նա ձևանում է, որ զարգացած է, արգելում է Արզաս Պետրովիչին արտայայտել զգացմունքները, որովհետեւ չէ ուզում լսել րօմաններում շատ անգամ կրկնուած բառեր, բայց նորա անհիմն և կեղծ փիլիսոփայութիւնը մերկացնում է նորա խորին տգիտութիւնը: Լիզան Փրազեօր է: Զարմացի չէ, որ նա մի տեղ կարգացած լինէր, թէ «կինը սիրում է, երբ որ մէկի բարոյական և հոգեկան առանձնայատկութիւնները հպատակեցնում են նրան» և այս Փրազեների ոյժը առանց բացատրութեան և հասկանալու փորձում է Արզաս Պետրովիչի վերայ: Նա հակասում է իրան: Նա առանց հասկանալու և քննելու, արգեօք Արզաս Պետրովիչը ունի այս «առանձնայատկութիւնները», սիրում է նորան և ճանաչելուց յետոյ թողնում է նորան, նոյնպէս առանց հասկանալու, թէ ինչ էր փնտռում նորա մէջ և չգտաւ: Մի՞թէ այս «առանձնայատկութիւնները» ոչինչ չպարունակող, անհասկանալի մի բան էր նորա համար: Մի՞թէ մի գաղտնի ոյժ: Չէ՞ որ Լիզան զարգացած է ձևանում, ուրեմն պէտք է իմանար, որ խելքը և գիտակցական զարգացումը կարող են որոշել մարդու հոգեկան յատկութիւնները: Լիզան նման է այն տգէտ գիւղացուն, որ շուկայ է գալիս մի ապրանք գնելու և աւտում է. «իմ ցանկացած ապրանքը այնպիսի յատկութիւն պիտի ունենայ, որ հաւանեմ»: Նորան տալիս են մի կտոր և նա հաւանում է առանց որոշելու արժանաւորութիւնը և յետոյ թողնում, գնում է նոյնպէս առանց հասկանալու, թէ ի՞նչ էր պակաս այդ ապրանքի մէջ: Նա լսել էր, որ «լաւ ապրանքը պիտի դուր գայ»,

և ինքը գաղափար չունէր, թէ ի՞նչ է լաւն ու վատը: Լիզան ուժեղ բնաւորութիւն է, իսկ նորա մտածողական ընդունակութիւնները գիտակցական զարգացում չեն ստացել, նա ձևական, «մօզնի» լուսաւորուած է: Նորա իսկական արժանաւորութիւնները միւս Կէկէլ-Փէփէլ'ներից վեր չէ շատ, նա միայն ուզում է սիրելով մարդու գնալ, բայց գրքերով է ուզում սիրել: Արզաս Պետրովիչը ամենայն պարզութեամբ պատմում է իւր հայեացքները և զգացմունքները, նա Լիզայի հետ վարվում է իբրև հաւասար զարգացումն ունեցող անձնաւորութեան հետ, նա Լիզայի վերաբերմամբ գոնէ անկեղծ է, նա չէ ուզում իւր համալսարանական դարգացման արտաքին փայլով ապշեցնել նորան. գուցէ Լիզան այն ոյժը, «առանձնայատկութիւնները», գտնէր նորա մէջ, եթէ Արզաս Պետրովիչը սկսէր իւր մասնագիտական հարցերով զարմացնել, պատմէր, օրինակի համար, շնչառութեան գործողութիւնը և Լիզան ոչինչ չհասկանար: Որքան անգիտակցաբար Լիզան թողնց Արզաս Պետրովիչին, նոյնքան և անհիմն կերպով նա սիրեց Սեթեանին, որի մէջ ոչինչ չէ կարելի գտնել: Սեթեանը բոլոր ժամանակ մի նախադասութիւն է արտասանում. «բժշկականութիւնը դրական գիտութիւն չէ»: Ահա այս է բոլոր «առանձնայատկութիւնները», որոնք ստրկացրին Լիզային, եթէ չենթադրենք, որ Լիզան հսկայական բռունցքները և լայն թիկունքն էլ «հոգեկան և մտաւոր» ոյժի տեղ է ընդունում: Լիզան, որ փիլիսոփայութիւն է ստեղծում, սիրեց Սեթեանին, որի տեսքը լոկ մի ահագին բարդանի տպաւորութիւն կարող է անել, թէպէտ քսան փթեանոց բարդանի մէջ ոյժ կայ: Լիզան չէր էլ կարող հասկանալ Արզաս Պետրովիչին, որովհետև մեր կանանց զարգացումը անուղիղ ճանապարհով է ընթանում: Հայ աղջիկը գիմնազիոնական հատուկտոր փաստերից յետոյ մի քանի ամսից արդէն մոռանում է և դառնում մի Նատո, մի Սալոմէ (Քանդած օջախ): Իսկ եթէ նա իմաստասէր է, նա բնականաբար դառնում է մի անորոշ Լիզա, որովհետև նորա կարդացած գրքերի մէջ ոչինչ հետեւողականութիւն, կապ և ընտրողութիւն չէ լինում: Նա կարդում է, ինչ որ ընկնում է ձեռքը, ինչ որ «մօզա» է և համաձայնում է ամէն մի նոր կարդացած հեղինակի մտքերի հետ, որովհետև նա դրական գիտութեան պաշար և տանը առաջնորդող չունի, որ կարողանայ քննողական աչքով նայել իւր կարդացածին: Տանը և դպրոցում բոլորը ձևական է, նորա ներքին

աշխարհի կրթութիւնը անկեղծ հոգատարութեան առարկայ է, իսկ պատահական զարգացումը ոչինչ է տալիս, տանը աղջկայ անձնաւորութիւնը չեն յարգում, իսկ գրքերում կարգացած մշտ-քերը հեշտութեամբ չեն մարսւում:

Մեր ընտանեկան ճնշող, կեղծ և բիրդ պայմանների մէջ կար-գացած մտքերը աղաւաղւում են և մեր նոր աղջիկը իսկապէս մնում է էլի Նատօ: Լիպայի փիլիսոփայութիւնը ոչ նոր է և ոչ խորիմաստ: Նա շատ կարդալուց յետոյ էլի նոյնն է ասում, ինչ որ ամէն օր կատարւում է հայ ընտանիքում. նա պահանջում է, որ կնոջ ստրկացնեն, քողարկելով այս աւանդական բարբարոսու-թիւնը Փրպլներով: Ստրկութեան ամէն տեսակը ստրկութիւն է և զգուշի: Մինչև որ կանանց բարձրագոյն ուսումը չի տարածուի, մինչև որ մենք երեխայի մարդկային անձնաւորութիւնը մանկու-թիւնից առանձին հոգատարութեան առարկայ չենք դարձնիլ, մենք չենք կարող Լիպայից բարձր տիպ տեսնել կեանքի մէջ: Լի-պան նշանաւոր է գրականութեան մէջ, իբրև կանանց նոր տիպի նկարագրութեան մի թոյլ փորձ: Նորա խօսակցութիւնների, վար-մունքի և մեծամիտ վարմունքի մէջ նշմարւում է մի մեծ, ծանօթ երեւոյթ, — մեր ընտանեկան անսխտեմ, սխալ կրթութեան և դպրոցական քաօսի արտագրութիւնը: Լիպայի տիպը խիստ թերի է նկարագրուած: Պ. Շիրվանշահէին չէ յաջողւում լաւ ուսումնա-սիրել աղջիկներին, նոցա ներքին աշխարհի ճշմարիտ նկարագրու-թիւնը դեռ թոյլ է: Առ հասարակ, մեր բանաստեղծները հոգե-բան չեն, թէպէտ Շիրվանշահէի «Նամուսի» տիպերը, իբրև աւելի ծանօթ երեւոյթների, բաւականին յաջող են:

Արդաս Պետրովիչը մի կենդանի երեւոյթ է, նա աւելի է պար-զուած: Նա Մարմարովից, երեւի, հիմե խորհուրդներ է հարցնում, թէ ի՞նչպէս պէտք է «րէալիստ» դառնալ, որովհետև արդէն թողել է իւր նախկին «ցնորքները»: Իւր բարեկամ Գէորգին նա պատմում է գաղափարների մասին, իբրև անցած գնացած բաներ: «Ի հարկէ, իբրև նորաւարտ թարմ երիտասարդ, ես գլխումս դար-սած բերի գեղեցիկ գաղափարների մի շարք, որ մտադիր էի իրա-գործել կեանքում: Խօսք չկայ, Գէորգ, գիտես, թէ որքան յառա-ջագէմ են և ազատամիտ այդ գաղափարները», ասում է նա և հեգնօրէն նկատում. «ձիշդ նոյնը, որ դու ունիս այժմ, այսինքն. ազատ սէր, հաւասար իրաւունքներ և իդէալներ»: Հետաքրքրական է այն պատճառը, որով նա բացատրում է իւր «րէալիստ» դառ-



նալը: «Հասաւ երեսուն տարին թէ չէ՝ մի ճեխք է բացվում և նորա միջից գուրս եկած մութ ամպերը տխուր քողով պատում են մարդու կեանքը», ասում է վշտացած Արզաս Պետրովիչը: Հասաւ երեսուն տարին և նա բոլորը հերքեց, հերքեց այն զգացմունքը, որով Քրիստոս մարդկութիւնը փրկեց, որ միշտ եղել է և կըլինի մարդկութեան բարձրագոյն իդէալների շարժառիթը: «Սէրը մի ցանցար զգացմունք է դառնում, երբ կնոջ է վերաբերում. կնոջ կարելի է սիրել, ինչպէս կարելի է սիրել թիֆլիզի խորովածը, թարթառ բիֆշտէքս», ասում է նա: Ազատ սէր, հաւասար ընկեր և թիֆլիզի խորոված, թարթառ բիֆշտէքս:

Արզաս Պետրովիչը ընկաւ նոյն ծայրահեղութեան մէջ և կորաւ, որ յատուկ է վերջին տարիները մեր ինտելլիգէնտներին: Երեսուն տարեկան հասակում նա հիմնովին հերքեց իդէալներից, երևի, միակ մնացածը, սաղմոս ու ժամագիրքը ծալեց, մի կողմ դրեց և գնաց այն ուղիով, ուր գնացել էին Մարմարովները, Զանումեանցներ, որոնց մասին բանաստեղծը ասում է.

«Դուք աղուկսք, որոնք առագաստ պարզած

«Առատ շահվում էք յաջողակ հողմից.

«Որոնք սուրբերի զգեստով ծպտած

«Ծծում էք հիւժը խեղձ հայի կեանքից»:

Հասարակութիւնների կեանքում լինում են այնպիսի միջոցներ, երբ ամէն մի կենդանի հրաւէր, ամէն մի «նոր խօսք» հրապուրում, ոգևորում է բոլորին և հաւաստ ու յարգանք յարուցանում գէպի «նոր խօսքը»: Բոլորը միաբերան բացականչում են. «այ, այդ էր մեզ հարկաւոր» և փառաբանում են «նոր խօսքի» հեղինակին: Բայց մինչդեռ հասարակութեան մէջ «նոր խօսքի» երկրպագուները ոգևորուած նոր գաղափարի ազդեցութեամբ, գրկախառնուած հրապուրվում են և փառաբանում «նոր խօսքի» առաքեալին. ահա նոյն առաքեալից փչում է մի ուրիշ քամի, նա մոռացել է արդէն իւր յարուցած աղմուկը և կարծես մի կողմ կանգնած ծիծաղելով ասում է. «այ, յիմարներ, չէի սպասում, որ այդպէս ինձ կը հաւատայիք»: Մեր շուրջը նորից տիրապետում է տխրութիւն, յուսահատութիւն, երկբայութիւն. անհետանում է հաւատ գէպի ճշմարիտ, անկեղծ գործը և «նոր խօսքի» առաքեալները մտնում են այն հեղձուկ մթնոլորտը, ուր իրենց ծնող-

ները մտել էին առանց աղմուկի, աւելի պարզ և անկեղծօրէն: Ակամայից մտածում ես, ուզում ես գտնել այս ծայրահեղութեան պատճառները: Ախր այս ի՞նչ է: Արդաս Պետրովիչը աւարտում է և վերադառնում հայրենիք մի բեռն իդէալներ շալակած և երեսուն տարեկան հասակում արդէն «ազատ սիրոյ» զդացմունքը հաւասարվում է «խորովածի» ախորժակին: Մենք չգիտենք, ո՞ր և ի՞նչ ենք տանում: Մենք ապրում և զարգանում ենք պատահար, մենք մեր անցեալը չգիտենք, մեր ներկան էլ չգիտենք, հետեւորար և ամէն մի ընկալական քամի մեզ տատանում է: Այս է պատճառը, որ մենք 4—5 տարի շարունակ ընդունում ենք առանց գիտակցութեան, իսկ միւս 2—3 տարին հերքում ենք անկարելի է հետ և կարելին: Հերքում ենք և ընդունում, ընդունում ենք, որ վաղը հերքենք, որովհետեւ չենք գտել այն հողը, ուր ամուրի ոտքով կարելի է կանգնել:

Վերեւ նկատեցի, որ Արդաս Պետրովիչը աւելի է պարզուած և Մարմարովին է յիշեցնում իւր կեանքով, իւր վերջնական կերպարանքով: Այստեղ փոխուել են միայն ձևերը: Սունդուկեանցի պիէսայից մենք չգիտենք, թէ որքան բարձր է եղել Մարմարովի ուսման աստիճանը: Արդաս Պետրովիչը իբրև յետագայ սերնդի մարդ մի փոքր աւելի է առել համալսարանից և ուսումից առ հասարակ: Բացի այս Սունդուկեանցը չէ ցանկացել, կարծեմ, ներկայացնել Մարմարովին իբրև իդէալներին դաւաճանող կամ կերպարանափոխուած մի տիպ: Այս կողմից Շիրվանզադէն առաջին փորձն է անում նկարագրելու մեր ինտելլիգենցիայի կեանքի և նորա նախկին իդէալների հակասութիւնը: Քիշմիշեանցի «Որիորդ բերդեանցի» մէջ երևան եկող հայ գործիչը նոյնպէս այս կողմից թոյլ է նկարագրուած Արդաս Պետրովիչի համեմատութեամբ: Մեր կեանքի այս երեւոյթները դեռ գեղարուեստական գրականութեան մէջ արժանի ուշադրութեան չեն առնուել, թէպէտ մամուլը շատ վաղուց մատնացոյց է արել վերոյիշեալ երեւոյթները: Բայց մամուլը մատնացոյց անելով այս երեւոյթները աշխատել է բացատրել նոցա հայ ինտելլիգենցիայի, հայ ժողովրդի և մեր ընտանեկան կրթութեան թերութիւններով: Այս պատճառներին պէտք է աւելացնել և վերև յիշած երեւոյթները, որոնք այնպէս յատուկ են հայ ինտելլիգենցիային և առաջանում են մեր մտաւոր ծուլութիւնից: Հայ ուսանողը համալսարանական դիտութիւնները չէ սիրում ընդհանրա-

պէս, այլ ձգտում է աւարտել և արտաքուստ լաւ ապրել, ուստի և չէ խնայում իւր ջոփերը, երբոր հարկաւոր է մի քանի օրով բերան գիտնալ մի քանի հարիւր լէկցիաներ: Այսպէս ուրեմն մտաւոր ծուլութիւնը և նախկին կրթութիւնը հայ ինտելլիգէնտի թոյլ կողմերի բացատրութեան աղբիւրներն են, որոնցից առաջանում է այն հանգամանքը, որ հայ ինտելլիգէնտը չգիտէ իւր հայրենիքը, չունի և նոյնպէս գաղափարին ծառայելու տոկունութիւն: Այս են այն անձնական պատճառները, որոնց համար կարելի է մեղադրել Արզաս Պետրովիչներին: Բայց կան և ուրիշ պատճառներ, որոնք եթէ ոչ աւելի, գուցէ հաւասար նշանակութիւն ունին այս հարցում: Երբոր Պետրոս Մեծը ծովային դպրոցներ բացեց, այն ժամանակ և նաւերի համար բուն ուսուցիչներ երեւեցան. իսկ եթէ նաւեր չլինէին, երևի, ծովային դպրոցներից դուրս եկածներն էլ կըմոռանային կամաց-կամաց իրենց գիտութիւնը: Բայց արդեօք նաւեր ունենալու և ծովային ուսումնարաններ հիմնելու գործը նոյնպէս մարդիկների անձնական գործունէութիւնից կախուած չէ մասամբ: Հասարակական կեանքի զարգացման պատմութիւնը կասկած չէ թողնում, որ մարդկանց ինիցիատիվը զուգընթացաբար է գործում արտաքին պահանջների հետ: Կրօնական և քաղաքական վարդապետութիւնների զարգացումը ընթանում է սկզբում առանձին անհատների գործունէութեամբ և ոչ թէ այս գաղափարները ընդհանուրի պահանջ են լինում: Հարկ կայ արդեօք յիշելու, որ բոլոր ազգերի նախնական օրէնսդրութիւնը կառավարիչների, հոգևորականների և ազդապետների մտածած կանոններ են և ոչ թէ անմիջապէս կեանքի պահանջներից առաջացած օրէնքներ:

Այսպէս ուրեմն, եթէ ճիշտ է, որ կեանքի պահանջներն են ստեղծում հասարակական երեւոյթներ, նոյնպէս անհրաքելի է, որ անհատների ինիցիատիվը նոյնպէս մեծ գործ են կատարում կեանքի պահանջների զարգացման և նոցա իրագործման խնդրում: Բայց եթէ կեանքի պահանջները թոյլ են, այն ժամանակ անձնական ինիցիատիվը շատ զօրեղ պիտի լինի մի բան շինելու համար. իսկ հէնց այս զօրեղութիւնը պակասում է հայ ինտելլիգէնցիային, որ ոչնչի է հասնում համարեա արտաքին այն արգելքների առաջ, որոնք պատմական դժբաղդ գիպուածի շնորհիւ ծանրանում են այսօր մեր վերայ: Այս արգելքները ահա նոյնպէս նպաստում են Արզաս Պետրովիչի իդէալների փոփոխմանը: Որպէս զի սէրը



«խորոված» չդառնայ և իդէալները չտգիանան, հարկաւոր է, որ հայ ինտէլլիգէնցիան աւելի մեծ պատրաստականութեամբ կեանք մտնէ, որովհետեւ այստեղ իդէալների պահանջը դեռ նոր է զգացվում և դեռ սէրը լսովի բան է և ոչ մարմնացած մի պահանջ:

Գալով Արզաս Պետրովիչի նկարագրութեանը, զիտելու է, որ նորա սիրոյ նախանձը շատ գեղեցիկ և բնական է պատկերացրած: Անիրաւացի կերպով անպատիւ եղած Արզասը մանկական ինքնասիրութեամբ ոգեւորվում է, տաքանում ու բարձրաձայն խօսակցութիւններով, կարծես, ուղղում է նորից գրաւել Լիզայի ուշադրութիւնը, սիրոյ նախանձը ստիպում է նորան անգիտակցաբար վէճ սկսել Սեթեանի հետ, որին ուղղում է անպատճառ յաղթել, իբրեւ իւր անտանելի հակառակորդին: Զարմանալի ճշգրտութեամբ է նկարագրած նորա կասկածոտութիւնը, երբ նշմարում է արդէն Լիզայի կողմից սառնութեան նշանը: Նա նշանակութիւն է տալիս Լիզայի ամէն մի փոքր վարմունքին, աչքերի և յօնքերի շարժումներին, նորա երեսը այսպէս կամ այնպէս թեքելը Արզաս Պետրովիչին զանազան ենթադրութիւնների առիթ է տալիս: Լիզայի խօսակցութեան ձևերը անգամ յուսահատեցնում և մտատանջութեան մէջ են ձգում խեղճին, որովհետեւ

«Որքան ջերմեռանդ սիրում ենք մէկին,

«Նոյնչափ հետամուտ ենք նորա սրտին»:

Սեթեանի չարաբաստիկ և խորհրդաւոր նախադասութիւնը այնպէս էին «ստրկացրել Լիզային, որ Արզաս Պետրովիչը կասկածից և նախանձից խեղդվում էր»: Բայց ի՞նչ ասաց նա. ոչինչ— գրեթէ մի և նոյնը, ինչ որ ես ասացի մի քիչ առաջ. «Բաս ինչո՞ւ ոչ որ նշանակութիւն չտուեց իմ պատասխանին. ինչո՞ւ Լիզան ստրկաբար նայում է նրա երեսին, կարծես, թէ սպասելով, որ այդ ժայռը մի չնչին հայեացք գցի իւր վերայ», վշտացած ասում է Արզաս Պետրովիչը: Նա աւելի ևս ոգեւորութեամբ ուղղում է ցոյց տալ իւր գիտութիւնը, իւր ճարտարութիւնը, բայց ի զուր: Լիզան գիտակցաբար չէ սիրում, նա ճանաչելով չէ սիրում, իսկ Սեթեանը ըստ բարձրագոյն հրամանին այնպէս յամառ լռում է, որ Լիզան անպատճառ պիտի սիրահարուէր:

Վէպիկի միւս անձնաւորութիւնների մէջ կայ կենսական տարր, բայց և ոչ մէկը կատարելապէս չէ ներկայացրած: Պատկերը կա-

տարեւապէս և բազմակողմանի ուսումնասիրուած չէ. այդ մի էպիզօդ է, որ մի գեղեցիկ վէպի նիւթ կարող էր դառնալ: Բնութեան երեւոյթների նկարագրութեանց մէջ պ. Շիրվանշադէն բանաստեղծ է: Պատմութեան խօսակցական ձևը և սրտագրաւ լեզուն կենդանութեան է տալիս և դիւրալի դարձնում ընթերցանութեան համար, ուստի և «Օրիորդ Լիզան» մեծ զուարճութեամբ և հաճութեամբ է կարգացվում:

Վերջացնելով մեր նկատողութիւնները, չենք կարող չայտնել մեր անկեղծ ամստանքը, որ պ. Շիրվանշադէն միջոց չունի ծանապարհորդելու մեր գաւառները և կեանքի թարմ տպաւորութիւնների ներքոյ զարգացնելու իւր զիտողական տաղանտը: Ահա երրորդ տարին է, որ նա ոչ մի գեղարուեստական տող չէ տուել: Նորածին տաղանտների համար քաղաքի միատեսակ կեանքը նպաստաւոր չէ կարող լինել: Գրականութեան պատմութիւնից յայտնի է, որ բանաստեղծները իրենց կեանքի առաջին շրջաններում նստողական կեանք վարելով չեն անցնում կամ գոնէ պարբերաբար զանազան տեղեր ծանապարհորդութիւններ են անում: Այսպէս, հէնց պ. Բաֆֆիի նախկին գեղեցիկ գրուածները հեղինակին շատ ծանօթ երեւոյթներից են առնուած: Պ. Պռօշեանցի «Սօս և Վարդիթերը» և պ. Աղայեանցի «Յարութիւն և Մանուէլը» նոյնպէս քաղաքի կեանքի պտուղներ չեն: Յայտնի է, որ Գօգօլը անդադար թափառում էր իւր հայրենիքի զանազան անկիւնները, ինչպէս և Պուշկինը հազարաւոր վերստ հեռու գտնուող Օրէնբուրգի գաւառը այցելեց «*Kanumanchskaya douchka*» վէպի համար: Էլ չեմ յիշում Շէքսպիրի, Մօլիէրի կենսագրական մանրամասնութիւնները, որոնք պարզում են վերև յիշածները: Եթէ ճիշտ է, որ Շէքսպիրի դրամաների բովանդակութիւնը ժամանակակից կեանքից չէ առնուած, սակայն կենսական փորձը երևում է անձնաւորութիւնների հոգեկան յատկանիշները նկարագրելում:

ԳԱՐ. ԵՆԳ.



## ՆԻԻԹԵՐ ՄԱՏՆԱԳՐՈՒԹԵԱՆ ՊԱՏՄՈՒԹԵԱՆ ՀԱՄԱՐ

### I.

ՍՏՆՓԱՆՈՍ ՆԱԶԱՐԵԱՆՅԻ ԹՂԹԵՐԻՑ.

Սրտի բերկրութեամբ տեղի տալով մեր «Հանդիսում» Հանգուցեալ Ստեփանոս Նազարեանցի թէ «Հայոց ժողովուրդը, նոր այժմեան լեզուի և մատենագրութեան վիճակը Ռուսաստանում» յօդուածին և թէ նորա թղթերին, մեր սեպուհ պարտականութիւնն ենք համարում հրապարակաւ յայտնել մեր խորին շնորհակալիք մեծ. պ. Մէլքոն Փանեանցին:

Մեր սեպուհ պարտականութիւնն ասելով պէտք չէ հասկանալ միայն այն մտքով, որ յիշեալ պարոնը ամենայն սիրով և ուրախութեամբ մեր առաջ բաց արեց իւր Հանգուցեալ մտերմի թղթերը, այլ այն խնամքի համար է նա արժանի մեծ շնորհակալութեան, որ նա բոլոր թղթերը բաժանել, համարներով կարել, ցուցակագրել և նշխարքի պէս պահպանել է: Եթէ մի քանիսները օրինակ առնէին յիշեալ մեծ. պարոնի օրինակելի հոգատարութիւնն ու խնամքը, այն ժամանակ մենք շատ բան կ'ունենայինք, որից այժմ զրուկ ենք:

### I.

Ո Ղ Ո Ր Մ Ա Մ Տ Ե Ր .

Ձեր անցեալ ամսի 12-ին գրած նամակը պատիւ ունեցանք ստանալու և հասու լինելով պարունակութեանը միանգամայն ուրախացանք և տրամեցինք. ուրախացանք լսելով Ձեր ողջ և առողջ տեղ հասնելը, տրամեցինք իմանալով Ձեր օրագրի անօգնականութիւնը: Յաւալի է մեզ համար և միանգամայն ամօթալի խոստովանել թէ Ռուսաստանի բաղմաթիւ Հայ ժողովրդի մէջ օրագրի պէս հասարագօրուտ մի բան մինչև օրս յոյս չունի դեռ ևս կեն-



դանութիւն ստանալու, թէև նոյն իսկ ժողովուրդը հրատարակին իւր այժմեան պարծանքներից մինն է համարում: Հոգևով չափ ցանկանում ենք որ մեր տգէտ ժողովուրդը այս իւր՝ այժմեան դարումը աններելի անտարբերութիւնը վերջապէս թողնի, իւր ճշմարիտ օգուտն ու վնասը, բարեկամն ու թշնամին լաւ ճանաչի և իւր ցանկալի վերակենդանութեան ժամանակը անմեղ տեղը իրանից առաւել չըհեռացնի: Յուսով ենք մենք, որ Դուք առժամանակեայ դժուարութիւններից չէք վախենալ, այլ քաջութեամբ կըյաղթէք ամէն արգելքների, Ձեր ձեռից էկած օգուտն ազգիցը անպակաս չէք անի և մի անգամ բռնած ճանապարհովը անխոտոր կըգնաք, լաւ իմանալով, որ վաղ թէ ուշ բարի գործը իւր պտուղը կըբերի:

Շատ կըպարտաւորէք մեզ, եթէ, ինչպէս այժմ, ապագայումն էլ ժամանակ առ ժամանակ մի երկու տող բան կ'ուղղէք դէպ ի մեզ և իմաց կ'անէք թէ արդեօք ինչ դրութեան մէջ են Ձեր ձեռնարկութիւնները. հաւաստի լինիք, որ ոչ մի ազգօգուտ գործ մեր մասնակցութիւնից զուրկ չի մնալ <sup>1)</sup>:

Ձեր բարօրութեան և առողջութեան ցանկացողք՝

Ի 5 սեպտեմբերի

1857

Դորպատ:

Վառան Ասկարեանց.

Ն. Շարոյեանց.

Ս. Ահարոնի.

Գ. Դիմիտրի:

## II.

ՊԱՏՈՒԽԵԼԻ ԵՂԵԱՐԻ ԻՄ.....ՔՐԻՍՏՈՍԻ ԱՆՈՒՆՈՎ,

Ասկարեանց, Շարոյեանց, Դորոխեանց և Ամատունի:

Ձեր քաղցր եղբայրական նամակը հասաւ ինձ անկորուստ և մեծ ուրախութեան պատճառ եղաւ իմ արտի համար: Ոչ թէ այն ծանօթաբանութիւնքը որ արած էիք դուք իմ որ և իցէ պարծանքի մասին Հայոց ազգի մէջ, այլ ձեր բարեմիտ և ազնուասիրտ մտածութիւնքը պայծառացրին իմ հոգիս: Ձէ. դուք ամենեւին սխալվում էք կարծելով թէ մեր հայկական ազգը, որ գլխից մինչև ոտք մի խաւար ամբոխ է, կարող է պատուել առաքինու-

<sup>1)</sup> Նամակը գրած է Վ. Ասկարեանցի ձեռքով:

Թիւնը և իւր անուանը փառք համարել մի բարեմիտ աշխատ -  
ւոր հեղինակ, որ իւր կեանքի երջանկութիւնը նուիրել է մի այն-  
պիսի վերին գաղափարի իրագործութեան, ինչպէս Ճշմարիտ ազգա-  
սիրութեան գաղափարն է: Ինչպէ՞ս կարող է մեր ժամանակի  
իւրասէր և անձնապաշտ Հայը ճանաչել մի անձուրաց և անձնա-  
զոհ Հայ. նմանը սիրում է նմանին և նմանը որոնում է նմանին,  
ասում է առածը: Դուք, ձեր պէս արժանաւորքը, ես և իմ մի  
քանի ու կէս ընկերքը բացառութիւնք ենք մեր հայկական թշուառ  
կանոնից: Թողնէք այս նկատողութիւնքը որ այժմուս շատ տխուր  
բաներ էին, ըստ որում ոչ առաքինութիւն կայ մեր մէջ, և ոչ  
առաքինութեան յարգ, այլ ոտքից մինչև գլուխ մի անմիտութար  
բարբարոսութիւն, իմացական և բարոյական մեղեքութիւն: Եւ  
ահա սորա իրական ապացոյցները: Թիֆլիզի Հայերը ամենայն  
գաղանական կերպով զրահաւորուելով ընդդէմ իմ օրագրին և  
այլ գրութեանս, հազիւ թէ կարողացել էր իմ գործակատար  
Փոնդոյեանը 10 օրինակի ստացողք գտնել բոլոր Թիֆլիզի մէջ,  
ուր կային գոնեայ 30,000 հոգի Հայ: Այդ արծաթը հասաւ ինձ,  
բայց թէ դորանով գործ կատարել կարելի չէր, ինչ խօսինք այդ  
մասին: Հաշտարխանից ու Նախիջևանից միայն լավումեն աւելի  
լաւ ձայներ, առաջինումը խնդրեցին և ստացան մարդիկ ինձանից  
մինչև 50 տոմսակ. երկրորդումը յոյս են տալիս իմ գործակա-  
տարքը, թէ լինելու են ստացողք մինչև 70: Այլ տեղերից ևս  
հասած է իմ մօտ 150 մանէթ. բայց դիցուք թէ ստանայի և Հաշ-  
տարխանու և Նախիջևանի տոմսակների վճարը, այնու ամենայնիւ  
կարելի էր միայն գործ կատարել շատ շատ 3 կամ 4 ամիս: Ինձ  
հարկաւոր էր բոլոր տարեկան ծախքի համար մօտ 5,000 մանէթ:

Ինչպէս ձեզ ասացի Դորպատումը, մեր հայերի բարոյական յօ-  
ժարակամութեան վերայ դէպ ի բարին, բան հիմնելու յառաջ  
տանել անկարելի է. դոցա համար ազգասիրական խօսքը ոչինչ է,  
որովհետև դոցա սրտումը չըկայ ոչինչ ազգ, գոնեայ բանական  
ազգի գաղափար ոչ: Եւ թէ այս պատճառով պիտոյ էր մեզ դի-  
մել դէպի գաւազանի ոտքը և դորա միջնորդութեամբ ջանալ  
ներգործել մեր Հայերի կամքի վերայ: Եւ նամակախօս եղայ Պա-  
րոն պայծառափայլ Բարեստինսկի. Կովկասեան տեղակալին հետ  
պատշաճաւոր խնդրագրով ծանուցանելով նորան իմ կարծիքը և  
Հայոց ազգի այժմեան պիտոյքը և Ռուս բարեմիտ մեծաւորների  
օգնականութեան հարկաւորութիւնը իմ գրաւոր ձեռնարկութեան

մասին: Անտես չարեցի նամակախօս լինել և Պարոն Քրուզէն-  
շտեռնի հետ որ կովկասեան տեղակալի զիւանապետն է:

Ուրախ եմ որ իմ փոքրութեան և նուաստութեան խնդիրքը  
անտես չեղան ոչ Բարեատինսկու և ոչ Քրուզէնշտեռնի առաջև.  
ոչ. սորա նորերումս տեղեկութիւն են տալիս ինձ թէ իւրեանց  
կողմից արած են պարտուպատշաճ տնօրէնութիւն տարածելու  
իմ օրագիրը, ամենայն տեղ կովկասի գեներալ գուբեռնատօրների  
վերայ պատուէրք գրելով, և հրատարակութիւնք գործելով: Պա-  
րոն Քրուզէնշտեռնը իւր մասնաւոր նամակի մէջ հաւաստի է կա-  
ցուցանում ինձ, թէ ինքը թէ իշխանական և թէ առանձին ճա-  
նապարհով աշխատելու է իմ գործի յառաջադիմութեան համար:  
Այսպէս ահա լուսաւորեալ բարեմիտ այլապէս աւելի օգնական  
է և բարեացակամ քան թէ մերայինը, թէ ամբոխ և թէ բանի-  
մաց առանձնական: Դուք և շատերը մեր Հայերից միշտ գանգա-  
տաւոր են եղած օտարներից. բայց ճշմարիտը պիտոյ է ասել. ա-  
մենամեծ արիւնհարու թշնամին Հայոց ինքեանց Հայք են. այս  
անբարոյական և տմարդի ժողովուրդը: Եւ թիֆլիզցիք, որ միշտ  
առաւել մեծախօսքն են գտանված, ինչպէս երևում է, պիտոյ է  
և ամենից առաւել վատթարքն լինին: Դուք կրտսեանէք այս բանը  
վերջումը, թէպէտ այժմ ևս բացայայտ է: Ի հարկէ ինչ որ Բա-  
րեատինսկի պայծառափայլ պարոնի հոգաբարձութեամբ լինելու  
է, այն չէ կարելի ընծայել կովկասեան Հայերի առաքինութեանը,  
այլ միայն ինչքան որ մինչև օրագրի տպվելը նոցա կողմից յօ-  
ժարակամ հասած էր ինձ, համեմատելով միւս քաղաքների տուա-  
ծին, այն է նոցա պարծանքը կամ ամօթը: Թիֆլիզցիք չըկամէին  
ինձ օգնել իմ ալգասիրական գործի մէջ, որոնց օգուտը իւրեանցն  
էր. բայց այժմ տմարդաբար բարկացած են իմ վերայ, որ օտարը  
կամի ինձ օգնել, հասկանալով իմ գործի պիտանութիւնը: Ուրեմն  
թիֆլիզցոց կամքն էր, որ մի բարեմիտ հեղինակ Հայոց, ոչ Հայե-  
րից և ոչ օտարներից օգնութիւն չգտանէր, այլ միայն կապած  
ստուած մնար և յուսահատուէր ու մեռանէր, և այդպէս ոչնչա-  
նար ամենայն առաքինութիւն նոյն խել խանձարուրքի մէջ, որով-  
հետև հարկաւոր չէ առաքինութիւնը, այլ միայն արծաթ, կրկին  
արծաթ և գարձեալ արծաթ: Աստուած, Աստուած, հալես արծաթը  
և ջերմ ջերմ թափես դոցա կոկորդի մէջ, ինչպէս Պարթևացիք  
արած են Հռոմայեցոց կրասոսի հետ: Ես այս բաները գրելով  
ջեղ, սիրելի եղբարք, կամէի միայն բանալ ձեր աչքը հաղորդ առ-



նելով ձեզ իմ փորձերին. ապա թէ ոչ մի քաղցր բան չէր ինձ այդբան աղտեղի բաներ և աղտեղի նիւթի վերայ խօսիլ: Աթէ մինչև Դեկտեմբերի սկիզբը հաւաքվեն բաւական արծաթի քանակութիւնը զանազան տեղերից, իսկոյն կրսկանիմ օրագրի տպագրութիւնը: Նիւթքը պատրաստ են:

Յանկալի էր ինձ տեսանել և ձեր անուանքը իմ օրագրի ստացողների շարքում, ի հարկէ ձեր մէջ եղած կարողներից էր իմ ակնկալութիւնը. միւսերը ձրի կըստանան: Հարկաւոր եմ համարում որ և դուք մասնակից լինելով իմ գործին, բարի օրինակ լինէիք ալգի մէջ: Թիֆլիզի ստացողների մէջ տեսանումեմ խատիսեանցի և Ակիմեանցի անուանքը մեծ ուրախութեամբ. ի հարկէ այդպէս ևս արժան էր: Կարելի է լսած չըլինիք, որ Թիֆլիզեցիք ևս կամք ունին այժմուս հանգէս գալ մի լրագրով, որի հրատարակողը է Մանդինեանց քահանան. գինն է 6 մանէթ, դորա մէջ է ճանապարհի ծախքը ևս: Ամենայն շաբաթ հրատարակելու է մի մեծ թերթ լրագրի ձեով: Կարելի է, Թիֆլիզեցիք աւելի յօժարակամ ձեռնտու լինին դորան, քան թէ եղած էին ինձ: Աստուած տայ: Պ..... պատանին, որ մի քանի ամիս ճանապարհորդած էր Եւրոպայումը, նորերումս Մոսկվայումն էր. բայց չ'արժանացանք դորա տեսութեանը, ըստ որում Եւրոպայում շատ քաղաքավարութիւն էր ուսել, և այնուհետև աւելորդ էր այդպիսի հոյակապ ուսումնականի այցելութիւն առնել մեր նմաններին: Ժամանակ չէ ունեցել, ասել է:

Այլազովսկի Հայր Գաբրիէլը նորերումս այստեղ էր. հանդիպեց և մեզ. խօսեցինք մի քանի րոպէ. բաւական փափուկ և քաղաքավար մարդ է, և մեր հայկական գրութեան մէջ պիտոյ է լինէր շատ մարդահաճոյ, որպէս և է արդարև. պատարագեց Մոսկուայումը և քարոզ ասաց, երկինք հանելով Լազարեանց մեծագործութիւնքը և նոցա ձեռքով կառուցած տաճարը ուսմանց: Այժմ Պետերբուրգումն է Այլազովսկին, և ինչպէս ձայն կայ, նա կամի ուսումնարան շինել Թեոդոսիայի մէջ, և այս գործի մասին ունէր մի քանի բան կարգադրելու Պետերբուրգումը: Խնդրեմ գրել ինձ շուտով և տեղեկութիւն տալ ձեր որպիսութիւնների մասին:

Ձեզ միշտ սիրող եղբայր

Ս. ՆԱԶԱՐԵԱՆՅԱՆ:

### III.

Վ Ե Հ Ա Փ ԱՐԻ Տ ԷՐ,

Վերապատուելալ Հայր մեր.

Մի ծանր իրողութիւն այս ըոպէիս հարկ է դնում մեր, Ժողովրդականներիս վերայ զիմել առ Զեզ և որդիական համարձակութեամբ յայտնել Զեզ իրրե աղգիս վեհագոյն գլխիդ մեր ամենեցուն վերաւոր սրտերի ցաւը:

Երկայնմտութեամբ և վեհանձնութեամբ մեր լուռ կը մնայինք. բայց, որովհետեւ խնդիրը, որ առիթ է տուած այս մեր նամակիս, այնքան մեծակշիռ է—այն անցքը, որ նորերումս անցած է մեր նուիրական սուրբ Ելմիածնի աթոռի ոտքում, ամենայն զգացող սիրտ և ամենայն մտածող հոգի մեր մէջ վրդովումէ և խռովումէ իրրե ամօթ և անպատուութիւն մեր հայկականը անուանը մանաւանդ օտարազնեայ Ժողովրդականների առաջև, վասն որոյ պատուելով մեր անձը, պատուելով մեր եկեղեցին, պատուելով այն ազգը, որ կրումէ իւր վերայ անունս «Վուսաւորչական աթոռի որդիք», մի աններելի և դատապարտելի թուլութիւն կը համարէինք մեր կողմից, սառնամիտ լութեամբ տանել այն անարգութեանը, որ հասել է մեր աղգի հասարակութեանս մի յանգուզն եպիսկոպոսի հրամանով Ելմիածնայ միաբանների կարգից:

Մեր, Մոսկուայի հայկազեան եկեղեցու Ժողովրդականքս, սարսափելով կարգացիք հայերէն և ռուսերէն օրագրերի մէջ այն անարժան, բոլորովին անքրիստոնեայ ընթացքը, որ Վահրամ Մանկունի եպիսկոպոսը ցուցել է առ իւր հանգուցեալ քրիստոնեայ եղբայրակիցքը, Աբէլ եպիսկոպոս Մխիթարեանց և Յովհաննէս եպիսկոպոս Ասլանեաց: Մեզ մնումէ անյայտ, թէ որպիսի քրիստոնէական կրօնի ուսմամբ թոյլ էր տուած Մանկունի եպիսկոպոսին պղպիսի անօրինակ անգթութեամբ վարուիլ երկու հանգուցեալ հայ եպիսկոպոսների հետ, մինչև զոցա անշնչացած հողեղէն նըշխարքը օրինապատշաճ թաղման և յուղարկաւորութեան ծիսից ու արարարողութենից զուրկ կացուցանել, թող նորա յառաջնութաց, թշնամական ռխակութեամբ տուած խիստ պատուէրքը հրամանի անտեսելու բարձի թողի առնելու ցաւագար հիւանդներիս դարմանատարութիւնը, մեր լսումներ, որ Մանկունի եպիս-

կոպոսի ինքնիշխան ընթացքը հակառակութիւն յարուցանելով առիթ է տուած Մանկունւոյ արքանեակների ձեռքից հանգուցեալների մարմինքը բռնութեամբ խլելու, փոքր ի շատէ դիազարդելու և ամիսներու գերեզմանի հանգստի մէջ: Զարհուրելի իրողութիւն և կրկնապատիկ դատապարտելի, որովհետեւ այդ անցքը պատահած էր Հայոց կաթողիկոսարանի մօտակայքում:

Վեհափառ Տէր, վերապատուեալ հոգևոր հայր մեր, մեր քրիստոնէական կրօնի գերագոյն օրէնք և հրաման գիտենք և խոստովանումենք սէր, երկայնմտութիւն, հեղութիւն և ներողութիւն, սէր առ թշնամիս, բարերարութիւն առ ատելիս, օրհնութիւն առ անիծիւս. «Մի դատէք, զի մի դատիցիք», պատուիրումէ մեզ աստուածեղէն բերանը մեր երկնային վարդապետի, Յիսուսի Քրիստոսի. մի աւետարան, մի ուսուցիչ, որ մեզ այլապէս ուսուցանէին, չգիտենք մեր, չգիտէ և մեր սուրբ, անարատ քրիստոսեան եկեղեցին: Մի անչափելի, անսահման ցաւի մէջ ընկղմած է մեր սիրտը տեսանելով, որ մի հայ եպիսկոպոս, որ աշակերտուած էր նոյն ուսմանը, որին մեք ժողովրդականքս, կարող էր այլապէս գործել քան թէ ուսած էր, և այդպէս չար օրինակ, գայթակղութեան քնն դառնալ ազգի մէջ: Եւ ուստի՞ է, հարցանումենք, այդպիսի իշխանութիւն Մանկունի եպիսկոպոսին. մեր ճանաչումենք միակ գերագոյն դատաւոր եկեղեցական գործերի մէջ մեր ազգընտիր կաթողիկոսը և հայրապետը, այլ ոչ մի հասարակ եպիսկոպոս որ անձնական ախտերով վարակուած, մոլեգնութեամբ կատաղումէր դէպ ի իւր հանգուցեալ եղբարքը:

Վեհափառ Տէր, մեր այս բոպէիս մեր ազգային հասարակութեան պատիւը և իրաւունքը վշտացած ու անարգուած տեսանելով մի տգէտ եպիսկոպոսի անօրինակ յանգգնութեամբ, միաբերան բողոքումենք առ Ձեզ, և խնդրումենք դատ առնել մեզ, վերահասութիւն գործելով Ձեր մօտակայքում ի հարկէ առանց Ձեր գիտութեան կատարուած յանցանքին, արժանաւոր հատուցումն առնել յանցաւորին, կէս մի ի խաղաղութիւն ազգային հասարակութեան խռովեալ և վրդովեալ սրտերին, և կէս մի ի խրատ և ի զգուշութիւն գալոց ժամանակներին:—Յուսալով թէ արդարացի ինդիր հայկազեան հասարակութեանն անտես առնելու է վեհափառ տէրութիւն Ձեր, եմք և մնամք լուսաւորչական աթոռի հարազատ որդիք:



IV.

Փետրվարի 28-ին, 1855. Մոսկվա

ՊԱՏՈՒԽԵԼԻ ՔՐԻՍՏՈՆԵԱՅ ԵՂԲԱՅՐ ԵՒ ԲԱՐԵԿԱՄ

Յովհաննէս Սայաթնովեանց.

Ստացայ ձեր յարգելի նամակը ամսուս 10 թուականից գրած և նորա հետ իմ Հոգեբանութեան 10 օրինակը որ անվաճառ էին մնացած. շատ ուրախ եղած կը լինէի եթէ սորանց, որովհետեւ չէր կարելի վաճառել, իմ անունովս բաժանած լինէիք աղքատ բայց խոհական մարդերի, որ կարող էին օգուտ քաղել նորանցից թէև ձրի, առանց արծաթի: Ես ինքնս մինչև 250 հատ այս աշխատութեանց բաշխած եմ աղգին և երբեք տխուր չեմ, որ աշխատաւորին արժանի վարձ հասած չէ. և նայելով Հայերի ողբայի և ամենաողբայի գրութեանը, այսինքն նոցա սարսափելի աղիտութեանը և ամենեւին մարմնացելութեանը, ի հարկէ խեղճ գլխիս, չունէի ևս իրաւունք պահանջել նորանցից որ ջերմառանդաբար գնէին իմ Հոգեբանութիւնը որ շատ բարձր առարկայ է և ոչ անուսուժն երեխաների կերակուր, և այն հին անհասկանալի լեզուով: Բայց ես հասայ իմ նպատակին. այսինքն, ինչպէս որ ասած էի յառաջաբանի մէջ, հին լեզուով գրած բաները անօգուտ էին Հայոց աղգին, և թէ պիտոյ էր նոր աշխարհաբառ լեզուովը որ փոքր ի շատէ հասկանալի էր ամեններին, գործ կատարել Հայոց աղգի մէջ, ինչքան որ կարելի էր այդպիսի թշուառ աղգի մէջ. և ազգը ապացուցութեամբ հաստատեց իմ ասածների ճշմարտութիւնը, հրաժարվելով այնպիսի գրքից որ արդարեւ անհասկանալի է նորան, ուրեմն և անօգուտ: Այս բանի մասին մեծ վէճ կայ մեր հայերի մէջ, որոնց խելօքները (այսինքն խելագարները) հաստատումն թէ պիտոյ է ամենայն գիրք հին լեզուով գրել, առանց մտածելու ժողովրդի չը հասկանալը, ուրեմն և այդպիսի գրածների ամենեւին անօգուտ լինելը. այդպիսիքը երազումն ևս տեսած չեն, որ եթէ մի հեղինակ մի գիրք է շարագրել, կամեցել է իւր աղգի հետ խօսել. ապա եթէ նա այնպիսի լեզուով խօսեր, որ ոչ ով չը հասկանայ նորան, ի՞նչ օգուտ այդպիսի գրածից. և գրածը պիտոյ է տարածվի ժողովրդի մէջ և ոչ թէ տպվի միայն և պահ-

վի հեղինակի տանը: Հայերի բանը շատ յուսահատ մի բան է. դոցա պիտոյ էր դեռ ևս ապացուցանել թէ 2 անգամ երկու չորս է, և ոչ թէ հինգ: Ճշարիտ է. հասկացողների թիւը աւելի շատ է քան թէ չհասկացողների թիւը. բայց և հասկացողքը, երբ որ պիտոյ է գործ կատարեն, շատ սառնասիրտ են, իւրեանց վաճառական փոքրահոգութենով և զգուշի մանրահաշիւութենով կապումեն և փակումեն ամենայն օգտակար բանի ճանապարհը. միւսները շատախօսելով քրիստոնէական առաքինութեան վերայ, որովհետեւ այս հետ բան է, դողդողումէ սիրտերը երբ որ լսումէին թէ պիտոյ է մի քանի մանէթ նուիրէին աղգային օգտին: Այսպիսիքը իւրեանց կեղծաւոր քրիստոնէութենով շատ ատելի էին ինձ: Այս այսպէս, իբրև բարեկամական խօսք բարեկամի հետ խօսած. և կարծեմ որ խօսքերս ապառաժի վերայ չեմ ձգում, այլ արգաւանդ հոգի վերայ: Պատուելով ձեզ և ինձ, խօսումեմ ձեր հետ այսպէս:

Դուք ինչպէս երևումէ ձեր պատուելի նամակից, ցանկանումք ունենալ իմ նորատիպ վարդապետարան կրօնի, աշխարհաբառ լեզուով. կարող էք ստանալ ինչքան հատոր կամիք, և գինը շատ թեթեւ, այսինքն մանէթ ու կէս է փոշտայի փողով ի միասին, և ես կարող եմ հասուցանել ձեզ ինչքան կը պահանջէք, և պիտոյ է ասեմ ձեզ, որ իմ խորհուրդը այն էր միայն, որ այդ կրօնական և բարոյական գիրքը որ պարունակումէ իւր մէջ Քրիստոսի աւետարանի ոսկի հատիկները և ոչ թէ Հայոց յիմար արեղանների ծովառածը Աստուածային բանը, տարածվի ժողովրդի մէջ և ծանօթացնէ նոցա բուն և արմատական քրիստոնէութիւնը որ հրեղէն տառերով գրած է սուրբ և երկնաւոր Աւետարանի մէջ: Այդ գործի մէջ չը կայ ինձ ոչինչ մարմնաւոր օգուտ, ես ինքս պիտոյ է դորա օրինակքը առնում ուրիշներից և ուղարկեմ ձեզ, որովհետեւ այդ գիրքը վաղուց տպած ու յանձնած է այն պարոններին, որ տուել էին տպելու ծախքը և մի փոքր աննշան վարձ իմ աշխատութեանս:

Ահա դուք ստանումք ինձանից ձեր խնդրած օրինակը, բարեկամական պարգև ձեզ իմ կողմից, միւս օրինակները որ կը ստանալիք յետոյ, ինչքան կը կամենայիք, խնդրեմ աշխատել և ջերմեռանդաբար աշխատել տարածել ձեր քաղաքացոյց մէջ, ըստ որում ոչ թէ ինձ էիք հաճոյակատար, այլ նոյն ինքն Քրիստոսին և նորա երկնային վարդապետութեանը, որի ճանապարհը պիտոյ

է բանայիք ձեր քաղաքակիցների համար: Եթէ Հոգեբանութիւնը, հին լեզուով գրած, անհասկանալի էր Հայերին, այս գիրքը գրած է յստակ և գեղեցիկ շխարհաբառ լեզուով, որ կարծեմ ամեն նայն հայ մարդ պիտի լաւ հասկանայ և օգուտ քաղէ, և պարտական էր օգուտ քաղել, եթէ կամենումէ ճանաչել իւր քրիստոնէութեան որպիսութիւնը, և ոչ թէ լինել միայն անունով, սուտ քրիստոնեայ: Աշխատեցէք, պատուական բարեկամ, լինել պտղատու ծառ Քրիստոսի թագաւորութեան մէջ, աշխատեցէք ճանապարհ ջանալ, որ Քրիստոսը գայ և բնակարան պատրաստէ ձեր ընկերների սրտի մէջ. ես աւետարանեցի, ինչպէս կարողացայ, թէպէտ չէ ինձ պարծանք, բայց վաղ կը լինէր ինձ, եթէ ոչ աւետարանէի: Կատարեցէք և զուր ձեր պարտականութիւնը, եղէք և զուր արժանի քահանայ ձեր Քրիստոսի բանին. մի վախեցէք հայերի քրիստոնաստեաց և քրիստոսահալած արեղաներից. դոցա թագաւորութիւնը խաւարի թագաւորութիւնն է և պիտոյ է խորտակիլ և ջախջախիլ շուտով:

Ծանոթացուցե՛ք ինձ ձեր բարեկամների հետ, ըստ որում ասած կայ, ինչ տեղ երկու և երեք ժողոված են իմ անունովս, և ես նույա մեջն եմ. ուրեմն չէ պիտոյ մեզ առանձին մնալ, այլ պիտոյ է ընկերութեամբ և միաբանութեամբ գործ կատարել և ծաղկեցուցանել երկնաւոր արքայութիւնը այս հողեղէն երկրի վերայ որ պատրաստութիւն էր երկնաւորի համար. Այս տեղ է սերմանելու ժամանակը, կը հընձնըր այն տեղ, ինչ որ սերմանած ենք:

Այժմումս աննայն ջանքով աշխատումս մի այլ գրքի վերայ, նոյնպէս աշխարհաբառ լեզուով. սորա անունն է Հանգէս Նոր Հայախօսութեան, երկու հատոր, բաւական մեծ աշխատութիւն: Մոսկվայումը հաւաքվումէ արծաթ այս գիրքը պսակելու համար. Պետերբուրգի հայերը իւրեանց կողմից առաջարկումեն ինձ 1,500 մանէ/թ. բայց հաշիւը դեռ ևս աւարտած է: Եթէ և զուր կամենաք ձեր քաղաքացիներով մասնակից լինել այս ապագագուտ գործին, խնդրեմ իմաց տայ ինձ:

Զեր ձեզ յարգող բարեկամ

ပထမဦးဆုံးအားဖြင့် နေရာအားလုံးတွင် အသုံးပြုနိုင်သော အမျိုးအစားများကို ရွေးချယ်နိုင်ပါသည်။



V.

Ս. ՊԵՏԵՐԱՌԻՐԳԻ ԳՐԱԲՆԱԿԱՆ ԱՏԵՆԻՆ

«Հիւսիսափայլի» խմբագիր Ստեփանոս Նազարեանցից

Ծանուցում.

Նախախնամութեան շնորհիւ, որ աներևոյթ ձեռքով հովանաւորում է ամէն մի բարի գործ. Գրաքննական Ատենի անխոտոր ճշմարտութեան շնորհիւ՝ «Հիւսիսափայլը» ներկայ 1861 թ. կատարում է դարձեալ իւր շրջանը, չնայելով որ խմբագիրը ծանր աշխատանք է կրում: Սակայն լուսաւորութեան թշնամիները չեն դադարում, և այդ մարդիկը կրկին մտածել են խանգարել իմ պարբերական հրատարակութեան խաղաղ ընթացքը: Ահաւասիկ, թէ ինչում է կայանում գործը՝ ձեռիս տակ ունեցած փաստերի հիման վերայ:

Էջմիածնի Սինոդը՝ Մոսկուայում գտնուող իմ անձնական թշնամու՝ Յովսէփ Չերքեզեանի խնդիրքի պատճառով՝ և նորա ցուցմունքների հիման վերայ, քննութեան է ենթարկում անցեալ 1860 թ. «Հիւսիսափայլի» 10 համարը և մի յօդուածում գտնում է այնպիսի տեղեր, որոնք իբրու թէ հակասում են Հայոց եկեղեցւոյ վարդապետութեան և այսպիսի վճիռ է կայացնում. Անցած յուլիսի 18-ից Մոսկուայի Հայ Լուսաւորչական Հոգևոր Կառավարութեան ուղարկած հրամանագրով՝ տեղական իշխանութեան միջոցով, հաւաքել «Հիւսիսափայլի» անցեալ 1860 թ. 10 N-ը, նոյնպէս և խնդրել Կովկասի Պարոն Տեղեկալին միջոցներ գործ դնել բոլորովին դադարեցնելու ամսագիրը, որ՝ Սինոդի կարծիքով, «գայթակղութիւն է ամբողջ ժողովրդի համար»:

Տեղական իշխանութեան առաջարկին՝ որ ես հաղորդեմ նոցա իմ բաժանորդների ցուցակը, այսպիսի բացատրութիւն տուի. «Հիւսիսափայլ» ամսագիրը, հրատարակուելով Ռուսաց Գրաքննութեան Կանոնադրութեան ընդհանուր օրէնքների հիման վերայ, գտնվում է Ս. Պետերբուրգի Գրաքննական Ատենի հսկողութեան ներքոյ, հետևաբար չէ ենթարկվում որ և է հսկողութեան Հայոց Հոգևորականութեան կողմից: Այդ պատճառով ես պարտական չեմ տեղեկութիւն տալ իմ բաժանորդների մասին:

Յայտնելով Ս. Պետերբուրգի Գրաքննական Ատենին այս դործը, որ կարող է մի քանի անախորժութիւններ պատճառել ինչպէս Ատենին, նոյնպէս և խմբագրին, չեմ կարող չնկատել, որ մի այս-

պիտի ընդգիմագրուածիւն ասիական յետադէմների կողմից, որոնց պատկանում է և Հայ Հոգեւորականութիւնը, վաղ թէ ուշ երևան պիտի գար. մանաւանդ որ «Հիւսիսափայլը», որպէս նոր կարգերի բարեկամը և Ռուսաստանի Հայերի մտաւոր ու բարոյական բարօրութեան նախանձախնդիրը, յաճախակի պիտի ցոյց տար հասարակական ախտերը, սաստիկ պիտի հակասէր ժողովրդական նախապաշարմունքներին, բարձրացնէր մտրակող խարաղանք ախտերի դէմ և ազամայ պիտի վերաւորէր շատ Հայերի կեղծ ինքնասիրութիւնը, մանաւանդ Հոգեւորականութեանը:

Որքան էլ բնական է այն կռիւը, որ լինում է հին ու նոր կարգերի մէջ, խաւարի ու լուսոյ մէջ, ասիական անշարժութեան մէջ յամառութեամբ դեգերող և այն սակաւամիւ հասարակութեան մէջ, որ պայծառ կերպով հասկանում է ժողովրդի կեանքի ժամանակից խնդիրները և անհրաժեշտութիւնը Ռուսաստանի իսկական մտաւոր շարժման շաւղի վերայ կանգնելու, սակայն, ցաւալի է ասել, Հայոց բարձր Հոգեւորականութիւնը, որին քանիցս ոգեւորուած կերպով հրաւիրել է «Հիւսիսափայլը» պարագլուխ հանդիսանալ Հայերի ժամանակակից լուսաւորութեան գործում, միշտ խուլ ու մունջ է մնացել: Այդ իսկ Հոգեւորականութիւնը միշտ հալածել է թէ՛ ակներև և թէ՛ ծածուկ դիմագրութիւններով «Հիւսիսափայլը» ամագիրը, իսկ այժմ—*sit venia dicto*—յանձն է առնում կատարել ամօթալի դեր՝ կոյր գործի դառնալ մի մասնաւոր մարդու՝ պ. Չերքեզեանի ձեռքում, մի մարդու, որ իմ ոխերիմ թշնամին է, որ բարեմիտ Հայերի կողմից դատապարտուած է արհամարհանքի:

Հաղորդելով այս տեղեկութիւնը այն իշխանութեան, որին ես ստորագրեալ եմ իմ «Հիւսիսափայլ» ամագրի հրատարակութեան կողմից, լիովին համոզուած եմ, որ Նա՝ գործը քննելով, իւր ժամանակին ճիշդ կը թափէ պաշտպանել որպէս Գրաքննական Ատենի, նոյնպէս և խմբագրի իրաւունքները: 1860 թ. «Հիւսիսափայլի» 10 N-ի յօդուածը, որ գալթակղութեան քար է դարձել Հոգեւորականութեան համար, եթէ պահանջ լինի, ամբողջապէս ուսումնարգմանութեամբ եւ կրներկայացնեմ Գրաքննական Ատենի հայեցողութեան: Թող յաղթող հանդիսանայ ճշմարտութիւնը, թող կորչի սուտը:

Խմբագիր «Հիւսիսափայլի»

Արեւմտեան Սաղարեանց:

1861 թ. 18-ին Օգոստոսի Մոսկուա:

(Թարգմ.).

VI.

Հանդուցեալ Ս. Նաղարեանցի թղթերի մէջ գտնուած ենք վաղաթառամ Վահան Ասկարեանցի մահացողական գերմանական լեզուով, որ և յառաջ ենք բերում հայկական թարգմանութեան հետ միասին: Յանկալի էր իմանալ, արդեօք այդ երիտասարդ բանաստեղծը ոչնչ չէ թողել, կամ եթէ թողել է, ո՞ւմ մօտ են դանվում: Փափազելի է, որ օր առաջ լոյս տեսնեն այդ թղթերը, եթէ միայն կան:

Am 1 April verschied zu Dorpat der hoffnungsvolle junge Armenische Gelehrte Wahan Ascarianz, geb. zu Wagarschatpat im Eriwanschen Kreise den 7. Nov. 1830: er studirte auf hiesiger Universität Cameralwissenschaften 1853—57, nachdem er als Zögling des Lasarewischen Instituts für orientalische Sprachen zu Moskau den Grund zu seiner ungewöhnlich reichen, gelehrten Bildung gelegt hatte, die ihn sehr vortheilhaft auszeichnete. Als Mitarbeiter an einem Armenischen, in Tiflis erscheinenden Journal lieferte er gehaltvolle Aufsätze; auch für unsere Zeitschrift war er thätig, indem er im ersten Jahre seines Studiums auf hiesiger Universität eine Recension der Uwarowschen Abhandlung «De Bulgarorum utrorumque origine et sedibus antiquissimis» (1853 Nr. 52. 1854, Nr. 2, 3, 5) schrieb. Zuletzt beschäftigte ihn eine ausführliche Darstellung der Verfassung und Verwaltung von Armenien, zu welcher er sehr umfassende Vorarbeiten gesammelt hatte. Ganz besonders liesz er sich aber historische Studien angelegen sein und hätte gewisz Ausgezeichnetes geleistet, wäre ihm eine längere Lebensdauer beschieden gewesen. Auch als Uebersetzer war er sehr thätig. Das Cand.-Examen hatte er so eben absolvirt.

Ապրիլի 1-ին վախճանեցաւ Դորպատում մեծ ապագայ խոստացող երիտասարդ հայ գիտնական Վահան Ասկարեանցը, որ ծնած էր վաղարշապատում՝ Երեւանի նահանգում, նոյեմբերի 7-ին



1830 թ.: Նա ուսանում էր այստեղի համալսարանում ֆինանսական գիտութիւններ 1853—1857 թ. իւր տարօրինակ բաղմակողմանի և հարուստ ուսման հիմքը դրել էր դեռ Մոսկովայի Արեւելեան Լեզուաց Լազարեան ճեմարանում աշակերտ եղած ժամանակը: Իբրեւ աշխատակից Թիֆլիզում հրատարակուող մի հայկական լրագրի, նա զետեղում էր հարուստ բովանդակութեամբ յօդուածներ, իբրեւ աշխատակից մեր լրագրի ևս, նա իւր համալսարանական ուսման առաջին տարին գրեց մի յօդուած Ռւփարովի «*De Bulgarorum utrorumque origine et sedibus antiquissimis*» (1853 № 52, 1854 №№ 2, 3, 5) հետազօտութեան մասին: Վերջում նա զբաղուած էր Հայաստանի քաղաքական և տնտեսական դրութեան մանրամասն նկարագրութեամբ, որոց համար շատ հարուստ և ընդարձակ նիւթեր և նախապատրաստութիւններ ունէր հաւաքած: Բայց ամենից շատ զբաղուած էր նա պատմութիւն ուսումնասիրելով և անշուշտ նշանաւոր գործունէութիւն պիտի ցոյց տար, եթէ նորան աւելի երկարատե կեանք վիճակուած լինէր. իբրեւ թարգմանիչ, ևս նա գործունեայ էր: Համալսարանական քննութիւնը նոր էր վերջացրել:



## II.

Հայկական տպագրութեան պատմութիւնն ուսումնասիրողները, անտարակոյս, ուշագրութիւն կը դարձնեն երկու անձնաւորութիւնների—Ոսկան վարդապետի և Թադէոս երէցի վերայ:

Չկամանալով յառաջ բերել այստեղ մանրամասնութիւնները<sup>1)</sup>, յիշենք համառօտակի գործի եղելութիւնը:—Ոսկան վարդապետը (արքեպիսկոպոս) հաստատում է մի տպարան Ամստերդամում և 1666—1670 հրատարակում է զանազան գրքեր, որոնցից նշանաւոր է նորա Աստուածաշունչը: Այդ իսկ տպարանը 1670—1673 տեղափոխուած է լինում Լիվոռնոյում, 1673-ին յետոյ—Մարսէյ-լում, ուր և վախճանում է Ոսկան վարդապետը: Մարսէյ-լում տպագրուած գրքերի մէկից երևում է, որ Թադէոս երէցը և Ոսկան արքեպիսկոպոսը միասին են գործել, այն է՝ «Ատենի Ժամագրոց»-ի ճակատին ասած է.—«Արդեամբք և ծախիւք նոյնոյ Ոսկանայ արհիեպիսկոպոսի և Թադէոսի երիցու Երևանցոյ».... Սակայն Ոսկանի մահից (1676) յետոյ, նորա քեռորդի Սողոմոնը վերստին տպագրում է «Գրկուկ կարևոր հանապազորդեան» գիրքը, որին և կցում է Ոսկանի կտակը: Այդ կտակից պարզ երևում են նոցա թշնամական յարաբերութիւնները:

Թադէոսի գրած ոտանաւորը տպուած է «Ամսօրեայ Հանդիսի» մէջ (1887, №№ 11 և 12):

Այս կտակը մենք ստացանք Մեծապատիւ պ. Կար. Եղեանից, որին և յայտնում ենք մեր շնորհակալքը:

Նիւթիս վերաբերեալ տեղեկութիւններ կարելի է գտնել.

1) «Բազմավէպ» — 1850 թ. 348—349, 1851 թ. — 40—41.

2) Պատմութիւն Հայ Դպրութեան, Վեն. 1878 թ. II 290—324.

3) Չամչեան, Պատմութիւն III հ. 661.

4) «Հանդէս Ամսօրեայ», 1887 թ. №№ 11 և 12.

## ՈՍԿԱՆ Վ. ԿՏԱԿԸ.

Կտակ իմ Ոսկանայ վարդապետիս. վիպասանօրէն, վախճանական բարե մնայիւ առ ամենայն Հայ ազինս <sup>1)</sup>, յաւէտ առ Հոգեւոր Հայրն իմ Տէր Յակոբ սրբազան կաթողիկոսն ամենայն Հայոց և առ իւրաքանչիւր Հոգեւոր պետականսն քաղաքաց ամենից, սակս դառնակսկիծ մահուանն իմոյ, ի պատճառէ չարեացն չթաթէոսի երկցւոյ անցուցելոցն ընդ իս և ընդ գործարանիս իմոյ ի Մարչիւիայ քաղաքի:

Ասքանազեան և արիական մեծի աղգի Թորգոմասեր ծննդոցդ և զաւակացդ Հայկազուն ցեղի՝ ըստ աւանդութեան սրբազանի առաքելոյն Պօղոսի զկտակս վիպասանօրէն Հաստատեցի, ծանուցանելով ձեզ լուսաւորչաւանդ քրիստոնէիցդ ամենի զանցուածոց իմոց պատշաճօրէն, և համառօտաբար ըստ կարգի, որք պատահեցան ինձ յաճախաբար ի Մարչիւիայ մեծի քաղաքին: Քանզի որդին կորստեան և ժառանգն Բէնդզբուղեան չերէցն Թադէոս Համազազեան զամրոցս և զղղեակս անօրէնութեան յօրինեալ կերտեաց աստ, բազմահար մեքենայիւք, հաստատեալ ի նմին ամբարտակս չարութեան, կացուցանելով ի գլուխ նորին զորօշակն ամբարտաւանութեան՝ առ ի խուս աւ ութիւն ամենից պատուիրացն Աստուծոյ և մարդկան. մոլածանելով զինքն ընդ յարկաւ անկելոյն, յեցեալ ի զօրութիւնս նորին վաղակործան, զօղեալ թաքեալ ի քաղաքի ամբաստանին առ ի յայտածումն և յառաջեցուցումն յոգնամեա մթերեցեալն նենգութեան՝ անկասկած և անվեհեր յումեքէ ըստ անշուշտ ձայնին վկայութեան. որպէս և լուեալ իսկ է աստուածասիրութիւն ձեր, թէ որպիսի անցս անցոյց ընդ իս, ի ժամանակի ծերութեանս իմում, ի մէջ պլասեռ քրիստոնէից: Յաղաքս բազմիցս արարեցեալ բնաւից բարեաց իմոց որ առ ինքն և առ իւրայինսն՝ յոգնակերպ և զանազան փորձութիւնս հասոյց ինձ և իմոցն, զոր չէ պատշաճ յիշել ուրոյն յատուկ զանթուելի բարեացն իմոց, որ առ ապերախտս յոգնաժա-

<sup>1)</sup> Տպագրում ենք այս կտակը՝ անելով մի քանի փոփոխութիւն. ուղղեցինք տեղ տեղ կէտագրութիւնը, տեղ տեղ էլ գլխատառեր դրինք. իսկ լեզուն անփոփոխ թողինք:



մանակս, և ոչ ի գիր արկանել զանհուն չարեացն և պէս պէս մեծամեծ վնասակարութեանց սորին որ առ իս: Յաւէտ այսու յետին լիալիր անձառելի և անպատմելի անօրէնութեանցն որ էլից զթերիսն և պսակեաց զամենայն տալով զբաւ և աւարտ կենաց իմոց: Ծառայ գորով, անխնայաբար զգետնեալ փշրեաց զոսկերս իմ հատուցումն գթութեանց իմոց: Փրկեցեալն ինե ի բանտից և ի կապանաց կապեաց և կնքեաց զգործարանս սրբոյ Ելմիածնի, և զտունս իմ փոխանակ այցելութեանցն իմոց, հաստեցեալն յինէն ըստ հոգւոյ քահանայական կարգաւն և ըստ մարմնոյ գոյիւքն և արդեամբքն մարկացուցեալ կողպտեաց զիս յընդից իմոց, և էմոյծ ի ներքոյ բազմահոյլ պարտուց տրիտուր բարեգթութութեանցն իմոց, այպանեաց և անարգեաց զանունս և զփառս իմ և առաքիչն իմոյ Տեառն Յակոբայ ամենայն հայոց կաթողիկոսի, և անդրադարձումն առեցեալ փառաւորութեանցն որ յինէն ի գթութիւնս իմ ոչ ակնարկեաց, ի ծերութենէ իմմէ ոչ պատկառեցաւ և յալիս իմ ոչ խնայեաց, և ի պետականէն իմմէ և յինէն և յազգէն հայոց ոչ պակաւ: Այլ ձեռնաձիգ եղև ինձ խստաբար որպէս զկայէն, և տիրանենգ համբուրիւ մատնեաց զիս իբր զՅուդաս, վասն որոյ այսու ամենիւք հարուածովքս և առաջնով կնքմամբ դրան գործարանին նուաղեցաւ լոյս աչաց իմոց յարտասուաց, և ի տառապակրութիւնս այս յորս մերձաւորս ձեռնարկի օգնել ինձ, նոյն ինքն եղեն առաւել կործանիւք, լինելով սատար չարին ագահութեան մասին լրացմամբ: Ընդ որս զսուգ անմխիթար տրտմութեամբ ծրարեցի ի վարչամակ ոգւոյ իմոյ, վասն զի ամենեքեան եղեն ինձ նեղիւք, որովք ի սպառ հատաւ յոյս կեցութեանն իմոյ և ապաւէն ապրելոյ: Ուստի և իմ այսու ամենայնիւ ընկզմեալ ի խորս անբուժելեաց ցաւոց, հասի ի դրունս մահու, որ և յայնմ ժամու մերձ աւանդման հոգոյ իմոյ, սերմն ժանտ և ծնունդն անիծից եկն երկրորդ անգամ կապել զգործարանն, յորմէ իսպառ լուծաւ զօրութիւն իմ, մերժեցաւ յինէն կեանք իմ, քաղեցաւ միանգամայն և հոգի, և դառնամ առ այն ուստի առի, վասն որոյ ողջունեմ զձեզ զամենեւեան անդառնալի գնացս իմ: Ողջոյն ձեզ բարեկամք իմ և սիրելիք հաւատացեալք ի Տէր Քրիստոս ամենեքեան հայազունք: Ողջոյն քեզ և բնակչոց քոց, երկիրդ իմ սեպհական գաւառ Արարատեան: Ողջոյն քեզ գլուխ ամենից Հայաստանեայց, եկեղեցեաց մայրդ լուսածին սուրբ Ելմիածին, ուռձացեալ ընաւիւք բազմութեամբք

եկեղեցեայ: Ողջոյն քեզ և բնակչաց քոյ սրբոյն Սարգսի զօրավարի վկայարան, յատուկ օթարան իմ և ինն կերտեալ Հանգստարան: Ողջոյն քեզ տէր իմ և պսակ գլխոյ իմոյ պետդ պատուական Յակոբ կաթողիկոս ամենայն հայոց զիտապետ սրբազան: Ողջոյն ձեզ համօրէն գունդք եկեղեցական խմբից, եղբարք իմ և աշակերտակիցք, և աշակերտեցեալք, ի փառս ճշմարտութեան և ի պարծանս ազգի ցնծութեան: Ահա մեկնեցայ և որոշեցայ վախճանական բաժանմամբ, կարօտ տեսութեան ձերոյ, և ի փափգալեացն իմոց թէև ոչինչ գոնեայ ձեռօք ձերովք մոլծանէիք զիս ի գերեզման, կարգաւորելով ի թիւս հարց իմոց: Եւ արդ այսու կտակիւս ի Քրիստոս և ի ձեզ յամենեւեան յանձնեմ զիրաւունս իմ և զգաւաստանս վասն անցելոց հարուածոցն իմոց լըբագէմ չ (այս անուն) որպէս և գրեցաւն: Այլ և յանձնեմ ձեզ զպէտս հոգւոյ իմոյ՝ զաղօթս և զպատարագս ձեր առ ի հատուցումն պանդխտակողկոճ չարչարանաց իմոց որ ի պէտս ազգի: Ընդ սոցին յանձին լիցի գերագոյի գլխոյդ իմոյ Տեառնդ Յակոբայ ամենայն հայոց կաթողիկոսի և ամենայն հայոց յոգնավաստակ հոգիացուցիչ պտուղ ձեռաց իմոց զ(դ) ործարանս, գործակալօք և կառավարօքն իւրովք ի փառս Տեառն և ի պարծանս ձեր. և զուք մնասցիք խաղաղութեամբ կրկին կենօք ի յոյսն բնաւից ի Տէր Յիսուս Քրիստոս, որում փառք և զօրութիւն յաւիտեանս յաւիտենից. ամէն:

ԵՐԳ ՆԱԽԱՏԱՆԱՅ ԵՒ ԱՆԻԾԻՑ (ԱՅՍ ԱՆՈՒՆ).

Ինձ հետեւել հարկատրի տեսաւնքս իմոյ ողբերգ կտակի տալով զանէծս նախատալի յանձին պղծող Թաղէոսի: Սերմն անիծեալ Արիոսի, սաղմնառեցար յարգանդ հարծի, յորոց ծընար Յուդայ որդի մատնից լեալ իմ վարդապետի: Ով դու ժառանգըդ զեհենի, զի մատնեցար սատանալի ուրացումեամբն ի յատենի վասն անիրաւ մամոնայի:

Ղօղեալ դարձար յամօթալի սակս չարեացդ անպատմելի, զոր չէ պատշաճ առնել յալտնի, զի է լսողաց սարսափելի: Ո՞ն թուք յերեսդ քո զարշնլի, զազրատեսիլ և աղտեղի, քակից ցանկոյն մեր հայրենի, զնացող ընդ շաւիղս վայրենի: Մարմին ժանտիդ հող մի դարձի, այլ ըստ կընոջ Ղովտալ լիցի. հոգիդ ի դժոխս մատնեսի, անշէջ հրրով տապակեսցի:

Որովունք անբունք զբև պատիցին,  
աչբդ ի պատժոց բնաւ մի բացցին,  
զի եսդ արժան ալս վարժին  
ըստ Յիսուսեան անշուշտ բանին:  
Նուիրեցար կամաւ քոյին  
ծնօղովքդ հանդերձ բաժին զեւին,

վայելեսցիք միշտ ընդ նոսին  
զանեզր զտանջանսն ի միասին:  
է և բազում իր ըստ կարգին,  
որք վասն նեռինդ զրել պարտին.  
սակայն ժամաւս ալսու թողցին,  
զի ի գիրս քո աւարտիցին:

Զհարկաւորագոյն պիտանացու գրեանս աստուածասէր և բարեպաշտօն ազգին հայոց, յարժանացուցեալ մեր գոլ նուազ և պաւկաս խկ. վասն որոյ օր ըստ աւուր մեծաւ ջանիւ և մշտաշխատ վշտակրութեամբ կամիմք լցուցանել Աստուծով ըստ կարողութեանն մերում, խնամակալութեամբն Աստուծոյ և օժանդակութեամբ բարեգութ ցեղին իմոյ թորգոմածին արամազնեայց, որպէս յորոց և մինն է փոկրագոյն գրգուկս այս ծաղկալիր որ կոչի տարեցուց և լուսնացուց, և այլք իրք պիտանիք, որք սկսեցեալք Աստուծով, աւարտեցաք Քրիստոսիւ բազմօք ցաւօք և տագնապիւք. վասն զի Բէեղզեբուղն և պատժակիցն կորեայ և դադանայ, անիծեալն յԱստուծոյ և ամենայն սրբոց նորին վատաշվէր և բորբորիտ չերէցն (այս անուն) ոչ տայ թոյլ հանգչել գործարանիս ի վնասուց. և գործակալացն բանալ զաչս ի պարտուց. որպէս լուեալ էք և լսելոյ ևս էք զամենայն արարմունս երկրորդ նեռինն յամենեսեան գրեանս տպեցեալս յաւէտ որ հատուկ վասն տերասպանին. զոր տէր Յիսուս խայտառակեալ կրկին կենօք բարձցէ ի միջոյ և զձեզ պայծառացուցեալ երկու աշխարհօք, պահեսցէ անվնաս յամենից չարեաց ի փառս իւր և ի պարծանս համայնից և ի յառաջագիմութիւն անկեալ և կործանեալ տպարանիս ձերոյ, որ և այսու ամենայնիւ մաղթեմ յիշել միշտ ի մաքրափայլ յաղօթս ձեր զբազմաշխատ մշակն Քրիստոսի զծերունին և զհոգեոր հայրն ձեր և մեր զՍուրբ և վարդապետն:





## ՇԱՏԵՐԷՆ ՄԵԿԸ.

Վլատիմիռ Քառփիչը կէնձ, շէնքով, իրեն գործին մու-  
խայէթ <sup>1)</sup> առուտուրական մարդ էր. աղքատ Հօր-մօր զա-  
ւակ, ութը տարույէն էօքսիւզ <sup>2)</sup> մնացած, ինքը իրեն  
կուլիսուն վարպետ գնացած, ինքը իրեն կուլիսուն խա-  
նութի խզմէթքեար <sup>3)</sup> մտած, 21 տարու խանութի ու  
պզտիկ <sup>4)</sup> սէրմիսյի <sup>5)</sup> տէր էղած, 23 տարու մէքամ շէն-  
քով, տեսօք, կիր-խալէմ-կիտցող <sup>6)</sup>, ամա խարիպիկիտ <sup>7)</sup>  
սօյէ <sup>8)</sup> աղջկայ վրայ կարգըված, տահա 27 չիմտած  
էրկու օրդու ու մէկ աղջկայ հար էղած էր՝ երօր ես նա-  
րան առջի անգամ ճանցըցայ նը:

Օրդուս պէս սիրեցի խառ տղին: Խանութին քովէն ուր  
կանցնէի նը՝ տայմա <sup>9)</sup> գործի վրայ կրտսնէի նարան—  
եւ քաղաքավարի, ինքը իրեն չի ցածցունելէն միշթէրի-  
ներուն <sup>10)</sup> հետը կալածի կանէր, եւ սթօքային <sup>11)</sup> էտեւ՝  
աչքը փէնձէրէին <sup>12)</sup> արած՝ կաղէթ կըկարգար, եւ դա-  
րակներուն պարին կըսրբէր, կըշարէր, տեղէ տեղ կը  
փոխէր, եւ ստակը կըհամրէր, եւ մէկ շջթ <sup>13)</sup> կամ մէկ  
բարեապիւր կըգրէր, կարճ՝ պարապ, առանց գործի հէչ  
չէր կենար: Սապահթան <sup>14)</sup> տահաթը օխտին նարա խա-  
նութը բաց կըլար ու իրիկունները մթնելէն շատ ուշ կը  
փակվէր: «Էրնէ՛կ սայեախլուիդ <sup>15)</sup>, էրնէ՛կ օղլուշախիդ»,  
կասէի միտքիս մէջէն. ու սիրաւս պէթէր <sup>16)</sup> կուզէր մէկ  
հարով նարա տունը մտնելու ու կեցուածքը, տուն-տեղ  
պայեածը տեսնելու: Իմ սիրած բանըս է տէյէմիշ անե-  
լու <sup>17)</sup> քի՛ խօլօք մարդը ի՞նչ կերպ տուն կըկառավարէ,

1) Ուշադիր. 2) որբ. 3) ծառայ. 4) փոքրիկ. 5) մայր-գումար. 6) գրագէտ. 7) չբաւոր.  
8) աղգական. 9) միշտ. 10) զովող, ապրանք գնող. 11) смотка. 12) պատուհան. 13) счёты.  
14) առաւօտ. 15) կին. 16) շատ, խիստ. 17) նկատել, դիտել.

ապրուստ ունի ու զաւակ կըմեծցունէ. զէրէ <sup>1)</sup> շնարկ-  
վայ <sup>2)</sup> ատենըս խըթ <sup>3)</sup> տուն կըկուտնուս, որ տանտիրոջ  
հա նարա սայեսխլոյի խեղքով ման գայ: Սալածը կը  
սիրիս՝ տունին նեսը զուսը կա՝ առխիթեթըռնին մարի-  
ֆէթն <sup>4)</sup> է, կա՝ մէպէլը չեքին, տղոց կեցուածքը ու խօսուած-  
քը կուվէռնանքային էմէին է. նեսի թէմիզուլթինը <sup>5)</sup> կօռ-  
նիշնային <sup>6)</sup> աշխատանքն է. զիաֆէթ <sup>7)</sup>, հա մէկ հաց, հա  
մէկ ժողոտանք անելու լան նը՝ նօմայ ստակ կուլուն Սն-  
տոխըն փէշը <sup>8)</sup>. սաղ քուխնին թանկնոց զահիրաներով <sup>9)</sup>  
կուտան փովուռնին <sup>10)</sup> ծեռքը, տունին ալայ արծըթէ թա-  
խըմը <sup>11)</sup> թէպլեմ կանին <sup>12)</sup> լաքէյնիւրուն <sup>13)</sup>, Սալածդ  
կըսիրիս, անկէ հաքը խաղեայքային <sup>14)</sup>, բան կըմնայ որ  
անելու.... Տունին տէրոջը համար բան չստինք, զէրէ նա  
վաստակին էտեէն է: Ես ասպէս միտք կանէի՝ խօլօք Վլա-  
տիմիռ Քառփիչին սայեսխլուն չունքի իրեն հաւնածն  
ու խարիպիկիտ տունէ առած է նը, հնար չի կայ, որ  
փէռատ-մեռատ <sup>15)</sup> բան պիտի չելայ, չէնէ <sup>16)</sup>, կալաճիին <sup>17)</sup>  
սուտը պէտք չէ, ատպէս շէնքով տղին ամեն զէնկին <sup>18)</sup> հար-  
մար ալ թալխա տալէն <sup>19)</sup> պիտի տային իրենց աղջիկանը,  
իլայի <sup>20)</sup> աս մօտիկ տարիներըս, եբոր եօռըխի <sup>21)</sup> գալու լէ-  
վէնտը <sup>22)</sup>, էվէլքի <sup>23)</sup> արծաթ թալէռնին պէս, խըթ էղել է:

Մէկ օր մտայ Վլատիմիռ Քառփիչին խանուլթը. «Ճա-  
նըս, աղէկ չայ ունիս», հարցուցի:

— Ունիմ, հապա չունիմ, ասաց: Ու գառնալով խա-  
նուլթի խզմէթքեարին, «հաճէ՛ <sup>24)</sup> վազէլէն կնա՝ տուն,  
հանկայիդ <sup>25)</sup> ասա՛, որ աղլի ցիպիլքի չայէն մէկ ֆունլթ  
քաշէ տայ»:

1) Վասն զի. 2) պոթմուայ. 3) սակաւ. 4) ճարտարութիւն. 5) մաքրութիւն. 6) նա-  
թիշտ. 7) խնջոյք. 8) քղանցք. 9) պաշար. 10) խոհարար. 11) կազմածք. 12) աւանդել.  
13) սպասաւոր. 14) տանտիկին. 15) անպիտան. 16) ապա թէ ոչ. 17) խօսակցութիւն.  
18) հարուստ. 19) կայթեւ. 20) մանաւանդ. 21) յարմար. 22) երիտասարդ, ամուրի.  
23) նախկին. 24) այ տղայ. 25) խաթուն, մօրաքոյր.

— Մէմալ ի՞նչ զահմէթ <sup>1)</sup>, ասի, թօ մնայ. ես ինքս կուգամ կառնում: Միտքըս անէր, որ ատ սուտ մահանայով <sup>2)</sup> կուգէի նարա տունը մտնելու:

— Չէ՛ տահա ինչ, ասաց Վլատիմիռ Քառփիչը, միտքըս չի հասկըցած, տղան կպերէ-շտէ, մէմալ քեղի ի՞նչ զահմէթ:

— Ի՞նչ է, ինծիմէն մէկ կավաթ չայ պեամիշ կանխ <sup>3)</sup>-ինչ. պէքիմ <sup>4)</sup> քու տունիդ չային համը նայելու կուգիմ, ասի խնտալէն:

— Ատպէս է նը՝ կուլխուս վրան, ասաց նա. հածէ՛ թէ՛ վաղէ մեր տուն, ասա՛ Լանկայիտ որ հազըրուորվի. «մեզի չայի մարդ պիտի դայ» ասա՛:

— Աղէ՛կ, ասաց խանութի տղան ու խուշի <sup>5)</sup> պէս թռաւ:

Իրիկուան չանկերէն <sup>6)</sup> տահաթ ու կէս—էրկու սահաթ անցած Վլատիմիռ Քառփիչին հետ գնացի նարա տունը:

Չէնկիններու մեծ-մեծ տուներ, պոյեալը <sup>7)</sup>, նախշած պատերով ու առեքներով, պիւրիւնձիւքէ <sup>8)</sup> ու շօլքէ փէրտէներով <sup>9)</sup>, թանկնոց մէպիլներով, օսկէճրած ճաղերով <sup>10)</sup> ու շանտաններով <sup>11)</sup> տուներ շատ տեսիլ էի. ամա՛ ասպէս քիվ <sup>12)</sup> ու սօսուն <sup>13)</sup> տուն, ինչպէս որ Վլատիմիռ Քառփիչինն էր նը՝ տահա <sup>14)</sup> հէչ տեսած չէի: Ամեն տեղ թէմիզութիւն ու պքուս <sup>15)</sup>, ամեն տեղ խօլօք տանտիկինի աչք ու էմէկ <sup>16)</sup>—հէչ մէկ աւելի ու հէչ մէկ պակաս բան. ամեն բան իրեն տեղը, տունին մէջի ամեն մէկ բանէ սօսուն, կուտուց, շէնքով, խօլօք, կէնձ՝ տանտիկինի հոտ կուգար: Տահա աչքովս չի տեսած՝ միտքովս հասկըցայ, որ Վլատիմիռ Քառփիչին կնիկը անպատճառ թէյօյժէ <sup>17)</sup> կնիմարդ պիտ լար:

1) Անհանգստութիւն. 2) պատճառ. 3) խնայել. 4) կարելի է. 5) թռչուն. 6) զանգակահարութիւն. 7) ներկած. 8) բեհեզ. 9) վարագոյր. 10) ջահ. 11) աշտանակ. 12) համետ. 13) մաքուր. 14) դեռ. եւ. 15) ճաշակ, օրհն. 16) երախտիք. 17) պատուական.



Ասածս ասած էր: Տահա նոր նեւ մտած էինք ու տեղերս նստած, մէմալ նայիս նեւ մտաւ մէքամ օրթախարէր <sup>1)</sup> պօյով <sup>2)</sup> կինիմարդ՝ շատ կէնձ, պէթէր կէնձ, անխատար ասիմ որ՝ թէ որ չիմանայի նարա սայիախլու, կրեք զաւակի մար էղածը՝ անպատճառ 15—16 տարի աղջիկ կրկիտնայի: Վառուշին էրեսին նախը Հասկըցնելու Համար, կասիմ՝ նազլու-տեսօք էր: Ատ սոյ տեսքը մեր օրերը քանի կերթայ՝ կըքիչնայ: Աղջիկայ նազլու-տեսքը սալթը <sup>3)</sup> քիվ տուններու մէջ ու մամաններուն խանաթ-նիւրուն տակը մէյտան կուգայ <sup>4)</sup>: Ես չօխտան <sup>5)</sup> տէյէ-միշ արիւլ իմ, որ տեսքը տեսք է. ամա որ վրան նամուս <sup>6)</sup> ու քիվութիւն <sup>7)</sup> աւելցնուս՝ տեսքը մէմը մէմալ կըլայ: Խորդ է, սուտ է, կասին քի՛ թէ որ աղջիկայ վըայ շատ աչքեր նային՝ նարա տեսքը կըխանկըւի: Վրայէն պէլլի <sup>8)</sup> էր, որ Վառուշը Հայի էվէլքի քիվ մօր ծուք մեծցած էր:

Չայի ատեն Վառուշը պահը-մէմը <sup>9)</sup> կըմանէր-կէլէլը. պէս-պէլլի <sup>10)</sup> էր, որ պանւոր, կօռնիշնա չունէին, զէրէ չայ խորդողը ինքն էր. պերօղն ալ աղլի <sup>11)</sup> խանութի խզմէթքեարը:

Խայմախը <sup>12)</sup> առնելու ատեն, «աս ի՛նչ տեսօք խայմախ է, որիմէ՛ն կառնուք», ասի:

— Մինք կով ունինք, ես ինքս կըտնիմ, ասաց Վառուշը:

— Ի, ասի, հէչ ատպէս բան կը լայ. հէմ տուն-տեղ կառավարիլ, հէմ մանտր տղաք մեծցնել, հէմ ալ կո՞վ նայել....

— Մէքամ կովին Համար 5—6 մանէթ չիտայի, աճըւմաօք խազախ պանւոր նեւ չի մտցնէի պարէմ, ասաց ինտմնուալէն Վառուշը. իրիկուն-սապախտան ես ինքս

1) Միջին չափով. 2) հասակ. 3) միայն. 4) կյառաջանայ. 5) վաղուց. 6) ամօթ. 7) համեստութիւն. 8) յայտնի. 9) անդադար. 10) ակներև. 11) մեզ արդէն յայտնի. 12) կաթնափրփուր.

կըկըթիմ, ասաց ու կարմրեցաւ, սանքի <sup>1)</sup> կամրննար իրեն աշխատանքէն. անխէ՛ <sup>2)</sup> վրան նայելով՝ սիրտիս ուրախութենէն չետէի ի՛նչ անիմ....

— Ատ ամենը շատ աղէկ ամա, ասի, աչքըս տառցնելով ռոյեալին վրան, կով կըթել ու ռոյեալ չալել՝ <sup>3)</sup> մէկ մէկու աննմանակ բաներ ին, կիտիս քի մեր ժամանակուայ կիներմարդոյ հարձ բան չէ....

— Չէ տա ինչ, ասաց Վառուշը ամրննալէն ու նախշուն աչքերը վար անեղէն, անալ ի՛նչ է որ. մէկ պայի կէր-թամ կըկըթիմ, կը խալսիմ խասէվէթէս <sup>4)</sup>....

— Կովը կով է, ասի, հապա կերակուր էվե՞լը, սյեախ-չանախը <sup>5)</sup>....

— Անալ շատ տիժար բա՛ն է ինչ....

— Հապա տղաք նայելը....

— Թէք <sup>6)</sup> Սավաճ մարդուս առողջութիւն տայ, չէնէ ատ ամենը շատ թեթեւ բաներ ին:

Օսկի կիներմարդ իս, ասի միտքիս մէջէն. Սավաճ տայ որ մինչև վերջը էրիկդ քու խաթրըդ <sup>7)</sup> ճանչնայ:

— Հաքա Վառուշ, ասաց Վլատիմիւ Բառիւիլը, զահ-մէթ ալ լանը՝ չալիս նը աղլի հավան որ Մոսկովէն նոր պերին նը....

Առանց նազեր ծախելու, Վառուշը էլլաւ տեղէն, պայից ռոյեալը, նստաւ առջևը ու պաշայից <sup>8)</sup> Մէնտէյսօնի քափ-ռիչիսն.... Խորդ է, չալաճը Ռուպինշթէյնին չէր լմաներ և ոչ Քօնթաքիյին, ամա մեր քաղաքի համար ու մեր հայ կիներմարդուն համար, որ հէմ պանուր չունի, հէմ իրեք տղայ կնայէ, հէմ կով կ'կթէ՛ հրաշքէն աւելի էր, վէրէ մեր տեղի սորվեցնող մատամներէն շատ վեր էր — հէ-պէթ <sup>9)</sup>, ատոր ալ հասկընալը պէտք է:

1) Իբր թէ. 2) բայց եթէ ճշմարիտը կողքէ իմանալ. 3) նուապել, ածել. 4) հոգս. 5) ամանիլը լուսնալը. 6) միայն թէ. 7) գին, արժէք. 8) սկսեց. 9) ի հարկէ.

Վառուշին վրան նայելով՝ միտքէս խառ բանը անցաւ.  
«մեր աղէկ կինիմարդուն հէջ մէկ աղգի կինիմարդ չի հաս-  
նիլ. հայ կինիմարդը ուրիշ ամեն կինիմարդներէն վեր է.  
ամա զաթօ գէշն ալ՝ Աստուած հեռի անէ...»

Գրշերվայ ուշ ատեն մէկ ֆունթ չայը խօլթուխիս <sup>1)</sup>  
տակը դրած՝ տուն տառցայ մխիթարուած: Իսա տարիքս  
էկած դահա ատպէս պախգաւոր օղլուշախ տեսած չէի:

Անալ ասինք՝ ինչո՞ւ պախգաւոր պիտի չիլային որ  
դաքա. Ասվածդ կսիրիս՝ էրիկը կէնձ՝ ու աշխատաւոր.  
ինիկը հէմ կէնձ, հէմ ճանտան <sup>2)</sup>, հէմ խօլօք, հէմ  
տեսօք....

Էրկու խօսք ասիմ մեր հայ կինիմարդուն տեսին  
վրայ: Աշխարքիս էրեսը ես էրկու չէշտ <sup>3)</sup> կնկայ տեսք  
կրճաննամ. մէկը ան է, որ իրեն էրկանը պախգաւոր  
կանէ, մէկալն ալ ան է, որ աշխարքին կզարմացնէ: Աս  
էրկուսում տեսին վրայ ես բան չիմ ասիլ, մէմը որ՝  
տեղս ու ժամանակս մէտօմը <sup>4)</sup> եօռըխարզ <sup>5)</sup> է, մէմալ  
որ, փառք Ասծու, հայ կինիմարդը շատ խըթ ատ սոյ  
տեսքը կունենայ. ատենով-ժամանակով, պատմութիւնը  
կասէ, մեր Փառանձիմ թագուհին ատ սոյ տեսք ունեցիլ  
է, որն, էրկու էրկայ կօլօխ ուտելէն ետքը, իրեն կօլօխն  
ալ կերիլ է. ուրեմն մէկգի թողունք ատ: Առջի տեսքը, որ  
ասի էրիկ պախգաւորցնող՝ ասպէս կըլայ: Էնկսիթթէ <sup>6)</sup>  
կինիմարդը ես աղջիկը պիտ լայ առողջ, սաղլամ <sup>7)</sup>.  
Թուշերը ճակատէն թեկարան <sup>8)</sup> վար, մինչի կզակը՝ ալ  
վարդի պէս. էրեսին կունը պէթէր ճերմակէն թէկարան  
թուխ, ես՝ պէթէր էսմէրէն <sup>9)</sup> թէկարան ճերմակ. աչքերը  
յոլուն ու նաշխուն, ամա տէնքսրզ-տէնքսրզ <sup>10)</sup> նայող

1) Անութ. 2) առդդ. 3) տեսակ. 4) մի փոքր. 5) անյարմար. 6) ամենից առաջ.  
7) ողջանդամ. 8) մի փոքր. 9) թխագոյն օրոնետ. 10) լըր, լիտի.



պիտի չի լայ. էրեսին տիպարքին վրայ տրտմութիւն պէտք չէ. ամա՛ խէնդ-խէնդ խունտումն ալ հօռիսարդ բան է. պոյը սըռքնի <sup>1)</sup> պէս պացըռը չի վայլել, չնիրած բանըս է, պոյին օրթախարէրը <sup>2)</sup> էնկ գովածն է. կինիմարդը էրկան ու պարակ վեղ ունեցաւ՝ թուռնայի <sup>3)</sup> կլմանի. պէթէր կարճ վեղը, փորը մտածի պէս՝ անալ հօռիսարդ է, ասիլ է՝ վեղն ալ օրթախարէր պիտ լայ: Խօսքըս ի՞նչ էրկընցնում—ամեն բանի մէջ օրթախարէրը էնկ աղէկն ու գովականն է. ատպէս ին-շտէ <sup>4)</sup> Հաշուէ մեր ամեն Հայ կինիմարդիկը, ատպէս ալ էր մեր չի կրտաւած, անթիքա Վառուշը:

Մէկ օր մէքամ կէնճ տղայ, ցուցնելով ժողոտանքի մէջ աղջիկներուն, կըՀարցունէ մէկ ծերի՝ «ո՞րն է տալամէն տեսօքը»: Ծերն ալ կրտաւնայ ու կասէ՝ «որին սիրտդ սիրից՝ նա է տեսօքը»: Ես ալ իմ սէմթէս <sup>5)</sup> կաւեղումնում՝ «մէմը նայէ չորս քովքդ, չի սիրելը ինսաններ <sup>6)</sup> ին Հայ աղջիկները, ամենը իրեն Համար մէկ չէշիտ անթիքա չիշակ է—նոր ալ վարդ, որը ճերմակ դամպախ <sup>7)</sup>, որն ալ Հոտը աշխարք վրոռղ մէնէմշէ» <sup>8)</sup>: Ասված վեկայ՝ խեւ է Հայ տղան, որ իրեն ուրախութիւնը ու բաղդը կը փնտռէ մեր քաղաքէն դուս տեղերը:

Խօլօք Հայ տղին ծեռքը ամեն մէկ Հայ աղջիկ մէմէկ Վառուշ կըւար:

Արաւընը իրեք տարի անցաւ. ատ իրեք տարին ալ վրայ-վրայ առուտուրական մարդիկ քոխղիս կասին, քոխղիս կըւսին. պէտք էղած ատենը թաթաւ <sup>9)</sup> չի դալ, չըլը արօտ չի կայ, ծովէն ծով չի պոնուիլ, առուտուր չի կայ. թօփ-թօփ <sup>10)</sup> պարին, ամպարները իլինք ցօրները

1) Զօղ. 2) չափաւոր. 3) կռուակ. 4) ահա. 5) կողմ. 6) արարած. 7) շուշան. 8) մանիշակ. 9) անձրև. 10) պրակ.

ու հունար, քէսէք-քէսէք <sup>1)</sup> օջիտարները կրնող չի կայ. առուտուրը դադուիլ է. ամենուն էրեսը տրտմութիւն ու տխրութիւն է: Քաղաքիս ուրնչպէր <sup>2)</sup> զործ չունի, նարա օղլուշախը աղքատութեան մէջ կըմաշվի. քոէտիթ չի կայ. պարտք ունեցողը չի կրնալ տալու. պանքերը իրենց ուշօթը թանկըցուցիլ ին, մարդու կաշին միտով կըհանին— փոօստը չիտիս ինչ անիս:

Ասպէս օրերուն մէկ օրը, կիւզին <sup>3)</sup> մէջ, մէկ թիթիւ <sup>4)</sup> հաւայի, իրիկվայ սէմթ Ալատիմիու Քառփիչը կայնած էր խանութի տուռին քովը ու սիտին նեղըութենէն ձմերուկի կուտ կուտէր (նա թիթինի ալըշմիշ <sup>5)</sup> էղած չէր՝ աւելորդ խարձ՝ կանիմ-տէյին <sup>6)</sup>... Անօր սաղ օրը ճէմը <sup>7)</sup> 75 քապիկի պարի ծախիլ էր, անալ՝ վէրէսիա <sup>8)</sup>, ու միտք կանէր. «Խսա ի՞նչ է իսա մեր հալը, կասէր ինքը իրեն, մէկ տարի տահա ասպէս էրթանը՝ փոօսթը խանութներըս պիտի փակինք, ուրիշ սըրա չի կայ. սէրմիաներս <sup>9)</sup> հայ-հայ կէսմակէս էղաւ, տահա իտա քուիզիս է, ինչ-հօրս ցաւն է՝ մեր եախայէն վաղ չի դալ: Օղլուշախիս էրեսը նայելու կամընչնամ, — հաղիրէն ուտելը մեզի պէս մանտու քափիթալով մարդուն ծեռք կուտայ....

Ասպէս միտքի պաթած էր մեր Ալատիմիու Քառփիչը, եբոր նարան մօտկըցաւ նարա պօյտաշ <sup>10)</sup> բարեկամներէն մէկը՝ Խաչուկ Պէնկիլիօվը ու ասաց՝ «Հանձէ՛ ինչ քիթըդ կախած կեցիլ իս. ես քեզի ասած չիմ— կուզիս կօլօխըդ պատին զա՛րկ ու պատուէ՛, աշխարքիս ստեղծածէն վէրի կէնէ մէկ, վրան տահա մէկ՝ էրկու կանէ. ասպէս էղիլ է, ասպէս ալ պիտ լայ. մեր միտք անելէն ու մաշվելէն բան չի գոյանալ....

— Ա՛խպար՝ ի՞նչպէս միտք չանիս. ծախսը ալայ-մու-

1) Հօտ. 2) Հքաւոր. 3) աշուն. 4) պղտոր. 5) ընտելացած. 6) ասեւով. 7) ընդ ամենը. 8) քս ծօռն. 9) մայր-դումար. 10) հասակակից.

լայ <sup>1)</sup> դադուիլ է. կըհաւատան՝ ասօր փիթուն <sup>2)</sup> օրը (խնտալու բան է) ճէմը 75 քապիկի պան ծախիլ ինք, անալ՝ վէրէսիա, մէքամ փէռատ միշտէրիի....

— Իմ ասածս ալ ի՞նչ է որ, ես ալ-շտէ ատ կասիմ-տա, միտք անելէն պան կըգոյանայ-հէչ. քաղաքիս մէջը մենակ տուն չիս-խօմ, ալայրս ալ ատոր կանկատողն ինք. ասպէս փէռատ տարիները ատէթը <sup>3)</sup> համբերութիւն պիտ ունենաս, էրիմարդ պիտ լաս, սիրտդ ամուր պիտի պայիս, մաշվելու չես....

— Փամիլը՝ ի՞նչպէս չի մաշվիս, երբ առանց անոր ալ պզտիկ սէրմիաները հայ-հայ կէսը դադուինը....

— Պօշ պաներ է ասածդ, խե մի՛ լալ... հայտէ արի տանիմ քեզի քլուպ՝ քիչ մը էկէմիշ <sup>4)</sup> կըլաս....

— Քլուպ, խտա ի՞նչ է ասածդ. մեզի պէս ծովթոտ, խաթոանոտ <sup>5)</sup> տռակիլին <sup>6)</sup> քլուպ էրթալը կը վայլի. տիրացիներըս իմանան նը՝ վրաս կը խնտան. չէ՛, խաչուկ, ան մեր հարձ <sup>7)</sup> պարի չէ:

— Умо нустое толкыеаш! խտա ալայ քլուպ մոնող-էլլոնները քեզիմէն վեր մարդիկ ին-ինչ. сѡлаш оѡолжене! մէջերը ամպէս փէռատները կան, որ noe почмене! Թէք վրայիդ հագածը թախըմ <sup>8)</sup> ըլայ:

— Ատպէս կասիս ամա (վրան կօլօխը կընայէ) աս հալօք ի՞նչպէս էրթամ, ալայ-մալայ ճամալ <sup>9)</sup> իմ-ու....

— Пустяку! մէկ պայի <sup>10)</sup> տուն մտի՛ր, շուտ մը-թէզ հագվէ՛ արի. ես քեզի հոս պէքլէմիշ <sup>11)</sup> կանիմ:

— Քլուպ էրթանք ամա, ասայ Վլատիմիո Քառփիչը, արդիս խօսքի պառկած, ես հոն ի՞նչ պիտի անիմ. հոնի մարդոց հետ աշխատութիւն <sup>12)</sup> չունիմ. Թուղթ խաղալ

1) Բողբոզիւն. 2) բոլոր, ամբողջ. 3) սովորաբար. 4) զբօսանել. 5) կպրոտ. 6) մշակ, բեռնակիր. 7) վայելուչ. 8) կազմ, սիրուն. 9) դիմակաւոր, դէյնօ. 10) մի վայրկեան. 11) սպասել. 12) ծանօթութիւն.



փաշթի չիտիմ... Հաճէ՛ երթալըս մէկէնիմէկ պէ՞օ <sup>1)</sup> չի՞  
անիլ. սա մէկ... Ետքէն՝ տարվիմ՝ նը.....

— Престави! չարէքէն խաղա՛-տա, քեզի վո՞վ զօռ պիտի  
անէ թանկնոցը խաղալու: Ան ալ ասինք՝ հէջ ալ թուղթը  
թօ չի զուրուցէ, ի՞նչ վախ ունիս. փամիլըյ, աշխատաւոր  
մարդուն համար 2—3 քապիկը ի՛նչ հօրս-ցաւն է, որ  
նա չիկրնայ իրեն քէֆին համար թապլելու... ասօր աշխա-  
տէ՛ չափալ-չափալ <sup>2)</sup> արի՛, վաղը տանջըվէ՛, մէկպլում  
օրը քուղիսի տիմացիւր, փամիլըյ, ատ կեանք չէ, կատա-  
րեալ գրծոկք է-ու... Տէ՛ թէյ <sup>3)</sup> կրնա՛ հաղվէ՛ արի...  
Հէջօլմասա <sup>4)</sup> մէտօմը սիրտդ կըպացվի, խասէվէթը  
կօլօխէտ տաղըմիշ <sup>5)</sup> կըլայ, неждоу нежданно, խաա ա-  
ռուտուրն ալ սըրայի կիյնի:

Աս խօլք, օրինաւոր խօսքերուն դէմ Վլատիմիռ Քառ-  
փիչը խօսք չի կըտաւ, անկաճը կախից:

— Էյ ատպէս է նը՝ երթամ հաղվիմ ու շինար <sup>6)</sup>  
կը տառնամ. տուն փաքուտը հոս կեցիր:

Ասաց ու դնաց դէպի տուն: Եբոր նես մտաւ նը՝ «Հաքա  
Վառո՛ւշ, ասաց, կիտի՞ս ինչ, աս իրիկուն միտք ունիմ՝  
քլուպ երթալու, ի՞նչ կասիս. մեր Խաչուկը զօռ կանէ,  
երթանք, կասէ, սիրտդ կպացվի, կասէ:

— Հապա-ինչ, խիստ աղէկ կանիս, ասաց Վառուշը,  
հալիը կերթա ու՛ տո՛նն ինչու երթալու չիս-որ, որիմէ՞ն  
պակաս իս, հէպէթ կրնա՛: Անխատար որ՝ թուղթի  
նստիս նը՝ իսա խրատըս միտքդ պայէ—եա՛ շատ մի՛ տար-  
վել, եա՛ հէջ մի՛ տարիլ, չուղիմ. կիտիս քի թուղթէն  
առաճ ստալը հարամ վաստըկածի պէս բան է....

— Հա՛ հա՛ հա՛ հա՛, խնդաց Վլատիմիռ Քառփիչը,  
մինք տարեկն վաղ էկանք <sup>7)</sup>, թէք մեզի չի թռթկէին <sup>8)</sup>:

1) Անյարմար թուել. 2) ճգնել. 3) շուտ. 4) գոնէ. 5) ցրուել. 6) պիտի. 7) դա-  
դարել, ձեռ. վեր առնել. 8) տարել, բմբւել:

Հազվեցաւ ու կնաց խանութ. խանութէն ալ Խաչու-  
կին հետ մէկտեղ դէպի քլուպ կնաց:

Նես որ մտաւ շատ ճանչնոր մարդիկ տիմացը էլան,  
«0-», բարեւ էկար, Վլատիմիր Քառփիչ, տախն, տս ճր  
քամին փշից քեզի մեր սէմթերը. սաղ քաղաքիս մէջ մենակ  
տուն մնացիլ էիր օրինաւոր Հին-Հաւատի Հայ. տուն ալ  
որ մեր մէջը խառնըվեցար՝ արդքի կորաւ մեր քաղա-  
քին բարի նամը», տախն խնտայէն. հէպէթ ասածներուն  
թէսը <sup>1)</sup> պիտի հասկընային:

— Չէ՛, շախան <sup>2)</sup> անդին, ասաց մեր քլուպիսթներէն  
մէկը, իտա թուղթ խաղալ կասին նը՝ շմտ պէթէր գէշ  
պան կիտիք.... Ննտիւպայ ատենս ուտե՛խ, որի՞ն տունը,  
ճր մինիսթոր, ճր սէնաթըրը թուղթ չի խաղալ-որ....  
Պօշ բաներ է... Պերանները-թուքածներս մէկքանի սուտ  
խօլքներ, սուտ-քարոզիչներ մէյտան էլլիլ ին՝ իմիշ <sup>3)</sup>  
թուղթ խաղալը անշահ բան է, իմիշ ճէպի զարար է....  
Վո՞վ տացա մեր կուլիտն նաչայլիք տըրիլ է.... ստակըս  
իմըս չէ՞, ժամանակս իմըս չէ՞, հրամանըս իմըս չէ՞. կուզիմ-  
շտէ խաղալու, նայիմ անելիքդ ինչ է.... Պօշ պան է,  
պօշ պան է, Վլատիմիր Քառփիչ. ամիսը 2—3 մանէթ  
հէջ հեսապ չէ շէնքով առուտուրական մարդուն համար:  
Հէջօլմաստ, հոս նայէ, խօծատէնէկ <sup>4)</sup> քեզի համար  
շէնքով մարդոց հետ կրնասիս թէմիզ սօսուն օտայի մէջ,  
4—5 սահաթ քէֆով սէֆայով ժամանակ կանցնուս.  
մարդավարի լաքէյները տիմացդ խզմէթքեարուծիւն կա-  
նին. *но давай чай с лимоном!* կասիս, — իմճով չայը  
թէմիզ, թախըմ կըպերէ տիմացդ կըտնէ. — *зельеерской*  
*водой, подай!* կասիս, — անսլ կպերէ. ուշկէկ ատեն, փորըտ  
քաղցըճցաւ իսէ՛. քառթը կառնուս, մատով կըցուցնուս.  
մէմսլ նայիս պալապան պէքշթէսը, պուվերը <sup>5)</sup> վըայէն

1) Հակառակ, ներհակ. 2) կատակ. 3) ասելով. 4) աղավարի. 5) գոլորշիք.

պիւրիւմ-պիւրիւմ էլելէն՝ կպերէ պղտիկ սթօլով քովդ կանէ,—մէկ ծեռքով թուղթ խաղա՛, մէկ ծեռքով ալ կեր. փամիլ՝ը՛, փամիլ՝ը՛ կեանք է որ կայ, և uestno u dlastorodno! Հաճէ, Վլատիմիր Քառփիչ, քեզի բան կասիմ՝ խօլօք էղի՛ր, ժամանակիս փալիթիքը հասկըցիր,—խանութի մէջ փակվելս, պօղօճ կռնելս որն է. ատպէս-ատպէսով փիթուն կեանքդ պաղարի փռստուխ <sup>1)</sup> կռծողտ թառիօվեցը կմնաս: Մարդոց մէջ մտի՛ր, մարդ ճանչցի՛ր, հալիւին հետ աշնաութին արա՛, ինքդ քեզի մարդոց ճանչըցու՛ր, որ մէկ օր աղէկ պրւչը՛ թաւը ձգիս <sup>2)</sup>....

Երկուսում քլուպիթն ալ, առջինին խօսքը կռնէին, ասաց՝ «Հաճէ Վարդերես, քառթը որ կայ՝ սալթը <sup>3)</sup> էկէնձէ <sup>4)</sup> չի կիտնաս, անոր մէջը շատ բան կրմեկնի. քառթին սէպէպով <sup>5)</sup> աղէկ-աղէկ մարդոցը հետ կընստիսկէլիս, վրադ շէնք ու շնորք կուգայ, սրայի <sup>6)</sup> մարդ կըլտ, մէկ օր ալ տուճայի կլտանի, ուփռապայի չէն, պէքիմ պանքի տիռէթօռ ալ կընտուլիս... Զէ, ճանրս, քառթ ասածդ անխարէր փռաթօյ պան չէ: Քանի քանին մեր շնալպայ աղաներէն կիտիմ, որ սալթը քառթին սէպէպով չէշիտ չէշիտ պատիւի ու շահերու արժանացիլ ին»:

Աս խօսքերը տահա՛ աւելի շաշըրտմիշ <sup>7)</sup> արաւ մեր միամիտ Վլատիմիր Քառփիչին. ու նա աղէկ հասկըցաւ, որ մինչի ատ օրը իսկական կեանքը ու պահթը հասկըցած չէ էղել է. երբ որ մահկանացու մարդուս համար սա աշխարքիս մէջ քէ՛՛ ու երջանկութիւն կայ՝ ատ քլուպին մէջը ու կանանչ սթօլին առջինն է էղել է....

Մէքիլմն <sup>8)</sup> Վլատիմիր Քառփիչը, մեր բարեկամ Խաչուկը ու տահա էրկու հոգի մանտռ պաղերկեաններ նստան հեռուկէկ սթօլին առջևը ու պաշայեցին kyru. 18-ները,

1) Հաստափոր. 2) որսաւ. 3) միայն. 4) զբօսանք. 5) պատճառ. 6) օրինաւոր. 7) շփոթեցուց. 8) մի փոքր ժամանակից յետոյ.



сень безъ козырей-ները, քրաւաւաւո-ները, քո մեռացո-ները Լն, Լն, Լն, ինչպէս որ կ'իտիք-նը:

Թուղթի մէջ ես մէկ բան տէյէմիշ արիւլ խմ. Թուղթ խաղալը ամէն մարդու խելքին բանը չէ. ամպէս մարդ կայ, որ 25—30 տարի հաշվէ ամեն օր կրնաղայ, տայմա կըտարվի ու հէջ խաղալուն եօռընը <sup>1)</sup> չի կուտնուլ. ամպէս ալ մարդ կայ, որ խաղին սէքռէթը շատ շուտ կհասկընայ: Կարճ՝ Թուղթ խաղալու համար ուրիշ Թապկյէթ <sup>2)</sup> ու խելք պէտք է: Վլատիմիռ Քառփիչը տս վերջի սոյնէ էր, նա շուտ հասկըցաւ խաղին Ֆէնտը <sup>3)</sup> ու մարիֆէթը: Թուղթի նստած-չի նստած՝ էնկ սիֆթէ <sup>4)</sup> 7 безъ обухъ նստեցուց իրեն առխատաշին <sup>5)</sup> Խաչուկին. անկէ ետքը, ծեռքը իշքիւրի <sup>6)</sup> Թուղթերով безъ козырей խաղաց. մէտօմ ալ անդին մէկ ուրիշին 8 безъ обноւ Թուղուց, ետքէն ինքը 8 червей խաղաց էփպէյի <sup>7)</sup> փէռատ Թուղթերով, ամպէս որ՝ երոր Թուղթէն էլան նը, Թէպէպ չարէք կապիկէն խաղացիւ էին, կէնէ իրեք մանէթ տարից: Սահաթին ալ արդրին տասնըմէկներու կէրթար: Կարգըվէէն վերի օր էղած չէր, որ աս խարէր ուշ տուն գար, տայմա 9 սահաթին տունը կըլար: Սիրտը հուճուճ <sup>8)</sup> էր: Վաղելէն տուն գնաց: Վառուշը տուռին ծանր լըսից նը՝ ամպէս հըռըման <sup>9)</sup> տիմաց վաղից, սանքի <sup>10)</sup> Վլատիմիռ Քառփիչը չօխտան չի տեսած հեռաւոր ճամբորդ էր. ամուր փաթթըվեցաւ վեղին, էփպէյի ատէն դիրկէն ապուլ <sup>11)</sup> չի տուից ու քանի մի արտըսունք ալ կաթեցուց նարա էրեսին վըայ:

— Հաքա Վառուշ, ասաց Վլատիմիռ Քառփիչը, արմըննալու բան չէ՞ իսա, փիթուն օրը շունի պէս տանձըված, Թաթաւին տակը, քաղցած փորով, մըսած՝ անձախ

1) Յարմարութիւն. 2) բնաւորութիւն. 3) արուեստ. 4) նախ և առաջ. 5) ընկեր. 6) կասկածելի. 7) բաւականին. 8) անհանգիստ. 9) յախուռն. 10) իբր Թէ. 11) բաց Թողնել.

75 քապիկի բան ծախեցի — մէջէն 20 քապիկ Ֆայտա եւ՛ ըլայ, եւ՛ չէ, ամա տաք քլուպին մէջը ռահաթ նստած (արալըխտա <sup>1)</sup> էրկու կաւաթ լիմօնով չայ ալ խմեցի) իրեք մանէթ վասարկեցայ, հա՛ հա՛ հա՛ հա՛:

— Տեղը կենայ իտա թուղթին հարամ ստակը, ասաց Վառուշը, վրան նայելիքս չի գալ, տարվելէդ անխատար չիմ վախնալ, ինչխատար որ տարելէդ, մա՛հ փաթթըվի վրան.... անալ չէ ասոր դէշ էրաճնիր տեսիլ էի....

Մէկալում օրը Վլատիմիռ Քառփիչը, սապահթան կա-նօխ, խանութի տղին ծեռքով տուն խրկից մէքամ կէր կօռէլ <sup>2)</sup>, իրեք ֆունթ ասէթռա, փուխի պէս կակող պաղարի հաց, տասը հատ փօթիլալ <sup>3)</sup>, մէկ օխտ խունծոր, էրկու ֆունթ աքուլայի պիրինճ, մէկ ֆունթ ալ թափ-թազէ կարագ:

Սութսուղ <sup>4)</sup> մանտռ տղաքը պէթէր խունտում է-ղան, գէրէ չօխտան նացա պերանը ատպէս ազիզ բաներ մտած չէր. լսի՛ւ իք, մէկ խօսք կայ քի՛ «Հային ստակը ակռային մնացածէն թօփ կըլայ», թառան, չափախ, ճիկար, աղած միս, խմոր—աս էին նայա ամեն օրվայ զահիրան:

Ան օր նայա տրապէզին վրայ մէյտան էկան համով խաշած ասէթռա, կօռէլի ճոռրին փիլաֆ, խաշած կօռել կառչիցով....

Ան օր ամենքը անուշ-անուշ կերան ամա՛ ան օրէն ալ Վառուշին էրեսէն խունտումը խայիպ <sup>5)</sup> էղաւ ու մեմալ ետ չէկաւ:

Հայ կինիմարդու քիպիրին <sup>6)</sup> հետը տուն շախա չա-նիս. դու մոռցի՛ւ իս, որ մեր հայ կինիմարդը իրեն Աստու-

<sup>1)</sup> Այդ միջոցին. <sup>2)</sup> հնդու հաւ. <sup>3)</sup> նարինջ. <sup>4)</sup> ողորմելի. <sup>5)</sup> աներևութացաւ.  
<sup>6)</sup> ազնուութիւն.

ծուն ծնութիւնը ստեղծածն է. տուն մոռցի՞լ իս, որ հայ կինխմարդը Ասծու արարածներուն պսակն է...

Ան իրիկուն կէնէ էկաւ Խաչուկը Վլատիմիո Քառփիչին էտեհն ու քլուպ տարաւ: Սիֆթէ Վլատիմիո Քառփիչը մէկքանի ժում չէ-մէ ասաց ամա՛ խաչուկը թէզ խօսքը կտոխց. «ամթ չէ՞, ասաց, իրեք մանէթ տեսած չիս ինչ. վաղ արի, էրթանք. հալիւր թահմին կանէ քի՛ կո՛ծ տարող պղղըխձի՛ 1) տղու պէսնակ՝ առխատաշներուս թոթկիլ իս, տի՛թ-պապամ՝ փախիլ իս»:

Ասպէս խօսքերուն ի՞նչ պատասխան տար մեր Վլատիմիո Քառփիչը. լայլաճ՝ 2) հագվեցաւ, գնաց հետը: Մէկալ սէմթէ եալ՝ տունը նստելէ պէթէր պէզմիշ էղիլ՝ 3) էր օղորմելին: Մեր քլուպին մեծ, լան, պացըռ, թէմիզ օտաները, γδοδηςի medel-ները, չէշիտ-չէշիտ մարդիկ, չէշիտ-չէշիտ ու համով կերակուրներ, կուզիս՝ քալէ, վօլթա արա՛, կուզիս՝ նիստ, խաղա՛. կուզիս՝ կարդա՛—քեզի պան ասող չի կայ: Փամիլը, քսան հինկ քապիկով, ասկից ա-ժան տեղ կրկուտնո՛ւս-որ մարդավարի օր անցնելու:

Ան իրիկունն ալ Վլատիմիո Քառփիչին թուղթի նստեցուցին. ան անգամին ալ նարա ճէպը մտաւ հալիւրն ստակը, ամա էրեկվանէն շատ աւելի. զէրէ աս տապաա նա ոխսք արաւ կէս քապիկէն խաղալու ու տարից օխտը մանէթ ու կէս:

Մէկալում օրը նարա յորձուկու-հացը աւելի ազիզ ու համով էր. ատ տապապի կերակուրներն էին՝ հաւի ձուրին շէհրի ապուր, կովի լուզու անուշ ուռէլով՝ 4), պուտին, քանաթիթը. Անտուիշին փիռօթնիները, նարա պիռթային՝ 5) մաղաղիէն հաւող, փօռթիզալ ու տանձ,

1) Վիճասէր. 2) կամայ ակամայ, ճարահատեալ. 3) ձանձրացել էր. 4) ոլու. 5) աներ.



Խաչուկ-այլին խանութէն ալ չորցուցած հաւողն կ'ինի։  
Պաղարէն մնացած սարկով տղոց համար կ'ովեցան տեսօք  
պաթիւնքաներ ու մէմէկ հալաւցու։

Կնկանը սիրտը չի ցաւցունելու համար Վլատիմիռ Քառ-  
փիչը աս տապաւա եալ չուղաց տարած ստտիւր իրեն քաս-  
սային մէջը դնելու, ու, ինչպէս տեսանք, հայտա-հուշտա<sup>1</sup>  
պաներ կ'ընից, որ թուղթով առն-տեղ պայող չերևայ-  
տէին։

Իրեքում օրը պախդր աւելի յաջողեցաւ մեր Վլատի-  
միռ Քառփիչին. զէրէ աս տապաւա, առջիններուն պէս,  
սահաթը 11-ին տուն չի կնաց նա, հայա՛ շատ ուշ,  
պոչը կ'լօխէն անցուց, պոսինքն՝ մէկալում օրը.... Աս  
տապաւա նա տուն չի մտաւ, հայա՛ շիտակ խանութ  
կնաց։ Ան օրը նա փռաճէռանսէն ջոկ աղլի խաղերն ալ  
խաղալու ռիսք արաւ։ Ռիսք արաւ ամա՛ զաթօ ռիսքն  
ալ բանի լմանեցաւ. թամամ 800 մանէթ տարից։

Խանութ էկաւ նը՝ խճմտանքը պէթէր կըտանջէր նա-  
րան. «փիթուն զըշեր, միտք կանէր նա, Վատուշըս քուն  
էղած պիտ չիլայ՝ թաց աչքերը տուռին տառցուցած»։

Ատ տապէս է ամա՛ 800 ալ նամայ բան է մէքամ  
պզտի խանութի տէր կէնճ մարդու համար. ատ հաշվէ  
նարա մէկ տարվայ վաստակն է.... Շընարիս ի՞նչ անէ ատ  
ստալը, սէրմիային հե՞տը խառնէ, չէ՞նէ.....

Շատ միտք արաւ, շատ միտք արաւ ու վերջը-վերջը  
տապէս վճռից, 600 ը տանէ Ռաստով պանք տնէ. 200 ին  
ալ Վատուշին համար մատնի, տալռճան, խաս մաթեռիէ  
փլաթիցու կնէ։ Ամպէս ալ արաւ։ Տուն էկաւ նը՝ պանքի  
պիլէթը Վատուշին առջև տրից, պաշխիշներն ալ շարից  
ռօթեալին վրան։

Վատուշին էրեսը լացի, արտսունքի նշան չի կար ու

<sup>1</sup> Ային-օյին.

բերանէն կանկաւաններ չելան ամա՛ն նարա մեռելի կուն  
հրեսին վրան խոնառում ալ չերեցաւ: Պէլլի էր որ նեսի-  
թեէն կըտանջուէր:

Աս բանը մեր բաղդաւոր Վլատիմիր Քառփիչի Ֆառ-  
ղին <sup>1)</sup> չի գնաց, զէրէ նարա կօլօխը իլինք էր մօնօնե-  
րով, ռաղաներով, չէրէն-չէրէն աստիկնացիաներով, որն  
խաղի սթօլին վրայ ապքովէն անքով կըքալին:

Ան օր նա մէմալ խանութ չի կնաց. խըզմէթքեարը որ  
իրիկվան ատեն պալքքները բերից նը՝ «ասօր, ասաց, ծախ-  
սերս աղէկ էր, դէշ չէր, քառսուն մանէթի պարի ծախվե-  
ցաւ», ու ստակը տրից Վլատիմիր Քառփիչին տիմացը:  
Վլատիմիր Քառփիչը քիթին տակէն խնաաց պարիին տուած  
քեարին վրան: «Զօռխախին քովը կեցողին թաթաւին  
ջուրը մեծ եարարմ չէ՛»:

Ասպէս սըտուղի <sup>2)</sup> ամիս ու կէս անցաւ: Ատ արալըխը  
Վլատիմիր Քառփիչը, խորդ է, խոշոր դաւեր չի ձգից, ամա  
պաղարին ու բախալ խանութին խարձը պօլ-պօլ կըհա-  
նէր: Ատկէ ճոկ՝ մէքամ շէնքով խազախ <sup>3)</sup> պանւոր  
պոնից, որ նարա կերակուրը կանէր, կովը կըկթէր ու  
տունները կալէր. էրկու շաբաթը մէմը փռաչքա կուգար,  
լուացք ու իւթիւ կանէր <sup>4)</sup>: Արդըն նա սէռթուքին  
տակէն հայի կապա չէր հադնիլ, հապա՝ ժէլէթ, անոր  
տակէն ալ՝ փուքի <sup>5)</sup> պէս ճերմակ ու աիդ իւթիւ  
արած բարակ քթանէ շապիկ: Փիճաք, ժէլէթ, պրիւք՝  
ալայը թախում էր, Ռաստով կարած: Սսկի սահաթը  
ժէլէթին ճէպը, վրան ալ *новомодный* ցէփօքա որ  
էրկու ճէպը կըլանը. անոր վրան ալ՝ փէչաթ, մետալիօն,  
ցիկառ կառկուռ մաշինքա, աշխարքիս սէմթերը ցուցնող

1) Նկատել. 2) շարունակ. 3) ռուս. 4) յղկել. 5) ձիւն.

քամիաս, մանտո պաներ նայելու համար միքուսքօփ, լեն լեն լեն,—մէկ թօփ ճնկլթավուխներ: Սաղ ծեռքին մատին վրայ մէքամ խաս <sup>1)</sup> փիրուզէ, քովը մանտո էլմասներ շարած մասնի, որ թուղթ պաժնած ատեն պէթէր տեսք կուտայ մարդուս ու շատ ալ կրվայլի.....

Մէկ օր, Աստուծով, ծեռքս քեօռլէմէնտէն <sup>2)</sup> ստակ իյնի նը՝ միւճէրէթ <sup>3)</sup> իտա պաները պիտի կրնիմ ու պիտի թախմիշ <sup>4)</sup> անիմ վրաս, զէրէ՝ չի ճանչըցողին հէմ աղա կերւամ, հէմ ալ զէնկին. քլուպի լաքէյներն ալ վրաս պատիւով կընային: Իտապէս իլվանները <sup>5)</sup> իմ պէթէր սիրած պանս է:

Մէկ օր, ցորեկվայ ատեն, Խաչուկը էկաւ, քովի տարաւ Վլատիմիո Քառփիչին ու էփպէյի ատեն, էրեսը կարմրւած, աչքերը Ֆրո-Ֆրո ցոլալէն մէկ բան կասէր: Սիֆթէ կիտիս քի Վլատիմիո Քառփիչը չուզէնալէն կըլսէր նարան ու խօսքը տիժար կէլէր պերանէն, ամա ետքէն կակողցաւ ու ասաց՝ «աղէկ, կէրթամ»:

— Ամպէս է-նը, ասաց Խաչուկը, տեղ չերթաս. սա-հաթը թամամ հինկին ինծի նայէ:

Ասաց ու, աշըխմիշ լալէն <sup>6)</sup> կնաց:

Ան օրը էրկուսում տապուան էղաւ, որ Վլատիմիո Քառփիչը տունը չի պառկեցաւ, ու մէկալում օր, յորձու-կու ատեններ Ռաստովէն փառա լծած տռօշքայով հա էկաւ: Վրան-կլօխը թօզոտ էր, մաղերը պոճնկված <sup>7)</sup>, շապիկը ճմռթկած <sup>8)</sup>, կարմիր կինիի ու հողի լէքէներով աճրուած <sup>9)</sup>, ինքն ալ էփպէյի քէֆլի <sup>10)</sup> էր. բերանէն էլլած կինիի ու ցիկառի թուլթու հոտովը մինուլթվայ

1) Ընտիր. 2) անակընկալ կերպով. 3) անպատճառ. 4) յարմարացնել, զարդա-  
րել. 5) պերճուլթիւն. 6) շտապով. 7) խճճուած. 8) ճիւրտուած. 9) կեղտոտած,  
10) գլխովացած.



մէջ սաղ տունը իլինքցաւ. աչքերը արուն կոխած ու քնհատ,  
էրեսը մեռելի կուն:

— Հաքա Վառուշ, ասաց ամուր ու խռած ծանով,  
ուսմուսիդ թօ չի լայ <sup>1)</sup>, առանց հացի չինք մնալ, մի՛  
վախնալ, հալսէն վար չինք լալ. քեզի համար ամպէս  
մէքամ թանկնոց փլաթի կարել տամ, որ մեր քլուպ-պալը  
ատպէս անթիքա պան տեսած չի լայ... Հաքա Վառուշ՝  
թո՛ւք ամենուն վրան, հէ՛չ մի վախնալ, ես հոս իմ:  
Ծոցէն հանից մէքամ հաստ փաչքա, «առ խա վից հա-  
զարը», ասաց....

Պատասխան տալու տեղ օղորմելի կինիմարդը փլաթօ-  
քով երեսը փակից, գնաց մէկալ օտան, պերկեքսիվար ին-  
կաւ պարձին վրան, օղիկ օղիկ լացից ու հաքէն պաշա-  
յից պէթէր հազալու. եբոր կլօսը պարձէն վերուց նը՝  
ճերմակ բարձերիսին վրան արունի կաթիլքը սիւրմիշ <sup>2)</sup>  
էլիլ էր ու ալ ներկիլ էր քթանը:

«Վայ մարիկ, մահըս մօտիկցիլ է», կանչեց ու սիրտը  
անցաւ ու ամպէս մնաց:

Ատ արալիւր Վլատիմիռ Քառփիլը արդրիս խօռու  
խօռու քուն կըլար:

Քանի մը օրէն խանութը 8000-ի ծախից, վրան ալ  
աղի 6000-ը տըրից ու պաշայից ռահաթ սցէն ապրելու  
ու պահը-մէմը Ռաստով էրթալու: Ռաստովի ռուսերը,  
տուն վո՛վ իս հարցունէին նը՝ *Насущеванский кынеус* իմ,  
կասէր. Նախջուանի հայերը հարցունէին նը՝ Ռաստով  
մաքէդուլթիւն կանիմ, կասէր: Մենակ ես միամիտ-միամիտ  
կըհաւատայի նարա ասածին. մէկալները խիստ տեղով  
կիտէին բանին էղէնը, ամա սուտ չիտիմ կըլային:

Սապահթանները, սահաթը 11 զարկած-չիզարկած,

<sup>1)</sup> Մի՛ վախիլ մի՛ վհատիլ. <sup>2)</sup> տարածուել էր.

զըխի <sup>1)</sup>, լերդը պատռած Ռաստով կը վազէր: «Ո՞ւտնիս  
ատպէս աճէլէ կերթաս», կը հարցունէին նը, «Ախպար,  
կասէր, մինք գործի տէր մարդիկ ինք. մեզի մինութ կոր-  
ցնել կը լայ որ, մազերէս շատ գործեր ունինք. հանա  
նայէ՛ էնկ սիֆթէ պանք պիտ մուտնուամ, ետքը՝ Վալեա-  
նին քանթօռը, ետքը՝ Մալոքօռտաթօին, անկէ ետքը՝  
Աքառամանկային, էնկ վերջն ալ պիտի մուտնուամ «Աֆինի»  
թռաքթիւրը—ինչ-ասիս առուտուրական մարդոց հետ  
պիտի տեսնուիմ. մեզի առանց գործի քալել չի լալ, մեզի  
պէս մարդուն պօշ-պօշ քաշ-գալը, ային-օյին լաֆեր անելը  
ծեռք չի տալ»:

Ես միամիտ տեղովս էփպէյի տտն հաւատացիլ էի,  
որ Վլատիմիռ Քառփիչը ու նարա պէս շատերը, որ ինա  
ցորեկները, սահաթը ասպէս 10-ին 11-ին լերդերը պատ-  
ռած Ռաստով կէրթան նը՝ մեծ մեծ գործեր կը տես-  
նուն. անիսէ ալայը սուտ է եղել է:

Մէկ օր, ես ինքս Ռաստով գործ ունենալով ու, խորդ  
ասում, 30—40 քապիկս պիտի շնելով, խնդրեցի Վլա-  
տիմիռ Քառփիչին, որ Ռաստով էրթալու լանը՝ ինծի ալ  
հետը առնէ: Մէկալում օրը, խորդ որ, թամամ սահաթը  
10-ին էտէս էկաւ նա, նստանք արապա, կնացինք: Սա-  
տին հասանք նը՝ «ես աստեղ կինջնիմ» ասի, ինջայ ա-  
րապայէն:

— Ես ալ, ասաց Վլատիմիռ Քառփիչը, գործերս լում-  
նցնում նը, սահաթ-սահաթ ու կէսէն «Աֆինին» կէր-  
թամ. տուն ալ հոն արի՛. կնատինք, Նախջուան կէրթանք:  
Ամա նայէ՛, չի մոռնաս, սահաթ ու կէսէն առաջ ես  
«Աֆինի» չիմ լալ, զէրէ էրիւ իրեք պանքեր պիտի մուտ-  
նուամ, անկէ ետքը Վալեանին հետը պիտի տեսնուիմ,  
Աքառամանկային քանթօռն ալ պիտի հանդիպիմ՝ հար-

<sup>1)</sup> Սրընթաց.

կաւոր գործ կայ, Մավուքթուտաթոյին ալ հառնովքայի <sup>1)</sup> ապուաղչեք պիտի ցուցնում, տահա մէկքանի տեղեր ալ պիտի մոտնում-էլլիմ, զէրէ մինք «գործի-տէր մարդ ինք, մեզի պօշ լաֆերով <sup>2)</sup> նստել մնալ չի լալ»: Ես նարա ալայ ասածները հալած եղի տեղ ընդունեցի:

Չունքի ճէմը մէկհատիկ աժանկէկ կալուսթուք պիտի կրնէի Եաքով Իվանիչէն, համան մտայ նարա խանութը, առի աղլի կալուսթուքը, փաթթեցի, տրի ճէպս ու ինջայ Քայեալովին տունին տակին աշխարհահոչակ «Աֆինի» թուաթթիւր: Ինչ տեսնիմ, մեր պարոն Վլատիմիւ Քառփիչը արդըն փովիլ էր տիվանին վրան, սթօլին առջև, հետն ալ նօմայ <sup>3)</sup> գործակատար, գործատէր, աշխատատէր, պօշ լաֆեր չի սիրող ուրիշ վլատիմիւ քառփիչներ, տիմայները չայ, ցմախի <sup>4)</sup> խատար շիշաներով ռախի ու ռիւմքաներ, մէկ ուրիշ վլատիմիւ քառփիչ ալ Ֆոէնկփաթլիճան, թուռչի խըյեար ու խաշած քառթօֆիլ կը մանտոէր՝ ազգասիրական զաքուսքայի համար, որն քաղախի, կառչեցի, փռավանցքի եղի ու զէյթինի հետ խառնած, նացա տաածէն, էնկպաշ <sup>5)</sup> խավալթին <sup>6)</sup> է ռախիին վրայէն:

Նացա կալածին ան էր, ինչ որ մեր շնտխվայ չորս աղաներուս ազգային լաֆը, այսինքն՝ բամբասանք, չարախօսութիւն, տէրտէրի ու վարդապետի միս-կոծել, չէշտ-չէշտ ազգային ռէֆօռմիւնր՝ ճէպէն առանց մէկ քապիկ հանելու, մէկին տունը զըջել, մէկալին անունը սեցնել, մէկին-մէկալին վրայ խարէ-խապէրներ փռել—էյ-շտէ, սիւպէս ազգասիրական բաներ, չախ մինչի սահաթը էրկուսը:

Ապէս, ասվածային իր օրը կանցունէր Վլատիմիւ Քառփիչը: Հացէն ետքը մէկ-էրկու սահաթ քուն կըլար.

1) Арнаука-ցորեն. 2) շառախօսութիւն. 3) շառ. 4) մատնոց. 5) ամենագլխաւոր. 6) նախաճաշ.



քունէն զարթած- չի զարթած՝ հրոշման տեղէն կելլէր, երեսը կրլուանար ու թամամ հինկին կուգար քլուպ ու մեզի կասէր՝ «Ախպար՝ փիթուն օրը գործի մէջ իս, կլօխփ փաթլամիշ <sup>1)</sup> կըլայ չէշիտ-չէշիտ խահրերէ ու տաղտաղաներէ <sup>2)</sup>» նեթլթեղի մարդս խատիր չէ <sup>3)</sup>, ատխատար տանձանքէն ետքը, մէկ-էրկու սահաթ էկէմիշ ըլալու»։ Տունը Վառուշին կասէր՝ «փամիլլայ, տուն կիտիս քի հս քլուպը պօշ ժամանակ կանցնում. հապա ի՛նչ։ Սմէնքս առուտուրական մարդիկ ինք, ռազնըյ կնեղու-ծախելու բաներու վրայ կալաճի կանինք»։ Սպէս կը միթիթարէր մեր Վլատիմիռ Քառփիչը իրեն ու իրեն տունի մարդոցը։

Նես որ կը մանէր՝ թիթիզ էրեսով աս քօշպէն ան քօշա <sup>4)</sup> կը քալէր. հա մէկ տեղ կը նստէր սուս-փուս, կօլօխը վար արած, աչքերը առանց մէկին տեսնելու ման կըբերէր, մէկին հետ լաջի չէր պոնըվել, շախա չէր անիլ. վրան նայողը թահմին կանէր քի՝ հա օրդին պէթէր հիւանդ է, հա ճէպէն հաղարներ վար ձգիլ է կորուցիլ է, հա մէկ տեղէ մէկ չար խապէր առիլ է։ Սմա, եբոր քիչմը առնէն լաքէյը կուգար ու կասէր իրեն աղլի *ножачи́ицею: vaco oxcudaiomco*-ը, մեր Վլատիմիռ Քառփիչին քէֆին քէֆ չէր հասնիլ. մարդը ալայ-մալայ կըկերպանափոխվէր. ու տե՛ն մնաց աղլի տրտմութիւնը, թութու էրեսը, միտքի պաթածը—ալայը կը փարատուէր վրայէն, ու մեր Վլատիմիռ Քառփիչը խուշէն թեթեւ կըթռչէր քառթի-օտան ու կըբազմէր իրեն տեղը... Ոչ մէկ սուլթան տահա անպէս քէֆով նստած չէ իրեն թախթին վրան, ինչպէս որ մեր Վլատիմիռ Քառփիչը քլուպի աթոռքին վրան, կանանչ սթօլին առջևը։

Խաղալու մէջ հա մէկ ուրիշ բան ալ տէյէմիշ արիլ իմ. թուղթ ասածդ մարդուս տայմա <sup>5)</sup> չի գալ, հապա՝ ա-

<sup>1)</sup> Կարաքի. <sup>2)</sup> վիշտ ու տառապանք. <sup>3)</sup> իրաւունք չունի, կարող չէ. <sup>4)</sup> խորշ. <sup>5)</sup> հանապազ.

տեն ատեն. մէմը պաշլայից դալու նը՝ սըրաւարտի <sup>1)</sup> կուդայ. դադուին ալ՝ էտե էտե ու էփպէյի ատեն հէչ չի զուրուցիլ. առ ծմեռ տարողը չի կիտնայ քի՝ էկաժ ծմեռ ալ պիտի տարէ, հէչ չէ՝ Քառթը ասպէս ատէթ ալ ունի. մէկ մանէթ կպիրէ, էրիու մանէթ կտանէ. հարուր մանէթ տարիլ կուտայ, էրիու հարուր մանէթ տարվիլ կուտայ: Տահա ուրիշ բան ալ տէյէմիշ արիլ իմ. եբոր մեծ քուշ տարեցիր իսէ՝ համան թուղթէ ալայ-մալայ վապ պիտ դաս. մէմալ ծեռքդ թուղթ առնելու չես. առ պէս-պէլլի <sup>2)</sup> նշան է, որ քու կորուստդ թուղթէն պիտ լայ, ասիլ է՝ մուխայէթ պիտ լաս: Քառթի մէջ տարելը վայնային տարին արած քեարին կլմանի, որ շատ խրթ մարդու ծեռքը կը մնայ:

Տահա մէկ ուրիշ բան տէյէմիշ արիլ իմ. թօ թուղթը պաշլայէ քեզի զուրցելու ու տունն առ ատենը ստակը թօփ արա <sup>3)</sup>. ասպէս արիր իսէ՝ փաթ-տէյին <sup>4)</sup> կը դադուի զուրցելու: Քառթը կըսիրէ, որ նարամեն առած ստակդ դուն տաս կինիի, քէֆի, փունձի, կերուխումի ու չէշիտ-չէշիտ անառակ բաներու: Մէկ խօսքով, քառթը քեզի կասէ՝ «ինձի խօսք տո՛ւր, որ ինքդ քեզի եօխ կանիս <sup>5)</sup> ան ատենը ես քեզի կը զուրուցիմ, չէնէ՝ ես քեզի խունտումի էրես չիմ ցուցնուլ»:

Աս բաները մեր աճէմի <sup>6)</sup> Վլատիմիռ Քառթիչը չե-տէր, նա կիտէր քի պահը մէմը 800-ները ու 6000-ները պիտի թափին վրան. ամա մէկքանի ժամանակէն թուղթը պաշլայից նարան թէռս զուրցելու. չէքի ատ ութը հարուրը ու վից հազարը կրնացին ծեռքէն, հապա՛ հետերը տարին և ան 6000-ը, որ նա խանուլթը ծախիլ էր ու առիլ էր:

1) Կարգաւ. 2) ակնյայտնի. 3) Ժողովել. 4) յանկարծ. 5) փճացնել, կորցնել. 6) անփորձ.

Օգորմելի Վատուշը աստ արալըսը քանի կերթար կը  
վատէր ու չրախի պէս կը հալէր, սուս-փուս, սիրտին ա-  
խերը ու աչքին արտըսունքները կուլ տալէն, որ չկայ թի,  
զաւակները տեսնին ու սիրտերը կոտովի ու ժամանակ  
աւաջ աննրաղը ըլն: Երեսին կունը չօխտան կընացիլ էր,  
մատերը առէթով պալմովիէ <sup>1)</sup> խորդածի կըմանէին,  
չրախին տաուցունէիր նը՝ մէկ կաթիլք արուն չէր էրևալ  
մէջը: Նալաները վրան լան-լան կալված էին, պահը  
մէմ կընդդունէր օգորմելին, մինութ-մինութ կը հազար  
ու ամեն հազածին արուն կըթուքնէր:

Ծըմնովայ ինա խրզղըն տօնշնորաւորներէն մէկին (չիտիմ  
հրեշտակապետ էր, չիտիմ Օվանէս-Մկրտիչէն, չիտիմ սուբ-  
Սարգիսին, տեղով միտքս չէ), եբոր *нападуну* չանաները  
ամեն սօխախնկուն <sup>2)</sup> մէջ, պահը մէմը զըվի կանէին,  
քովէդ մլթընի <sup>3)</sup> պէս կանցնէին մէջի շնորհաւորցնողնե-  
րովը, մէկ տէրտէրով ու մէկ տիրացուով մէքամ մեռելի-  
սունտուկ <sup>4)</sup> կըտանէին. Վլատիմիւ Քաուփիչն ալ չոր  
աչքերով կուէն կերթար...

Սիրտըս չի տիմացաւ. աչքս արտըսունքով իլնեքցաւ:  
Երեսս տաուցուցի ու շուտ շուտ կնացի ճամբաս:

Աստուած հոգիդ լուսաւորէ արդար հոգի, անմեղ հրե-  
շտակ, քիպիլը հայ սայեախլու, թէմիդ սիրտ, բոլոր  
աղղիս պատիւ, կնեղանի նահատակ քու սուրբ պարտքին:

Ամա ի՞նչ կասիմ. մեր աղղին մէջը պակսաւ ին-ինչ  
Վատուշները, թէք որ էրիմարդիկը տեսնել ու զին զնել  
զիտնային:

Վլատիմիւ Քաուփիչը *мучено себѣ*, ողջ առողջ է: Իրեն  
ասմունքէն, ցորեկները տայմա Ռասսով կերթայ առու-  
տուրական գործեր լըմեցնելու, իրիկուններն ալ քլուպ

<sup>1)</sup> Սեղըամմ. <sup>2)</sup> փողոց. <sup>3)</sup> զնգակ. <sup>4)</sup> դագաղ.



կուգայ էկէմիշ ըլալու, սիրտը պանալու սապահ թվան տանջանքներէն:

Ամա՛ շնորիս նարա թուղթի-առխատաշները թէվէ-քելի հեաը խաղի չին նսաիլ, սիֆթէ պիտի իմանան՝ ստակ ունի՞, չէնէ չէ: Վլատիմիւ Քառփիշն ալ չեմանաք քի իրեն պատիւը կրցածցունէ ու համան փօթմօնէն հա պումաժնիքը կըպանայ նացա աչքին, հէչ չէ: Նա սուտ-մոտէն մէկ պէտքական թուղթ փնտռօղս կըլայ պումաժնիքին մէջը ու արայրիտայ հալ կտնանչ, կապ-տուտ, կարմիր, մազի ու ծիրանի-կօտի քոէտիթքաներու փէշերը կըցուցնէ նացա: Ինչ ալ լանը: Ամա արմընալը բան, տայմա ստակ կայ քովը: Ո՞ւտեխէն կառնէ—չիտիմ:

Ս Ի Ի Լ Ի Ի Կ:



ՁԵՅԹՈՒՆՅՈՒ ԿԻՆՆ ԱՌ ՊԱՆԳՈՒԽՏ ԱՄՈՒՍԻՆՆ ԻՒՐ.

Արիւ արիգոկ կըգաւ՝ զըլիէավիւր <sup>1)</sup>,  
Զիւր ի՞ր առնց քիզ մընոնք մինէավիւր,  
Ասո՛, խստասէր <sup>2)</sup>, արցունքն էալ հէրիք,  
Վեղինք ու զըջինք լեռ, ձիւր, գրիստոնք:  
Գուհորը լալին՝ գիշերն անհանգիստ,  
Տասա <sup>3)</sup> ճըլվըլն Գեթխոն Մարգըրիա,  
Վարդոնը զիժնոկ տէօռ կոպ ըգիտէ,  
Վոյ կարգոլ կ'օսոյ դոռ ու դրացնոն:  
Գարոնն անցկացոյ՛ ձըմու է հուամնո,  
Կէարիւէօտ զաւկընը հէյլն քու ճամբէադ,  
Կըսուը՛ զըլիէավիւր մեր տոն շուք սլարծոնք,  
Առնց քիզ չուզինք արիւ լուսունկոյ:  
Թ'Ասպոծ ըրկընոցն իջնոյ ու ի գոյ,  
Աննըմոն բարըք ընծոյ խըստանոյ,  
Արքավուծընն էա ուժարը միզ տոլ,  
Էվէա չինք ուզի առնուլ ու իրթոլ:  
Արկո՛ սիրական, իկո՛ դառձեր տուն,  
Արիւ արիգոկ ձեթիէ դոն մեր տուն,  
Ուր միաբերոն ուրհնինք միշտ զԱսպոծ,  
Գիւէօվք ու գուվասոնք տոնք սրտէ բղխոծ:



1) ամուսին. 2) խիստ սիրելի. 3) հայր, հայրիկ:

(Թարգմանութիւն).

Արեւ-արեգակ, կարիճ՝ գլխաւոր,  
Մինչ երբ առանց քեզ մնանք մնաւոր,  
Ասա՛, խստասէր, արցունքն ալ հերիք,  
Վաթենք ու թրջենք լեռ, ձոր, դարաստանք:  
Գոհարը լալկան գիշերն անհանգիստ,  
Տատա ճրվելան Դշխոյն Մարգարիտ,  
Վարդանը դժնակ տու կապ չըգիտէ,  
Վայ կարգալ կըտայ դուռ ու դրացեաց:  
Գարունն անց կացաւ, ձըմեռ է հիմա,  
Կարօտ զաւակներ նային քու ճամբադ,  
Կարիճ՝ գլխաւոր, մեր տան շուք-պարծանք,  
Առանց քեզ չուզինք արեւ լուսնկայ:  
Թ'Աստուած երկինքէն իջնայ ու ի դայ,  
Աննման բարիք ընծայ խոստանայ,  
Արքայութիւնն ալ յօժարի մեզ տալ,  
Նորէն չենք ուզեր առնուլ ու երթալ:  
Արի՛, սիրական, եկուր դարձիւր տուն,  
Արեւ-արեգակ ծագէ դու մեր տուն,  
Ուր միաբերան օրհնենք միշտ զԱստուած,  
Գովք ու գովասանք տանք սրտէ բղիւսած:

Յ. ՉԱՔՐԵԱՆ:





ԽՈՍՏՈՎԱՆՔ.

Ա՛խ, տէրպա, մէջէս օրէնք վարիլ իմ,  
Կեանքիս մէջ խիստ շատ մեղքեր արիլ իմ.  
Տուսէս որ նայիս՝ հփպէյի պան իմ,  
Շէնքով մարդու հալ շատ կըլըմանիմ,  
Ամմա մէկ տարի էղայ ավէքուն,  
Շատ էքսիզներու զըջեցի ես տուն:

Ա՛խ, տէրպա, մէջէս օրէնք վարիլ իմ,  
Ատկից ալ պէթէր պաներ արիլ իմ.  
Զէնկին ու ռնչպէր տալա ունէին,  
Ինծիմէն պաշտա շահատ չունէին,  
Զէնկինին անցայ, սուտ էրգում արի  
Ու հազար մանէթ ես համին առի:

Ա՛խ, տէրպա, մէջէս օրէնք վարիլ իմ,  
Ատկից ալ պէթէր պաներ արիլ իմ.  
Պազարին-տեղը խանութ ունէի,  
Հէլալ ու հարամ ես ծախս կանէի,  
Կէս մատ պակաս էր էրկանքը կազիս,  
Պալապան խուռչին ունէր թէրագիս:

Ա՛խ, տէրպա, մէջէս օրէնք վարիլ իմ,  
Ատկից ալ պէթէր պաներ արիլ իմ.  
Ամպար ունէի, կանէի սիփքա,  
Մէկ օր անցած չէ՛, Ասվածըս վըկայ,  
Որ իննդ խախօլին ազպար մըտցնէի,  
Լաց ու արցունքով ետ չի տառցնէի:

Ախ, տէրպա, մէջէս օրէնք վարիլ իմ,  
Ատկից ալ պէթէր պանկը արիլ իմ.  
Խրղմէթքեար էի շօսպաճիի քով.  
Ան տարին խռիթի կընացի Մոսկով.  
Շօսպաճիս մեռաւ, ու ալայ պարին,  
Մարդու պան չասած իմ տունըս տարին:

Ախ, տէրպա, մէջէս օրէնք վարիլ իմ,  
Ատկից ալ պէթէր պանկը արիլ իմ.  
Տուսը ցուրտ ձրմուռ, բուք ու պօռան է.  
Ինծի պէս մարդուն աս խիտ պօշ պան է.  
Տաք քլուպին մէջը կընստիմ քառթի,  
Հարուրներ կուտամ, կըխաղամ փառթի:

Ատ ալայը հէջ: Ամմա մէկ պաս օր  
Պերանըս առի ճիփճայի օսիօռ.  
Տէրպա՝ շինտը ես պէթէր կըվախնամ—  
Ատ մեղքիս համար դուժոխք չի էրթամ:



### ԿՈՒՊԼԵՌՆԱԹՅՈՒՆ ՀԱՅՐ:

«Ա՛ղա՛ մէկ քապիկ եա մէկ կըռօշ տո՛ւր,  
Տո՛ւնիա մէջ չի կայ մէկ տիրէմ՝ ալըւր»,  
Կասէր մուրացկան աղքատը լալէն:  
— Ա՛խպար՝ ծեռքերըս յոգնեցաւ տալէն,  
Շինտը եալ քըսան մանէթ պիտի տամ,  
Կուպէռնաթօռի Հացին պիտ էրթամ:

«Ա՛ղա՛ աղքատաց մեր ընկերութեան  
Տո՛ւր իրեք մանէթ ու կըրովէ՛ անդամ»,  
Կասէր պատուաւոր մարդ, կօլօխ տալէն:  
— Շատ տըւի, ասաց մեր աղան, լալէն,  
Շինտը եալ քըսան մանէթ պիտի տամ,  
Կուպէռնաթօռի Հացին պիտ էրթամ:

«Ա՛ղա՛ ա՛ռ տոմնակ, տո՛ւր տասը մանէթ,  
Թիֆլիզէն պերել տո՛ւր Հայի կապէթ»,  
Ասպէս Սիւլիւկը կասէր խնդրելէն:  
— Ա՛խպար՝ ծեռքերըս յոգնեցաւ տալէն,  
Շինտը եալ քըսան մանէթ պիտի տամ,  
Կուպէռնաթօռի Հացին պիտ էրթամ:

«Վեց մանէթ, ասին, տո՛ւր, մէկ պարոնին,  
Ու կըրովէ՛ անդամ մեր Հայ թատրօնին»:  
Պարոնը ասաց Համարեա լալէն.  
— Ա՛խպար՝ ծեռքերըս յոգնեցաւ տալէն,  
Շինտը եալ քըսան մանէթ պիտի տամ,  
Կուպէռնաթօռի Հացին պիտ էրթամ:



Օրդին կիրք չունի, չի սովորիլ համար,  
Տէջթէր ալ չունի կրօնը համար,  
Պապային «մանէթ տուր», կասէ լալէն:  
— Շաշերն՝ ծեռքերըս յոգնեցաւ տալէն,  
Երնտը եալ քըսան մանէթ պիտի տամ,  
Կուպէռնաթօռի հացին պիտ երթամ:

Երուսաղեմէն էկաւ նըւիրակ  
Ու կասէր՝ «Մարդայ հինկ մանէթ պիտ տաք,  
Որ մեր սուրբ ժամը չի կորցնունք լալէն»:  
— Հայր սուրբ՝ ծեռքերըս յոգնեցաւ տալէն,  
Երնտը եալ քըսան մանէթ պիտի տանք,  
Կուպէռնաթօռի հացին պիտ երթանք:

«Կիտիք, աղաներ, ի՛նչ նոր խապէր կայ, —  
Մինիսթօռ, կասին, Նախջուան պիտ դայ,  
Կըվախնամ՝ իտկից մէկ խաթէ չի լար».....  
— Ատ ի՛նչ հօրս ցաւն է մեղի համար, —  
Ճէպէրէս մարդայ յիսուն կը հանինք,  
Մինիսթօռին հետն ալ աղէկ քէջ կանինք»:

Ճէմէրտ իմ, թէ սքուփ — մարդիկ չիմացան,  
Ու թապիէթէս տայմա խաբվեցան.  
Մարդու կռօշ չիմ տալ՝ տուն հազար կանչէ,  
Ամա իմ քէջիս՝ հազարն ալ պան չէ.....

Մո՛ւտ էր ասածը մեր խեղճ Սիւլիւկին —  
«Ճոկ պան է աղա, ճոկ պան է զէնկին»:



ՆՈՐ ԱՂՕԹՔ.

Աստված բարեգութ, Տէր բարեխնամ,  
Լըսէ խնդրինքըս պարէմ մէկ անգամ.  
Փախալեա և կամ մէլիչ առուտուր,  
Պաղըրկեան խանութ՝ ուրիշներուն տո՛ւր.  
Զուգիմ ես ամպար, ցորենի սիփքա,  
Ուլաֆ, հունտ, արփա, արիշ, հառնօվքա,  
Զուգիմ ես մօլքա հալիին տեղը,  
Զուգիմ ես շախթ, սալնիք, Զիպիրին եղը,  
Զուգիմ ես թուլա, քիրէմիթ խորդել,  
Քըսան Հինկ օթառ սալկանին մորթել,  
Զուգիմ տուն՝ թէփէն պանցրո Ֆասօնով,  
Խութուռ ալ չուգիմ Թէմէռնիքին քով,  
Զուգիմ ես գիրքեր, ժուռնալ ու կազէթ,  
Փէչ քօլօւիֆէռ ու վաթէռկլազէթ,—  
Աս ամէն բանը տուն ուրիշին տո՛ւր,  
Հետն ալ Ռաստօվի ծախս ու առուտուր:  
Ա՛մնա խնդրինքըս թէ լըսել կուզես,  
Իսա բաներէս ինծի չի զըկիս,  
Սիֆտէ մատիս դի՛ր փիրուզէ մատնի,  
Սահաթիս ցէփն ալ թօ լայ նոր-մօանի,  
Շապիկըս պարակ քըլթանէ կարած,  
Ֆռանցուղ փռաչքայի տիզ իւթի արած,  
Թանկնոց թռիքոյէ փիճաք, պոխը, ժէլէթ,  
Պուամաժնիքիս մէջ հարուրնոց պէլէթ,  
Ասպէս տուն ինծի թախըմ հագվեցո՛ւր,  
Ճիւնապէթներու քովը նըստեցո՛ւր,

Սաղիս ու սօլիս, մէկն ալ իմ տիմաց  
Իրեր հատ կօռէլ թօ ըլան նստած,  
Եբոր փռէֆէռանս նստինք խաղալու,  
Պահլթը չի գադոի ինծի խընտալու,  
Մօնօ ու ուղա, տասնոց ու աթլը,  
Իննոց ու ութնոց՝ հետը պաճախլը,  
Ան ալ մէկ սօյէն՝ օրի հա քուփա,  
Փռէֆէռանսի մէջ վի՛րա ինծի գայ.  
Ու եբոր կընիմ կեալինէն թալօն—  
Ըլան մաթէսի ուղան ու մօնօն:  
Կէս գըշեր ատեն, որ խաղը փոխինք,  
Աղաութի խաղեր խաղալ պաշայինք,  
Թոխնքին ընկերս չորս աթլը խաղայ,  
Ունենամ ծեռքըս չորս հատիկ ուղա:  
Ասվա՛ն իմ՝ տայմա որ ասպէս անիս,  
Նայէ՛ իմ պերնէս կանկատ կըլըսի՛ս,  
Որ ես անպահլթ իմ, որ չունիմ ըստակ,  
Հէ՛մ շատ պարտք ունիմ, հէ՛մ ալ շատ զաւակ.  
Սաղ տարին կուտիմ չորցած թառան ծուկ,  
Խօսքըս ալ հալխին մէջը չէ՛ անցուկ:





ՀԱՅԼԻ.

Այո՛ւն ու տէ՛վէն, կատուն ու մուկը,  
Կօռէ՛ր, խաղը, տիգը, մամուկը  
Ու շատ ատ սօյի չիրքին հայժաններ  
Մեր կօլօվային տըւին կանկատներ,  
Քի՛ «Ասքան տարի տեսած չինք մինք հէչ  
«Մէկ շէնքով սիւրէթ աս հայլին մէջ.....  
«Մէմ ալ գէշ սիւրէթ տարա մէջ տեսնինք,  
«Ասված հաւատա՛ կառնունք, կրկոտոխնք»:  
Պէրէքէթ վէրսին՝ քաղքիս կօլօվան  
Արդար դատմունքով մարդ էր աս տապրան,  
Մէջիւրը արաւ ասպէս դատաստան,  
«Պօշ նեղացիլ իք հայլին վըրան.  
«Ի՞նչ յանցանք ունի ատտեղ խեղճ հայլին,  
«Որ ոտքէ կօլօխ տուք իք անճոռնին.  
«Տիմացը ինչ կերպ կայնած որ կըլար,  
«Ան կերպ ալ նարա մէջը կըցուար.  
«Հայլին որ կոտոիք՝ ի՞նչ շահ կունենար,  
«Թահճին կանիք քի պիտի տեսօքնսք»....

Խեղճ՝ Սիւլիւկ՝ տուն իս մեր հալիի հայլին,  
Պօշ պօշ մեղդըրանք վըրադ կըվայլե՞ն:  
Հալիւր կիտէ քի՛ նահատակները  
Կային սալթը հին ժամանակները,  
Անխէ՛ անմեղ արունի հոտին  
Մեր օրվայ մարդիկն ալ խիստ կարօտ ին:

ՍԻԼԻԿ:

ՎԱՆՆՅՈՒ ՊԱՌԱՒ ՍԱՌԱՅԻ ԽՐԱՏ ԱՌ. ԿՈՒՏՐԱԹ ԽԱԹՈՒՆ.

Աղջիկ մամա գեկ <sup>1)</sup> Իրիշկե,

Տէ ինչ կասիմ քե լի:

Էկէք նստէք իմ չորս պիւլօր շարան-շարան,  
Կուտարթ խաթուն՝ Նուպար տատան՝ աղջիկ Մարան,  
Ո՞ւր է Մարխաս՝ կտրիճ՝ Կարօն՝ եւ Ամիրխան,  
Աղամիրին, Ալմաստին էլ ասէք շոտ գան:  
Մեր խեղճ պառլի փափաքին պէս Կուտարթ խաթուն  
Ուզած մարդերն ասէց իբե ապ <sup>2)</sup> ըշտապուն,  
Զօքան իւր դէմ ինչիս զըուցեց ըմէնքն ոկուն <sup>3)</sup>,  
Էսա ցաղրի <sup>4)</sup> խրատն իտու կէօ ստեփուն <sup>5)</sup>:  
Տաշ <sup>6)</sup> քե կասիմ Կլամօյենց Կուտարթ խաթուն,  
Որ մենք խտրաց <sup>7)</sup> ինք ճոճացեր <sup>8)</sup> մեր խէրանց տուն,  
Կըտենանիս դու ինչիս խաթմամէն կօլօտ <sup>9)</sup> Նազըուն,  
Խանք չառնելով կըխրատէր չում իրիկուն:  
Ասպած պախի խօր-մօր խամար թէ էլ թոռ կայ,  
Ինոնց պէտքի պոտկուց կըթել իշտայ մկայ,  
Առատմանց ինոնց խան վեր ժամ տար խետ տայ,  
Իրիկվներ ուններսէսի պառկել մի՛ տայ:  
Ապսպրի ինոնց իսկի իշունց չի տան,  
Տո՛ւ վարժատուն թող մի՛ տայտուն ինոնք խոպան,  
Վռազցո՛ւր որ եք Հաց ուտին ըշտապ կըթան,  
Թէ անգանցան ուսթափախուկ դառնան կուգան:  
Լիւթվել <sup>10)</sup> դու տե՛ Էն կեախ լիպոզներաց <sup>11)</sup>,  
Թէ լըպ լըպ <sup>12)</sup> ինչիս տան աիւրս ծամեր աղջկներաց,

1) Ինձ. 2) անդ. 3) այնպէս. 4) վարի. 5) յետոյ. 6) նախ. 7) Ի միասին. 8) մեծացեր.  
9) կարճահասակ. 10) չարութիւն ընել. 11) աներես. անամօթ. 12) պուրակ-պուրակ.

Կարկմելով կուլան խեղճեր ձեռքեր կցած,  
 Որ մէր լսէ գայ տայ ինոնց շոտ փոխադարձ:  
 Վարամ թալած ասելով մէր փէտ կառնի ձեռ,  
 Անչանք տփի էն քարասիրտն պլուզ լաճեր,  
 Որ ուրինց ուշկ կերթայ, կենին տայ կիսամեռ,  
 Տէ պնչից խնչի կրվաղի արուն և բերնից փեռ <sup>1)</sup>:  
 Քո խարսներաց խրատի որ հա <sup>2)</sup> սէր անին,  
 Չորս տէկէրկին ապսպրի կռիւ չանին,  
 Չավք զինաթի ջիպ ջիպ խալի ախանջ չանին,  
 Իրկներաց դատ վիճակի վէրէն մեղին <sup>3)</sup>:  
 Թէ ինչիս ինոնք կերթան Ստամպօլ շատ տարի տայ,  
 Իսոր ինոր խեղճ ու կրակ կենեն ծառայ,  
 Խանի քնճներ <sup>4)</sup> լու օջիւ մէջ ծփան մկայ,  
 Կան հիւանդ ին՝ որ դատ կուզին բերող չկայ:  
 Իսոնք ըմէն իւ իսոնցպէս բաներ մեզի,  
 Քո խարս, աղջիկ, դալվդ, թոռներ զմէն կրթի,  
 Ինչե՞ մութար՝ <sup>5)</sup>, իմ ասած բան սիրտ կրկոցի՞,  
 Տէօրմ <sup>6)</sup> կըմեռնեմ ըստէք կուտաս զիկ ողորմի:



1) Լորձունք. 2) միշտ. 3) մտածել. 4) անկիւն. 5) տրամել. 6) քիչ մ'եռք.



ԿՈՒՏԲԱԹ ԽԱԹՈՒՆԻ ՊԱՏԱՍԽԱՆ.

Դեռ չես գիտէ, Սառա խաթուն,  
Թէ շէնք-շնորք չկայ մեր տուն,  
ձող խալիօրս <sup>1)</sup> չում իրիկուն  
Տան-կատվու պէս կշնթուկի տուն:  
Խեղճ խարսներաց կըճնկրի <sup>2)</sup>,  
Կրակ դրե մե կիրիցի,  
Անգոթք անգոթք կըպըքվի <sup>3)</sup>,  
Թէ զըուցիմ զեկ կըտփի:  
Էսասկնայ մարդուն Սապած  
Իրիշկի տայ շոտ դարձ կամ բարձ,  
Գիշեր չում լոս վարամ թալած  
Թօրվան վէրէն կայ լէնքված <sup>4)</sup>:  
Կուշտ դրիւրի գինու պողիկ  
Մաթրաթէն <sup>5)</sup> ճող ինոր կուռիկ <sup>6)</sup>,  
Կլքի խմի, կեղնի լուլիկ <sup>7)</sup>,  
Ձկշեր շաբաթ կըթմպրի դիւճիկ <sup>8)</sup>:  
Թամարդու <sup>9)</sup> պէս քաշի թիւթիւն,  
Պալ պալ ծխով կիլինի տուն,  
Օր կէս նուկի խորածն ըսկուն,  
Կը փնասի տայ խող գլխուն:  
Խիկադ <sup>10)</sup> Մկօն, ճողած Պատուր,  
Փոխարար <sup>11)</sup> Արթին և Կոտրած կուս,

<sup>1)</sup> Ծերունի. <sup>2)</sup> չարքեւ, նեղութիւն տալ. <sup>3)</sup> աղահ-աղահ կ'ուտէ.  
<sup>4)</sup> բազմած. <sup>5)</sup> ապուրի նման. <sup>6)</sup> գինու մեծ գաւաթ հոլէ. <sup>7)</sup> արբեալ.  
<sup>8)</sup> փոքրիկ կարաս. <sup>9)</sup> կարօտ, չափս. <sup>10)</sup> կտաւադործ. <sup>11)</sup> թեւ լամպակի  
հետ փոխող:

Քեանքեան <sup>1)</sup> Նայէն կակոսկանց ծուռ,  
Իսոնք ինկեր գդերի իւր:  
Թոռ կորօխկի խոնց խովէն,  
Կառնի բերի կնատի օտէն,  
Կթալն արազ գինին վէրէն,  
Կուտեն մեր լօշ ժաժիկ կայլէն <sup>2)</sup>:  
Ըստէփ կնստին չում ժամ զարկոյ,  
Սայի պայի <sup>3)</sup> կանեն զըոց,  
Կոտրած կռի, ձէն զըլմոյ <sup>4)</sup>,  
Չբաշվէ մէրիկ վայ տամ ինոնց:  
Սասա խաթուն, ես քի մեոնիմ,  
Իմ սև սուգի ձեռ մրկեր իմ:  
Տնավերի մարդ չի մեղե,  
'Կո՞ր <sup>5)</sup> ին լաճեր ջիփ ջիփ <sup>6)</sup> մոռցե,  
Իւր պէսն ըստայ <sup>7)</sup> խոնց դտե,  
Ճիժ պժիս հետ չարչրի մե:  
Թէ որ ասեմ ծօ ամօթի,  
Էգա սավտից արե ընծի,  
Էն կեախ կամ խօրս կօտ կըբաշի <sup>8)</sup>  
Կամ կօռով <sup>9)</sup> զիկ կուշտ կլեխի <sup>10)</sup>:

Մ. Կ. ՄԻՐԱԽՈՐԵԱՆ.



<sup>1)</sup> Ջըոյ խոր փորոզ. <sup>2)</sup> մտով կերակուր. <sup>3)</sup> խենդ, խելար. <sup>4)</sup> ձայն. <sup>5)</sup> ուր.  
<sup>6)</sup> բողբոջի. <sup>7)</sup> աստ. <sup>8)</sup> յեշտ տալ. <sup>9)</sup> ձեռաց գաւազան կամ փայտ, որոյ  
գլուխն աղեղնաձև է. <sup>10)</sup> ջարդ ու բուրդ ընել:

## ՕՁԻ ԽԱԾԱԾ.

Օձի խածած մարդը, կասին, չի մեռնի ալ նը՝ սաղ կեանքը մարդու սրայէն կէլէ: Մէմը որ՝ էրեւին կունը կրփախի, կրտեղնի, կրկանանչնայ. թուշերն ալ կըհալին, կըպաթին. քիթը կըչորնայ ու խումախի պէս կըծռի, դէպի վար կինջնի. աչքերուն ցուքը կէրթայ, թամամ խուռպաւ-դայի աչքէրուն կըլմանի—ճուրոտ, ճուպուռոտ. անկէ հաքը պերանին ակունները կըտեղնին, կըսենան ու վրան կանանչ լայ կրկապէ՝ թամամ տրորած լոպիս: Օձի խածած մարդուն մէջքը կըծռի, կըչորնայ. օմուղները վեր կէլլին՝ չիտիս չախօթքա է, չիտիս սուխօթքա:

Օձի խածածի պակասութիւնը ատխատար լար նը՝ դա-րար չունէր. ամա արի նայինք, որ ատկէ մատտէ շատ ուրիշ պակասութիւններ ալ կունենայ էղիլ է օձի խածածը: Օձի խածնելէն հաքը մարդուս թապիկթը ալայ-մալայ կըփոխվի, ու Ասծու սիւրէթով ստեղծած մարդը ոտքէն-կօթիսը սատանայ կըկտրի—փախիկիտ, չարկամ, բամբասող, չար լուզու, տամաՀի, չարսնդաց, խալպ ու հալլին ոտքին տակը տայմա ծմերուկի կճեպ դնող:

Ա՛մմա՛ ի՛նչխատար ալ ասիմ՝ աս խօսքերէս դուք հէչ մէկ բան չեք հասկընալ. անոր աղէկը ան է, որ ես ձեզի մէքամ օրինաւոր էղած բան պատմիմ. ու դուք ինքերդ, առանց իմ մեկնելուն ալ կըտեսնուք օձի խածնելուն դէ-շութիւնը աղամօրդուս համար:

Ատենով ժամանակով... (եւ հէքիաթի Փասօնով կասիմ ամա՛ դուք չի գիտնաք քի պատմածս հէքիաթ է. մեղայ Ասծու, մեղայ. իսա ինչոր լսեցիք ու ինչ ալ պիտի լսիք՝ ալայը խորդ է. անխատար որ՝ մարդու սիրտ չի ցաւցնե-լու համար անունները թէկարան փոխիլ իմ): Նտէ, ճանս, ատենով-ժամանակով մէքամ բարեկամ ունէի՛ անունը



Սեղբոս: Ատ Սեղբոսը, ճանրս, պղտիկ ատենը տղայ էր տղու պէսնակ, ինչպէս որ ամենքս ալ էինք—կոճ խաղալու ատեն՝ պրզըխճի էր, վարպետ գնացած իբէնը՝ խամաղ էր. ժամին դանձանակը քայքնելու ատեն՝ տայմս կռօշնէր ու տէնիշկէներ կրգողնար իշէլքին մէջէն. տիրացիներուն հաւերուն ու փափիներուն տակէն ըսլովէն հաւկիթ կրփախցնէր,—շտէ սիպէս անմեղ չարութիւններ կանէր տարին—տասովերկու ամիս, մինչև որ ատէնը էկաւ ու շատերուս պէսնակ պապան նարա անկաճէն ալ բռնից ու խանութի դիմաց կայնեցուց:

Շատ մի մնաց խանութի առջև, քիչ մը մնաց—տեղովը չիտիմ, անխատար գիտիմ որ՝ երբոր նա մէկ չելլէի օր չօս պաճիին խանութէն երկու-իրեք մանէթ գողցաւ՝ համան մէկ-ալայմը զասօռին տղոց կուլտուն թօփ-արաւ, գնաց Արամ-աղային պաշտան. հոն միս, հաց, դինի, մաղտանօս, պօխք—բան առին, արօտին վրան փռվեցան, քէպապ արին, կերան ու խմեցին: Ինչ ասիս ամէկ-ցիկիս կալաճիներ անելէն ետքը (մեր հօվարտա, զասօռին տղոց կալաճին ալ ի՞նչ պիտ լայ) փորերը կուշտ, արօտին վրան եան էկան ու կամաց կամաց քունի գնացին: Շատ մի մնացին ատպէս քունի պաթած, չէնէ քիչ՝ տեղով չիտիմ. մէմալ նայիս մեր Սեղբոսը ափալ-թափալ տեղէն էլլաւ ու «վայ վայ մամա» կանչելէն՝ պաշտայից, խելքը թուռուցածի պէս, կեցած տեղը ֆրօրը ֆրօրը ման գալու, կանչվռաւրու ու թիսէքը շփելու: Ատ արալըխը մէքամ սև օձ՝ փորին սէմթը տեղին, լուզուն տուս հանած՝ կամաց կամաց սողալէն, տուղոց առջևէն անցաւ ու դնաց, արօտներուն մէջը խայիպ էղաւ: Պէս-պէլլի բան էր որ՝ ատ օձը խածած պիտ լար մեր Սեղբոսին:

Սեղբոսին արխատաշները փախչող փախչողի էղան, որը օձին վախէն, որն ալ խապահաթի մէջ չի պոնըվինք-տէյին: Լալէն լալէն, մես-մենակ մնացիլ էր Սեղբոսը պաշ-

չայլն մէջը ու չհաէր ի՞նչ անէր՝ տո՞ւն մի վազէր, չէ՞նէ՝ հէքիմի էրթար, չէ՞նէ՝ ինքը առնէր չախուն ու աղուշեած տեղը համան իրեն ձեռքով կարէր թապլէր. գէրէ լողաց էր, որ օձին խածած տեղը միւճէրէթ պիտի կտրվի: Անճրկած մնացիլ էր:

Պէրէքէթ վէրսին, տէր Մկրտիչը (Սաւած օգորմի հոգուն) աս արալըսը պոխչքան նըստած ծովին հալին կանցներ. մեր Սեղեօսը լալէն լալէն կըմծաղընայ, «տէպա՝ կուլխուս ասպէս ասպէս խաթէ էկաւ» կասէ ու կուլայ: Տէր Մկրտիչը (Սաւած հոգին լըսաւորէ) «թէզ արի, պալաս, կասէ, նիստ պոխչքաս, քեզի հէքիմին տանիմ», կասէ. ու քովը կընստեցունէ:

Եբոր հօխուշէն գէպի վեր կէլլին, որ Նախջուան մըտնին, փախիլ սատանայ, ճառթ կանէ, պոխչքային կէչէրը կրկոտովի: Սաալ քեզի նոր պէլա: Մինչի պոխչքայէն վար կինջնին, մինչի կուլխուներուն մարդ թօի կանին, մինչի արապային տալը մէքամ տուչօք կըկապին ու քաստըռ քաստըռ քաշելէն՝ հօխուշէն վեր կըհանին արապան, էրկու-իրեք սահաթ կանցնի. ազլի օձին խածած տեղը կաս-կապուտ կըլայ ու կրակի պէս կէրի. ձեռքն ալ պալարըի խարէր կուռի, ամպէս որ՝ ճօրովէն կապային թևէն կըհանին, ազլի ազուն կէրթայ սիւրմիշ կըլայ մէջը ու բանը բանէն կանցնի:

Եբոր աուն կուղայ նը՝ ճօրով նէֆէս կառնէ: Համան մախսուովին հաթախ կըպառկեցնուն, հէքիմ, պէրպէր ծան կուտան, արուն կառնուն, սիւլիւկներ կըզնին, խըզզըն էրկաթով կէրին օձին խածած տեղը, ոռւֆիա, փանդէհիւ— պան՝ ալայը մէյտան կըհանին, ամա ճարը չին կուտնուլ: Տղան քանի կէրթայ՝ կըվատի, կըթոռմի, կըխանկըսի ու հարան թարախլամիշ կըլայ, ու տղին վըպէն ամպէս սասանական ֆոտ կուգայ որ՝ թամամ չիլլէի տուէն հինկ օրուայ չի թաղած մեռել, առէթով լէշ, իրեք խուլաճ՝

Հետու կեցողին սէրսէմէմիշ կանէ. քովը մօտկրնալու բան չէ. խունի, քացախ, ամպուէ—մէկ բան խայիր չի անիլ: Արդրիս բանը ան տէրէճէն կուգայ որ՝ տղուն Հարը-մարը տիրացու ու Ֆալճի ծան կուտան, մէկը օրերով Նարեկ ու աւետարան կրկարդայ, մէկալն ալ վերա իրեն պակկաներուն ղօռ կանէ: Ամա՛ առաւ խայիր չի անիլ. վրայ ալ տարի-տարի ու կէս կանցնի: Առ արայլիսը մախսումը ոտքի կէլէ ամա՛ ի՞նչ Ֆայտա, աղլի լէշին Ֆոտը վրան կրփնայ ու քանի կէրթայ՝ կրպէթէրնայ, ուժէ բանը ան տեղը կը հասնի որ՝ նարա կեցած տունին մէջը կենալ չիլալ. պանուր, քուշուռ, խզմէթքեար՝ ալայը էտե էտէ կըձգին, կէլլին, «չիլայ որ, կասին, մինք ալ մէկ ցաւի Հանդիպինք», գէրէ Սեղբոսին վրայէն էկած Ֆոտը մէկ ուրուշ սոյ Ֆոտ է, սո՛ւր, թէփէ ղարնող. մէմալ որ՝ մարդուս Հալաւին ամպէս կրկպչի էղլի է, որ շաբաթներով չի էրթալ: Տունին մէջը էղած ամեն բաները—հաթախ-տուրախ, եօղան, աթոռք, սթօլ, փէրտէ, տուռ, պատ՝ ալայը լէշի պէս կըհոտան: Սրունոտ թարախն ալ մէկ ծարէն ծըլ ծըլ կրկաթի հարայէն:

Հէքիմները, պէրպէրները, Ֆալճիները, կիրք-կարգացողները, արօտի-պառկեցնողները, շէրպէթ խումցունողները—ալայը իրենց մարիֆէթները կըբանեցնուն ու ալայն ալ մէկ-բերան վազ կուգան ու կասին քի՛ տապէս ցաւի տահա հէչ ռաստ էկած չէինք. աս մէկ նոր սատանայական ցաւ պիտ լայ:

Վրայ տահա մէկ տարի կանցնի: Օրին մէկ օրը Սեղբոսին կարգըած քուրը Չօնումօռ էրած կըտեսնէ ու տեսած էրածը բարեազիրին մէջը ասպէս կըգրէ մօրը քի՛

Սիրական մամա՛ ես ասօր ասպէս մէկ էրած տեսայ: Երածիս մէջը մէքամ էրկան օղունկներով, չոր չոր կովտա-յով, պէթէր թուխ էրեսով, աչքերէն ալէֆ էլլելէն, մէքամ ծեր մարդ մօտկրցաւ ինձի ու ոսաց՝ «ախպօրը



Սեղըոսին ցաւը ան ցաւերէն է, որ ճարերով չի աղէկնալ: Եբոր նարա աղէկցածը կուզիք նը՝ տղին Երուսաղէմ պիտի տանիք ու Հոն Յուդա Իսկարիոտացիին գերեզմանը պիտի կուտնուէք ու վրան տասվերէք օր, տասվերէք տապաւ մատաղ պիտի անիք, մատաղին արունը պիտի քսիք Հիւսանդին հարային: Տասնըւորսում օրը հարան անարատ կըլայ ու հոգին կըծծէ»: Ասաց ու խայիպ էղաւ: Ես ալ այիմ-պէյիմ էլլա քունէս: Աս ամենը աղէկ ամա՝ Հոգին կըծծէ՝ն չի Հասկըցայ ինչ ասել է: Դուք գիտցողներէն Հարցուցէք-իմացէք, չիլայ որ մէկ գէշ բան ըլայ, կօյեա՝ չիլայ որ տղին մարմինը խալսեցնուէք ու նարա Հոգին Հուր-յաւիտեանական կորցնուէք: Մուխայէթ էղէք:

Աս բարեազիրը որ կըխարդան՝ կէս խունտում կըլան, կէս մալ միտքի կըպաթին: Խունտում կըլան անոր Համար, որ օղորմելի Սեղըոսին ցաւէն պիտի աղատին, միտքի ալ կըպաթին անոր Համար, որ չին Հասկընար ինչ ասել է Հոգին կըծծէ՝ն: Ասպէս եօռիսարզ խօսք առջի տապաւան էր, որ կըլսէին: Հոս Հոն կըՀարցնուն՝ ինչ ասել է Հոգին կըծծէ, մէկ մարդ ալ տեղով բան չի կրնալ ասելու: Քերականութիւն, բառարան, ճարտասանութիւն՝ ալայը կըբըրքրին, կը վնտուին՝ Հոգին կըծծէ՞ ին մեկնութիւնը, կօյեա վեռէվօտը չին կուտնուէ: Աս արալըխը մեր տեղի սուտ-ուսեսլին մէկը, որ տարին-տասվերկու ամիս Հայի մասսալներ ու բառեր կըՀարցունէ մէկէն-մէկալէն ու քառան-տաշով պստիկ թուղթերու վըայ կըդրէ ու էնկ վերջն ալ հէշ մէկ բան չըգիտէ, *взятъся* կըլայ աս մութ խօսքը մեկնելու ու կասէ՝ «Հոգին կըծծէ՝ն կնշանակէ՝ եօխ կըլայ, կըկորցվի ասել է»: Ուտեխէն գիտիս ատպէս էղածը», կըՀարցնուն նարան Սեղըոսին սօյերը: «Անտեղէն գիտիմ, կասէ քաղաքի պունամիշ էղած մարդոց խելք սորվեցնողը, որ Հոգի ասածդ՝ նա *воздыха* է, նէֆէս է, քամի է, սիպէս շտէ՝ փֆու (բերանով կիչէ). *воздыха* ը, որ Հայնակ

օղ կասին, ամեն Ֆոս կըծծէ, իրեն մէջը կառնէ, եօխ կանէ, ատպէս ալ՝ հողին կծծէ՝ կնշանակէ՝ հողին կմաքրէ, կփարատէ, անարատ կանէ:

Մեր հէրիէլէները կհաւատան աս խենդ ուսեալի խօսքին, ու շուտ մը - թէղ կըհաղելովորովն Երուսաղէմ էրթալու:

Ինչպէս ատէթն է նը՝ ժամ կերթան, աղօթքները կանին, ցունծում-կարդումով, խաչ-աւետարաններով, տէրտէրներով, սարկաւարգներով, վառած կերոններով—ալայր թաս-թամամ ճամփայ կէլլեն շիտակ Թայդան: Հոնէն Կէռչ. Կէռչէն փռեամը Ստամպոլ. Ստամպոլէն կերթան Իզմիր, Իզմիրէն Մըսըր-Իսքէնտէրիա. հոնէն Եաֆա. Եաֆայէն ալ էշշէկներ հեծած—օր, օրուկէսվայ ճամփայ—Երուսաղէմ կըհասնին:

Երուսաղէմ որ կըհասնին՝ համան հոնի հայ վարդապետներուն Յուդա Իսկարիոտացիի գերեզմանը կըհարցնուն: Յուդա Իսկարիոտացիին անունը որ կըլսին՝ վարդապետները ուռուֆ կըլսն, անկաճներուն հաւատալ չին ուղենալ՝ «պէքիմ աղէկ լսած չինք» տէյին: Նորէն կը հարցնուն՝ «որի՞ն գերեզմանը կուղիք» կասին. պէքիմ Յիսուս Քրիստոսին գերեզմանը կուղիք, կասին, պէքիմ Խազարոսինը կուղիք, պէքիմ մէկ ուրիշ սուրբի կուղիք, կըհարցնուն: «Ձէ՛, կասին մեր ուխտաւորները, Յուդա Իսկարիոտացիինը կուղիք. մինք Նախջուանէն յատուկ Յուդա Իսկարիոտացիին գերեզմանին ուխտով էկիլ ինք»: Վարդապետները բերանները բացած վրանները կընային. «աճափ, միտք կանին, խե՛ ին տաքա, չէ՞նէ մեղի խե գիտին ու մեր հաւատը փորձել կուղին. ամա չէ՛. մէկալ կալաճինէրէն կըտեսնին, որ արածները խեի կալաճի չէ: Ո՛վ մարդիկ, կասին, դուք չեալիք որ Յուդա Իսկարիոտացին Տէրն մեր Յիսուսի Քրիստոսի մատնողն էր. նա Նարա աշխրտուրթինէն էլաւ, գնաց անհաւատներուն ծախից Քրիստոսին

ու ինքը գնաց չուվանէ կախվեցաւ, հոգին ալ շիտակ դժոխք գնաց»։ «Ատ տուրթիները մինք իմանալ չուզինք, կասին մեր Նախջուռնիները. մինք Նախջուռնէն հասէլէթաէն Յուդային գերեզմանին ուխտին էկիլ ինք, վրան տասվիրեք օր տասվիրեք մատաղ պիտի անինք ու էրթանք մեր տեղը»։ «Ո՛վ մարդիկ, կասին վարդապետները, հաղար ութ հարուր տարիէն աւելի է, որ Երուսաղէմ ամեն սէմթէ ուխտաւորներ կուգան, մատաղ կանին. ամա ասխատար տաէն հէջ լաված չէ, որ անիծած Յուդային գերեզմանին վրան մատաղ անվէր. աս ի՞նչ էղաւ, որ դուք ասօր տուպէս խայտառակ ու հային անուէր կոտուող դործ պիտի կատարիք»։ Ամա որին կասիս. մեր Նախջուռնիները Յուդային պոչէն վաղ չին գալ ու միւճէրէթ կուղին նարա գերեզմանը դանելու ու վրան տասվիրեք մատաղ անելու։ Վարդապետները կտեսնին որ տացա խելքի բերել չին կրնալ՝ վաղ կուգան եախաներէն. մեր Նախջուռնիներն ալ իրենց գլխներուն ճարը ինքերը կըհոդան։

Օրին մէկ օրը սօխախին մէջը մէքամ պէթէր ծիր ու քուռչոտ հալաւով, ժանկրուած էրեսով ճուհուտի ուստ կուգան։ Արմօտկընան մերոնք ատ ճուհուտին, քովի ծան կուտան, «ասպէս ասպէս բան է, կասին. մինք հեռու տեղէ էկիլ ինք ու Յուդա Իսկարիոտացիին՝ Քրիստոսի մասնող աշկերտին գերեզմանը կըվնսռինք, կասին. չիախն ուտել է»։ ճուհուտը ծուռ ծուռ վրաները կընայէ. «չիլո՞յ, միտք կանէ, տաքա իմ կուլիսուս մէկ փորձանք պիտի բերին»։ Մերոնք «մի՛ վախնալ, կասին, մեր հարցուցածը գէշ միտքով չէ. հմէկիդ համար մինք քեզի ստակ ալ կուտանք»։ Կասին ու քէսաներէն կըհանին էրկու օսկի ու կըցուցնուն նարա. «հանա, կասին, աս էրկու օսկին քեզի կուտանք, եբոր մեզի Յուդա Իսկարիոտացիին գերեզմանը յուզնուս»։

Խեղճ ճուհուտին մարած աչքերը ե՛տլթ ե՛տլթ կըցուլայ,



երոր օսկինները կրտսնէ նր: «Սուտ չե՞ք ասիլ, չե՞ք խաբիլ», կասէ: «Ինչո՞ւ պիտի խաբինք, կասին մերոնք, նէու-ժե՞լի սարեր ու ծովեր անցիլ ինք հասէլէթտէն մէքամ օղորմելի ճուհուտ խաբելու համար, կասին: Մինք մեր քաղաքէն յատուկ Յուդա Իսկարիոտացիին անունովը էկիլ ինք», կասին:

«Ի՞նչ պիտի անիք Յուդային գերեզմանը», կասէ ճուհուտը: «Աս մեր բանն է, կասին Նախջուանցիները. քեզի՞ դրիլ ին մեզի տալուս անելու, քեզի ի՞նչ դործ մեր ինչ անիլ-չանիլը», կասին, «Յուդային գերեզմանին տեղը գիտիս նր՝ ասա՛, չիտիս նր՝ բարեւ էկար. մինք ուրիշ մարդ ալ կրկուտնունք»: Կասին ու կուզին գէպի իրենց ճանփան էրթալու: «Կեցիք կեցիք, կասէ ճուհուտը, ես Յուդային գերեզմանին տեղը խիստ տեղով գիտիմ. ամա՛՛ համան շինտը ցուցնիլ չելալ. զէրէ քրիստոնեաները ու տաճիկները, որ մեր հաւատին տուշմանն ին, իմ կուլխուս ալ, ձեր կուլխուն ալ գէշ օյին կրբերին: Քիչմը ուշկէկ, մթնիմ-չի մթնիմի ատեն արիցէք, ես ձեզի շիտակ կրտանիմ կրցուցնում»:

Նախջուանցիները իրենց մէջը սովէթ կանին ու ետքէն ճուհուտին «աղէկ, կասին, սահաթը ասպէս ութերու ատէն տուն կէնէ հոս էղիլ, մինք ալ կուգանք ու պարապար կէրթանք»: Հա՛. հա: Ինչպէս կասին, ամպէս ալ կանին: Ամա, տահա գերեզմանին տեղը չի գնացած, պաղարէն մէքամ կէր օշխար կրգնին, մէքամ ալ խասապ կրպոնին, որ մորթէ: Եբոր ատպէս կրհաղիւրովին ու սահաթն ալ ութը կրլայ, կառնուն Սեղոսին ու կուզան: Ծուհուտն ալ հոն կեցիլ է, նացա կընայէ: Մութն ալ արգըն պաշլայիլ է կոխելու: Կէրթան: Եփպէյի ատէն կէրթան. մէմալ նայիս մեր ճուհուտը թառս կանէ, կր կայնի, ու տայեախով մէքամ աւրըշտիած տեղ կրցուցնէ՝ «հանա, աս է, կասէ, Յուդային թաղած տեղը, հոս, կասէ,

Հին ատենները դուստցի մարդոց մեռելները կըթաղէին, որ ճուհուսին կուղիք հարցուցէք»: «Խորդ կասիս, կասին Նախըռանցիները, մեղի չիս խաբիլ»: «Ինչո՞ւ սուտ պիտ ասիմ որ, կասէ ճուհուսը, Երուսաղէմ վով չիտէ, որ աս ցուցած տեղը Յուդա Իսկարիոտացիին թաղած տեղն է: Էտե՞. խոստացած էրկու օսկի՞ն»: Նաքա եալ կըհանին օսկիները ձեռքը կըդնին, ճուհուսը կէրթայ իրեն ճամփան. մերոնք ալ մատաղին բանը կընային:

Եբոր օչխարը կըմորթովի, ինչպէս որ էրածին մէջը սալըն տըված էր նը՝ կառնուն արունը ու աղէկ սցէն կըքսին Սեղբոսին թարախոտ կարային վրան: Մախսումը հազ կանէ. «ախ, մամա, կասէ, տահա քսէ, տահա քսէ, տահա քսէ. էօ՛՛ի, կանէ, մէ՛մը ոահաթցայ», կասէ: Խորդ ալ մարը տէյէմիշ կանէ, կարայէն թարախը մէկէն ի մէկ կըդագոի կաթկու: Օրն ալ արդրի ուշ է. քուն լալու առէններ է: Նաքա եալ կըթողուվին, սուն կէրթան: Եբոր քունի կըմուսնուն, Սեղբոսը մէկ հրաշք էրած կըտեսնէ: Նորա էրածն ալ կուգայ աղլի էրկան օղունկներով, ալ լէ՛՛իլը աչքով ծեր մարդը ու ասպէս կասէ.

Էվալա Սեղբոս, կասէ. չունքի դուն իմ հրամանս կատարեցիր նը՝ ես ալ կուգեմ քեզի քու քաղաքիդ մէջ էնկ բահթաւոր մարդը անելու: Սամա՛ ինչոր շինտը քեզի կասիմ նը՝ աղէկ լսէ, միտքդ պահէ ու կատարէ: Էպէթ ձեր՝ տէրտէրներէն լսած կլաս, որ դրախտին մէջը Սդամ-Եւային խաբօղ օձին փորը սատանայ մտիլ էր. ասել է որ՝ եբոր օձը աղամօրդուն խածնէ՛ աղույին հետը, նարս մարմինին մէջը սատանային նէյֆէսն ալ կըմանէ: Օձին զարկած մարդուն դիմաց իրեք ճամփայ կայ. մէկը ան է, որ շուտ վրայ կըհասնին, համան հէքիմ, ճար, խզարմիշ արած էրկաթ, սուր դանակ մէյտան կըբերին ու հիւանդը իրեն առողջութիւնը կըդանէ: Երկուսում ճամփան ան է, որ ճարերը կուշանան ու օձէն զարնըվածը պէթէր կըտանջուի ու կիյնի

կրմեռնի: Իրեքում ճամփան ան է, որ զարնուածը քեզի պէսնակ չի մեռնիլ, ազուն աղէկ սոյէն կէրթայ սիւրմիշ կըլայ արունին մէջը ու ետան թարախլամիշ կըլայ, ա- սել է՝ սատանային նէֆէսը կուզէ հոգուն մէջը մտնել, հոն իրեն բունը գնել, ամա՛ առ առանց մարդուն յօժար կամ- քին չելալ. հիւանդը ինքը պարտաւոր է յօժար կամքով խայիլ ըլալու, որ սատանան նարա հոգին մտնէ, որ ետան ալ անցնի, էրթայ: Ասոր համար օրէնք կայ, որ հիւանդը գայ էրուսաղէմ, գտնէ Յուդա Իսկարիտացիին գերեզմանը ու տասվիրեք օր մէմէկ օշխար մատաղ անէ ու ամեն տապրա հալ մատաղին արունը քսէ հարային: Սատանայ կասին նը, չելայ որ, սիրական Սեղոս, դուն վախնաս նա- րամէն, ան սալթը խուերը կըվախնան նարամէն, խօջք մարդը խայթա պիտի սիրէ նարան. զէրէ՝ սատանան որ կայ, իլ- լայի բամբարակ, աչքը բաց մարդու համար պէթէր Ֆայ- տալը ինսան - արարած է: Նաթիլէ մէկքանի միամիտ մարդիկ նարա սիւրէթը ալւալէ, սև էրեսով ու կօլտայով, էտըր պոչով, օմնւզներուն կէճէխուշի խանաթով, էրկան ու սուր օղունկներով, ճակատն ալ մէքամ պալապան կօտօշ կը քաշին: Ինձի հարցնելու լաս նը՝ սատանային պատկերը ասպէս պիտի քաշվէր. եա մէքամ պէթէր տեսօք, հոլանի կինիմարդ, եա ծոցը, ճէպէրը ու շալակի տօպրան իլինք օսկիով մարդ: Խօջք մարդը չէքի պիտի չի փախչի ու իրմէն ալ չի պիտի փախցնէ սատանային, հապա *напротуво*, ինքը խայրէթ պիտի անէ նարան մօտկընալու, եա իրեն մօտկընելու: Սատանայէն մարդ տայմա Ֆայտա ունի, ամա զարար հէջ չի կայ նարամէն: Օլա օլա՝ օրին մէկ օրը, սա- տանան մարդու հոգին զաթթ պիտի անէ էղիլ է. *экая важность!* Հոգին-խօմ, աղլի խէնդ ուսեալը մեկնից ի՞նչ բան է — մէկ պօշ նէֆէս, քամի, *воздухъ*, եա, ինչպէս հայնակ կասին՝ օդ է. *большая важность!* որ մէկ օր առ նէֆէսը սատանային ձեռքը պիտի անցնի: Զաթօ աղա-



մորդին, քանի որ աշխարքիս էրեսը կրկենայ, ամեն սիրտին ուղածը կանէ՞-խօմ: Եբոր Հոգին փչէ նը՝ ան ալ ան ատենը կնայինք: Ումոռիդ չի լայ, Սեղբոս, որ սատանան Հոգուդ մէջը պիտի մուտնու, Հաւատա՛ ինձի ատկէ դուն հէջ զարար ունենալու չիս. օլա օլա՝ մէջէդ պիտի խայիպ ըւան էղիլ է խճմտանքը, ամօթը, քիպիրը, մէկ ուրիշ ալ խէնդ բան, որ մարդիկ աղնուութին կասին, ատ ի՛նչ Հօրս ցաւին թերմաշներն ին, խայթա մարդ կրթեթենայ, եբոր նարա մէջէն կէլլին խճմտանքը, ամօթը, քիպիրը, ազնուութինը ու շատ ուրիշ խենդ ուսեալ մարդոյ Հնճարած բաները: Մչքը սիրիմ անհոգի, անձիկար, անամօթ մարդուն. դրացինդ քախցած է էղիլ է, Հօրս ցաւը փաթլամիշ թօ անէ. անցիր քովէն: Անմեղ մարդու վասթուօկ խօթիլ ին էղիլ է. աչքըդ փակէ, քովէն անցիր: Միամիտին մէքատը քեզի ունիմ-չունիմը Հաւատացիլ է էղիլ է, ինքեար արա՛, սուա էրդում կեր, ուրացիր ու անցիր քովէն: Էէրկէլէին մէկը պաղարին մէջը քեզի գող կասէ ու կրթութեքնէ էղիլ է էրեսիդ, եա մէկ եումրուխ ալ կրհաղցնէ անկաճ-քօքիդ. ումոռիդ ալ թօ չիլայ. շախայի դառցուր ու քովէն անցիր: Աս ամենը անելէդ էտե՛, դուն մէմը նայէ ճէպդ ու ծոցդ ի՞նչ խարէր պիտի իլինքնան կապուտ, կարմիր ու նախշուն քուէտիթքաներով: Ամա՛ ամենէն աւելի խայրէթ արա՛, սիրական Սեղբոս, որ ըստ մարիթէթը խորամանկ ու կեղծաւոր: Խորամանկութին կասին նը ասպէս կըլայ. տայմա մուխայէթ էղիւր, որ մարդիք քեզի օյլինի չի բերին, ամա ինքդ նացա հետ տայմա թանցեր խաղա՛, բանըդ ամպէս բռնէ, որ առաջուանէ Հաղկրած Ֆէնտերդ նաքա չի հտսկընան, ու ի՛նչ ալ ասիս, ինչ ալ տնիս՝ ալսյը մենակ քեզի Համար Ֆայտալը ըլայ: Լալխին ոտքին տալը ամպէս ըսլովէն տի՛ր ծմերուկի կճեպը, որ մէկն ալ Ֆառղին չէրթայ: Կեղծաւորն ալ ասպէս կըլայ. վըայէդ սուրը, ճէմէրտ, բարեհոգի, ժամ սիրող, աղքատ

մեղքացող, էօքսիւզի տէր, օղորմած էրեցիր. ամա տակէն  
զաղատուկէն ամեն մեղքերը կատարէ. մարդոց կամեցիր  
զէշութին, տակերը փոս փորէ, ռաստ էկած տեղը անուն-  
ները կոտռէ՝ ու սեցնուր, ու ամենուն առջև էրդում-պա-  
տառ էղէր, որ Ֆէլան տեղը Ֆէլանին առջև ձեզի շատ  
գովնցի, ձեզի համար բարեխօսութիւն արի: Մէկ ուրիշ ալ  
ասելիք ունիմ քեզի: Նինտը Երուսաղէմ էկածդ էկած է.  
ատ խիստ աղէկ ռաստ է: Գնա՛ ձեռքիդ վրան կապուա  
տամիա զարնել տուր ու մըղտըսի էղէր: Հայերը, կիտին  
խօմ, պէթէր ճունապէթ ին, նաքա մղտըսի կասին, մի-  
մալ չին ասիլ. նաքա կիտինքի՝ Երուսաղէմ զնացօղ-էկօղը  
միւճէրէթ արդար մարդ պիտ լայ, մէջերը հէշ խալպ մարդ  
չի լալ. ան իսէ՛ խալպերուն էնկ պաշիրը Երուսաղէմէն  
կուգան»:

Ասաց ու խայիպ էղաւ. Սեղբոսն ալ քունէն զարթեցաւ:  
Քունէն զարթած-չի զարթած՝ ձեռքը տարաւ օձին խա-  
ծած տեղը, նայէ՛ թարախ հէշ վազած չէ, եարային վրան  
ալ պարակ փառ. կապիլ է թիսէքը քիթին կը մօտկըցնէ,  
հոտ կանէ՛ աղլի լէշէ Ֆոտը չի կայ, հօխ էղել է: Խուն-  
տումէն հայ-հայ սիրտը փաթլամիշ կըլայ մախսումին. «աս  
ինչ հրաշք է», կասէ միտքին մէջը, ու համան մօրը ու  
հետի մարդոցը կըզարթեցնէ: Նաքա եալ այիմ-պէյիմ կէլլին  
տեղերէն՝ «ի՞նչ, ի՞նչ էղաւ» կասին: «Ասպէս ասպէս բան  
է, կասէ Սեղբոսը, նայեցէք, իրեք տարվայ եարաս փակ-  
վել է, մէջէն թարախ չի գալ. հոտին ալ իղը մնացած չէ»:

Արնային, կըշփին, հոտ կանին — կըտեսնին որ հրաշք  
էղել է: «Փնօք Սածոյ», կասին արմընցած: Սեղբոսն ալ  
ուրիշ բանի փառք կուտայ, Ասծու անուն տալու խառիր  
չիլալ: Մարը մէմալ եաթախ չի մտնիլ, լուսու չանկերն  
ալ որ արդըն կըսաշային զարնելու՝ ժամ կերթայ աղօթքը  
անելու: Սեղբոսը ժամ չի էրթալ ու միտքի կըպաթի:

Ատ օրէն Սեղբոսը կըփոխվի ու ալայ-մալայ ուրիշ մարդ

կրլայ. առաջվայ խոռնառումը կվախճի էրեսէն. սիրաէն կիտիս քի մէկ բան կէլէ, խայլիկ կրլայ, նեսը պօշ կրմնայ. հոգի, ճիկար, ամօթ, քիպիր՝ ալայը եօխ կրլան: Դահ, Ֆայտա, այլըխ, նօմայ ստակ, զէնկինուծին, յոլուն պաճախըներ, թանկնոց էքիփաթներ, հաղարնոց ձիներ—ալայը իրեն կուգէ, ալայը ինքը զաֆթ անել կուգէ. հար, մար, ախպրտիք, քուրեր, սօյեր, սիրելի բարեկամներ — ամէն բան չէղածի պէս կրլան նարա համար: Խաբել, զըկել, զորնալ, պարտըկել, ինքեար անել, մատնել—աս կրլան տարին-տասովերկու ամիս նարա չափալ-չափալը: Ամա մինք քիչ մը առաջ վագեցինք:

Եբոր մաման ժամէն կուգայ ու «օղորմի Ասված» կասէ, օղորմի ծնօղացդ ասելուն տեղը՝ «մամա, կասէ, միտքս մէկ բան էկաւ, կասէ. էրեկ մէկ օջիարի համար տունցեային ստակը տուվինք, կասէ. արի՛ տոպէս չանինք մէմալ: Ես ասպէս միտք արի. տուն ինձի էռտուն մանէթ տոլր, ես կերթամ քովի գեղը, հոն չոպաններէն տասվերկու կօլօխ պարի կը գնիմ, հէմ աղէկները կառնում, հէմ ալ աժան կրնատի մեղի. ամմա ամէն օջիարին, էրէկվա պէսնակ, հինկական մանէթ տալու լանք նը՝ ծարը ուտե՞ս կրփախէ: Մարը խայիլ էղաւ, որ նօմայով առնըվին նը՝ մատաղին օջիարը աժան կրնստի. հանից տուվից ձեռքը 30 մանէթը: Սեղբոսը առաւ ատ 30 մանէթը ու քիչ մը առէն խայիկ էղաւ ու ետ էկաւ «ստակը կորուցի», ասաց: Մարը ուռուֆ էղաւ: «Մի՛ վախնալ, մամա, տասց նա, առանց ատոր ալ ես իտա Յուզա Բսկարիոտացիին գերեզմանին վրայ մատաղ անելը չէր հաւնէի. անհաւատի բան է, կիտիս քի ճատուի կրմանի, սատանոց բան է. մէմը որ՝ հալիւր իմանանը՝ կրինտայ մեր վրան, մէմալ որ՝ Ասծու հաւատին զրթ բան է. ճար էր նը՝ կօղտէր մէքամ խուզին ալ. անոր աղէկը հաւատով անելն է, չէքի օջիարին նօմայ ըլալը»: Անխատար կասէ, անխատար կասէ որ՝ մօրը խելքը ման:



կրբերէ ու Յուդային գերեզմանին վրան մատաղ անելը կը-  
փոշմընցընէ, ու աղլի 30 մանէթը թուլով կանէ:

Ասպէսով, սատանային աշկերտ Սեղբոսը էնկ-սիֆթէ  
կիսաբէ իրեն վարպետին, սատանային:

Ան օրը մէկ արմըննալու բան կըլայ: Հօրցուկէն էտքը  
մարը օտայէն մէկ մինութ կէլէ. Սեղբոսը մեն-մենակ կ'մնայ.  
սուս, ծան-ձըրթում չի կայ, ամպէս սուս, որ իրեն սիր-  
տին զարկածը ինքը կըլսէ: Սեղբոսը պայեած տեղէն կը-  
հանէ աղլի 30 մանէթը ու կըպաշայէ համպրելու, ու  
միտքին մէջէն կըխնտայ, որ սատանային խաբից: Իտա ա-  
րալըխը քօշայէն մէկ սատանական ծան կէլէ՝ «Եվալա,  
Սեղբոս, մալատեց. ինչպէս որ ինձի խաբեցիր՝ ամենուն  
ալ ատպէս խաբէ. թէղ կըղէնկըննաս»: Սեղբոսը լեզին  
պատռած չորս քովը աչքը կըպտտացընէ, սէքիին տակը  
կընայէ, գետինին փռած խալին կըվերցունէ՝ մէկ բան չի  
տեսնիլ, ուտելէն էկաւ ծանը՝ չիմանալ: Պէլլի բան է,  
որ սատանան արդըխ իրեն աշխտութիւնը պաշայիլ է տարա  
հետ: Սուս կըկենայ, մարդու բան չի տսիլ:

Մաման նես կուգայ: «Մամա՛, կասէ, արի՛ էրթանք ինա  
տամղա զարնող վարպետին ու ծեռքերուս վըսց Էրուսա-  
ղէմի տամղաները զարնել տանք, որ հալին ալ տեսնէ քի՛  
մինք Էրուսաղէմ էղիլ ինք»: Մարը խայիլ կըլայ. համան  
կէրթան ու ծեռքերուն ու պիլէկներուն վըսն աղլի կա-  
պուտ նախշերը զարնել կուտան, ու կըլան մէկը հաճի,  
մէկաին ալ մըղտըսի, — մարը կըլայ հաճի-մամա, օրդին  
կըլայ մըղտըսի Սեղբոս. ամա հալիւր նարան սալթը մըղ-  
տըսի ալ կասէ, մինք ալ պսօրհետե նարան Սեղբոս չինք  
ասիլ, հապա սալթը Մըղտըսի:

Էրուսաղէմէն տահա չի էլլած, մեր Մըղտըսին մէկ ու-  
րիշ Ֆէնտ ալ ապուլ կուտայ: Մէկ օր (աս արդըխ Էրու-  
սաղէմէն էլլելու օրերն է) «մամա՛, կասէ, արի՛ համրինք  
նայինք՝ քովերս քանի՞ մանէթ մընացիլ է, որ անկօրա

ժառկրտինք»։ Մարն ալ կէլէ ու «կուզիս համարէ, կուզիս չէ, Նախջուան հասնելու համար ճէմը 250 մանէթ մնացիլ է», կասէ։ «Պերօսօս, մամա, իտա ստակը, կասէ, մէմը աղէկ համարիմ. պէքիմ աւելի է»։ Մարը կերթայ, ճամատանէն եմէնիի մէջ փաթթած մէկ բան կըհանէ, կըպերէ առջևը կըսնէ. «Հանա, կասէ, եղածը իսան է»։ Մըլտըսին կըբանայ եմէնին, մէջէն յիսուն մանէթ սլօվէն ծոցը կըխօղէ ու մնացածը կըպաշայէ համարելու։ Կըհամարէ-կըխալսի ու կըտառնայ մօրը՝ «Աս ի՞նչ է աս, կասէ, հոս ճէմը 200 մանէթ է ու. հապա դուն էրկու հարուր յիսսուններու անուններ կուտայիր»։ «Ի, հաղա՛ր վայ թէփէիս, կասէ մարը, տահա էրեկ իրիկուն, կաթախրս չի մտած՝ համարիլ էի. ո՛ւտեիս խայիպ էղաւ ճանըմ-ճանըմ յիսսուն մանէթը»։ Ի՛նչ խօսքս էրկնցնում. գողութիւնը կըձգին վայկիրին Մարիցա-ճիճային վրան, որ կէսմը ուխտաւոր, կէսմալ բանւորի պէս տացա զիմացը խըղմէթ պիտի անէր յիսսուն մանէթ հախով. ատ յիսսուն մանէթն ալ ճէհէղ պիտ տար իրեն էօքսիւզ թոռին, Յափէթին, չէնէ մախսումին փսակին բանը կօլօս գալու չէր։ Ողորմելի Մարիցա-ճիճան շատ էրդումներ արաւ, շատ սուրբերու վկայութիւններ, կանանչ-մեռոններ, կուրանամ-կուր-քալիմ՝ներ մէյտան բերից, շատ լաց, շատ արորստունք, շատ կօռում-կօչում, ամա մէկ բան խայիր չարաւ. հէ՛մ հախէն զըկըվեցաւ, հէ՛մ ալ թէմիզ անունը աճըովեցաւ։ Մեր Մղարսիին ումուռին ալ չէր. նարա ճիկարը չի մղկըտաց, էրեւին կունը չի փոխվեցաւ ալ. խայթա նեսէն ինքը իրեն արածին պէթէր հաւնեցաւ ալ, սանքի Ասվաճումօր տիմաց մէքամ պալապան կերօն անկիլ է։

Ատ տապաւան ալ, եբոր իրիկունը մենակ մնացիլ էր օտային մէջ նը՝ կէնէ աղլի ծանը լսից՝ «Եվալլա, պուվա, Մղարսի. շինար կըտեսնիմ որ՝ դուն բլալու տղայ իս»։

Քանի մը օրէն մեր ուխտաւորները հափուռ-չուփուռ-

ները ժողոտեցին ու հա առաջան իրենց տեղը, սիթթէ Եաֆա էկան, Եաֆայէն Մըսըր, Մըսըրէն Իզմիր, Իզմիրէն Ստամպուլ, Ստամպուլէն Եէզ, Կէզէն Թայզան, Թայզա-նէն ալ Նախջուան:

Սոյ, սօփ, սիրելի բարեկամներ, ծանչւորներ, ինչպէս ա-տէթն է նը՝ բարով-էկարի էկան: Զէշտ չէշտ, ուր սուտ, ուր խորդ խապէրներ լսեցին, չայ ու խաֆէ խմե-ցին, կիլէնկիներ կերան, չինիի սպրոճաններ ու մատնի-ներ հագան պիլէկներուն ու մասերուն ու գնացին տուն. տուն որ գնացին նը՝ ինքերն ալ ասպէս խապէրներ փռե-ցին Մըղտըսին վրան:

«Սուլճուռ բան է, ճանըս, տղան աղլի օձին զարկած «Փոտած հարայէն ազատվիլ է ամա՝ կիտիս քի ինքը մէկ չէ-«շտ էղիլ է, հէչ առաջվայ մեր գիտցած Սեղոսը չէ. «մէմը որ՝ էրեսին կունը ալայ-մալայ փոխվիլ է, տեղնիլ է, «կանանչիլի է. ճուրոտ-ճուպուռոտ աչքերը թամամ խուռ-«պաղայի աչքեր ին. քիթը կատարեալ պուհույի կուտուցք «տառցիլ է. նայուածքն ալ պէթէր սասանակուն է, կիտիս «քի՝ ղէհիլը օձը իրեն պաղ ու խալպ աչքերը վրադ չռիլ «է՝ համան խածնիլ ու մեռցունիլ կուզէ: Զայիր ատպէս «կըլայ էղիլ է օձին խածած մարդը. Ասված տունէ-տեղէ «հռի պայէ, տուշմանիս չի տայ», ասին լսողները ու էրես-ները խաչ հանեցին:

Երկու-իրեք օր, ինչպէս մեր տեղի ատէթն է նը, Մըղ-տըսին վրան կալաճի արին, էփպէյի միսը կերան տղին. հաքէն ծամելու մէկ նոր միս գտան ու վաղ էկան տալա լաֆէն: Մեր Մըղտըսին ալ իրեն Ֆէնտերը պաշայից:

Ատ արալըխը տարա պապան ինկաւ-մեռաւ, էփպէյի պարտք թողուց. ամմա տուն-տեղ, նոմայ պարի, մէտօմ ալ սէրմիս թողուց: Մըղտըսին համան ատ ալայը մօրը անունին վրան գրիլ տուվից ու հօրը պարտքը ինքեար ա-րաւ, «բան մնացած չէ՛ իմիշ նարամէն»: Պարքնտէրները



առտովեցան, կանչվաւեցին, խրոխամէթ վերուցին, քիւ-  
ֆիւրներ, անէծքներ տուվին ու վերջը-վերջը վաղ էկան:  
Մըղտըսին էրեսը չեկարմրելէն հալվայի պէս լժի արաւ  
հալին հէլալ վաստակը ու նստաւ տեղը:

Անկէ ետքը Քափքային սէմթերը գնաց, մէքամ զէնկին  
մարդու չետիմ օրթախ էղաւ, չետիմ խրզմէթքեար, ու  
պարին, մաճառ-արապաններ եռքլէմիշ արած, կառմունքէ,  
կառմունք կըքալցունէր ու, կասին, աղէկ ծախս կանէր:  
Ատպէս, մէկ օր ալ, կառմունք քալածն-իքէնը, խապէր  
կառնէ քի՛ օրթախըդ, չէնէ շուպաճիդ (ի՛նչ մէղքըս պայ-  
իմ, տեղով չետիմ) ինկիլ է մեռիլ է, ու քառսուն արապա  
պարին կըմնայ մեր Մըղտըսին ծեռքը: Նա հալ համան  
աղլի արապաններուն արիշները ման կըպէրէ շիփ-շետակ  
դէպի իրեն աղպարը ու մէջի պարին շուամը-թէղ ինչաւ  
տեղեր կըտեղաւորցունէ: Հալին ասածէն, կտոր առնէ-  
վայ մէջ քառսուն հաղարի տէր կըլայ:

Մէտամը առնէն սօյերէն մէկին հետը օրթախ կըլայ,  
ատալ տեղով չետիմ ի՛նչ առուտուրի—պուրդի՞ մի, չէ՛նէ  
ցորեն ու հունտի: Մեր Մըղտըսին պահթէն, ճանրս, շատ  
չի անցնիլ, էրկուսում օրթախն ալ կիյնի կը, մեր Մըղ-  
տըսին կէնէ կըմնայ հալին քափթալին տէրը: Երփեվա-  
րին ու էօքսիւզներուն ի՛նչ կուղէ նը՝ ձեռքերը կըանէ,  
«աս է, կասէ, օղորմած հոգիէն մնացածը»: Նաքա հալ,  
խուլթսուզները, ի՛նչ անին. խատի՞ր ին ծուպուտ հանե-  
լու, հապա անալ չի տար. նը՞, հապա ալայ-մալայ լժի  
անէր նը: Ատալ ասպէս:

Ուժէ մեր Մըղտըսին նամը քափիթալին շատնալուն  
հետ պարապար հալին մէջ կըմեծնայ ու կըփռվի, «Մըղ-  
տըսի վար, Մըղտըսի վեր»: Մեր հալին, կիտիք խամ,  
լուզուն կըվերնայ սալթը ռընչպէր մարդոց վրայ, զէնկի-  
նին վրան չի վայել դէշ կալաճի, բամբասանք: Զէնկինը  
թօ լայ գող, հարամի, քիւհանի, անշահ, շունի պերան

Թապալելու մարդ, ատ զարար չունի, մէկն ալ խատիր չէ նարան ասելու քի՛ աչքիդ վրայ ունք կայ տէյին: Մեր Մըղաբսին ուտելի ալ էրթար նը՝ ամեն տեղ առջեւը կրտակ կըհանէին, բարեւ կուտային, Թոռէ պատը կընստեցունէին. ուտելի որ փունճ ու յարգինք կար՝ հոն նարան ծան կուտային, պատուաւոր սլուժպաններու մէջ նարան կընտռէին, նօսր սէրմիայովները նարամէն խրատ ու խորուրդ կըհարցունէին, նարա կալաճի արած իքէնը՝ սուս կըկենային ու պերանը կընայէին: Աս ամեն պահԹը, աս ամեն փառք ու պատիւը որ կըտեսնէ մեր Մըղաբսին՝ սիրտին մէջ խունտում կըլայ, որ աղլի էրկան օղունկով մարդուն խրատը լսից՝ ու կատարից, ու տայմա եալ կըխնտար ան մարդոց վրայ, որոնք իրենց մէջը հոգիի, աղնուութիւնի, քիպիրի, մեղք ու վարձքի կալաճիներ կանէին. խորդ է, պերանով չէր ասիլ, որ ատ խեւի հնճարած կալաճիներ ին, ամա միտքին մէջէն տայմա կասէր՝ «Ես օրերս քէֆով անցնում, տուք ձեր հոգիովը ու քիպիրովը Թառան ծուկ ու աղած միս ուտելէն միսիԹարվեցէք»:

Ատ ամենը զարար չունի. զէրէ որ մէկըս հալիին ստակը կերած չէ՛, պարտքը ինքեար արած չէ՛, էօքսիզներուն ու անտէր էփեվարիներուն պօղազներէն հացը կտուած չէ՛ ու քամէռցիայի անունով հազար չէշիտ ֆէնտեր բանեցուցած չէ՛: Մըղաբսին քիւհհանիութիւնը ատխատար լար նը՝ վճով մեզիմէն խատիր պիտ լար նարա վրան բերան բանալու ալայըս ալ (սուտ բան պէտք է որ) մէկ մեռնով մեռնած ինք, մէկ մէկու աչք հանելու տեղ չունինք. որըս քիւ, որըս շատ՝ ալայըս ալ աղէկ սօյէն աճըւված ինք: Բանը ատ չէ՛. բանը ան է որ՝ մեր Մըղաբսին, Էրուսաղէմէն գալէն ետքը, բնութքով կատարեալ սատանայ կառիլ էր, պէքիմ անկից ալ պէթէր: Լսված բան չէ՛, որ մէկ օր նարա բերնէն մէկիս մէկիս համար մէկ աղէկ կալաճի էլէր. լսված բան չէ՛, որ մէկին համար նա բարեխօսութիւն ա-

լած ըսար. լսված բան չէ՛, որ էրկու խոռոված մարդու զիմաց-զիմաց բերած ու պարըշցուցած ըլար: Մըղաբսիին նստած-էլլած տեղը միւճէրէթ կռէվ, իշքիլ, խռովու-թին, գուշմընութին, զարար, անուն կոտուել — ասպէս դէշ ու սօյսը բանէր մէյտան կէլէր: Մէկ չար խապէր չի կար, որ էնկ-սիֆթէ Մըղաբսիին բերնէն էլլած չիլար. մէկ սուտ բամբասանք չի կար, որ նա բերնէն էլլած չիլար: «Կասփատա՛ լսի՛լ իք, Ֆէլան պաղիրկեանը, կասին, ասօր-վաղը թօփ պիտի թապէ: Կասփատա՛ լսի՛լ իք, Ֆէ-լան էրիկ-կընիկը էրեկ ծեծկվիլ ին: Կասփատա՛ լսի՛լ իք, Ֆէլան կօռնիշնան իրեն աղային վրան կիրով տուվիլ է. ասածներէն կանը՝ տակէն ցուրտ-սէմթերու անուննէր կըլսվի: Կասփատա՛ լսի՛լ իք, Ֆէլան էրփեվարիի արապա-խափսիէն, զըշերվայ մութ ատեն, մէքամ կէնճ լէվէնտ պահոտվիլէն, կամացուկ էլլիլ է: Կասփատա՛ լսի՛լ իք, Ֆէլան տեսուչի քասսային մէջը *недоумѣю* էղիլ է. հոգա-բարձուները, սիմ-սիմ պէտք է որ, պիտի վարին տա: Կասփատա՛ լսի՛լ իք, Ֆէլան աղան, կասին, ծովին ան-դի էրեսը պանող պուլղարներուն հետը....: Կասփատա՛ լսի՛լ իք, Ֆէլան աղային զասթռախավաթ արած...: Կաս-փատա՛ լսի՛լ իք, քըուպին շթառշինան ու քանթօռչեքը խօսք մէկ էղիլ ին ու նօմայ ստակ վրաները անցուցիլ ին: Կասփատա՛ լսի՛լ իք, Ֆէլան աղային լէվէնտ օրթին»....: Ես ի՛նչ գիտնամ, սուտ չի մնաց, որ Մըղաբսին չի հնձարէր ու չի փռէր քաղաքիս մէջը. մարդ չի մնաց, որ անունը գող, հարամի չի հանէր. կէնճ ախջիկ, կէնճ կինխմարդ, կէնճ էրփեվարի չի մնաց, որ անունները չաճրուէր ու ճա-ռէզ չանէր: Ու աս ամենը չիմանաք որ մէյտան տեղ, ճակատը բաց, հատուիճ հատուիճ խօսքերով ասէր, չէ. նա սալթը մութ մութ խօսքերով կըհասկըցունէր ու պահը մէմը կասէր՝ «Ես ի՛նչ կիտնամ, սուտը խորդը վով գիտ-նայ, հալխը խապէս կասէ շտէ, մեղքը վարձքը իրենց վիզը, խապէս ալ բան կըլսի. վայ մեղքերուն: Լողունե-



լուռն ալ մեզք չէ խապէս սուտ կալաճիներ միտքերէն  
Հանկուռ. կասին քի, ճանրս, Ֆէլանին ախջիւր փախիլ է  
էրկանը տունէն, զիրով տուվիլ է, օրէնքի էլլիլ է ու պաժ-  
նրվիլ կուզէ. խապէս սուտ կըլաճի կըլայ. վայ Հոգու-  
նէրուն»: Անխէ՛ Էնկ-սիՖթէ չար խապէրը ինքը կըփռէ,  
հաքն ալ ինքը մեղքըցողըս կըլայ: Սուտն ալ, արալըխ-  
տա, պերնէ պերան կըփռվի քաղաքին մէջը, անմեղները  
նաՖիլէ ճառէզ կըլան. մեր սատանայ Մըղտըսին իրեն  
օձի լուզուցով կէնէ ազէկ մարդ կըլայ, մեղքըցողս կըլայ:

Օձին խաճած մարդը շտէ սիպէս հօռլսարզ բունութքի  
տէր կըլայ:

Ամմա՛ բանին մէջը ամմայ կայ. ան ալ ասիմ, խալսիմ  
աս Ֆոտած Մըղտըսին լաՖը, զէրէ ինքս ալ պէզմիշ  
էղայ, ծեղի ալ պէզմիշ արի:

Մըղտըսին ճէմը իրեք բարեկամ ունէր՝ մէկը Թիթինճի,  
մէկը խուլթուռճի, մէկն ալ պազըրկեան: Ես քանի՛ քանի  
տապուտ ասիլ իմ տացա՝ «Ո՛վ մարդիք, վազ արիցէք  
իտա օձի խաճած Մըղտըսին, չէնէ միւռէրէթ կուլտու-  
նէրուտ մէկ խաթէ կուզայ, զէրէ առ մարդը Թէվէքէլի  
մարդ չէ՛, ոսքէն պրոնած մինչի կօլօխը նա օձ ու սա-  
տանայ է: Ամա որի՞ն կասիս: Հէրկէլէները խօսքս բանի  
տեղ չի տրին, դաթօ փորձանքի ալ էկան. Թիթինճին  
չախօթքա էղաւ, մեռաւ. խուլթուռճին ինքը չախօթքա  
չէղաւ, ամա նարա քէսան էղաւ չախօթքան. նա շնախ  
տունը նստիլ է ու կըտնքայ. էնկ շթուք-պանը էղաւ  
պազըրկեանին Հետը. սիՖթէ նա խեղաւ, հաքէն միւռհիւզ  
էլաւ. շընարի ալ իրեն համար նոր զէնեաթ կըտիլ է,  
ինչ որ Մըղտըսին լուզուցով կանէ, աս խեղուլիկն ալ կանէ  
իրեն խալմոով:

Հասկըցա՞ք շնախ ինչ ասել է օձի խաճած մարդը: Ատ-  
պէս է նը աչքերըդ բացէք ու քէ՛Ֆ անկու մի՛ էրթաք ան  
պահՀանները, ուտիս որ օձեր կան:

## ՄԱՏԵՆԱԽՍՈՍՈՒԹԻՒՆ.

Շէքսպիր և իւր Համլէթ ողբերգութեան աղբիւրն ու քննադատութիւն-ները. աշխատասիրեց ՊԵՏՐՈՍ Հ. ԱԴԱՄԵԱՆ: Թիֆլիզ, 1887. գինն է մէկ ռուբլի:

Ի՞նչ վիճակի մէջ է մեր գրականութիւնը. մխիթարական կամ ոչինչ կամ շատ աննշան բան կարելի է գտնել նորանում, բայց և այնպէս, երբ մարդ ցաւալի իրողութիւնը խոստովանելով՝ կամենայ այդ անմխիթար երեւոյթի մանրամասնութիւնները որոշել, անշուշտ հաղար կողմից մի և նոյն արհամարհական նկատողու-թիւնը պիտի լսէ թէ՛ այդ իրողութիւնը նոր գիւտ չէ որ ա-նում էք, բոլորիս այդ վաղուց յայտնի է, պարապ մարդու աժա-նագին ցաւակցութիւն է որ յայտնում էք:

Այս նկատողութեանը (որ գժբաղդաբար աւելի բերանէ բե-րան իրրեւ խօսք է պտտում և ոչ բնաւ լրջութեամբ երեւան է բերվում մամուլի մէջ) կարելի է պատասխանել նախ՝ այն որ գրականութեան տխուր վիճակը մնւածում շատ քիչերն են նկա-տում, գուցէ գլխաւորապէս այն բնական պատճառով, որ առհա-սարակ մեղանում գրականութիւնը շատ փոքրաթիւ ընթերցող-ների համար գոյութիւն ունի, եղած ընթերցասէրների մեծամաս-նութեան ճաշակն էլ գուցէ գոհանում է մեր գրականութեան առձեռն արտադրութեանց թէ քանակութեամբն և թէ որակու-թեամբը: Նրկորդ՝ որ եթէ շատերն էլ, իրաւի, նկատէին իրերի այս աննախանձելի դրութիւնը, այնու ամենայնիւ այս փաստը իրրեւ ճշմարտութիւն ոչ միայն կարելի էր, այլ և հարկաւոր էր կրկնել ու պնդել թէ և հարիւր անգամ: Ի՞նչ արած որ մենք զեռ ևս այն աստիճանի վերայ ենք, որ մի և նոյն ճշմարտութիւնը մենք ստիպուած ենք հարիւր անգամ կրկնել, մինչև որ յոյս ու-նենանք թէ հա, վերջապէս խօսքս հասկացող գտնուեցաւ: Ահա, օրինակ, մի լրագիր իւր հիմնուելու օրից սկսած 10—15 տ. շա-րունակ մի տարրական գաղափար է կամենում արծարծել հայ հասարակութեան մէջ, ոչինչ չէ դուրս գալիս և նա միշտ կրկնում է. «Այսքան տարի մենք այս բանը մեկնում ենք մեր խաւարամիտ եղբայրներին, բայց նոքա ոչինչ չեն կամենում հասկանալ»: Խօսք

չկայ 'ի հարկէ թէ որքան առողջամիտ ու նպատակայարմար կարող են լինել լրագրի առաջարկութիւնները. փաստը փաստ է, և ընդհառակը՝ կարծես թեթեամիտ գաղափարների կարծը աւելի ձուկն է որսում մեղանում. հայի դարերով կարծրացած խելքը նրբութիւնների, «խրթին բառերի» հետ շատ սէր չունի... Իսկ ինչ վերաբերում է գրականութեանը, պարզ է որ նա հայի հասարակական կեանքի մէջ վերջին տեղն է բռնում, և դեռ շատ ու շատ բան մեղ համար գոյութիւն չունի այս ասպարիզում: Ինչո՞ւ հեռու գնանք. մի բան որ լուսաւորեալ ազգերի համար վաղուց հաստատուած ճշմարտութիւն է, որի առթիւ վիճաբանութիւն անգամ տեղի ունենալ չէ կարող, և ով որ այդ պիտի կատարէ, առանց երկար ու բարակ մտածելու իւր գործն է տեսնում ընդունուած ճշմարտութիւն համարելով այդ բանը, — մեղանում անօգուտ, մինչև իսկ վնասակար է ճանաչվում... մի խմբագրի կողմից: Խօսքս թարգմանութիւնների մասին է. ընդունուած բան է որ նոր ստեղծուող գրականութիւնները սովորաբար սկսում են հարստանալ թարգմանութիւններով, փոխառութեամբ աւելի ճոխ օտարազգի գրականութիւններից, քանի որ իւր ինքուրոյն պաշարը աղքատ է: Ռուսաց գրականութիւնը (գրակ. ասելով հասկանում ենք belles lettres, изящная литература) այսօր շատ պատուաւոր տեղ է բռնում ևրոպական գրականութիւնների շարքում. բացի 40-ական ու 60-ական թուականների կաճառի փայլուն աստղերը, ռուս գրականութիւնը այսօր էլ բազմաթիւ երիտասարդ տաղանդաւոր ոյժեր ունի, որոնց բեղմնաւորութիւնը հարկաւ մերոնցի նման չէ որ մի 2—300 երեսանոց տետրակով գրեթէ կէս դարու գրականական գործունէութեան յօրելեաններ են տօնում: Այսու ամենայնիւ, նայեցէք թէ ինչպէս ամէն կողմից գանդատ է լսվում թէ ռուս գրականութիւնը անկեալ վիճակի մէջ է, նայեցէք թէ տարին քանի թարգմանական վէպ է տպագրվում թէ առանձին գրքերով և թէ հաստափոր ամսագրներում, որոնք իրանց ստիպուած են համարում գոնէ թարգմանութիւններով լրացնել ինքնուրոյն բեղետորիստիկայի պակասը: «Востокъ Европы», «Северный Востокъ», «Русская Мысль», «Русскій Востокъ», «Наблюдатель» և այլն, բոլորն էլ ամիս չէ լինում որ մի երկու թարգմանական վիպասանութիւն չտան: — Իսկ մեղանում դեռ թարգմանութիւնների նշանակութիւնը հերքողներ կան, մեղանում որ մինչև այսօր չգիտենք թէ ինչ է



օրինակ ասած բանը գրականութեան մէջ. և ճշմարիտ, միթէ կայ մեր հեղինակների մէջ մէկը, որ անկեղծութեամբ, ձեռք սրտին դրած պնդէ թէ իւր այս կամ այն գրուածը օրինակ է համարում, այսինքն այնպիսի մի գրուած, որին հետագայ սերունդը արժանի համարէր նմանելու, իբրև օրինակ ընդունելու: Ո՞չ ապաքէն ասածիս ապացոյց է և այն հանգամանքը որ մինչև օրս մենք գրականական ոչ մի շկօլա չունինք ոչ բելլետրիստիկայի, ոչ բանաստեղծութեան մէջ. կան, այո, պնդողներ որ մեր բանաստեղծութիւն ստեղծողը Գամառ-Քաթիպան է, որ բոլոր մնացեալ բանաստեղծները նորա հետևողները, նորա աշակերտներն են, ուրեմն կայ մի Գամառ-Քաթիպայի շկօլա: Բայց թէ ի՞նչ հիման վերայ են այս պնդում, մեզ յայտնի չէ, և շատ հետաքրքրական կրէններ լսել թէ որ չափով և ինչպէս մեր բանաստեղծներից իւրաքանչիւրի ուղղութիւնը կապուած է Գամառ-Քաթիպայի գործունէութեան հետ, որն է նորա ստեղծած շկօլան և թէ, վերջապէս, ի՞նչպէս են հասկանում գրականական շկօլա ասած բանը: Մենք գտնէ հայ գրականութեան մէջ բնաւ մի որ և է շկօլա չենք գտնում և շատ ցաւում ենք: Մենք գիտենք միայն որ այն մարդիկ, որոնցից ամենայն իրաւունքով սպասում ենք նորանոր լուրջ երկեր, լուե՛ են վաղուց և համարեա՛ ոչինչ չեն արտագրում: Պուշեանցը, կարծես բաւականանալով «Սօս ու Վարդիթերովը», «Կոռածաղկովն» ու «Հացի խնդրովը», այսօր երկրորդ տպագրութեամբ հրատարակելով իւր առաջին վիպասանութիւնն կամենում է յիշեցնել իւր գոյութեան մասին. Աղայեանցը շատ վաղուց է որ էլ վէպեր չէ գրում և նոյնպէս կարծես «Արութիւն և Մանուէլի» հրատարակութեամբ կամենում է ցոյց տալ հայ հասարակութեանը որ գեղեցիկ վիպասանութիւններ գրելու էլ ընդունակ է. իսկ Գամառ-Քաթիպայի քնարը լուռ է «Փորձի» զաղարելու օրից <sup>1)</sup>:

Բացի այս բոլորը՝ սաստիկ զգալի է մեր գրականութեան մէջ կրիտիկայի կատարեալ բացակայութիւնը (մեր խօսքը գրականական կրիտիկայի մասին է). մեր բոլոր գրականութեան մէջ առ հասարակ մենք երկու-երեք յօդուած հազիւ կարողանանք ցոյց

<sup>1)</sup> Այս տողերը գրելու միջոցին մեզ հասաւ այն անփոխարինելի կորուստի լուրը, որ հայ գրականութիւնն ունեցաւ Բաթթիի մահուամբ, Բաթթիի որ քանի տարի է մեն-մենակ տանում էր իւր ուսերի վերայ ամբողջ հայկական բելլետրիստիկան. եթէ վերջին 5—6 տարին Բաթթին չլինէր, պիտի կարծէինք թէ վիպագրութիւնը դուրս է ձգուած հայ գրականութիւնից:

տալ, որ փոքր 'ի շատէ նմանում են կրիտիկայի, իսկ մնացեալ «քննադատական» կամ «մատենախօսական» կոչուած յօդուածները ամենապարզ ուէցէնցիաներ են, այն էլ մեծ մասը խիստ վայր 'ի վերոյ: Եւրջ կրիտիկայի բացակայութիւնիցն է որ այսօր մեր գրականութեան մէջ ոչ մի էսթետիքական տեսութիւն (թէօրիա), ոչ մի գրականական ուղղութիւն չկայ. մեր գրականութիւնը գեռ կարօտ է այն տարրական տեղեկութիւններին, որ Լրոպական ամէն մի մատենագրութեան տեսութեան ձեռնարկի մէջ կարելի է գտնել: Եւ ինչո՞ւ զարմանանք, քանի որ լրագրներ ունինք, որոնք գրականական ու քաղաքական անունը կրելով Տանդերձ՝ բերելտրիստիակայ ասած բանը գուրս են ձգում իրանց ծրագրից բոլորովին, կամ լրագրներ, որոնք լցվում են անգամ անայի «պատկերներով», «եղելութիւններով» և այլն, մինչդեռ խմբագրական «գամբիւղի» մէջ տարիներով անտիպ են մնում օտարազգի առաջնակարգ հեղինակների գրուածները:

Ի՞նչպէս կարելի է յառաջդիմութիւն սպասել մեր գրականութիւնից, ի՞նչպէս կարելի է յուսալ որ մի օր մեր ընթերցող հասարակութեան ճաշակը զարգանայ այնպէս, որ ինքն էլ կարողանայ մօտաւորապէս հասկանալ, որոշել թէ որ գրականական աշխատութիւնն է լաւ և որը վատ, քանի որ ոչ մի գրականական երեւոյթ մեղանում չէ արժանանում ազգի բանիմաց անձանց ուշադրութեանը: Սրինձի էք կամենում—համեցէ՛ք. Պամառ-Բաթիպային թէ խօսքով, թէ գրով ամենուրեք հայոց առաջին բանաստեղծ են հռչակում, «դարուս ամենամեծ հայ բանաստեղծ» են անուանում, բայց ո՞վ մինչև այսօր մի խօսք ասաց թէ ինչով է նա մեր առաջին բանաստեղծը, ո՞վ յոյց տուեց հասարակութեանը նորա նշանակութիւնը, նորա ամենամեծ հայ բանաստեղծ լինելը: Տարօրինակ բան չէ՞ որ մի ազգի «ամենամեծ բանաստեղծը», որ ամբողջ 35—40 տարի գործում է գրականական ասպարիւղում, գեռ ոչ մի լուրջ քննական ուսումնասիրութեան չէ արժանացել: Ո՞վ է մինչև այսօր երկու տող բան գրել Պոօշեանցի, Աղայեանցի և ուրիշ շատերի գրականական գործունէութեան մասին. բայց չէ՞ որ սոքա ընդհանուրի սէրն ու համակրութիւնը վայելող անձնաւորութիւններ են: Կամ երեակայեցէ՛ք որ լոյս է տեսնում մի երիտասարդ հեղինակի, օրինակ, Շիրվանդադէի (որ, անտարակոյս, տաղանդաւոր վիպասան է) նոր աշխատութիւնը. ի՞նչպէս է վերաբերվում մեր մամուլը այդ նոր գրուածքին: Շնոր-

Հակալուծեամբ ստացանք Շիրվանդարէի նոր վէպը, «Նամուս» վերնագրով. գիրքը տպուած է այստեղ կամ այնտեղ, արժէ այսքան կամ այնքան» և այլն. ահա մեր թերթերի սովորական ուշյենպիւսն էլ, կրիտիկան էլ և ամէն բան, ինչ որ կամենում էք: Եթէ աւելի լաւն էք ուզում՝ մենք այնտեսակ խմբագրներ էլ ունինք, որոնք կարող են լոյս չտեսած գիրքն էլ հայհոյել և գիրքը չկարդացած, երեսը չտեսած՝ հրատարակողին անընդունակ անուանել...

Այս բոլորից յետոյ կարծում ենք որ հայ գրականութեան ամէն մի նախանձախնդիր սրտացաւ անձն պիտի ուրախանայ, երբ հայերէն լեզուով գրած գրքեր են լոյս տեսնում, որ նպատակ ունին ծանօթացնելու հայ հասարակութիւնը ևրոպական կլասսիկների հետ: Այս տեսակ գրքերիցն է մեր հանձարեղ գերասան Պ. Հ. Աղամեանի գիրքը «Շէքսպիր և իւր Համլէթ ողբերգութեան աղբիւրն ու քննադատութիւնները», որ լոյս տեսաւ անցեալ տարի և որ վերոյիշեալ տեսակէտից արժանի է լուրջ ուշագրութեան:

Պ. Աղամեանի գիրքը, որ ինքնըստինքեան մի շատ ուրախալի երևոյթ է մեր աղքատիկ գրականութեան մէջ, տարօրինակ վիճակ ունեցաւ. ոմանք անպայման կերպով և յարմանալի անբարեխղճութեամբ ցեխի հետ հաւասարեցրին նորան, իսկ ոմանք խիստ գովեցին առանց մի խօսք թռցնելու բերաններիցը գրքի բովանդակութեան մասին: Հայհոյողը եղաւ «Արձագանքը», գովաբանող՝ «Աղբիւրն» ու «Մշակը» որ սակայն առաջնի հայհոյանքը մատնացոյց անելով ու պախարակելով՝ իւր կողմից միայն «գեղեցիկ» անուանեց պ. Աղամեանի գիրքը և գորանով բաւականացաւ:

Բայց այս գիրքը արժանի է որ նորա մասին մի փոքր աւելի լրջութեամբ խօսուէր և չնայելով որ նա անցեալ ամառ է լոյս տեսել, մենք աւելորդ չենք համարում մեր մի քանի համեստ կարծիքը և այժմ յայտնել նորա մասին, առանց կրիտիկոսի որ և է պրէտենզիա ունենալու <sup>1)</sup>:

Ամենից առաջ ցաւալի է որ պ. Աղամեանի գիրքը մի շտապով կատարած գործի տպաւորութիւն է անում, մանաւանդ որ մեզ յայտնի է թէ ի՞նչպէս լաւ ծանօթ է պ. Աղամեանը Շէքսպիրի

1) Յօդուածիս պատմական մասի համար օգտփում ենք գլխաւորապէս Տէնից Դաուզէնից և Ժենէից:



գրականութեան հետ, հետեապէս և, եթէ կամենար, անհամեմատ աւելի մանրամասն տեղեկութիւններ կարող էր հաղորդել հայ հասարակութեանը «Համէտի» հեղինակի մասին:

Անք կարծում ենք որ նուիրելով հայ ընթերցողներին առաջին գիրքը Շէքսպիրի մասին, աւելորդ չէր լինի գոնէ համառօտ կերպով նկարագրել անգլիական գրականութեան վիճակը նորանից առաջ և Շէքսպիրի ժամանակակից հասարակութիւնը, աւելի մանրամասնօրէն խօսել նորա դարու թատրոնական գործի մասին և մի փոքր աւելի ընդարձակել նորա կենսագրութիւնը:

Թատրոնական ներկայացումների առաջին նշանները եղել են Անգլիայում դեռ XII դարում, երբ ներկայացնում էին միստերիաներ և «միրակլ» (հրաշք) ասուած թատերական հանդէսները (*miracle-plays*): Այս ներկայացումների բնաւորութիւնը հետզհետէ փոփոխուելով, XV դարում ստանում են «moral-plays» (բարոյական ներկայացումներ) անունը, այս «բարոյական» ներկայացումների հետ միասին մինչև XVI դարը հասան և «միստերիաները»: Խօսք չկայ որ այս բոլոր ներկայացումները բոլորովին անմշակ են եղել գրականական տեսակետից և զուրկ որ և է գեղարուեստական նշանակութիւնից, բայց անգլիական դրամայի համար սոքա ունեցել են իրանց պատմական նշանակութիւնը: Այս ներկայացումներն են եղել որ այդ հին դարերիցն արդէն սկսած զարգացրել են անգլիական հասարակութեան սէրը դէպի թատրոնը: Եւ ահա մենք արդէն XV դարու կիսին Անգլիայում գերասանական դասակարգ. ենք տեսնում: 1464 թ. պարլամենտի մի արձանագրութեան մէջ յիշվում են «*players of interludes*» (ինտերլիւզիաների գերասաններ). Ռիչարդ III, դեռ Գլօստերի դուքս եղած ժամանակն ունեցել է իւր գերասանական խումբը: XV դարու վերջերումն Անգլիայի բոլոր ծայրերումն արդէն թատերական ներկայացումներ յայտնի են. կան շատ գերասանական խմբեր—«*the Ring's players*», «*the Prince's players*», «*the players of the Chapel*» և այլն:

Բայց այս բոլոր ներկայացումները զուտ բիրիական բովանդակութեամբ են եղել մինչև Զօն Հէյվուդ († 1565) որ առաջինը ժողովրդական տարր մտցրեց թատրոնական ներկայացումների մէջ. այս ոգով գրած պիէսներից յայտնի են «Ռօլֆ Ռոյստեր Դոյստեր» Ն. խղօլի և մանաւանդ «Ֆեռէքս և Պօռէքս» (Հօրդօբուկ) որ տպագրուեցաւ 1565 թ. Այս ժողովրդա-

կան պիէսները դեռ շատ կոպիտ են և անմշակ, և ահա հանդէս է գալիս Զօն Լիլլին որ մեղմացնում է սոցա գուեհական կոշտութիւնը: Լիլլիից յետոյ յայտնի է, ըստ Նաշի և Մէլօնի, թ. Կիդի «Սպանիական Ողբերգութիւնը» որ հարուստ է սոսկալի արիւնհեղուժեան տեսարաններով: Այս ողբերգութիւնն է որ «Համլէտի» վիճելի աղբիւրներից մէկն է համարւում. սորա նմանութիւնը «Համլէտի» հետ այն է գլխաւորապէս որ այստեղ էլ կայ կեղծ խելագարութիւն վրէժխնդրութեան նպատակով և թատրոնական ներկայացում բեմի վերայ, ինչպէս «Համլէտի» երրորդ արարուածի մէջ: Այս սարսափելի տեսարաններով լի ողբերգութիւնների տարածման առաջն առնել են կամենում Պիլ, Լօլ և ուրիշները, այլաբանութիւն (ալլեգորիա) մտցնելով իրանց գրուածների մէջ: Բայց սոցանից աւելի մեծ քայլ առաջ է անում Ռ. Գրին, որի լեզուն արդէն անհամեմատ աւելի մաքուր է և բնական: Այս հեղինակների պիէսների ներկայացումը համարեաւ ընդհանուր է եղել մօտ տաս տարի, մինչև 1590 թ. և այդ տասնեակ տարին պարարտ հող է պատրաստել Շէքսպիրի Հնաշխարհիկ հանձարի զարգացման համար:—Շէքսպիրի ծնած տարին, 1564 թուականը, պարգևում է Անգլիային մի ուրիշ բանաստեղծական հանձար, որի բուռն երեակայութեան թոփփը և հզօր խանդը շատ նշանաւոր քննադատներ ստոր չեն դասում Շէքսպիրի քանքարից: Բայց դժբաղդաբար Խրիստօֆօր Մառլօու դեռ հազիւ երեսուն տարեկան մեռնում է 1593 թ., ունեցած կեանքն էլ մի տարօրինակ կերպով մաշելով: Սորա ողբերգութիւններից նշանաւորներն են. «Տամբրլան», «Մալտայի Հրէան», «Ֆաուստ» և «Եգուարդ II»:

Մենք շատ համառօտ առաջ բերինք այն շրջանի պատմութիւնը, որ աւելի ընդարձակ կ'ուզէինք տեսնել պ. Ադամեանի գրքի մէջ: Այդ գրականական շրջանը այսպէս թէ այնպէս մեծ կապ ունի Շէքսպիրի գործունեութեան հետ, և այդ հարկաւոր էր առաջ բերել այն գրքի մէջ, որ առաջին անգամ հայերէն լեզուով ծառում է մասնաւորապէս Շէքսպիրի մասին:

Այժմ մի քանի խօսք Շէքսպիրի կենսագրութեան առիթով:

Մենք բոլորովին համաձայն ենք պ. Ադամեանի հետ որ Շէքսպիրի կեանքի շատ հետաքրքրական մանրամասնութիւնները չեն կարող մեզ լաւ ծանօթ լինել, որ նոքա մեզ համար կորած են ընդ միշտ: Այսու ամենայնիւ պ. Ադամեան կարող էր աւելի

տեղեկութիւններ հաղորդել Շէքսպիրի կեանքի ու գործունէութեան մասին, փոյթ չէ եթէ նոցանից շատերը մինչև այսօր էլ դեռ վիճելի են. այդ ձևով էլ թող հաղորդուէին հայ հասարակութեանը: Եթէ այդ անմահ հանձարի մասին եղած ամէն մի աննշան անեկդօտ գրաւում է լուսաւորեալ աշխարհի ուշադրութիւնը, մենք գոնէ հետաքրքիր պիտի լինինք իմանալու նորա կեանքի շատ կողմերը, թէև սոքա վիճելի լինին:

Յայտնի է որ Շէքսպիրի ժամանակակիցները շատ փոքր համա-րումն ունէին նորա ուսումնականութեան վերայ. այս կարծիքը տարածուեցաւ մանաւանդ Շէքսպիրի աւելի ուսումնական բարեկամի Բէն Ջօնսօնի յայտնի խօսքերի հիման վերայ թէ՛ «Շէքսպիր սակաւ ինչ լատիներէն դիտէր և աւելի սակաւ յունարէն»: Բայց թէ Շէքսպիրի գրականական գործունէութիւնից և թէ նորա ժամանակի դպրոցական պայմաններից երևում է որ վերոյիշեալ կարծիքը չափազանցացրած է: Այն ժամանակուան դասաւանդութեան սիստեմով նախ քան յունարէն լեզուն և գրականութիւնն ուսումնասիրելը, պէտք էր արդէն բաւականաչափ ծանօթ լինել լատիներէն լեզուի և գրականութեան հետ. հիմայ ի նկատի ունենանք որ Շէքսպիրը արտակարգ ընդունակութիւնների տէր էր և եօթ-ութ տարի դպրոցումն է (դպրոցից դուրս է եկել 16 տարեկան) եղել (այն ժամանակուան գիմնաշինում): Պարզ է, որ նա մի յայտնի գումար տեղեկութիւն պիտի դուրս տանէր դպրոցից կլասիքական գրականութեան մասին: Յունարէնից նա կարող էր գուցէ դժուարանալ. օրինակ, Պլուտարքոս կարդալու համար նա մեկնութիւններ է խնդրել Նօրթից (North), բայց լատիներէն նա անշուշտ կարող էր կարդալ:

Յայտնի չէ թէ որքան ճիշդ է Մէլօն հաղորդում է որ դպրոցից դուրս գալուց յետոյ և մինչև իւր ամուսնանալը, Շէքսպիր պարապել է իրաւաբանութեամբ, իսկ Օբրին (Obrey) ասում է որ նա գիւղական դպրոցի ուսուցիչ է եղել: Բայց այս բոլորիցն աւելի նշանակութիւն է ունեցել Շէքսպիրի հանձարի վարձացման համար անշուշտ այն հանգամանքը որ Ստրատֆորդում յաճախ էին լինում դերասանական խմբեր, որոնք քաղաքից քաղաք թափառելով իրանց ներկայացումներն էին տալիս: Այսպէս Ստրատֆորդում 1569 թ. եղել են «Queen's players» և «Earl of Worcester» դերասանական խմբերը (Թագուհու և կոմս Ուօրչեստերի). ճիշդ տեղեկութիւններ կան այդ դերասանների



Ստրատֆորդ այցելելու մասին 1573 և 1576 թթ. Ստրատֆորդ յաճախ եկել են կոմս Ուօրլեստերի, լորդ Բատտլէտի, կոմս Լասէքսի և այլ դերասանական խմբեր։ 1854 թ., երբ Շէքսպիր 20 տարեկան է եղել, Ստրատֆորդ եկել են իրար յետեից թագուհու, կոմս Ուօրլեստերի և կոմս Լասէքսի խմբերը։ Եւ քանի որ յայտնի է, թէ Շէքսպիրի հայրը նորան դեռ մանուկ եղած ժամանակը հետը տանում էր քաղաքային խորհրդատունը, ուր յիշեալ գերասանական խմբերը տալիս էին իրանց ներկայացումները, մենք համարձակ կարող ենք ասել որ այդ ներկայացումները ամէն բանից աւելի աղղեցութիւն կարող էին ունենալ Շէքսպիրի ի բնէ վառ երեակայութեան վերայ և պատրաստել նորա հոգում այն նիւթը, որ առաջին կայծիցը բորբոքուեցաւ և իւր անշէջ բոցովը լուսաւորեց թէ Անգլիան և թէ բոլոր Յւրոպան։

Պ. Ադամսան իբրեւ Շէքսպիրի Լօնդոն հեռանալու պատճառ յիշում է միայն նորա ընտանեկան նեղ վիճակը նիւթականի կողմից, «ապրուստի անհրաժեշտ հոգսերը»։ Անշուշտ այս գլխաւոր պատճառներից մէկն է եղել. բայց մի հանգամանք էլ կայ որ թէպէտ Շէքսպիրի ժամանակակիցների հայեացքով ստուեր կարող է ձգել նորա վերայ, ինչպէս օրէնքի հակառակ գործ, բայց մեր տեսակէտովը խօսք չկայ որ ոչ մի նշանակութիւն չունի Շէքսպիրի բարոյական յատկութիւնների գնահատութեան գործում։ Բանն այն է որ ըստ Ռօուի, Դէվիսի, Ջօնսի և այլոց Շէքսպիր ստիպուած է եղել հեռանալ Ստրատֆորդից իւր արած բրակոնիէրութեան համար թոմաս Լիւսիի կալուածումը, Չարլիօտում, Ստրատֆորդի մօտ։

Թ. Լուսին հալածում է պատանի Շէքսպիրին. սա մի պասկուիլ է գրում ազնուազարմ կալուածատիրոջ վերայ. վերջինը իւր հալածանքը այն տեղն է հասցնում, այս պասկուիլիցը կատաղած, որ Շէքսպիր ստիպուած է լինում հեռանալ իւր ծննդավայրիցը։ Մէլօն, Նայտ և ուրիշները կամենում էին հերքել այս փաստը, իբրեւ Շէքսպիրին արատաւորող մի ստապատիր զգալարտութիւն, բայց Հօլլիուէլ (Halliwell) հաւատարիմ աղբիւրներից քաղած տեղեկութիւնների հիման վերայ ապացուցանում է այս փաստի ճշմարտութիւնը։

Բացի հօր դրամական նեղ վիճակը և այս հանգամանքը, Շէքսպիրին Լօնդոն կարող էին ձգել և նորա կապերը մայրաքաղաքի յայտնի թատերասէրների և գերասանների հետ. հոչակաւոր

Ռիչարդ Բեորբէջ (*R. Burbage*) և Հէմմինգ (*Hemming*, Ստրաստ-  
ֆորդցի են եղել, և Բեորբէջի հայրը 1574 թ. անգամ է եղել  
կոմս Լէյստերի դերասանական խմբի որ յետոյ ստացաւ «Լօրդ  
կանցլէրի ծառաներ» անունը (*the lord chamberlaine's ser-  
vants*):

Մեր խօսքը մինչև այժմ եղել է պ. Ադամեանի գրքի առաջին  
մասի առիթով: Թոյլ ենք տալիս մեզ մեր կարծիքը յայտնել և  
գլխաւոր նիւթի, «Համէտի» առիթով: Պ. Ադամեան առաջ բե-  
րելով Սաքսօն Գրամմատիկոս Ամէտի մի սովորութիւնը թէ  
«երբեմն ծալապատիկ կընստէր վառարանի մօտ, ձեռքերը մոխրին  
մէջ, երբեմն էլ փայտի կտորները սուր կըտաշէր և այրելով կը-  
պնդացներ նոցա ծայրերը», նկատում է որ «այս տեղեկութիւնիցն  
է վերցրել «լինիլ թէ չլինիլ» մենախօսութեան մէջ ձեռքը մի դա-  
շոյն բռնած բեմ դուրս գալը»: Զգիտենք այս ճիւղ «շատերին ան-  
հասկանալի է թուած», միայն կարծում ենք որ առանց պ. Ադա-  
մեանի բացատրութեան էլ (որ կարող է և աւելորդ համարուիլ),  
բաւական է տեսնել այդ մենախօսութիւնը կատարուած երկու  
կերպ, առանց դաշոյնի և դաշոյնը ձեռին, որ մարդ համոզուի թէ  
այդ փոքրիկ նորամուծութիւնը որչափ օգնում է աւելի ուշիւեֆ,  
աւելի կենդանի կերպով ըմբռնելու Համէտի ալեծուսի հոգո  
ելեէջները, այն անհուն տարակուսանքը, և հաւատը և յուսա-  
հատութիւնը, և ապրելու ցանկութիւնը իւր սրբազան նրպա-  
տակի համար և «մի հարուածով հանգիստ գտնելու կարելիու-  
թիւնը», որ յուզում են նորա միտքն ու սիրտը:

Այստեղ մի խնդիր կայ միայն որի այս կամ այն կերպ լուծե-  
լուցն է կախուած դաշոյնով կամ առանց դաշոյնի դուրս գալու  
մեկնութիւնը. այդ խնդիրը հետեւեալն է: Ոմանք Համէտին ըն-  
դունում են ընդհանրապէս փիլիսոփայ մարդ և «լինիլ թէ չլի-  
նիլը» մի փիլիսոփայական մենախօսութիւն կեանքի չարեաց մա-  
սին ընդհանուր մտքով և ոչ միայն իւր (Համէտի) վերաբերու-  
թեամբ. այսպէս մտածողները առ հասարակ «Համէտը» մի փի-  
լիսոփայական գրուածք են համարում, մի տեսակ պլարանտութիւն  
նման Գեօթէի «Ֆաուստին»: Ոմանք էլ Համէտին հասարակ  
մահկանացու են համարում, մարդկային բոլոր արժանաւորութիւն-  
ներով ու թերութիւններով, որի միտքը փիլիսոփայական զարգա-  
ցումն է ստացել, որ սովորել է լրջութեամբ քննել թէ իւր  
անձը և թէ իրան շրջապատող կեանքի երևոյթները և այս պատ-

Ճառով՝ ազնիւ սրտի ու մաքուր բնաւորութեան տէր լինելով չէ կարողանում զիմանալ իրան շրջապատող փչացած մթնոլորտի մէջ, մի խօսքով մի ուշադրութիւն և ոչ այլաբանական ներկայացուցիչ որ և է գաղափարի: Եթէ երկրորդ կարծիքն ընդունենք, պարզ է որ շատ հասկանալի կըլինի «լինիլ թէ չլինիլ» մենախօսութեան մէջ Համլէտի դաշոյնը ձեռին դուրս գալը. այդտեղ Համլէտը մտածում է՝ անձնասպանութիւն գործել, ուրեմն և հասկանալի է ձեռին դաշոյն ունենալը: Մենք այս կարծիքն ենք ընդունում և ընդդէմ ենք առաջին կարծիքին այն պարզ հիման վերայ, որ Շէքսպիր խիստ ուշադիր է բառիս ազնիւ և ընդարձակ մտքով: Թմելլո, Արքայ ի իր, Ռօմէօ, Մակբէթ, Համլէտ, Յուլիոս Կեսար և այլն... այս բոլորը համամարդկային բարձր ուշադրական տիպեր են և ոչ բնաւ այլաբանութիւն: Շէքսպիրի այլաբանական գրուածները նորա համեմատաբար թոյլ աշխատութիւններն են: Եւ եթէ նորա ամենաբարձր գործերի մէջ էլ կան զանազան ուրուականներ, դոքա միայն զիջողութիւն է ժամանակին, որ արել է Շէքսպիր. այստեղ, ինչպէս և ուրիշ բաներում, նա ստիպուած յարմարուել է ժամանակի պահանջներին, ժամանակի ոգուն: Միայն այս յարմարուելը, այս զիջողութիւնը երբեք տիպերին չէ վերաբերել, այլ գլխաւորապէս բնական էֆէկտներին: Պ. Ա. դամեանն էլ Համլէտին բնմի վերայ ներկայացնում է մի խիստ ուշադրութիւն և այդպէս էլ հասկանում է ամբողջ ողբերգութիւնը. ուստի մեղ համար մի անսպասելի հակասութիւն է այն այլաբանական (եթէ կամենում էք մի փոքր էլ միատիքական) մեկնութիւնը, որով վերջացնում է պ. Ա. դամեան իւր գիրքը (եր. 112—113):

Յայտնի է որ Շէքսպիր ոչ մի տեղ և ոչ մի պիէսի համար ցուցմունք չէ անում թէ դերասանը ինչպէս պիտի ներկայացնէ բնմի վերայ այս կամ այն գործող անձին. տաղանդաւոր դերասանը ինքը պիտի իմանայ թէ ի՞նչ և ինչպէ՞ս ներկայացնէ, ըմբռնելով գործող անձի ընդհանուր ոգին, մարմին տալով և շունչ փչելով ամէն մի խօսքին և մանաւանդ հիմնուելով իւր գեղարուեստական ճաշակի վերայ:

Պ. Ա. դամեան առաջ է բերում Մեյլերից մի կտոր, ուր ֆրանսիացի քննադատը համեմատելով Համլէտին Վերթէրի հետ, ասում է. «Վերթէր անձնասպան է լինում, սիրելով Շարլօտին, բայց այդ սէրը միայն իւր յուսահատութեան պատրուակն է. Շարլօտին եթէ ձանաչած անգամ չլինէր, դարձեալ անձնասպանութեամբ



պիտի վերջացնէր իւր կեանքը: Նոյնպէս և Համլէտ, եթէ տեսած էլ չլինէր ուրուականին զարհուրելի տեսիլքը, ոչ աւելի երջանիկ պիտի լինէր և ոչ աւելի խաղաղ»:

Այս կտորի դէմ, ոտնակոխ անելով անձնաւորութեան ամենատարրական հոգեբանութիւնը, «Արձագանքի» ռէցէնզէնտը ասում է. «Ուրեմն պ. Ադամեան ոչինչի տեղ է դնում մարդուս կեանքի լաւ և վատ պարագաները, որոնցից այնպէս կախուած է մեր դժբախտութիւնը ու երջանկութիւնը» և իւր միտքը ապացուցանելու համար վկայութիւն է բերում Գերվինուսից թէ «Համլէտը երջանիկ կեանքի ազդեցութեան տակ կրլինէր ուրախ ու զուարթ և նորա մեղամաղձութիւնը կըստանար մի խելացի էլէգիական բնաւորութիւն և որ եթէ նորա ճակատագիրը չլինէր այնպէս անողորմ, նորա մէջ կըզարգանար խելացի թեթեամտութիւնը և բնաւորութեան զուարթութիւնը»:

Մենք առաջարկում ենք Մեզիէրի կամ Ադամեանի միտքը ապացուցանելու համար կարգաւ նոյն Գերվինուսից առած հետեւեալ կտորները. Շէքսպիրի հռչակաւոր քննադատն ասում է մի տեղ. Համլէտի հօրեղօր եղեռնագործութիւնները գլխովին ճնշում են նորան (Համլէտին). Ճիշդ է, այս թախծի բեռը մի ներդաշնակութիւն ունի այն քնածին հակման հետ զէպի զգայունութիւնը որ մենք նկատեցինք Համլէտի մէջ. նորա համար մի տեսակ վայելչութիւն է մույլ պատկերներով զբաղեցնել իւր միտքը, մտածել անձնասպանութեան վերայ: Մի ուրիշ տեղ նոյն հեղինակն ասում է. «Նախքան ուրուականի Համլէտին վրէժխնդիր լինելու հրաւիրելը, և նորանից յետոյ էլ, կեանքը ճնշում է նորան որպէս անտանելի մի բեռն և շատ անգամ դրդում է նորան անձնասպանութեան վերայ մտածելու»: Դարձեալ ասում է Գերվինուսը մի այլ տեղ. Համլէտ ներկայանում է մեզ իբրեւ մի իդէալիստ, որի ուժերիցը վեր է իրական աշխարհը, որին այդ աշխարհը մերժել է իրանից. «Համլէտի սիրտը այնպիսի դառնութեամբ լցրեց և զզուացրեց այս հանգամանքը, որ սորանից վնասուեցաւ անգամ նորա աշխիւ բնաւորութիւնը»: Եւ իրաւի, մտադրութեամբ ուսումնասիրելով Համլէտի մտաւորականը և բարոյական մարդը, մենք կըտեսնենք որ նա ինչ վիճակի մէջ էլ որ լինէր, նոյն մեղամաղձոտ Համլէտը կրլինէր: Մենք նշանակութիւն ենք տալիս մանաւանդ Գերվինուսի վերջին կարծիքին, թէ Համլէտ մի իդէալիստ է, ուժերիցը վեր է իրական աշխարհը, որին այդ աշխարհը մերժել է իրանից: Ինչպէ՞ս երջա-

նիկ կըլինէր Համլէտ, այդ քնքուշ կազմուածքով, խորին զգայնութեամբ, վսեմ լուսաւորութեամբ օժտուած, խորաքնին իմաստասէր, հզօր զգացմունքի, վսեմ մատրի և ալնիւ սրտի տէր Համլէտը շրջապատող տգեղ հասարակութեան մէջ, ուր տէր են պալատական սողուն թզուկները, Պօլոնիուսներն ու Սարիկները: Իւր չափազանց զարգացած ռէֆլէքսիայով և վերին աստիճանի նուրբ զգացողութեամբ, իւր տպաւորութեան դիւրամատոյց ջղերովը և փափուկ բնաւորութեամբը Համլէտ չէր կարող գիմանալ պալատական ինտրիգների ու շողոքորթութեան ասպարէզ դարձած կեանքի ճշնող ծանրութեանը. նա պիտի թառամ էր, եթէ հօր մահուան, մօր և հօրեղբօր եղբունագործութեան արհաւիրքն էլ չթափուէր նորա գլխին, նա պիտի թառամէր այնպէս, ինչպէս որ կընամրի ջերմոցում սնուցած մի վարդ թունաւորուած մթնոլորտում:

Առաջին գործողութեան երկրորդ տեսարանում, ղեռ հօր ուրուկանը չտեսած, Համլէտ իւր մենախօսութեան մէջ ասում է. «Ո՛հ, եթէ այս չափազանց ամուր մարմինը կարողանար հալուիլ և շոգիանալ որպէս ցօղ: Կամ թէ Նախախնամութեան օրէնքով ստիպուած չլինէինք հեռու մնալ անձնասպանութիւնից.... Աստուած իմ, Աստուած իմ, ի՛նչ զգուելի է, քարասիրտ, ստոր և անպտուղ է իմ աչքումը այն ամէնը, ինչ որ կատարվում է այս աշխարհումը: Այո՛, գարշելի է ինձ համար այս աշխարհը.... Այս մի խոպանացած պարտէզ է, ուր բոլորը, ինչ որ անգոսնելի է և կոպիտ, բեղմնաւորուելով արմատներ է արձակում, մինչև որ բոլորովին նորան խեղդէ»: Համլէտի անձնական յատկութիւնները և նորան շրջապատող կեանքը ուսումնասիրելով, մենք կարող կըլինինք ասել որ նա հօր մահից առաջ էլ այս յուսահատ պեսսիմիստիկական հայեացքը կ'ունենար աշխարհի վերայ: Համլէտ իւր մտաւոր և բարոյական արժանաւորութիւններովը այնքան բարձր է իւր շրջապատող կեանքիցը որ հաշտուել նորա հետ չէր կարող, և ինչո՞ւ պիտի կարծենք, որ միայն հօր մահն ու մօր անբարոյականութիւնը ստիպեցին մի բարձրագոյն ուսման և վսեմ զարգացման տէր երեսուն տարեկան երիտասարդին (Համլէտի 30 տարի լինելը կարծում ենք ամենահաւանականն է) յանկարծ այդպէս վատ աչքով նայել աշխարհի վերայ, եթէ միայն երբէք նա գեղեցիկ է համարել աշխարհն ու մարդիկ: Համլէտ ոչ այնքան թեթեւամիտ է մի կամ երկու, թէև ամենախոշոր դէպքի հիման վերայ

իւր անմեկին համոզմունքն ու աշխարհաստեղծութիւնը փոխելու համար և ոչ այնքան եսական իւր անձնական թշուառութիւնն ու վիշտը ամբողջ աշխարհի ու մարդկութեան վերայ դարձնելու համար: Ա. Մեղիէրի այս միտքը թէ՛ «երկուսն էլ (Համլէտ և Վերթէր) չափազանց շատ են քննում իրանց սեպհական անձնաւորութիւնը», պէտք չէ հասկանալ այսպէս, թէ այս մի եսական մարդու իւր անձովը զբաղուելն է, ո՛չ, այս մի շատ խղճմտաւոր փիլիսոփայի անձնաքննութիւնն է, այս սեպհական ներքին մարդու ուսումնասիրութիւն է, որի հետ զուգընթաց առաջ է գնում շրջապատող կեանքի և մարդկանց, լուսոյ և ստուերի մանրալին վերլուծումը: Այս չափազանց զարգացած անձնաքննութեան հետեանքն է ահա, որ Համլէտի ռէֆլէքսիան գերակշռում է նորա գործոն ոյժն ու եռանդը,—մի անհաւասարութիւն որ ամէն մի ձեռնարկութիւն (գործնական) զրկում է կենսական զօրութիւնից:

Համլէտի բնաւորութեան մասին այս բոլոր ասածներին հիման վերայ մենք աւելի հակամէտ ենք ընդունելու Մեղիէրի որոշումը թէ «Համլէտ պատկանում է մարդկութեան այն դասակարգին, որոյ մեղամաղձոտ խառնուածքը և մտաց նուրբ թափանցողութիւնը աւելի ընդունակ, աւելի զգայուն են անում նոցա մարդկային ցաւոցը և վշտաց, քան թէ մեզ շնորհեալ բնութեան բարեացը»:

«Համլէտի» հինգերորդ արարուածում, մենամարտութեան տեսարանի մէջ, թագուհին Համլէտին գէր է ասում, այս նկատողութեան հիման վերայ Շէքսպիրի քննադատները պնդում են որ Համլէտ անպատճառ գէր պիտի լինի: Պ. Ադամսոն տրամաբանօրէն և որ զլիսաւորն է մեծ գեղարուեստական տակտով ու հասկացողութեամբ ապացուցանում է որ Համլէտին գէր չէ կարելի ներկայացնել:

Եթէ արդարեւ բերքէջ, Համլէտի դերը կատարողը, «մարմնով մեծղի էր և գէր», մեծ հաւանականութեամբ կարելի է ասել որ Շէքսպիր միայն այդ հանգամանքին յարմարուելով թագուհու բերանն է դրել թէ «Համլէտ գէր է»: Ամենահանձարեղ բանաստեղծներն էլ միշտ այսպէս թէ այնպէս յարմարուել են իրանց ժամանակին, շատ անգամ գուցէ իրանց կամքին հակառակ զիջումներ են արել ժամանակի ոգուն, ժամանակակից հասարակութեան ճաշակին ու պահանջներին:

Դեռ թողնենք Համլէտի գիրութեան խնդիրը որ երկրորդական բան է. իսկական Համլէտը կարող էր և շատ գէր լինել և չոր



չօփ, դորանից Շէքսպիրի ողբերգութիւնը իւր նշանակութիւնը չէր փոխիլ: Բանն այն է որ Շէքսպիր միայն այդպիսի զիջումներ չէ արել իւր ժամանակի պահանջներին, այլ շատ ուրիշ աւելի նշանաւոր խնդիրներում:

Մի քանի տարի սորանից առաջ, մինչև Տէնի «Անգլիական գրականութեան պատմութիւնը» կարդալս, ես միշտ մնում էի մոլորուած Շէքսպիր ձեռս առած ժամանակ, միշտ ինձ ու ինձ հարցնում էի թէ ի՞նչպէս անմահ հանճարը կարողացել է իւր բոլոր ողբերգութիւնների մէջ կուտակել այնպէս բազմաթիւ ամենասարսփելի եղեոնադործութիւններ ու արհաւիրք, այնչափ արիւնհասեղ տեսարաններ. ի՞նչպէս է թոյլ տուել որ, օրինակ, «Համլէտի» մէջ պիէսայի վերջումը բոլոր գործող անձինք համարեաւ սպանվում են ու զիտապաստ փրովում բեմի վերայ, Պօլոնիուսն արդէն երրորդ արարուածումն է սպանվում, Օֆէլիան խելագարվում է և խեղդվում, Ռօզէնկլանց և Գիլդենստերն նոյնպէս սպանվում են Համլէտի շնորհիւ մինչև հինգերորդ գործողութիւնը: Ինձ միշտ թուում էր, նոյնն էլ Հիմայ եմ կարծում, որ այդ տեսակ մահուան զարհուրելի տեսարաններով լի պիէսները բեմի վերայ ներկայացնելով՝ միշտ խլում են նոցա գեղարուեստական արժանաւորութիւններից շատերը. մահը ինքն ըստ ինքեան մի էսթէտիքական բան չէ, և առաւել ևս այն սոսկալի մահը, որով մնոնում են սովորաբար Շէքսպիրի հերոսները: Վարդալու ժամանակն իսկ այդ տեսարանները շատ անգամ վերաւորում են ընթերցողի էսթէտիքական զգացմունքը, իսկ բեմի վերայ տեսնելը միայն սարսափ է ձգում մարդու վերայ: Ուրեմն, մտածում էի ես, ի՞նչպէս պէտք է մեկնել այս հանգամանքը, ի՞նչպէս չէ վերաւորուել Շէքսպիրի գեղարուեստական զգացողութիւնը, նորա նուրբ ճաշակը այս սարսափելի տեսարանները ստեղծելու և ներկայացնելու: Տէնի գիրքը կարդացի, հանելուկը լուծուեցաւ ինձ համար. Շէքսպիր ստիպուած է եղել, առանց այլևայլութեան, այդ ձևով գրել: Քայլ առ քայլ հետեւելով անգլիական ազգի կազմակերպութեան պրօցէսին, զիտելով թէ ի՞նչ տարրերից է կազմակերպուել այդ ազգը, ի՞նչ պատմական պայմանների մէջ է զարգացել, — մենք կը հասկանանք թէ ինչո՞ւ անգլիական հասարակութիւնը XVI և XVII-դ. դարերում Մահալուծի և Շէքսպիրի ստեղծած դարհուրելի տեսարաններից միայն կարող էր գոյ լինել: Աւաղակաբարոյ նորմանդացիների և անգլո-սաքսերի

արիւնն էր հոսում անգլիացու երակների մէջ. նորա բորբոքուած հարուստ և զօրաւոր երեակայութիւնը չէր կարելի գոհացնել մի պարզ ողբերգական կամ կատաղերկական գրութեամբ, մի սովորական պիէսի բովանդակութեամբ: Մեր ժամանակակից հեղինակների երբեմն շատ հասարակ մի փոքրիկ ընտանեկան փոթորիկ կերակուր չէր կարող լինել այն երեակայութեան համար, որ հասարակ տախտակէ պատերն ու յատակը, միայն մի պարզ վերնագիր կարդալով, կարող էր ընդունել ծովի, անտառի, սարի ու ձորի տեղ և կենդանի կերպով ներկայացնել և՛ մրկայոյշ ալիք, և՛ դժուարալուծ մի մութ ծառաստան, և՛ մշուշապատ լեռներ, և՛ ամէն բան, ինչ որ գերասանները խնդրէին ներկայացնել:

Անգլիացու երկամէ ջղերի համար էլ ուժեղ ցնցումներ էին հարկաւոր. նորան արեան տեսարաններ էին հարկաւոր որ թատրոնիցն հեռանալով հետը մի տպաւորութիւն տանէր: Այդ ցնցումները նորան հարկաւոր էին այնպէս, ինչպէս որ այսօր, XIX դարու վերջում, երբ մենք այդ տեսակ արհաւիրքներին չդիմանալով, թատրոնում եղած ժամանակներս, ուշաթափուած ենք շատ անգամ, նոյն այս ընդհանուր թուլամորթութեան ժամանակ վայրենաբարոյ սպանացու համար հաց ու ջրի հաւասար հարկաւոր են պիկադորների ու տօրէադօրների արիւնահեղ ներկայացումները, վայրագ ցլամարտը:

Եւ անշուշտ, եթէ Շէքսպիր ուրիշ ազգի ծնունդ լինէր և ուրիշ հասարակութեան համար գրէր, նորա գրուածքները աւելի մեղմ բնաւորութիւն կ'ունենային, և միայն Անգլիայի զաւակ կարող էին լինել և՛ Մաուլու, և՛ Շէքսպիր, և՛ Բայրըն: Ահա՛ և Գերմանիայի պարծանքը, Գեթե և Շիլլեր, որոնք նոյնպէս բոլոր լուսաւորեալ աշխարհի սեպհականութիւն են, չունին ոչ Մաուլուի ու Շէքսպիրի ողբերգութիւնների բարդ ինտրիգն ու տիտանական վեհութիւնը և ոչ Բայրընի զգացմունքի և բուռն կրքի յաղթահարող կորովը:

Գերմիւնուս որ սովորութիւն ունի՝ Շէքսպիրի գրամանները քննադատելու, գրուածքի հիմնական գաղափարը որոշելուց յետոյ՝ կատարուող բոլոր անցքերը և բոլոր գործող անձանց գրութիւնն ու պիէսի մէջ կատարուած գերը միայն այդ հիմնական գաղափարով պայմանաւորել, ամէն մի փաստ, ամէն մի գործողութիւն և ամէն մի անձի բնաւորութիւն մեկնում է միայն այդ գաղափարով: Մեկնութեան այդ ձևը այնտեղն է հասնում որ, օրինակ,

«Անետիկ վաճառականի» մէջ և Լանճլօտտ Հօբբոյի և մինչև անգամ նորա ծերունի Հօր գոյութիւնն ու գերակատարութիւնը պիէսի մէջ բացատրում է և պայմանաւորում է նորա հիմնական գաղափարովը: Այսպէս է վարվում նա և «Համլէտի» վերաբերութեամբ. նորա հաւատացնելով «Համլէտի» մէջ եղած բոլոր եղերական անցքերը, բոլոր սպանութիւնները բնականապէս ողբերգութեան գլխաւոր իմաստիցն են հետեւում և նորա հետ են կապուած:

Գառնանք Համլէտի գիրութեան խնդրին: Ինչպէս արդէն տեսանք, Շէքսպիր աւելի կարեւոր բաներում զիջումներ է արել իւր ժամանակին. ուրեմն անհաւանական մի բան է եթէ Շէքսպիր «ոչ թէ անհոգութեամբ, այլ միմիայն հանդիսականաց առաջ գիրութիւնն անմեղադրելի հանդիսացնելու համար (որովհետև Բեօր. բէջ «մեծղի էր ու գէր»)» Համլէտի մենամարտութեան տեսարանին մէջ, իւր մօրը թագուհւոյն խօսեցնում է, որ մի թաշկինակ առաջարկելով Համլէտին ասում է՝ «գէր է և շնչառութիւնը կարճ ու քրտնում է»: Բացի այս մեկնութիւնը, մենք բոլորովին համաձայն ենք պ. Ադամեանի և հոգեբանական և գեղարուեստական տեսակէտից առաջ բերած բացատրութեան հետ որ Համլէտին գէր է կարելի ներկայացնել: Պ. Ադամեան ասում է. «մտատանջութեամբ չարչարուող մարդկանց գէր և պարարտ լինելը բացառութիւն է». այս միտքը հոգեբանօրէն ճիշդ է, բայց Համլէտի վերաբերութեամբ սորա հետ կարող են համաձայն չլինել նոքա, որոնք պնդում են թէ Համլէտ երջանիկ և զուարթաբարոյ մի մարդ. կըլինէր, եթէ Հօր սպանութիւնը և միւս դժբաղդութիւնները չպատահէին: Ընթերցողը արդէն տեսաւ որ մենք վերջին միտքը ընդունողներինք, և Համլէտի վերաբերութեամբ էլ մենք համաձայն ենք պ. Ադամեանի կարծիքի հետ թէ «մտատանջութեամբ չարչարուող մարդկանց գէր և պարարտ լինելը բացառութիւն է»:

Իսկ գեղարուեստական տեսակէտից անտարակոյս է որ ամէն մի փոքր ի շատէ էսթէտիքական ճաշակով մարդ կըգերազանէ Համլէտին տեսնել բեմի վերայ վայելչակազմ, նազելի կերպարանքով, «խորհուրդ ճակատին, մաքով մոլորած», գունատ և նիհար, քան թէ հաստավիղ, հաստափոր և կարմրերես, ինչպէս մտածելու անընդունակ, անասնական կեանքով միայն ապրող մի կինտօ: Նիհարութիւնը աւելի է համապատասխանում այն տպաւորութեանը, որ թողնում է մարդու վերայ Համլէտի անձնաւորու-



թիւնը պիտի սկզբից մինչև վերջը: Թող իսկական Համէտը, Սաքսօն Գրամմատիկոսի Համէտը գէր լինի և յաղթանդամ, բայց ոչ այդ է մեր էսթէտիքական ճաշակին համապատասխանում և ոչ էլ Գեօթէյի ուղածին պէս շիկահեր կ'ուղէինք տեսնել մեր Ադամեանին, և մանաւանդ որ Գեօթէյի կարծիքն էլ թէ «սեահեր մարդուց սպասվում է և մեծ վճռականութիւն և ճկունութիւն» մի անսխալական ճշմարտութիւն է:

Ես կասկածում եմ, արդե՞ք այդպէս կ'ասէր Գեօթէն եթէ մեզ հայերիս ճանաչէր. մենք Աստուծոյ տուածովը և սեահեր ենք և սեերես, բայց մինչև այժմ մեր ո՞ր գործի մէջ ենք մենք մեծ վճռականութիւն ցոյց տուել: Վերջապէս գեռ ո՞վ գիտէ որ եթէ սեերես և սեահեր հային կամ իտալացուն կամ սպանացուն տալին այն բոլոր մտաւոր և բարոյական յատկութիւնները և ապրեցնէին այն պայմանների մէջ, որի մէջ ապրում էր Համէտ, հայը, իտալացին կամ սպանացին նոյնպէս համէտանման մարդիկ չէին լինիլ. էլ այդ գէպքումը ի՞նչ նշանակութիւն պիտի ունենար մաղերի գոյնն ու կազմուածքը:

Պ. Ադամեան, առաջ բերելով Ֆր. Հիւգոյի կարծիքը անգլիացի հռչակաւոր գերասան Կինի խաղի մասին «Համէտի» երրորդ արարուածի այն տեսարանումն, ուր իշխանը Օֆէլիային առաջարկում է վանք մտնել, կրկնում է Շէքսպիրի Փրանսիացի թարգմանչի հետ թէ «Կինի այդ վարմունքը («մտիւր կուսանոց» ասելուց յետոյ Օֆէլիայից հեռանալը, յանկարծ վերադառնալն ու ձեռքը համբուրելը) սաստիկ հակասական է»: Այդ վարմունքը մեզ շատ սիրուն ու գեղարուեստական է թուում. պ. Ադամեանն էլ չէ հերքում, գոնէ ոչինչ չէ ասում այդ մասին: Այժմ տեսնենք արդարանձում է արդեօք այդ վարմունքը հոգեբանական տեսակէտից: Ֆր. Հիւգօն «աղաւաղութիւն» է անուանում այդ վարմունքը և հակասութիւն. պ. Ադամեան համաձայն է նորա հետ: Ինչո՞ւմ է հակասութիւնը. մի՞թէ այն է հակասութիւնը որ Համէտ «առ Օֆէլիա ուղղած կշտամբանքին», բեմիցը բոլորովին հեռանալուց առաջ, «այնպիսի խանդակաթ մեծարանք» վերջ է տալիս: Բայց մի փոքր խորը նայինք և տեսնենք, չէ՞ կարելի արդեօք ուրիշ մեկնութիւն տալ Կինի վարմունքին:

Առաջին արարուածի մէջ, երբ հօր ստուերը երևում է Համէտին և երդուեցնում է նորան վրէժխնդիր լինել իւր մահուան համար, Համէտ հօր «սիրելի դ իմ Համէտ, մնաս բարեւա, և յի-

չի՛ր ինձ» խօսքերիցը յետոյ բացագանչում է. «Ես այժմեանից իսկ կըջնջեմ յիշողութիւնիցս գիտութեան բոլոր անմիտ խօսքերը, բոլոր բանաձևերը, բոլոր մանրագնին եղբակացութիւնները, այն բոլոր տպաւորութիւնները որ պատանեկութիւնս և դիտողութիւններս են գրել յիշողութեանս տախտակների վերայ այնպիսի եռանդով, և այսուհետեւ քո ինձ տուած աւանդը միայն պիտի պահեմ ուղեղիս սահմաններում, նորա տեսրակներումն և էջերի վերայ»։ Այս խօսքերից յետոյ Համլէտ կամենում է ջնջել իւր մտքիցն ու սրտիցը ամէն բան որ իւր անմիջական նպատակին, այսինքն վրէժխնդրութեանը, չէ վերաբերում. նա միայն իւր հօր պատկերն է կամենում սրտումը պահել։ Սորանից պէտք է ենթադրել որ նա մնացնելու է և իւր Օֆէլիայի վերայ ունեցած սէրը։ Քննադատներ կան, որոնք կամենում են ապացուցանել թէ Համլէտի սէրը մի վայր ի վերոյ զգացմունք է, ոչ լրջութիւն և ոչ խորութիւն ունի. այս եղբակացնում են նորանից որ պիէսի մէջ ընդհանրապէս մի տեսակ անախորժ սառնութիւն է նշմարվում Համլէտի և Օֆէլիայի յարաբերութիւնների մէջ։ ձիշդ է, այս երկուսի յարաբերութիւնները փոքր ինչ տարօրինակ են, բայց պէտք չէ մոռանալ որ պիէսի մէջ մենք Համլէտին Օֆէլիայի հետ տեսնում ենք միայն այն անքնական դրութեան մէջ, որ ինքն Համլէտ ստեղծեց իւր կեղծ խելագարութեամբը, ուստի և Համլէտ երբէք իւր իսկական զգացմունքները չէ յայտնում Օֆէլիային և յարաբերութիւններն էլ ակամայ անքնական են։ Այս ձևով է վարվում Համլէտ երկրորդ գործողութիւնիցն սկսած և բոլոր գործող անձանց հետ, բացի Հօրացիոյից, իւր մտերիմ բարեկամիցը։ Օֆէլիայի առաջին խօսքերը պիէսի մէջ այն է որ նա գալիս է (II գործ.) և հօրը պատմում է թէ ինչ ձևով է մտել նորա մօտ իշխան Համլէտ, «կուրծքը բաց, առանց գլխարկի, գուլպաները կեղտոտ և առանց կապիչների, մինչև ոտի կոճերը ցած իջած, երեսը իւր շապկի քաթանիցն էլ սպիտակ» և այլն։ Այս տեղից սկսած և մինչև պիէսի վերջը մենք տեսնում ենք որ Օֆէլիան միշտ Համլէտին խելագարի տեղ է ընդունում։ Այս այսպէս լինելով՝ պարզ է որ Համլէտի Օֆէլիայի հետ ունեցած յարաբերութիւնները սկզբից մինչև վերջը կեղծեալ և անքնական են։ Հիմա ի՞նչ տեղից ենք իմանում որ Համլէտ սիրում է Օֆէլիային։ Բացի այն որ այդ սիրոյ մասին մեզ ասում են ուրիշ գործող անձինք, օրինակ, նոյն այս յիշուած տեսարանում, Պոլօնիուսն հարցնում է

աղջկանը՝ «քեզ վերայ ունեցած սիրոցն է խելքը թռել», բայցի այս և այս տեսակ ցուցմունքներն, ասում ենք, մենք կարող ենք Համլէտի սէրը նշմարել և ուրիշ տեղից: «Աինիլ թէ չինիլ» մե- նախօսութեան վերջը, երբ յանկարծ տեսնում է Օֆէլիային, Համլէտ, որ մենակ մնացած մեզ իւր սրտի անհուն վիշտն ու թախիծն էր պատմում, դեռ իւր խելագարութեան դիմակը երե- սին դնել չկարողացած, դառնում է Օֆէլիային այսպէս. «Ա՛հ, այդ դճւք էք, Օֆէլիա: Ով յաւերժաճարս, յիշի՛ր իմ մեղքերը քո աղօթքների մէջ»: Այս միակ քնքուշ խօսքն է, կարելի է ասել, որ Համլէտ ուղղում է Օֆէլիային և նորա սէրը վկայող փաստե- րից մէկն է: Մի քանի նախադասութիւնից յետոյ, Օֆէլիան Համ- լէտի տուած ընծաները վերագարձնելով ասում է. «Ձեզ լաւ յայտ- նի է որ դուք ինձ ընծաներ տուել էք, և ձեր ընծաները այնպիսի սիրային խօսքերով էիք դուք պատում, որ այն ժամանակն ան- գին էին այդ խօսքերը: Այդ խօսքերի բուրմունքը չքացել է: Յետ ստացէ՛ք ուրեմն, իշխան, և ձեր ընծաները. զգացմունքների կո- րուստից յետոյ ամենաճարուստ ընծան էլ իւր գինը կորցնում է»։ Սիրած օրիորդիցն այսպիսի խօսքեր լսելը մահու չափ ծանր է. այս խօսքերից ամէն մէկը Համլէտի քնքուշ և սիրող սրտի համար մի մի սուր դաշոյնի հարուած է, և ահա նա դառնութեամբ լցուած, խեղդուելով այն սոսկալի վշտիցը, որ չէ կարող խկու- թիւնը յայտնել Օֆէլիային, կարծես թէ ինքն իրան ասում է. «Հա՛, ուրեմն այս է եղել...»: Սորանից յետոյ զարձեալ սկսում է իւր խառնափնդոր հարց ու պատասխանները, խեղճ Օֆէլիայի համար բողբոջին անակնկալ և վերաւորական հարցը տալով. «Դուք աղնի՞ւ աղջիկ էք»: Մի աւելի զօրեղ ապացոյց էլ կայ Համլէտի սէրն ապացուցանելու համար, որ պ. Ադամեանն էլ է առաջ բերում. «Օֆէլիայի փակեալ դագաղն միայն երևոյթը պա- տառում է իւր սիրտը, որտեղից դուրս է ժայթքում այնքան ժա- մանակ այնտեղ ամփոփուած սիրոյ անզուսպ աղաղակը» (V-դ գործող.): Հիմայ երեակայեցէ՛ք այս սիրող Համլէտին, այն քնքուշ Համլէտին որ չգիմանալով իւր վերայ դրած ծանր բեռին, քայ- քայվում է բողբոջին, ինչպէս որ փշրվում է «նուրբ ամանը կաղնու հաստ արմատներիցը», երեակայեցէ՛ք, ասում եմ, այս Համլէտին հետեւեալ տեսարանի մէջ. Օֆէլիայի առաջ կանգնած հարուած հարուածի յետեից թափում է խեղճ աղջկայ գլխին. «Եթէ քեզ համար անհրաժեշտ է ամուսնութիւնը, ամուսնացի՛ր յիմարի հետ,



որովհետեւ խելօքները գիտեն թէ ի՞նչ հրէշ էք դարձնում դուք նոցա.... Աստուած ձեզ գեղեցկութիւն է տուել, դուք նորն էլ էք ձեզ համար հնարում. թուղտում էք, ծռմովում էք, փսփսում էք և յիմարացնում Աստուծոյ արարածներին, ձեր գրգռեցուցիչ վարմունքը անգիտութեան քողով ծածկելով: Հեռացի՛ր, էլ չեմ ուզում ես այդ. այդ էր իսկ որ ինձ խելագարեցրեց»: Եթէ խելագարութեան դիմակը չլինէր, եթէ ինքն իրան այս անբնական դրութեան մէջ դրած չլինէր, կասէ՞ր երբէք Համլէտ այս խօսքերը որ աւելի մի պոռնկի կըյարմարէին, քան թէ Օֆէլիայի պէս մի նաղելի արարածի: Ոչ, մենք համոզուած ենք որ Համլէտ ինքն ամէնքից շատ է տանջվում այս խօսքերն ասելու ժամանակ. այս ասելով նա մի բարոյական անձնասպանութիւն է գործում. այս խօսքերն ասելու րոպէին նա ինքը շատ լաւ հասկանում է որ Օֆէլիան ոչ մի բանով չէ արժանացել այդ ծանր նախադիմութիւն, որ նա, բացի այդ անարգանքից, տանջվում է և նորանով որ Համլէտի մտաւորականը բոլորովին քայքայուած է կարծում: Այս պայտէս լինելով, ինչո՞ւ պիտի թոյլ չտանք, որ իւր խօսքերը վերջացնելուց <sup>1)</sup> յետոյ Համլէտ կարող էր զղջալ և մի վայրկեան չկարողանալով զսպել իւր խանդակած սիրոյ բուռն լգացմունքը, Օֆէլիայից հեռանալուց յետոյ, յանկարծ վերագառնար, նորա ձեռքը համբուրէր և նոր բոլորովին հեռանար բնօրէն, ինչպէս որ արել է Կին: Հոգեբանական տեսակէտից այդտեղ ոչ մի հակասութիւն չկայ: Մի՞թէ քիչ կըպատահի որ մէկը դիտմամբ իսկ (այս կամ այն նպատակով) իւր սիրած առարկային վերաւորելուց յետոյ, յանկարծ զղջայ արածի վերայ և փաղաքշանքով ու համբոյրներով փարատէ թէ նորա և թէ իւր վիշտը: Մեր կարծիքով Համլէտ հօր մահիցն ու մօր կրկին ամուսնանալուցն յետոյ աւելի ևս պիտի զգար սիրելու և սիրուելու պահանջը. ո՞վ նորան կարող էր տալ այն քաղցր մխիթարութիւնը որ նա պիտի գտնէր անշուշտ Օֆէլիայի գրկումը, եթէ նորա դիմակը չլինէր, եթէ նա ստիպուած չլինէր, իւր խելագարութեան մասին կասկած չթողնելու համար, Օֆէլիայի առաջ էլ խելակորոյս ձեւանալ: Եւ այս բոլորիցն յետոյ նա սարսափելի կերպով անպատմում է իւր

<sup>1)</sup> «Հեռացի՛ր, էլ չեմ ուզում ես այդ. այդ էր իսկ որ ինձ խելագարեցրեց: Եսում են քեզ որ ամուսնութիւն հարկաւոր չէ: Ով որ պսակուած է, թող ապրի, բացի մէկից. մնացածները թող մնան, ինչպէս որ կան: Առասանոց, կուսանոց մտի՛ր»:

սիրած արարածին, տանջում է նորան առանց որ և է պատճառի, վերաւորում է նորա ամենանուրբ զգացմունքը: Ի՞նչ հակասութիւն կարող է լինել և ի՞նչ հոգեբանական անճշգումութիւն, եթէ Համլէտ «մտի՛ր կուսանոց» խօսքերն ասելուց յետոյ, Օֆէլիայի ձեռքը համբուրէ, մի վայրկեան մոխրի տակ պահած սիրոյ կրակը բռնկելով: Մեր խոնարհ կարծիքով այս թէ մի սիրուն գեղարուեստական տեսարան կը լինէր և թէ մի պարզ, բնական, թէև անակնկալ, քնքշութիւն սիրած առարկայի վերաբերութեամբ:

Այտը է մի բան էլ նկատել, որ ինքը պ. Ադամեան յիշեալ տեսարանը վերջացնում է խիստ նման Կինին, այսինքն քնքշութեամբ. նոյնը վկայում է և պ. Ադամեանի ուսս քննադատներից մէկը. «Օֆէլիան լալիս է նորան (Համլէտին) խելագար համարելով, իսկ Համլէտ տեսնում է այս արտասուքը, զգում է նորա հոգու ցաւը, նա խղճում է Օֆէլիային, մօտենում է նորան, քնքշութեամբ համբուրում է, երկար նայում է աչքերին, ուր ցոլանում է Օֆէլիայի խանդակաթ սէրը և տանջվում է սիրած աղջկանը վերջին մնաս բարեն ասելու համար» <sup>1)</sup>: Այս կերպ վերջացնելը եթէ մի բանով տարբերվում է Կինի խաղից՝ այդ մի նրբութիւն է որ այժմ նկատել չենք կարող. բանն այն է որ երկուսն էլ մի տեսակ են հասկանում այս տեղը և քնքշութեամբ են վերջացնում: Բնականաբար պէտք է կարծել թէ Կինն այստեղ սալօնի *galant cavalier*-ի ձևով է Օֆէլիայի ձեռքը համբուրել. ձեռք համբուրելը այն տեսակ պարզ քնքշութիւն կարող է լինել որ ոչ մի կերպ չի յիշցնիլ այդ սալօնի էտիկէտը,— այդ միայն կատարելուցն է կախուած:

Վերջացնում ենք մեր յօդուածը, կրկին անգամ յայտնելով մեր ուրախութիւնը պ. Ադամեանի գրքի լոյս տեսնելու համար: Մեր ամէն մխիթարութիւնից զուրկ գրականութիւնը թող մի րոպէ ոգի առնէ Շէքսպիրի հանճարի ստուերը վերան ընկնելով: Ի սրտէ ցանկանում ենք օր առաջ հրատարակուած տեսնել պ. Ադամեանի և միւս գրուածները որ խոստանում է իւր գրքի յառաջաբանի մէջ:

Ս. ՓիլՈՅԵԱՆ. Կորած Մարգարիտ, վէպ-նկարազիր Նոր-Բայազէդի վարք ու բարքի: Տփլիս, 1888. Գինն է 50 կոպ.

Պ. Փիլոյեան մի դժուար գործ է յանձն առել—միացնել ազգագրական նիւթերի հաւաքածուն վէպի հետ, վէպի ձևով Նոր-Բոյա-

<sup>1)</sup> *Яршакунѣ, II. I. Адамьянъ 65 ролу «Гамлетъ».* Одесса, 1887 էջ 9.

զէդի վարք ու բարքի նկարագիրը տալ մեզ. այս նշանակութիւնն ունի երեւի և գրքի մի փոքր տարօրինակ վերնագիրը: Այժմ պ. Փիլոյեան կամեցել է Պոօշեանի օրինակին հետեւել վէպի ձևով մեզ ծանօթացնել Ն. Բայայէդի տնային նիստ ու կացի, սովորութիւնների, հաւատալիքների հետ և այլն, մի բան ի նկատի չէ առել, որ Պոօշեանը տաղանդաւոր վիպասան է և այնպիսի ճարտարութեամբ պատմում է որ նորա երկար ու բարակ նկարագրութիւնները (վէպի բովանդակութիւնից դուրս) ուրախութեամբ կարդացվում են. մինչ դեռ մեր խորին համոզմամբ պ. Փիլոյեան աւելի մեծ ծառայութիւն արած կըլինէր, եթէ առանց վիպական ձևովն յափշտակուելու՝ ուղղակի աղագորական հում նիւթեր տար մեզ:

Իսկ այժմ ի՞նչ է դուրս եկել. «Կորած Մարգարիտը» վէպ չէ՝ իսկ իբրեւ «նկարագիր» շատ համառօտ է. բացի այս՝ հեղինակը շատ անգամ անտեղի կերպով իւր դատողութիւնները մէջ է բերում գրքի մէջ, այնպէս որ չես իմանում վերջապէս ի՞նչ է այս գիրքը՝ վէպ, աղագորական հում նիւթ թէ գիտնական քննութեան փորձ: Հեղինակի ներկայութիւնը միշտ զգում ենք. հետեանքն այն է, որ ժողովրդական բարբառը նորա գրչի հետքերն է կրում ամենախիստ կերպով, իսկ Սմբատը (գլխաւոր գործող անձը «վէպի» մէջ), այդ «սուկարի» դուքանում իւր ուսումն ստացած քեափառցին իւր համաքաղաքացիների սնապաշտութիւնները դատաւիետում է ամենախիստ կերպով. «էլ էդ պառաւական կռապաշտութիւնը մի անէք, մեղք ա: Բայց ժողովրդի ղուղի մէջ մի անգամ որ մի բան ա մտնում, շատ դժուար ա մէկ էլ քանդել, դուրս հանել. արնի ու երակների միջով որդուց որդի անցնում ա» և այլն: Գրքի մէջ շատ քիչ կան ԺԳ (գրբաց) գլխի պէս տեղեր, ուր ժողովրդական բարբառը այդպէս մաքուր դուրս բերած լինի (Պետրոսի մօտ խօսակցութիւնը հարեանի կնոջ հետ), ուր ժողովրդի մտածողութիւնը խառնուած չլինի հեղինակի մտածողութեան հետ:

Ի սրտէ ցանկանում ենք որ պ. Փիլոյեան շարունակէ իւր սկսած գործը, միայն թէ աշխատէ աւելի անարատ կերպով, առանց իւր մտածողութեան կնիքը դնելու հաղորդած տեղեկութիւնների վերայ ներկայացնելով ժողովրդական բարք ու վարքը և բարբառը:





† ՅՈՎԱՍԷՓ ԵՒԵՄԱՆԵԱՆ

(ԾԵՐԵՆՑ) .

Ներկայ 1888 թ. Փետրուարի 17-ին Թիֆլիսում կնքեց իւր մահկանացուն հայազգի նշանաւոր վիպասան և հասարակական եռանդուն գործիչներից մէկը — բժշկապետ Յովսէփ Նիշմանեանը, որ աւելի յայտնի էր Ծերեկց մականունով:

Յովսէփ Նիշմանեանը ծնուել է Կ. Պօլսում, 1822 թ. Սեպտեմբերի 16-ին: Ինն տարեկան հասակում նա լինում է Վինետիկի Մխիթարեանների վանքում, ուր մնում է հինգ տարի և ապա նորից վերադառնում Փարիզ, հակումն զգալով կրօնաւորի պաշտօնը ստանձնելու: Չափահաս տարիքում նա ուղևորվում է Փարիզ բժշկականութիւն ուսումնասիրելու: Սակայն նախ քան Փարիզ ուղևորուիլը՝ այն է 1843 թ. Օգոստոսի 23-ին, երիտասարդ Նիշմանեանը կամենում է իմանալ, թէ ի՞նչ է նշանակում «Հայաստան» բառը, ուստի և ճանապարհորդում է համարեա 7—8 ամիս և վերադառնում Պօլս: Այդ ճանապարհորդութիւնը այլ ևս հանգստութիւն չէ տալիս հանգուցեալին և Հայաստանը իւր խեղճ որդւոց վիճակի հետ միասին նորա մտատանջութեան առարկան է դառնում:

Գրականական ասպարիզում Յովսէփ Նիշմանեանը բացի զանազան յօդուածներից թողնում է ընտիր վաստակներ — Թորոս Լեոնի, Երկունք իններորդ դարու և Թէոդորոս Ռշտունի, որոնք իւր ժամանակին վայելել են ընթերցող հասարակութեան ջերմ համակրութիւնը:

Անկարող լինելով այս անգամ մանրամասն խօսելու այդ աշխատութիւնների մասին և աւելի պարզօրէն խօսել համակրելի հեղինակի սիրած գաղափարների մասին, մենք կ'աշխատենք այդ կատարել ապագայում:

Հանգիստ ոսկերացդ, առաքինի հայ և տաղանդաւոր մատենագիր:

ԲԱՖՖԻԻ ՄԱՀԸ

ՅԵՎՈՐ ՄԵԼԻԲ-ՅԵՎՈՐԵԱՆ, ԾՆ. 1835 թ. † 1888, ԱՊ. 25

(Մի առաջարկութիւն մահացուցակի փոխարէն).

Հայ գրականութեան առաջին բեղմնաւոր մշակը կնքեց իւր երկրաւորը, թողնելով մեզ բաժինն ո՛չ միայն մի խորին վիշտ, որ ազգային մեծ բանաստեղծի կորստեան բնական հետեանքն է, այլ և զարթեցրեց տխուր մտածողութիւններ մեր ներկայի մասին: Բաֆֆիի կենսադրութիւնը, աշխատութիւնները և յիշատակը դեռ երկար ժամանակ մեր մամուլի և հասարակութեան համար մտածութեան առարկայ կը լինին, իսկ նշանակութիւնը կը պարզուի և կը քաջադործուի պատմութեան անմոռաց էջերում, ուստի և այս մեծ խնդիրը չէ կարող այս երկտող գրութեան նիւթ դառնալ: Բաֆֆին առաջին հայ բանաստեղծն է, որ իւր վերջին տարիները ապրում էր լոկ գրականական աշխատանքով և այդ երեւոյթը հայ ազգի պատմութեան երեսի առաջին երեւոյթն է կազմում: Հէնց Բաֆֆիի այս նշանաւոր յառաջադիմութիւնն է, որ մեզ գրել է տալիս մի քանի տող: Հանգուցեալը պատմում էր, որ մինչև 1877—78 թուականները ապրում էր Տփլիսի զանազան թաղերում շատ նեղ հանգամանքներում, ի միջի այլոց Հաւլաբարում բնակարան ունեցած ժամանակ: Ել չեմ յիշում նորա վարժապետական և աստանդական կեանքը, որ մօտաւորապէս նորա ամբողջ կեանքի կիսից աւել է կազմում: Արդէն կեանքի մեծ մասը անցած ժամանակ նա կարողանում է վերջապէս «Մշակի», «Փորձի» և «Արձագանքի» շնորհիւ ապրել լոկ գրականական աշխատանքով և բարեօրէն իւր կենցաղը: Այսպէս մի քանի անհատների աջակցութեամբ և իւր հայի բնաւորութեան համար անսովոր և օրինակելի մտաւոր աշխատութեամբ գրում է 15—20 հատոր գիրք

և բաւականին էլ անտիպ գրուածներ: Ոյժերից վեր աշխատանքը և հայկական ասպարիզում գործելու պատմական զժուարութիւնները անկասկած պէտք է քայքայէին և ամենատեղ կազմուածքը: Ինչ հիւանդութիւն էլ եղած լինի հանգուցեալի մահուան պատճառը, անկասկած, նորա ամբողջ կեանքը կապուած էր այդ հիւանդութեան հետ:

Ինչ և իցէ այսօր մեծ բանաստեղծը մեռած է, աշխատաւոր ձեռք դադարել է գործելուց, հազարաւոր աշակերտներ, աշակերտուհիներ և ամբողջ հայ վաճառականութիւնը զրկուեց իւր ամենասիրելի, ամենահամակրելի հեղինակից և այս կորուստը անփոխարինելի է: Հայ գրականութիւնը դեռ չէ կազմակերպուել, Րաֆֆին առաջինը իւր երկերի քանակութեամբ և լեզուով ստեղծում էր այդ գրականութիւնը, որովհետեւ ուրիշները թողել էին այդ ասպարէզը կարծես և հեռացել, իսկ նորերը բաւականաւորում են իրենց չհաստատուած փառքովն և երկու-երեք համակրելի գրականական փորձերով: Այսպէս տեսնում ենք, որ Րաֆֆին իւր անհատական ուժով և տաղանդով անմոռանալի գործ կատարեց, ինչպէս և մեծ գործ կատարեցին նորա կեանքում «Մշակ», «Փորձի» և «Արձագանքի» խմբագիրները հայազգի պ. Մելք-Հայկազեանի հետ: Բայց ի՞նչ կը լինի մեր օրը, եթէ չլինին միլիոնաւոր աղզի մէջ մի հինդ-տասն մարդ, որոնք ահազին զոհաբերութեամբ մտածում են աղզի գրականութեան և շահերի մասին: Ահա այս յուսահատական մտքերը յղացան զխումս, երբ ընկերներս եկան հաղորդեցին մեծ բանաստեղծի մահուան զոյժը: Արդեօք այս կորուստը մեզ սովորեցնելով է յարգել և միջոց տալ կենդանի եղածներին բոլոր ուժերով նուիրուելու գործին, արդեօք կը հասկանայ հայ հասարակութիւնը թէ որքան պարտական է օգնել և պահել իւր գործիչներին, թէ ոչ: Միթէ՞ պէտք է սպասենք, որ կենդանիներ էլ մեռնելու օրին մի կտոր հայ ունենան, երբ



որ արդէն աշխատելու և գործելու տարիքը անցել են շա-  
տերի համար: Երանի, թէ Րաֆֆի շուտափոյթ կորուստը  
առիթ տար հայ հասարակութեան մի զրահանական ֆօնդ  
հիմնելու նորա յիշատակին, որ ամենալաւ յարգանքը կը-  
լինէր և բազմաշխատ բանաստեղծին վայել:

ԳԱՐ. ԵՆԳ.



ՀԱՅ ԳԻՒՂԱՑԻՆԵՐԻ ՀԱՅԵԱՅԲԸ ԲՆՈՒԹԵԱՆ  
ԵՐԵՒՈՅԹՆԵՐԻ ՎԵՐԱՅ:

Մեր գեղացիները կ'ըսեն.

Եթէ բուխերիկի ծուխը վեր չ'ելնէ ու գետնի կողմը ցածնայ, անձրև կուգայ:

Եթէ իրիկնաժամին ատեն գոցուին ու ամփոփուին տաղան (marigole) ծաղիկները, անձրև կուգայ:

Եթէ ծառերու տերևներ երերին ու ղգալի հով մը չ'ըլլայ, անձրև կուգայ:

Եթէ հաւերը շատ ուտեն, անձրև կուգայ:

Եթէ աքաղաղը սովորականէն աւելի շատ խօսի ու վաղարթուն ձայներ հանէ, անձրև կուգայ:

Եթէ կատուները լիզեն իրենց վերայ-գլուխը և լուանան իրենց երեսները, անձրև կուգայ:

Եթէ ձիեր իրենց վզեր երկնցնեն ու հոտոտեն օդը. եթէ գան մէկ անկիւնը քաշուին ու հովի կողմը դարձնեն իրենց գլուխներ, անձրև կուգայ:

Եթէ մեղուներ դուրս չ'ելնեն իրենց խուցերէն, անձրև կուգայ:

Եթէ գորտեր սովորականէն աւելի կրկուսն, անձրև կուգայ:

Եթէ նախիրը քիչ մը արածէ ու քիչ մը ընդհատէ իւր կերը. եթէ կողմէ մը տաւարներ արածեն և կողմէ մը խեթկեն մէկլմէկ, անձրև կուգայ:

Եթէ ծիծեռներ իրենց սովորական չափէն վար թռչին և ոլորտներ ընին, անձրև կուգայ:

Եթէ ծղրիտներ սովորականէն աւելի բարձրաձայն լողզան, անձրև կուգայ:

Եթէ լորերը սովորականէն աւելի ճվճրվան, անձրև կուգայ:

Եթէ ջրային թռչուններ սովորականէն աւելի ճչին, ու ջրի մէջ սուզուին, անձրև կուգայ:

Եթէ ձկներ խաղան, շուտ շուտ ցատկոտեն ու ջրի երեսը ելնեն, անձրև կըգայ:

Եթէ ամպերը հիւսիսի կողմը շարժին, ծովը իջնելու և ջուր խմելու համար է, եթէ հարաւի կողմը շարժին, անձրև թափելու համար է:

Եթէ անձրեւի ջուրը պղպրջէ, շատ անձրեւ կուգայ, ու տան խաչերկաթը զուրս կընետեն գեղացիները, որ անձրեւ կտրի: Երբ երաշտութիւն ըլլայ, խուձկուկու (խրտուիլ) մը կը շինեն, ու գետի մէջ պտըտցնելով, թաս մը ջուր կը լեցնեն անոր վերայ ամէն մի տան զրան առջևը, ու կ'երգեն.

«Խուձկուկուն, մանանայ,  
Ձու մի տուէր, թանանայ.  
Բարով-խերով անձրեւ գայ,  
Ձրը խօր արտեր կանչընայ»:

Եթէ կով մսուրը լիւզէ, ձիւն կուգայ:—Ձիւնը ալիւր է, և երբ մէկը անոր վերայ միւղեց, ձիւնի փոխուեցաւ:

Եթէ մանր է ձիւնի տարափը, եթէ խաղալով վայր կիջնայ, շատ ձիւն կուգայ:

Եթէ հացբլիթի խաչ մը շինէ ուղեոր մը ու գետնի վերայ նետէ, մէկը կը փարատի և ինքը չկորսնցիր իր շիտակ ճամբան:

Եթէ ծովի մեծ-ձուկը մէկ կողմէն միւս կողմի վերայ դառնայ, անոր փորի ցուքը վեր կը զարնուի, ու երկինքը կը կրակոտայ: Բայ ու պարզ գիշերներու փայլատակումները մեծ ձուկի փորի ճաճանչներն են:

Ծիածանը Աստուծոյ գօտին է: Եթէ տղայ անցնի անոր աղեղի տակէն՝ աղջիկ կը դառնայ. եթէ աղջիկ անցնի, տղայ կը դառնայ:

Երբ Եղիա մարդարէն թափով մը կը քշէ իւր կառքն, որ ձեռք բերէ իւր փախչող պարտապանն ու փոխ-գրամն, կառքի ձայնէն որոտում կ'ըլլայ ու ցուքերէն — կայծակ: Որոտումի ատեն փոքր գեղջուկները կը պոռան. «սաքի սընկներ ծի, կաքվու ձուեր քի»:

Յարգգող այն ճամբան է, ուրկէ փախեր է իր եղբօր յարգ գողցողն, որովհետեւ ջուսը ծակ էր, յարգը քիչ քիչ թափուեցաւ ու ճերմակ գիծ մը թողուց յարգ-գողի հետքերու վերայ:

Աստղեր մեր հոգիներու կանթեղներն են: Ամէն մէկը աստղ մը ունի երկնքի մէջ, և եթէ արդար է՝ փայլուն, եթէ մեղաւոր է՝ մթին: Ասուպի մը մարիլ-անհետիւր գէշ բան է, գիսաւորի մը երեւիլ՝ աղետալի:

Ամէն մի գեղացի կը ինտուէ նոր լուսինն իր օրին և անկուշտ տեսնելով մը զան գիտելէն վերջ կուզէ որ օղուրով (բարիգէմ) մէկու մը երեսը տեսնէ անմիջապէս. երբ դժնեայ մէկու մը հետ երեսուսի, կը ցաւի, կը տխրի:

Երբ լուսինը խաւարի, «հիւանդ է, երեսի գոյնը նետէր է» կըսեն



գեղացիներ, բայց հասարակօրէն կը հաւատան, որ «վիշապէ մը  
ըռնուիր է» ու ամէն տեսակ գոռում-գոչումներու ուժով կ'աշխա-  
տեն աղատել զան:

Արեգակի հետ մէկտեղ ելումուտ կ'ընէր լուսինը, և որովհետեւ  
շատ գեղեցիկ էր, աչքը տեսաւ ու ծաղիկ հանեց.— երեսի բիծերը  
կըցուցնեն արդէն, որ ծաղիկը կերեր է անոր դէմքն: Այս պա-  
տահարէն վերջ՝ գիշեր ատեն սկսաւ ելումուտ անել լուսին, ու  
խնդրեց իւր եղբայր-Արեւէն, որ ծակը տէ իրեն նայողներու աչ-  
քերն, որպէս զի կողմէ մը չ'աչքըռի ու միւս կողմէն իր քոյր-  
լուսնի վրէժը լուծէ:

Արեւը Աստուծոյ աթոռն է, Արեւագլի ատենն է, որ կը բա-  
ցուին զրախտի դռներն, և աքաղաղներ լսելով դռնբացի ձայներն,  
կ'երգեն: Ամէն մէկի առօտեն ղըսմամբ ճիշտ լուսաբացի այն ա-  
տենը կը բաշխուի, և ասոր համար ալ հաւախօսի հետ՝ աղօթա-  
րանի «Տէր, Ողորմեա»ն, ու կ'ոչնակի հետ՝ եկեղեցւոյ «Տէր, զի՛  
բազում եղեն նեղելք իմ»ը կը մըմնջեն և կը մըմնան գեղացիները:

Արեւի, լուսնի անուշով կ'աղօթէ, կ'երգնու և կ'անխձէ սովո-  
րաբար մեր գեղացին հասարակութիւնը, ու միշտ արեւելքի կողմը  
ուղղելով կը մորթէ կենդանիները: Արեւի մտնելու ատեն դառնձի  
ծառի տերեւ կը ծեծեն փոքր գեղջուկներ ու շնագրի տերեւի մէջ  
լեցնելով, բաց աստղերու առջև կը լծողուն. արեւծագի ատեն  
տերեւի այս ծեծուքով կը հիշեն իրենց ձեռքերն ու Արեւի նոր-նոր  
ցոլքերու դէմ բռնելով կը պոռան.

«Արեգակ, Արեգակ,

Առ քի խինա, տուր ծի շաղ

Երթամ, պօզեմ լվօի Թաղ»:

Երբ Արեգակը խաւարի, «ըռնուէր է» — կ'ըսեն գեղացիները ու  
ամէն բան կը ծեծեն <sup>1)</sup>, կը հնչեցնեն, կը պոռան, կը ձայնեն ու զա-  
նազան շմոր-շփոթով կ'աշխատեն զան իր կալանքէն: Մի՛ հր ու  
լոյս, Գրիգոր ու լուսաւորչութիւն, — այս է հայ գեղացիի կրօնքը  
երկնքի մէջ ու երկր վերայ, Թերեւս, դարեր առաջ և այժմ իսկ....

Երկնքի կապուտը ծով է, երբ պատռի, ջրհեղեղ կ'ըլլայ:

Պօլիս.

Յ. ՏՈՒՏՈՒԽԵԱՆ:

<sup>1)</sup> Տաճկական սովորութիւն է այս, զոր ցայսօր ի գործ կը դնեն դարերէ ի վեր՝ Ծ. Յօդ.

ԱԿՍՄԱՅ ՊԱՏԱՍԽԱՆ.

Երբ «Հանդէս Գրականական և Պատմական» ժողովածուի Հրատարակութեան մասին ուղարկուեցան յայտարարութիւններ մեր խմբագրութիւններին, «Մշակ» լրագիրը իւր 29 N-ում մի առաջնորդող գրեց՝ «Յրկած ուժերով գործելու հակումը» վերտառութեամբ, որի շարժառիթը, անկասկած, մեր յայտարարութիւնն է եղել: Կամենում ենք մի քանի խօսք ասել այդ առթիւ:

Մեզ համար, գոնէ, շատ անախորժ է, որ մեր ժողովածուն իւր առաջին իսկ գրքից մի տեսակ բանակոխ է սկսում, որից միշտ պէտք է աշխատել հեռու մնալ: Այս դէպքում ևս լռութիւնը մեր պարտականութիւնը պիտի լինէր, բայց որովհետեւ սկզբունքի խնդիր է, մենք ևս կամենում ենք ներկայացնել ընթերցողներին մեր հայեացքն ու կարծիքը: Սահպուած ենք խօսում, որովհետեւ սխալ առաջնորդողները պղտորում են հասարակութեան միտքն ու հոգին և միանգամայն սխալեցնում նորան:

Մօնպօլիան ինքն ըստ ինքեան մի այլանդակ երևոյթ է, մանաւանդ այն տեսակ գործում, ինչպէս ժողովրդի կրթութեան և յառաջադիմութեան խնդիրն է, ուր ազգի իւրաքանչիւր անհատը իրաւունք ունի իւր ուժերի չափով ծառայելու ազգին և պարտական չէ անպայման կերպով հաւատալ, որ այս ասպարիզում եղած գործիչները արդէն մի կատարելութեան տիպար են կազմում, որ նոքա, ազգի այս բարերարները, բաւական են արդէն ազգին, և ազգն էլ պիտի բաւականանայ նոցա երկրպագութիւն տալով ու խնկարկելով: Նախ և առաջ այսպիսի տպաւորութիւն թողեց մեզ վերայ յիշեալ լրագրի առաջնորդողը, ուր պ. խմբագիրը մի դժբաղդութիւն, պակասութիւն է համարում՝ զանազան նոր լրագիրների կամ ամսագիր-

ների երեւան գալը, թէև ոչ առաջինը կայ և ոչ երկրորդը. եթէ Պետերբուրգում հրատարկվում է «Արաքս» և Մոսկուայում «Հանգէս» — դա ապացուցանում է միայն մի ամսագրի անհրաժեշտութիւնը և ոչ այլ ինչ: Այդ դեռ բաւական չէ, անսահման տարածութեան մէջ սաւառնող այդ օդապարիկ թերթը «անձնավստահ և յանդուգն» է համարում և նոցա ձեռնարկողներին: Ով որ փոքր ի շատէ ծանօթ է այդ թերթին, նա, անտարակոյս, նկատած կըլինի խմբագրի այս խօսքերը. հայերիս մէջ նա եւրոպական գաղափարներ տարածողն է, և խմբագիրը ինքն իրեն միակ մարդն է համարում, որ մեզ՝ «ասիացի հայերիս» եւրոպականութիւն է սովորեցնում: Սակայն փաստերը բացարձակ խօսում են և յոյց չեն տալիս, որ արդարև «եւրոպականութիւն» կայ յիշեալ թերթի մէջ. բաւական է միայն համեմատել խմբագրի յօդուածները, նորա գործ դրած քննադատական միջոցները եւրոպական թերթերի հետ: Մենք սովոր ենք կարգալ մի որ և է քննադատութիւն կղած բանի՝ հրատարակուած գրքի կամ ամսագրի մասին, բայց երբէք չենք տեսել, որ մի եւրոպացի մէկի ապագայ գործունէութիւնը գրականական ասպարիզում ապարդիւն համարէ և ձեռնարկողին անձնավստահ և յանդուգն, եթէ ծանօթ չէ նորա գրականական վաստակների հետ և չգիտէ ապագայ աշխատութեան բովանդակութիւնը, իսկ այս դէպքում — և մասնակցողների ոյժը: Բայց մեր եւրոպացին ահա լսում է, որ Մոսկուայում մի Բարեգործական ընկերութիւն է հիմնարկվում, նա սկսում է ազդակել Թիֆլիսից, թէ «Արգէն ուշ է», կարծես թէ հայերիս մի բարեգործական ընկերութիւն էր հարկաւոր, նա էլ հիմնուեցաւ Թիֆլիսում, ուրեմն Մոսկուայում պէտք չէ, ուշ է, ցրուած ուժերի հակումն է և այլն: Լսում է նա մի ուրիշ լուր, զիցուք, Մոսկուայում կամենում են հրատարակել մի ամսագիր, և ահա մեր պատգամախօսը սկսում է գուշակութիւններ անել, թէ չի յաջողուիլ,



միտք չունի, որովհետև Հայրենիքից դուրս է և այլն: Շատ բարի. եթէ այդ զգում էք, հասկանում էք, որ չէ կարելի կենտրոնից դուրս (դեռ մեծ հարց է, թէ որքան Թիֆլիսը կենտրոն է, աւելի լայն մտքով) բան անել, ինչո՞ւ չէք քարոզում, որ այդտեղ անեն: Ամնազրի անհրաժեշտութիւնը եթէ զգալի է, մանաւանդ որ լաւ կը լինէր, եթէ Թիֆլիսում հրատարակուէր, այդ, ի հարկէ, շատ հասկանալի է, բայց ինչո՞ւ «Փորձի» դադարումից յետոյ չեն երևում գոնէ նշանաւոր ձգտումներ իրադրութիւն այդ պահանջը, եթէ ի նկատի չառնենք վերջին մի երկու փորձը: Մենք կարծում ենք, որ եթէ մի անհրաժեշտութեան բաւականութիւն չէ տալիս Թիֆլիսը իւր ինտելլիգենտներով, այն ժամանակ զոհ պէտք է լինինք, եթէ Մոսկուայում կամ Պետերբուրգում մի ամնազիր հրատարակուի, փոյթ չէ, եթէ նշանաւոր թերութիւններ էլ ունենայ. լաւ է գոնէ այդ ունենալ, քան ոչինչ:—Լսում է մեր ի բնուստ օժտուած խմբագիրը, որ Մոսկուայում մի ժողովածու է հրատարակվում և նախապէս գուշակում է իւր ընթերցողներին այս անընդունակ մարդկանց անաջողութիւնը: Մտքի ազատութիւնը, համբերողութեան գաղափարը և հիմնական ու բարեխիղճ քննադատութիւնը հեռացան այս դէպքում յիշեալ թերթից, թէպէտ նա իրեն եւրոպական թերթ է անուանում: Բացի վերոյիշեալ տեսական և լոգիկական սկզբունքների դէմ եղած սխալը՝ թերթի այդ յօդուածը չէ կարող և կրթիչ նշանակութիւն ունենալ, որովհետև նա անհիմն է, և չենք կարծում, որ մի ընթերցող չկարողանար հասկանալ յօդուածի իսկական շարժառիթը: Ձենք կարծում, որ մի բանիմաց մարդ հարցրած չլինի ինքն իրեն, ի՞նչ հիմք ունի պ. Սրժբունին կարծելու, որ ամէն մի նոր երևան եկող մարդ գրականական ասպարիզում անընդունակ է, քանի որ յօդուածում ցոյց չէ տալիս փաստեր, չունի հիմքեր: Կարելի է գրգռել մի

որ և է թերթի և գրականական աշխատութեան դէմ, երբ որ յայտնի է այդ գործը, նորա փնասակար ուղղութիւնը կամ սխալները: Այս դէպքում ամէն մի կծու և խիստ քննադատական յօդուած ունի իւր կրթիչ նշանակութիւնը, որովհետեւ նորա հիմքը հասարակական օգուտն է: Բայց ի՞նչ հիմք ու նպատակ ունի մի յօդուած բոլորովին լոյս չտեսած աշխատութեան դէմ: Հայ լուսաւորչականներիս համբերողութիւն սովորեցնող «Մշակը», երևի, այս դէպքում համբերողութեան, բարեխղճութեան և բարի զգացմունքների օրինակ է տալիս իւր ընթերցողներին: Ս.մէն մի անհիմն քննադատութիւն անբարեխիղճ է և դատապարտելի, հետեւաբար և փնասակար, որովհետեւ սոքէտ հասարակութեանը անհիմն դատապարտելու օրինակ է տալիս: Տեսական և հասարակական տեսակէտից սխալ և փնասակար լինելուց վեր՝ այդ յօդուածը մի և նոյն ժամանակ և ներկայացնում է մի երևոյթ, որ ուսմանը ահաւանտում են сѣ до.лѣноу головы да на здоховую. Եթէ ենթադրելու էլ լինինք, որ արդարեւ գրականական ասպարիզում ցրուած ուժերով գործելը փնասակար է (յօդուածից պարզ է, թէ որն է չցրուած ուժերով գործելը մեղանում, եթէ չհասկանանք պ. Արծրունուն հաւատարիմ ու հլու հպատակութեան խոստում տալը), այն ժամանակ էլ պ. Արծրունու կողմից այդ առաջնորդողը նշանակում է сѣ до.лѣноу головы свалить на здоховую. Ինչո՞ւ համար պ. Արծրունին մի փոքր ինքն իրեն չհարցրեց, թէ ո՞վ է մեղաւոր, որ այսօր հայերը գրականական ասպարիզում ցրուած ուժերով գործելու հակումն ունին:

Վերջին տասն և հինգ տարուայ ընթացքում հայ գրողներից հազիւ մէկը լինի, որ աշխատած չլինի յիշեալ լրագրի համար երբ և իցէ: Չէ՞ որ այդ մարդիկներից շատերը առաջ այդ թերթի հետ էին գործում. ինչո՞ւ ուրեմն պ. Արծրունին ինքը չկարողացաւ չցրուել նոցա և

օրինակ չտալ ուրիշներին, նորերին, իւր օրինակին հետեւելու: Զէ՞ որ «Նոր-Դարի» խմբագիրը մի ժամանակ «Մշակի» աշխատակիցն էր. չէ՞ որ պ. պ. Պալասանեանը, Պատկանեանը, Աղայեանը, Պռօշեանը, Բաֆֆին, Վարդանեանը, եթէ չենք սխալվում, և ուրիշները մի ժամանակ զրել են այդ թերթում: Միթէ՞ այս բոլոր պատկառելի անձնաւորութիւնները թողին «Մշակը» հէնց այն պատճառով, որ ցրուած ուժերով գործելու առանձին հակումն ունէին: Եւ վերջ ի վերջոյ պ. Արծրունին այս բոլոր ուժերը փոխեց զանազան Խ.-երով, Մ.-երով, Nemo-ներով, իրեն օգնական ընտրեց, եթէ թուաբանական լեզուով խօսելու լինինք, մի-0 և չընապատեց իրեն երախաներով: Այո՛, պ. Արծրունին վերջին տարիների ընթացքում աւելի ակներև կերպով ցոյց տուեց, որ նա չէ սիրում, խոյս է ապրիս փոքր ի շատէ լուրջ հայեացք ունեցող անձնաւորութիւններից: Ոչ թէ մեզանում ցրուած ուժերով գործելու հակումն կայ, այլ մեր եղած գործիչները՝ չնայելով իրենց եւրոպական ուսման, դեռ բուսականին կոպիտ ու անտաշ ասիացի են մնացել և իրենց բոնակալութեամբ անկարելի են դարձրել մի որ և է մարդավայել, համերաշխ գործունէութիւն: Սորա ապացոյցը, ինչպէս «Մշակի» երկարամեայ պատմութիւնն է, նոյնպէս և վերոյիշեալ յօդուածի այն կէտը, ուր ասում է. «նոր սկսողը պիտի երկրորդական դեր խաղար, եթէ միանար հինի հետ»: Այստեղից կարելի է եզրակացնել, որ հները առաջնակարգ պիտի լինին հէնց այն պատճառով, որ հին են, եթէ ոչ ինչո՞ւ ընդունակ և տաղանդաւոր նոր մարդը «անկասկած», պ. Արծրունու կարծիքով, պիտի երկրորդական դեր խաղայ միանալուց: Պ. Արծրունին դատապարտում է նոր գործիչների անձնավստահութիւնը, մոռանալով որ անձանթ ժամրդիկ են, բայց ինքը «բնածին ձիւքերից» զուրկ չէ համարում իրեն, որովհետև հին է.



իսկ նորերը անպէտք են: Ե՛հ, դա էլ տասն և Հինգ տարուայ խմբադրական փորձառութիւն է, դա էլ մի տեսակ հայութիւն է, որից չե աղատուիլ հայը ոչ թէ «մի տարի», այլ թէկուզ քսան տարի էլ ապրի Շվէյցարիայում: Ուրքան էլ նոր գործիչները անփորձ լինին, չենք կարծում որ զանազան ամնազիրների խմբադրացուները՝ հանձարեղ ընդունակութիւններ ունենալով, կարող կըլինին երբ և իցէ «պարալիզել», «խրօնիական», «լօգիական», «այրուող հարցեր» և հարկւրաւոր այս տեսակ այլանդակ ու անդրազէտ հայկաբանութիւն մտցնել՝ տասն և Հինգ տարի շարունակ հայ թերթի խմբագիր լինելուց յետոյ: «Պարալիզել» նշանակում է հայերէն, «չըս բոլորքը լիզել», իսկ պ. Արծրունին իւր բոլոր ընդունակութիւններով՝ տասն և Հինգ տարուց աւել խմբագիր լինելուց յետոյ, չգիտէ անգամ հայերէն բառերի կազմութիւնը:

Իսկ ինչ վերաբերում է անփորձ լինելուն, մենք հարցնում ենք իրեն պ. Արծրունուն, որ ասպարիզում և ո՞ր գործի սկիզբում գործիչը փորձուած է լինում: Շատ ցանկալի էր իմանալ, արդեօք պ. Արծրունին որ սկսեց հրատարակել «Մշակը», ի՞նչ տեղ էր փորձառութիւն ձեռք բերել—Յիւրիխում թէ Հայդէլբերգում: Այդ նշանակում է ասել մէկին, որ ջուրը չմտած լող տալ սովորի և ապա մանի:

Վերստին դառնում ենք լեզուի խնդրին: Մենք առաջ ենք բերում այստեղ պ. Պարոնեանի մի սրամիտ նկատողութիւն «Մշակի» լեզուի մասին, որ արդարեւ օրինակելի է, որպէս ընտիր հայկաբանութիւն:

«Բէյնալ պատերազմական մինիստրին պախարակեց որ խիստ մէծուրանի չգործադրեց սէնատորի զէմ որ լէքի-դիմական ցուցմունքների առաւ: Կապլինեղը կամենում է զէմիծիօնի տալ: Բիւզժէի սօմաները ընդունված են սենադից. կախկոպոսների կրէգիտը մերժեց և ժողովի սէ-

սիան փակված է յայտնում: Բիւլլըդէնը կրճանուցանէ թէ կայսրուհին պէջվրիտ ունի» <sup>1)</sup>:

Անտարախոյս, պ. Պարոնեանը այս տողերը գրել է նմանողութեամբ, բայց աւելացրած բան չէ. այդպիսի հարկւրաւոր օրինակներ կարելի է գտնել «Մշակի» համարներում՝ թէ՛ խմբագրի յօդուածներում և թէ՛ աշխատակիցների գրուածներում: Եւ այդ բոլորից յետոյ, պ. Արծրունին յանդգնում է ասել, որ «մենք նոր լեզու ստեղծեցինք», քանի որ այդ տասնևհինգ տարուայ ընթացքում նա լեզուն մահացրել է և սպանել: Մենք երկար չենք խօսիլ «Մշակի» լեզուի մասին, քանի որ նա յաճախակի ենթարկուել է քննադատութեան, իսկ վերջերումս «Արձադանքը» բաւականին ընդարձակօրէն խօսեց այդ առթիւ:

Պ. Արծրունին իւր յիշեալ առաջնորդողում ասում է, «Հային յատուկ է իր անձի և իր ընդունակութիւնների մասին անչափ մեծ կարծիք ունենալ: Հայը հրեք չգիտէ հպատակվել, խոնարհվել ուրիշին, աւելի ընդունակին, կամ փորձվածին, հայը զուրկ է ամեն տեսակ դիպիպլինայից»: Մենք կարծում ենք, որ այստեղ պ. Արծրունին ինքն իրան է նկարագրել, իրան է աչքի առաջ ունեցել այդ տողերը գրելու ժամանակ: «Հայ» բառի տեղ դրէք «Արծրունի» և դուք կըստանաք նորա բնաւորութեան ճշգրիտ նկարագիրը: Ահաւասիկ, «Արծրունուն յատուկ է իր անձի և իր ընդունակութիւնների մասին անչափ մեծ կարծիք ունենալ: Արծրունին հրեք չգիտէ հպատակվել, խոնարհվել ուրիշին, աւելի ընդունակին, կամ փորձվածին, Արծրունին զուրկ է ամեն տեսակ դիպիպլինայից»: Սակայն ոչ, «Մշակի» խմբագիրը այժմ աշխարհահռչակ Խ. Մ. է, իսկ Գրիգոր Արծրունին նորա օգնականը.....

Բայց վա՛յ մեզ, ի՞նչ ենք տեսնում. միթէ՞ «Մշակի»

1) Ազգային ջոշեր:

խմբագիրը կարող է ուրիշին օրինակ բերել, կամ ընդունել, որ մի ուրիշը կարող է որ և է բան անել առանց «Մշակի» ազդեցութեան: Եթէ չէք հաւատում, կարդացէք «Մշակի» առաջնորդողը և Ֆէլիէտօնը Բաֆֆի մահուան առիթով գրած. կարդացէք մեծ Մ.-ի «ընդօրինակութիւնը» նոյն բանաստեղծի մասին և Երեւանի «ինտէլիգէնտ» թղթակցի (N<sup>o</sup> 50) «խոստովանքը» և դատավճիռը Բաֆֆիի ուղղութեան մասին: Դեռ ոչ ոք մի բարեխիղճ քննադատութեան չէ կնիքարկել նշանաւոր բանաստեղծի գործունէութիւնը. դեռ հասարակութեան և մամուլին յայտնի չեն անտիպ թղթերն ու երկերը, որոնք կարող են շատ մեծ նշանակութիւն ունենալ հեղինակին արդարապէս դնահատելու գործում. դեռ ոչ ոք ներդրութիւն չէ քաշել մի քիչ թէ շատ լիակատար կենսագրութիւն գրել, — ահա պ. Արծրունին իւր սեպհական յօդուածներով և մի խումբ թերուսների բերանով ձգտում է ապացուցանել, որ Բաֆֆին իւր ուղղութիւնը ստացաւ «Մշակից», որ յետոյ կորցրեց «ոտքերի տակի հողը» և սկսեց գրել պատմական վէպեր, որոնք անհամապատասխան են նորա տաղանտին» և այլն: — Ո՞վ է տեսել մի այդ տեսակ վերին աստիճանի այլանպակ բան եւրոպական մամուլի մէջ: Այնտեղ ամէն մի համեստ հեղինակի մահից յետոյ աշխատում են բարեխիղճութեամբ ուսումնասիրել նորա գործերը, ծանօթացնել հասարակութիւնը հեղինակի զարգացման պատմութեան հետ և տարածել նորա համակրելի դադափարները. իսկ մեզանում՝ դեռ դադաղը հողին չշանձա՞ծ՝ միայն մոռաւում են իրենց «եսերի» համար և յայտնում են աշխարհին, որ Բաֆֆին ոտքերի տակի հողը կորցրեց, երբ հեռացաւ «Մշակից»: Արդեօք Կատիովը, այն Կատիովը, որ իւր զրականական - փիլիսոփայական զարգացմամբ, իւր հրապարակախօսական տաղանտով մի քանի «Մշակի» խմբագրութիւն արժէր և որին պ. Արծրունին մի քանի ան-



գամ հայհոյել է իրաւացի կերպով, արդեօք նա երբ և իցէ մի արժանիք է համարել իրեն համար այն հանգամանքը, որ Տուրգենևի, Գոնչարով և Դոստոևսկի գրել են սկզբում նորա ամսագրում:—Չգիտեմք, թէ ինչպէս են կարծում մեր գրականութեան մէջ յայտնի մարդիկը և բանախօսները, բայց մենք կարծում ենք, որ շատ մեծ հարց է դեռ այն հանգամանքը, թէ արդեօք «Մշակը» օգուտ թէ փնաս տուեց ԲաժՖիին այն ուղղութեամբ, որ իբրու թէ ներշնչել է նորան, եթէ ընդունեմք էլ մինչև անդամ, որ «Մշակը» ստեղծեց ԲաժՖիին իւր «շիօլայում» (հայերիս մէջ «շիօլա»!?!?)....

Թո՛ղ հաւատացած լինի պ. Արծրունին, որ այսպիսի հիւանդոտ ինքնագովութիւնը չէ կարող համոզել մէկին «Մշակի» արժանաւորութիւնների վերաբերմամբ: Սորա համար բաւական են տասն տարուայ համարները կիսով չափ դէն ձգել առաջնորդողներով հանդերձ, ուր յոգնակի «Մշակի» եղակի խմբագիրը զբաղուած է լինում շատ անգամ իւր անձի ու գործունէութեան գնահատութեամբ: «Մշակը» շատ գործ է կատարել, բայց ոչ վերջին տարիներս, և դժբախտաբար այս իսկական արժանաւորութիւնների մասին չէ Արծրունու անտեղի զովասանքը:

Վերջ տալով այս տեսակ բանակոխաների, մէք կրկնում ենք հանգուցեալ Ս. Նազարեանցի խօսքերը. «մեզ միշտ քաղցր է ուսանիլ և իմաստանալ թէ բարեկամից և թէ թշնամուց, որովհետև այդ մեր օգուտն է. և ով մեր բարերարն է, նորան պատրաստ ենք հատուցանել և մեր շնորհակալութեան պարտիքը»:



ՀՐԱՏԱՐԱԿԶԻ ԿՈՂՄԻՑ.

Աչքի առաջ ունենալով ժամանակակից ընթերցող հասարակութեան պահանջներին բաւականութիւն տուող մի կարգաւորեալ ամսագրի բացակայութիւնը, որ օրէ ցօր աւելի և աւելի զգալի է դառնում. նոյնպէս ի նկատ առնելով և այն հանգամանքը, որ մեր գրականական-քաղաքական թերթերը զբաղուած են աւօրեայ կեանքի հարցերով և չեն կարողանում գոնէ մասամբ լրացնել այդ թերութիւնը, թերևս և չեն կամենում—այդ ակնհայտ կերպով երևում է նորանից, որ յաճախակի նոքա խոյս են տալիս թէ՛ ինքնուրոյն և թէ՛ թարգմանական ընդարձակ ու լուրջ գլուխածներէից, որոնք աւելի համապատասխան են ամսագրի բովանդակութեան նիւթ դառնալու,—մենք ապարդիւն Համարեցինք ձեռնամուկ լինել «Հանդէս Գրականական և Պատմական» Ժողովածուի հրատարակութեան:

Անտարակոյս, մի ժողովածու, որ ամենաշատը կարող է հրատարակուել տարին երկու անգամ, նոյնպէս չէ կարող լրիւ փոխարինել մի պարբերական ամսագրի հրատարակութիւնը, և այդ շատ հասկանալի է: Սակայն քանի որ այն ունենալու բախտաւորութիւնից զուրկ ենք, կարծում ենք, որ զխաւորապէս գրականական բովանդակութեամբ մի ժողովածու ներկայումս կարող է աննպաստ չլինել: Այդպէս ենթադրելով, մենք աւելի ուշադրութիւն ենք դարձրել գրականական մասի վերայ, զխաւոր և անհրաժեշտ տարւոյ համարելով նորան, նախ և առաջ գեղարուեստական գրուածներն են ազնուացնում մեծամասնութեան սիրտն ու հոգին, զարգացնում և կրթում նորա միտքն ու ճաշակը: Այս ուղղութեանն էլ պիտի հետեւենք մեր՝ հետեւեալ հրատարակութիւններում:

Ոչ միայն խոյս չենք տալիս, այլ և ըստ չափու կարո-

դուժեան կ'աշխատենք տալ մեր ընթերցողներին քննադատական, մատենախօսական, զիտութեան այս և այն ճիւղից մատչելի լեզուով դրուած յօդուածներ: Եթէ այս անդամ նշմարելի է այդ թերութիւնը, մեր պարտականութիւնն ենք համարում միւս անգամ լրացնել և բազմակողմանի դարձնել «Հանդիսի» բովանդակութիւնը: Ռիմում ենք այն յարգելի պարոններին, որոնք ունին յիշատակութեան արժանի պատմական նիւթեր, թող բարեհաճին ուղարկել մեզ տպագրութեան համար: Ռիմում ենք նոյնպէս և այն յարգելի հեղինակներին և երիտասարդ ուժերին, որոնք համակրում են այս հրատարակութեան, թող չնայեն իւրեանց աջակցութիւնը:

Այստեղ մեզ վերայ պարտականութիւն կայ խնդրելու մեր յարգելի բաժանորդների ներողամտութիւնը, որ՝ մեզանից անկախ պատճառներով, կրկնակի խոստմազանց եղանք,—անկարող եղանք իւր ժամանակին լոյս ընծայել «Հանդիսի» առաջին գիրքը. տպարանական պայմաններ, հակառակ տպարանատիրոջից մեզ տուած խոստման, խոչընդոտ եղան դործին: Այս հանդամանքը ի նկատի ունենալով, մենք գիտարանում ենք ժամանակ նշանակել, թէ երբ լոյս կրտեսնէ երկրորդ գիրքը, թէպէտ մեր կողմից ամեայն ջանք գործ կընենք, որ շատ չուշանայ:

Առաջին գրքի յաջողութիւնը մեզ համար առհաւատչեայ է ընթերցողների համարակրութեան, ուստի և երկրորդ գիրքը կը հրատարակուի աւելի մեծ՝ ամսագիրների համար ընդունուած գիրքով և բազկացած կըլինի 20—22 թերթից: Բացուած է բաժանորդագրութիւն երկրորդ գրքի համար. Ռուսաստանում 1 ռ. 50 կ. կանխավճար, իսկ արտասահմանի համար—4 Ֆրանկ:

ՄԿՐՏԻՉ ԲԱՐԽՈՒԴԱՐԵԱՆ:





## ՅԱՅՏԱՐԱՐՈՒԹԻՒՆՆԵՐ

ՇԻՐՎԱՆՋԱԴԷ

### Ա Ր Ա Մ Բ Ի Ն

Վ Է Պ

Դուրս եկաւ առանձին գրքոյիով և վաճառվում է Թիֆլիզում, Կենտրոնական գրավաճառանոցում և հիշենակի մօտ.

Тифлисе, Редакция «АРЦАГАНКТ» — Ширванзаде.

Գինն է 75 կ.

Ճանապարհածախսով 1 ռ.

Մոսկուայում կարելի է ստանալ «Հանդիսի» հրատարակչից:

### ՔԱՂԱՔԱԿԱՆ-ԳՐԱԿԱՆԱԿԱՆ

ՆՈՐ-ԴԱՐ ամենօրեայ թերթը հրատարակվում է Թիֆլիսում (շինգերորդ տարի): Տարեկան գինն է 10 ռ. վեց ամսուան՝ 6 ռ. հատով՝ 5 կ. Օտար քաղաքներից գիմում են խմբագրութեան՝ Тифлисе, в редакцию еженедельной газеты «НОР-ДАР» կամ Tiflis (Caucase), Rédaction du journal «NOR-DAR».

Խմբագիր-հրատարակիչ՝ Ապանդար Ապանդարեան:

„ԱՐՁԱԳԱՆՔ“ (VII տարի) շաբաթաթերթը հրատարակվում է Թիֆլիսում:

Տարեկան բաժանորդագինն է.... 5 ռ.

Կէս տարուանը..... 3 ռ.

Օտարաքաղաքացիք գիմում են՝ Тифлисе, в редакцию «АРЦАГАНКТ». Արտասահմանից՝ Tiflis, Rédaction du journal «ARDZAGANG».

Ապառիկ բաժանորդագրութիւն չէ ընդունվում:

Խմբագիր հրատարակիչ Աբդար Յուլաննիսեան:

ԱՂԲԻՒՐ, միամենայ պատկերազարդ Հրատարակութիւն  
կրօնականների և դատաւարականների Համար (վեցերորդ տարի):  
Հասցէն՝ Тифлис, Редакция «АГБЮРЪ», իսկ արտասահ-  
մանից՝ Tiflis (Caucase), Rédaction de la Revue «AGBUR».  
Խմբագիր Հրատարակիչ Տիգրան Նազարեան.

ՀԱՆԿԵՍ ԱՄՍՈՐԵԱՅ, բարոյական, ուսումնական, ար-  
ուեստագիտական: Հրատարակութիւն Վիեննայի Մխիթա-  
րեան Միաբանութեան. կը Հրատարակուի ամէն ամսոյ սկիզբը:  
Բաժանորդագրութեան զինն է՝ Տարեկան 8Ֆ—4 ռ.  
վեցամենայ՝ 5Ֆ—2 ռ. 50 կ. կանխիկ վճարելի:  
Իւրաքանչիւր թիւ առանձին՝ կ'արժէ 1Ֆ—50 կ.  
Հասցէն. à la Rédaction de la Revue «HANTESSE».  
Au Couvent des RR. P.P. Mechitharistes.

à VIENNE (AUTRICHE).  
VII. Mechitharistengasse 4.

ԲԱԶՄԱՎԷՊ Հանգիստարան (եռամենայ) կը Հրատարա-  
կուի մարտ, յունիս, սեպտեմբեր և դեկտեմբեր ամսոյ մէջ:  
Բաժանորդագինն է՝ տարեկան 10 Ֆրանկ: Հասցէ.  
à Venise, au Couvent des PP. Mékhitharistes, S. Lazare  
(Վենետիկ-Վանք Մխիթարեանց, Ս. Ղազար).

ԱՐԵՒԵԼԵԱՆ ՄԱՄՈՒՎ Հանգէս ամենայ (Ութնեւ  
տասներորդ տարի) Հրատարակվում է Զմիւռնիայում:  
Տարեկան զինն է՝ զուրսերու Համար 4 արծաթ մէճի-  
տիյէ: Խմբագրութեան վերաբերեալ ամեն նամակ, ձեռագիր  
պէտք է ուղղել առ Խմբագիր-Տնօրէն Մ. Մանուրեան, Մա-  
մուրեան Տպարան Մեսրոպեան վարժարանի քով:

ԱՐԱՐԱՏ ամնազիր կրճատարակուի ամիսը մի անգամ.  
բաժանորդագրութիւնը տարեկան է և սկսւում է Յու-  
նուար ամսից. բաժանորդազինն է Ռուսաստանում՝ 4  
րուբլի, Տաճկաստանում, Պարսկաստանում և Եւրոպայում՝  
5 րուբլի, Հնդկաստանում 6 րուբլի: Հասցէն. *Въниаѣзницѣ,  
Тупоѣ. Ко.нуметѣ.*

ԱՐԵՎԵԿ օրագիր քաղաքական և ազգային.  
Տարեկան բաժանորդագրինն է օտար երկիրների համար 56 Ֆր.  
Վեց ամսեայ » » » » 28 Ֆր.  
Հասցեն. Direction du journal «AREVEK» Noradounghian  
Han, Galata CONSTANTINOPLE.